



2728

V  
683












V 683

V 8 683









# TERATOLOGIE OV DISCOVRS DES SIGNES ET PRODIGES, PAR lesquels Dieu nous a de tout temps me- nacé, accompagné de plusieurs instru- ctions Chrestiennes & aduertissemens aux Catholiques, contre les fausses asser- tions des Caluinistes de nostre temps.

*Diuisé en deux liures.*

V 8 6 8 3

Par I. LANDREY Parisien, Docteur  
en Medecine.

inv. 27 28

*Dedisti metuentibus te significationem  
ut fugiant à facie arcus. Psal. 59.*



*A CLERMONT,*

Chez Bertrand Durand, Imprimeur du Roy.

1 6 0 3.







IN TERATALOGIAM CL. V. D.

Ioannis Landrei apud Aruernos

ſpectatiſſimi Medici.

hexaſtichon.



**N**Oſſe poteſtates herbarum artemq; medendi,  
Eſt equidem medicæ laus ea digna manus.

At Solis monſtrare vices, & in æthere ſigna

Instantis fati, laus ea vatis erat:

Quòd iungis fidei quæ ſunt certiffima ſigna,

Et vate & medico laus ea maior erit.

*Paan Landreius.*

**S**ive futura canis præſago numine, menti  
Delius inſpirat præſcia ſigna tuæ.

Siue manu medica tollis feralia, dextræ

Delius inſpirat pharmaca certa tuæ,

Et medici & vates, diuina proſapia Phœbi

Antiquis, quorſum hoc? munus vtrumq; Dei eſt.

*Trismegiftus.*

**C**erta ſalus Medicum, veri præſagia Vatem,  
Myſtica te faciunt dogmata Theiologum.

IN EANDEM TERATOLOGIAM  
Ogdoastichon.

**A**Vrelia quondam per te fulsere cometæ,  
Fulminâq; acta tuis intonuere libris.  
Hic aliud maius nunc obiicis, altaq; celso  
Das propiore Dei numine signa polo.  
Intonat hinc coelū, medio hinc volat æthere torris,  
Stella facem ducit lapsa, dehiscit humus.  
In terram astra cadunt, vatē te agnoscimus hic nos  
Iamque cometologum, iamq; teratologum.

P. Croux.

---

SONNET.

**T**out ce qu'a eu de Dieu premier estre, son estre  
Faiçt aux humains esprits de tres-belles leçons  
S'il pouuoit discerner leurs admirables sons,  
Et sur tout le prodige est vn tres-scauant maistre,  
Mais qui sera celuy qui nous fera cognoistre  
Où nous vont rauissans les diuins lameçons,  
De ces monstres affreux, que de mille façons,  
Au liquide de l'air la nature nous monstre.

Ce tien

Ce tien liure Landrey nous sert de truchement  
Pour entendre du ciel le diuin document  
Et des faicts merueilleux faire la consequence,

Telle que nos trauaux en soient edifiez  
Et nos prophanes cœurs en fin deifiez,  
Qui doit estre le but de nostre cognoissance.

I. Mosnier.

---

SONNET.

**N**on seulement la foy diuinement infuse,  
Aux ames des Chrestiens par un celeste don,  
Prend l'homme par la main & luy sert de guidon,  
Qui marche iour & nuict & iamais ne s'abuse.

Mais la nature aussi & la science acquise  
Des prodiges faisans l'harmonieux fredon,  
Nous est vn clair Pharos & radieux brandon  
Pour cognoistre le port de l'asseuree Eglise.

Vn cault Lutherien ce Pharos auoit mis  
Sur l'Eglise d'erreur pour faire faire bris,  
Et fracasser la nef du scauant Catholique.  
Mais Landrey n'a permis que ceste fraude eust lieu,  
Il remet le Pharos sur l'Eglise de Dieu  
De son propre baston abattant l'heretique.

I. Mosnier.



**T**on Ame qui des cieux a pris son origine,  
Ayme encores des cieux l'agreable seiour,  
Et tousiours pense en Dieu attendant l'heure & iour  
Qui la doit rendre en fin plus celeste & diuine.

R. Fornier Docteur Regent à Orleans  
beau-frere de l'Autheur.

AV ZOILE.

**D'**Icy le mesdisant gausseur s'esloignera,  
Car le rieux mocqueur personne ne deura  
Enseigner, Salomon notamment le defend,  
Ce gabeur loüe le vice, & la vertu reprend,  
A dresser des aguets au prochain tousiours songe,  
Bref par tout où il est rien ne dict que mensonge :  
Icy nous demandons l'honneste & gracieux,  
Catholique, scauant, d'apprendre soucieux.

I. des Mares Iurifconsulte Picard.

A TRES-



A TRES-ILLVSTRE, ET  
*Tres vertueuse Dame Fulvia Pica de la  
Mirande Dame doüairiere de Randan.*



A D A M E,

Lors que ie me represente le  
Cabinet de ceste Illustre Da-  
me Romaine tant renommé pour les  
singularitez & raretez desquelles on le  
disoit estre remply, qui fut la cause  
pourquoy plusieurs venoient de loing  
pour estre spectateurs de ses beaux &  
precieux joyaux, au lieu desquelstoute-  
fois on ne voyoit que des enfãs bië appris  
& moriginez. Pareillement aussi quand  
ie viens a me représenter les brigans &  
voleurs qui ne craignans le rencontre  
des Preuosts sortoient à foule de leurs  
cauernes pour cōtempler Scipion l'Af-

*Plutar-  
que.*

## EPISTRE.

fricain, des rares prouësses & vaillãtises  
 duquel ils auoient tant ouy parler ( la  
 vertu estant de foy recõmendable mes-  
 mes à l'endroit des plus meschans:) lors  
 di-je que ie rumine tels & semblables  
 exemples, ie peulx dire sans adulation  
 quelconque que plusieurs qui ont seu-  
 lemēt ouy parler de voz rares & singu-  
 lieres vertus, desirerõt se destourner de  
 leur chemin pour vous voir & Messieurs  
 vos enfans (l'amour s'estendant à raison  
 de la vertu à l'endroit de ceux qu'on n'a  
 iamais veu:) si S. Hierosme a grandemēt  
 louangé plusieurs femmes vefues de  
 son tēps, yssuës de noble race, pour leur  
 feruente amour enuers Dieu, deuotion,  
 chasteté, saincteté de vie, on deura à iu-  
 ste occasiõ en faire autant de vous pour  
 les mesmes vertus qui ont reluy de tout  
 tēps en vous, tellement qu'au seul bruit  
 de vostre nom tãt renommé en la Cour  
 de nos Roys & Roynes à l'endroit des-  
 quels vous auez esté si bien venue, plu-  
 sieurs serõt grãdement curieux & con-  
 uoiteux



## EPISTRE.

uoiteux de voir vostre cabinet surpassât  
 en richesses celuy de la susdicté dame  
 Romaine: la pieté, sagesse & prudence  
 qui tousiours vous accôpaignēt, ont esté  
 accreües, & ie diray embellies, par vn  
 special heur qu'auuez en vos enfans, les-  
 quels vn chacun scait estre vray imita-  
 teurs de deffunct vostre mary leur Pere  
 Colonel de l'infanterie Frāçoise (com-  
 me aussi de vostre tige tres-noble &  
 tres-illustre, tesmoings ces deux diuins  
 & heroiques esprits Io. Pic. & Fr. Princes  
 de la Mirande) lequel ayant espandu  
 son sang pour la deffence de nostre foy  
 a meritē la gloire eternelle. Si saincte  
 Monique a par vn commun applaudis-  
 sement esté estimée heureuse à raison  
 de S. Augustin son fils, & plusieurs au-  
 tres sainctes dames meres de tant d'es-  
 prits beatifiez que ie tairay: on pourra  
 dire de vous le semblable pour les deux  
 lumieres de nostre Eglise qui vous re-  
 stent de Messieurs vos enfans, apres la  
 glorieuse mort de vostre fils aîné, du-  
 quel ie

# EPISTRE.

*Proverb.* 10. quel ie diray avec le Sage, *Memoria iusti in benedictione conseruari debet.* Or estant

*Pline en ses Epist.* esmeu de vos singulieres vertus plus amplement par Belleforest en son œuvre des neuf Charles mentionees, auquel ie renuoye le lecteur, i'ay pensé ne pouuoir dedier ce miē discours à Dame qui en soit plus digne que vous. Et d'autant qu'il n'y a rien, comme disoit le ieune Pline, si ioyeux que par les lettres ne soit rendu plus agreable, ny rien tāt triste qui ne soit fait plus ennuyeux, ie scay que ce mien discours vous pourra apporter quelque ennuy & fascherie oyant si souuēt parler de tant d'encombres & aduersitez, comme peste, guerre, famine, & autres sinistres euenemēs desquels les signes & prodiges tant naturels que surnaturels sont souuent auantcoureurs, mais lors que par vostre esprit orné de si belles graces viēdrez à mediter ce que nous dirons touchant les maulx, & les fins ausquels ils sont rapportez, vous direz avec le prophete  
 Royal



EPISTRE.

Royal parlant au souuerain Dieu, *Conuertisti planctum in gaudium mihi*, c'est à dire, Seigneur, tu as changé ma douleur & complaincte en ioye & liesse, & ce que disoit le poëte,

*Nube solet pulsa candidus ire dies.*

La nuë estant chassée on reuoit le beau iour.

Donc il cōuient obseruer qu'il y a trois genres de maux qui se voyent au mōde, tous lesquels se peuuent rapporter à quelque bien, mais en diuerse maniere & façon, cōme par exemple, ce qu'on appelle vices & deffaults de nature, ou maux naturels, se rapportent au decorément & ornement de l'vniuers: cōme sont les monstres, serpenteaux, & autres lesquels demonstrent la grande différence qui est entre les choses caduques & non caduques, terrestres & celestes, diuines & humaines, joinct aussi que par le moyen de ces deffaults de nature, la beauté des creatures celestes, l'ordre inuiolable, & ceste bonté de toute eternité non

## EPISTRE.

nité non-pareille nous est manifestee.  
 Les choses qui ont vne faculté veni-  
 meuse, en partie prinſes des mineraux  
 & vegetaux, créés dès le commence-  
 ment du mōde comme corps naturels  
 ont leurs fins bonnes, auſſi les venins  
 ſont propres (comme S. Baſile inſigne  
 Theologien & medecin a tref-docte-  
 ment remarqué) & idoinés aux arts, cō-  
 me à la peinture, teincture, à l'orfeurie,  
 ils proſſitent aux animaux qui en vi-  
 uent, comme les eſtourneaux & che-  
 ures qui vivent de Cicue, les cailles  
 d'Ellebore, & ie diray aux hommes mal  
 diſpoſez de cerueau teſmoin l'ellebore,  
 l'arſenic pour les morſures des Scor-  
 pions, la vipere pour la lepre, comme il  
 appert par la theriaque, & ainſi de plu-  
 ſieurs autres remedes que nous faiſons.  
 Si nous parlons des maux, humains ou  
 ils ſont de coulpe, ou de peine, les der-  
 niers qui ſont les afflictions, aduerſitez,  
 maladies, & autres, ſont reputés biens à  
 raiſon que par le moyen d'iceux il eſt

ſatisfait

*Mercuri-  
 alis lib.  
 de vene-  
 nis.*

## EPISTRE.

satisfaiët à la iustice de Dieu par laquelle les pechez des hommes sont vengez, & souuent sont causes de correction & amendemēt de vie à l'endroit des mal-viuants, estans cōme medecines ameres, salutaires, bref propres & idoines pour chasser les vices, & conseruer & maintenir les vertus : ie laisse à part les autres raisons. Quāt aux maux de coulpe ou pechez qui sont simplement & absolüement maux, ne cōtenans en soy aucun bien, ie diray que la bonté de Dieu, Sapience & puissance est si grande, que ces maux peuuent reüssir à vn bien, attendu que nostre Dieu est si bō qu'il veut, si puissant qu'il peult, si sage qu'il scait & cognoist la maniere de muer & changer ces maux de coulpe ou pechez, en bien, & mesnager cecy en telle sorte que ce qu'il ne faiët, & ne veult estre faiët, neantmoins le plus souuent l'applique & adapte à ce qu'il veut faire : Dieu pardonne les pechez à fin de faire reluire sa singuliere clemence  
& bonté,



## EPISTRE.

& bonté, ou il les punit de damnation  
 eternelle, à celle fin que sa iustice soit  
 mieux recogneüe, bref faict que les pe-  
 chez que ses esleuz ont perpetrez &  
 commis, reuiennent à quelque bien,  
 scauoir que lors qu'ils sont par sa grace  
 releuez de leurs pechez ils deuiennent  
 plus hūbles, caults & sages, bref plus ar-  
 dents & feruens aux bonnes œuures.  
 Le peché du premier hōme par l'inef-  
 fable bonté diuine a causé vn bien, sca-  
 uoir l'incarnation, passion, & mort du  
 fils de Dieu: cecy ne s'est seulement  
 veu en la loy de nature, mais aussi en la  
 loy escrite & de grace, ainsi qu'il appert  
 par le peché du Roy *Dauid*, par celuy  
 de *S. Pierre* en la passion de nostre Sau-  
 ueur, celuy de *S. Thomas* apres la resur-  
 rectiō, comme aussi de plusieurs autres  
 qui ont vescu apres les Apostres: Ainsi  
 nostre Dieu peut souuent pour sa gloi-  
 re & pour le profit des hommes, tirer  
 du mal de coulpe vn bien, ny plus ny  
 moins qu'il faict des autres maulx sus-  
 dits: Le

## EPISTRE.

dits: Je dits cecy pour nous consoler, &  
 monstrier que si Dieu apres l'apparition  
 de tant de signes & prodiges, nous affli-  
 geoit de plusieurs sortes de fieux, nous  
 ne deuons point pour celà perdre cou-  
 rage, ains estans memoratifs de la cer-  
 titude que debuons auoir que nostre  
 chef Iesus Christ sera tousiours en croix  
 quant à son corps mystique (qui est l'E-  
 glise Catholique, Apostolique, Romaine,  
 de laquelle nous sommes les mem-  
 bres) iusques à la consommation du  
 monde, nous venions à mediter que no-  
 stre Dieu sçaura bien faire que de nos  
 miseres & afflictions en fin receurons  
 vn bien, en nous conuertissant à luy par  
 vne vraye & entiere penitence. Ce que  
 ie prie Dieu nous faire la grace d'aussi  
 bonne affection que ie demeureray,  
 apres vous auoir desiré & à Messieurs  
 voz enfans, tout heur & felicité.

*Vostre tres-humble, & tres-affectionné*  
*seruiteur* I. Landrey.

ILLVSTRISS. ET NOBILISS.

Principi D. Fulvia Pica

Mirandula.

CARMEN.

**M**ira genus, Miranda animum, Mirandula nomen.

Mira salo, Miranda solo, Mirandula cœlo.

Mira opere, & Miranda fide, Mirandula gente.

Mira vxor, Miranda parens, Mirandula cœlebs,

Mira opibus, Miranda atavis, Mirandula natis.

Aucta bonis, meliorq; animo, sed & optima foetu.

---

**A**Vspicibus semper dijs, & Iunone secunda,  
Cessit in Ausonios Gallica tæda toros

Hinc genus Italico mistum quòd sanguine surgit,

Supra homines, supra creditur ire Deos.

Sic bene juncta fuit Mirandula Rupe focaldo,

Sic bene nexus amor pignora certa tulit.

Sustulit inde duo ancipiti discrimine Mauors,

Sustinet inde duo vita salusq; solo.

Sic bene Nestoreos nati cum matre per annos

Sic bene cum natis optima mater eat.

P. Croux.





# PREFACE DE L'AVTHEVR SVR ce discours.



*LE commun ramage & jargon de plusieurs qui ont bonne opinion de joy, lors qu'ils prennent en main quelque liure nouveau voyans le tiltre & inscription, est, que c'est une chose triuiale & commune, & que plusieurs ont escript de la mesme chose, & souuent n'ont la patience de lire le commencement de l'œuvre: c'est trop promptement assoir son iugement sur ce qui est incertain, car encores que la matiere qui se traicte soit vulgaire, neantmoins la maniere & façon d'en discourir le plus souuent n'est semblable à l'endroit de ceux qui en escriuent, S. Hierosme disoit que la Medecine ne consiste en une forests de remedes ains en la vraye disposition & accommodation.*

\* modatio.

PREFACE.

modation d'iceux faicte par vne methode legitime : les viandes communes & non beaucoup exquisés estants deuement assaisonnees sont souuent trouuees de meilleur goust & saueur, mesmes par ceux (desquels parle le poëte faisant mentiõ du luxe des Romains. Qui Iuuenal *Gustus elementa per omnia quærunt,*) que les rares cherchent és lieux les plus lointains, le conuif & banquet estant pluslot estimé beau pour l'appareil & assaisonnement des viandes que pour autre chose. Je dy cecy à fin que le lecteur de cest œuvre scache que ce discours des signes & prodiges, nonobstant qu'il soit estimé estre triuial & commun en esgard au subiect duquel plusieurs ont escrit, neantmoins on ne deura dire que cestepresente matiere soit beaucoup commune & vulgaire, d'autant que ie la traitte d'une maniere & façon autre que plusieurs ne l'ont possible traitté, lesquels ont nuement & simplement esbauché l'histoire des signes & prodiges sans s'arrester beaucoup à l'explication des euenements desdicts signes, c'est en ceste façon & maniere donner vn contentement d'esprit



P R E F A C E,

d'e s'prit & ie ne scay quelle espeece de recrea-  
tion au lecteur, non deuement & comme il  
fault instruire, & ie diray edifier le Chre-  
stien: c'est abuser de la fin à laquelle se doit  
rapporter ce que nous meditons, disons, fai-  
sons, escriuons, si ie dis abuser de la science ie  
ne m'abuse point, ou l'Apostre se trompe di-  
sant, Scientia inflat, charitas verò ædifi- S. Paul.  
cat, si quis autem se existimat scire ali- 1. Cor.  
quid, non dū cognouit quomodo oportet at eum scire &c: par ces saincts propos  
l'Apostre n'approuue celuy qui scait beau-  
coup, s'il est ignorāt de la maniere de laquel-  
le il conuient proceder pour bien scauoir, ainsi  
il met le fruit & vtilité de la science en la  
maniere de scauoir. Ce grand Encomiaste de  
la sacree Vierge (à laquelle nous faisons en ce  
discours vne Apostrophe) explicant le dire  
de l'Apostre par ceste maniere de scauoir, en-  
tend cognoistre quel ordre, quel desir & sou-  
hait, quelle fin on se doit proposer es choses  
qu'il conuient scauoir: l'ordre sera d'appren-  
dre premierement ce qui auance plus son sa-  
lut, le desir sera d'apprendre ce qui l'aduance

c. 8.

# PREFACE,

plus à l'amour de Dieu, bref la fin sera celle qui vise non à une vaine gloire & curiosité de ce monde, ou autre chose semblable, ains seulement à son edification & à celle de son prochain, voilà une belle leçon pour tous les hommes qui font profession des lettres, laquelle ie desire estre emprise & engravee dans leurs cœurs, à celle fin de n'abuser de la science que Dieu leur a donné. Eschile encores qu'il fust payen, mesprisant la trop grande curiosité qu'on a en la science, disoit celuy-là estre sage non qui scait & cognoist plusieurs choses ains qui a leu choses utiles & salutaires. Ce n'est icy le lieu où il se faille arrester d'aduantage, ie reprends mon premier propos, & dy que plusieurs escriuants des signes & prodiges se sont plus estudiez à une curiosité mondaine qu'à l'instruction Chrestienne, comme entre plusieurs a fait Fritchiu Alleman duquel l'œuvre de ce mesme subiect m'a occasionné de mettre en lumiere ce present discours comme diray cy apres.

On ne peut doubter qu'il n'y aye telle varieté & dissemblance d'esprits entre les humains



# PREFACE,

*mains que rien plus : Dieu Creatur de tant de beaux, sains & netz entendements, ayant departy ses dons de grace comme il luy a pleu dressé le discours & la plume des uns & des autres ainsi qu'il voit & cognoist leurs disposition: parquoy oultre ce que l'Apostre dict des diuers dons du S. Esprit, le poëte Homere par un instinct d'une seule lumiere de nature a dict miZeus andressi dianoimata panda teleuta, c'est à dire, que le grand Dieu Iuppin n'a rendu les intelligēces parfaites à tous les hommes. Disons donc que la varieté des esprits & discours humains estant si grande (en quoy reluit la bôté souveraine) qu'il fault conclurre qu'une mesme matiere tant vulgaire & triuiale qu'elle puisse estre sera veüe selon les diuers discours qui en seront faicts, plus ou moins profitables, instruire & edifier, ou destruire, c'est comme une belle estoffe qui selon qu'elle est artificiellement employee paroist belle ou laide.*

*Et cōme l'esprit de l'homme est creé libre, il ne se doit souuent. laisser trop aller aux discours de ceux qui ont escrit deuant luy sur*

PREFACE,

vn mesme subiect, de peur de sembler voir les couleurs, & en iuger plusiot par les yeux d'au-  
 truy que par les siens, ce qui est proprement  
 user d'un discours emprunté & non du sien  
 propre, non que ie veuille qu'en matiere de la  
 foy on fasse le semblable à la maniere des he-  
 retiques, qui seulement guidèz de leur parti-  
 culier iugement contre le commun sens & cō-  
 sentement de l'Eglise Catholique, Apostolique  
 Romaine, obstinément soustiennēt choses dia-  
 metralement contraires à la vraye religion,  
 contre lesquels parloit le Prophete (malheurs  
 Ezechi. aux Prophetes mal sages qui suyuent leurs  
 13. esprits & ne voyēt rien,) mais ce que ie dis se  
 pourra entendre de la façon & maniere de  
 discourir sur vn subiect, & des communs dis-  
 cours lesquels souuent peuuent estre indiffe-  
 rens: & à la verité voilà le plus seur & as-  
 seuré chemin lequel ceux qui escriuent doib-  
 uent tenir s'ils veulent que leurs escripts soiēt  
 exempts du soupçon de quelque recueil & ra-  
 mas, & non d'un mur discours rempli d'eru-  
 dition, science, & instruction: Suyuant ceste  
 regle ie n'ay voulu voir plusieurs Auteurs  
 qui



# PREFACE,

qui ont escrit des signes & prodiges, craignāt par lecture des discours d'autrui violenter & asseoir, s'il fault ainsi parler, mon dessein & intention. Or ma premiere intention a esté fondee sur la lecture d'un liure composé par un Aleman nommé Fritchius Lutherien intitulé des signes & prodiges, qui me fut presté par un docteur Anglois consommé en toutes sciences: cest autheur heretique Fritchius accommode à sa guise presque tous les euénements des signes & prodiges aduenus en plusieurs siecles, ainsi la lecture de ce liure destruit plus quelle n edifie, or destruire & ruiner est la fin de la science diabolique ( telle qu'est celle des heretiques) comme la fin de la science Catholique est d'instruire & edifier, le tout se rapportant à la souveraine beatitude, à laquelle le Chrestien qui se veult par ses escrits faire voir & cognoistre à la posterité, doit tousiours diriger comme à sa derniere fin tout ce qu'il pretend faire. Combien d'inepties & folies escript on maintenant & met on en lumiere, lesquelles comme elles n'apportent qu'un plaisir charnel & mondain, peu-

# PREFACE.

uent causer vne damnation à ceux qui les lisent, & principalement à l'autheur? Mais ie diray que les scorpions ne peuuent esclorre que des œufs venimeux. Or l'escriuain des choses de neant & totalement esloignees du salut de l'ame pourroit rendre le talent que Dieu luy a donné en autre maniere & façon qu'il ne faict, ie n'entends parler des heretiques qui ne sont aucunement des nostres, car

s. p. i ad  
Cec. c. 3  
come il est dit, Quid mihi de iis qui foris sunt iudicare? mais de ceux qui se couurent du nom de Catholique lesquels employent leur esprit en choses qui aportent plus de scandale que autrement (or malheur à celuy par lequel scandale arriue,) Beatus qui non re-

psal.  
pexit in vanitates, & insanas falsas disoit le prophete Royal, reputant heureux celuy qui n'aura mis son entendement à l'estude des vanitez & folies deceptiues & trompeuses, c'est pourquoy nous pourrons faire nostre profit de ce vers du poete Payen si nous l'entendons sainement.

Horar.  
Eoisto.  
ad rifo.  
Omne tullit punctum qui miscuit vtile  
dulci.

Celuy



# PREFACE.

Celuy qui scait mesler ce qui sert & profite,  
 Ensemble aussi ce qui resjouyt & delecte,  
 Remportera tousiours vn vray loz & parfait  
 En tout ce qu'il copose & en tout ce qu'il fait.  
 Le poete veut que celuy qui escrit donne au  
 lecteur vn contentement & plaisir conioinct  
 avec ce qui est utile & necessaire, le Chrestien  
 dira utile & necessaire au salut de l'ame, le-  
 quel il doibt procurer sur toutes choses: ce que  
 nous disons pourra possible clorre la bouche à  
 quelques iuges trop seueres de ceste Teratolo-  
 gie laquelle est entrelassee de plusieurs ensei-  
 gnements catholiques, lesquels ces mesmes  
 iuges ressemblans ceux qui ayans le goust de-  
 praué trouuent les bonnes viandes insipides,  
 aigres, amaires &c. estimeront que ces Chre-  
 stiennes instructions sont digressions mal cou-  
 sues, mais ce ne sera bien iuger, & approcher,  
 ie ne diray seulement de mon intention, mais  
 du debuoir & office d'un Chrestien qui vou-  
 dra escrire des signes & prodiges, lesquels  
 (comme par exemple les Cometes, desquels  
 nous traitons) sont à la verité plus in-  
 structifs, ainsi les Grecs les nomment, παι-  
 δευτικά,

# PREFACE,

deutica, que phisiques ou naturels selon la doctrine de nos peres, tellement que nous iugerons que si vne eclypse & comete se rencontrent en vn mesme temps, sera vn signe de quelque pernicious euenement selo que l'une ou l'autre serot grandes, attendu que la grandeur de toutes sortes de monstres accroist leur malignité: En tel cas celuy qui escrit des signes & prodiges deura cognoistre qu'il est plus requis d'instruction que de simple narration, & s'arrester sur la punitio que Dieu enuoye apres tels signes, faire scauoir à vn chascun en combien de manieres & facons nostre Dieu vengeur des iniquitez, punit les pechez des hommes, desquels comme ils sont diuers les punitions sont diuerses.

Lors que nous parlons de l'exalation & vapeur & que nous disons que de ces deux esprits esleuez par le moyen du Soleil dela terre plusieurs meteores dissemblables sont diuinement composez: est il hors de propos de demander à l'Aneuchariste pourquoy nostre Dieu apres auoir dict, Ceci est mon corps, ne pourra changer la substance de pain en son propre



## PREFACE.

propre corps, & succinctement discourir de la reale presence du corps de nostre Sauueur en la S. Messe ? sera il dict mal à propos que la contrarieté & repugnance en ce poinct, comme aussi en plusieurs autres de nostre foy qui est entre les mesmes heretiques, sert d'un suffisant tesmoignage de leur apostasie ? Car nous pouuons iustement dire des Caluinistes de nostre temps, ce que iadis disoit S. Augustin de Donatus, lequel comme il auoit voulu diuiser Iesus Christ aussi estoit il iournellement diuisé par les siens. Cela est arriué à Calvin lequel comme il s'est efforcé de diuiser l'Eglise, qui est le corps de Iesus-Christ, aussi est il diuisé par les siens qui ne s'accordent aucunement sur le faict de la Cene. Si nous parlons sur le forfait d'un Iuif à l'endroit de l'image du Crucifix qui suyuit l'aparition d'un Comete, des images & ceremonies de nostre Eglise, & enseignons qu'ainsi que les feuilles donnent un decorement à l'arbre encores que icelles ne produisent les fruiets comme aussi bescorce & le serment qui soustient la vigne, pareillement aussi que les ceremonies ex-

## PREFACE.

nies externes profitent grandement à entre-  
 tenir & conseruer la pieté & religion, encore  
 qu'elle ne soit de soy action de pieté: Ces dis-  
 cours seront ils estimez d'un vray Chrestien  
 hors de propos? si nous disons que Sathan e-  
 stant singe de ces ceremonies & mesmes des  
 mysteres de nostre Dieu, a mis autel contre  
 autel, & a donné aux Calvinistes au lieu du  
 vray corps vne ombre, bref au lieu dela chose  
 vn rië. Si nous parlös cōme les grāds vëts sont  
 souuët presages de plusieurs desastres & ma-  
 lheurs, & que pour la preuue de ce nous alle-  
 guions que l'an mil quatre cens septante &  
 quatre apres que les vents & tempestes eürët  
 faict vn degast incroyable en plusieurs Citez  
 d'Allemaigne, que Rhodes estant assiegee par  
 Mahumet S. Iehan Baptiste s'apparut armé  
 repoussant les Turcs de dessus les murailles, &  
 recitant ceste histoire nous prouuons cōtre les  
 Calvinistes l'innocation & ayde des saincts  
 & leurs apparitions, pourroit on dire que celà  
 est hors de propos? ne nous sera il pas loisible  
 sur cest exēple de monstrier la bestise de Mar-  
 bachius qui n'approuue que les apparitiōs du  
 Christ



P R E F A C E.

Christ & des Anges, de Melancton & Ioan.  
 Riuius, bref de Sanater, & de tous les centu-  
 riateurs d'Allemaigne, disans que les hystoi-  
 res des sainctz qui sont apparuz aux viuans  
 sont fables & contes de vieilles? si entre vne  
 miliasse d'exemples nous citons l'apparition  
 de S. Iacques au Roy d'Espaigne Raymirus,  
 sommes nous esloignez de nostre propos? non  
 certes: Or ce bon Roy ayant combatu l'espace  
 d'un iour entier (l'an six cens) contre les Sar-  
 razins, desquels les forces estoient tres-gran-  
 des, s'estant retiré sur vne coline avec peu de  
 gens, priant Dieu fut aduertty par S. Iacques  
 de faire receuoir à tous ses gens ayants esté  
 confessez la S. Eucharistie, & de donner le lē-  
 demain la bataille, ce qu'estant faict suyuant  
 son commandement, l'armee des infideles fut  
 toute taillee en pieces: en ceste bataille fut veu  
 S. Iacques monté sur vn cheual blanc, portāt  
 l'enseigne blanche en laquelle il y auoit vne  
 croix de S. André de couleur rouge, ceste hi-  
 stoire est recitee par plusieurs dignes de foy. Si  
 parält des 4. principalles Monarchies tēporel-  
 les representees par Daniel, contre les Astro-  
 logues & alij.

Bodcri-  
 cus Epi  
 st. chro  
 nico ge  
 ne. Al-  
 fonfire  
 gis Za-  
 maloa,  
 logues & alij.

# PREFACE.

logues & iudiciaires qui ont mesuré la duree des Monarchies, par l'aspect des Astres, & limiter la plus grande d'icelles à certain tēps comme à cent vingt ans, nous enseignons le contraire par celles des Assyriens & Babiloniens, laquelle en commençant depuis Nynus fils de Belus & petit fils de Nembrot on tient auoir duré mille cinq cens ans comprenant le regne de Arbace & ses successeurs, iusques au Roy Cyrus, qui transféra ceste premiere Monarchie aux Perses, & que ceste seconde Monarchie dura cent quatrevingtscinq ans. Comme la 3. Monarchie des Grecs dura 256. Si nous disons que le Sauueur du monde naquit en la quatrième Monarchie qui estoit des Romains vray & absolu Monarque du monde, & que pour ce on a predit ceste Monarchie deuoir durer iusques au second aduenement de Iesus-Christ : bref si nous disons que par vne singuliere prouidence ces Monarchies ont commencé de tout temps és parties Orientales, & se sont puis apres arrestees és regions Occidentales, afin que nous sachions quoy que dient nos Astrologues, & iudiciaires, que



PREFACE.

res, que ces Empires representent la vraye  
Eglise Catholique, Apostolique, Romaine,  
laquelle apres auoir esté aux regions Orien-  
tales s'est arrestee à la partye Occidentale qui  
est Rome siege de la Monarchie Ecclesiastique,  
laquelle sans estre iamais souillée d'aucune  
heresie durera iusques à la fin du monde, <sup>Theop. hil. in</sup> estât <sup>cap. 12.</sup>  
fondée sur la pierre angulaire si ferme que <sup>S. Luc.</sup>  
par aucun effort quel qu'il soit ne peult estre  
iamais ruynee: (voy le diuin liure de Stapletō  
intitulé Verè admiranda de magnitudi-  
ne Ecclesie Rom.) Je demande si ces dis-  
cours & plusieurs autres entrelassez en ce  
traicté des signes & prodiges pourroient estre  
trouuez alienez de ce que nous disons? I'esti-  
me que si d'aduēture cecy estoit ven Parergō  
comme parlent les Grecs de ceux que les an-  
ciens ont nommé Morosophi, c'est à dire,  
sages fols ou sages mondains, au moins sera  
iugé non du tout Para prepon, c'est à dire, si  
cecy est ven aucunement hors de propos à l'é-  
droict de ceux que i'ay nommé, au moins il ne  
sera mal seant à l'endroit des pieux sages &  
discrets personnages: ie ne demande les pre-  
miers

PREFACE.

*miers pour mes Iuges, mais les derniers, les premiers sont des mocqueurs & galeurs, lesquels le sage me defend instruire & enseigner, les derniers sont doux, amiables gracieux, & conuoiteux seulement d'apprendre, les premiers seulement sont cupides de reprendre & mesdire: Les premiers seront ceux qui nous obiecteront ce que dict le poete, Quæ medicorum sunt tractent medici, quam quisq; norit artem in hac se exerceat, ne sutor ultra crepidam, pluribus intentus minor est ad singula sensus &c. Je diray à l'exemple du prophete Royal, ( si inimicus maledixisset mihi, sustinuissem utique ) que si le Calviniste qui a icy interest vjst de ces iargons ie le porterois plus patiemment que de estre vilipendé par ceux qui font profession de la religion Catholique & qui peuent estre de ma profession, mais i'estimerois ces Medecins si aucuns y en a qui voudroient icy nous blasonner & abayer apres ce discours estre du nombre des medecins de ceux desquels Hipocrate se plaignoit de sō tēps, scauoir ceux qui estoient Medecins de nom non d'effect: mais si ie disois qu'ils*

Prouer  
bc. 16.

Horat.  
in Epi.



PREFACE.

qu'ils fussent de l'eschole de Petrus Aponensis possible ie ne me foruoyerois, lequel fausserment disoit qu'il failloit que le bon Medecin fut fa ouc'be & sauuage en ses mœurs, detra-cteur & iniurieux, d'autant que la science de medecine est attribuee au Scorpion & à Mars, lesquels se rapportent au mal: Voylà une sentēce propre pour les Medecins Arabes, & Mahumetans; Mores (or ce qui est dit des Grecs Mores, des Hebrieux Nabat, est autant à dire qu'un fat,) non pour les Chrestiens: ie diray en passant pour la deffence de nostre noble science que cela contrarie en premier lieu aux sainctes Escritures, où il est dict, honora Medicum & ora: ie demande si la can-se efficiente de l'honneur qu'on doit porter à un autre selon le Philosophe n'est pas la ver-tu? (de cecy nous deuons parler en son lieu) Homere auroit grandement failly lors que parlāt du Medecin il dict, Pollon antaxios andron, mesmes Hipocrate, qui a voulu que le Medecin fut sur tout bien morigeré & cō-plexionné, modeste, gracieux, humain, nō dis-solu en propos, non mocqueur, point menteur.

Ecclef.

38.

Aristo.

2. Eth.





# PREFACE,

ny detracteur, qu'il fust facile à s'accoster de  
ses semblables, subtil & aigu en ses conferen-  
ces & disputes, & comme dit S. Iean Damas-  
cene, entier, bontif, pieux, non auare ny ambi-  
tueux, & presomptueux : ie citerois volontiers  
les mesmes mots d'Hipocrate, mais vous voyez  
qu'en cest œuvre pour le deffault des caracte-  
res grecs i'ay esté contrainct de me servir des  
Latins. Qui voudra voir amplement la re-  
futation du dire de Petrus Aponensis qu'il li-  
se Symphorianus Campignis tres-pieux &  
fameux Medecin au liure qu'il a faict contre  
ce mesme Autheur imprimé à Venise, mais  
craignant que les escolliers, si aucuns y en a, de  
ce Pierre Aponense ne m'accusent, ie respons  
briefuemēt, reseruant le tout en vn autre dis-  
cours. Estimez vous que la Theologie soit tant  
esloignee dela Medecine que le bon Medecin  
ne puisse estre Theologien ? ces deux sciences  
ne peuuent elles estre compatibles ? les Muses  
sont sœurs, les sciences sont conioinctes selon  
le pere d'Eloquence par vn commun lien: ie ne  
me veux i'cy arrester d'aduantage pour  
monstrer quelle est l'Encyclopaïdie introdui-  
ete par

# PREFACE.

Ête par les anciens, des sciences: si le Medecin Chrestien met le temps (que possible les autres employent à leurs menuz plaisirs) à la Theologie, tant pour son salut que pour celuy des autres, s'il rafreschit sa memoire de ce qu'il a autre fois appris en Theologie & autres sciences en desrobant le temps, sera il pour cela reputé moins idoine & habile à faire la Medecine? le pere d'eloquence Ciceron a il esté moins facond Orateur pour auoir faict le semblable ainsi qu'il tesgmoigne de soy mesme? ie dy que non. Or l'estude de Theologie rendra le Medecin mieux complexionné & morigeré, fera qu'il sera par pieté & sincerité de vie assisté de la grace de Dieu, laquelle grace comme elle rend le magnanime guerrier heureux au conflict (car fortune est bannie de la compagnie des Chrestiens) aussi rendra elle le docte Medecin heureux en toutes ses cures: le malheur en faisant la medecine & l'auuglement vient le plus souuent du peché, lequel ne peut nō plus loger avec la grace de Dieu que le blanc & le noir est en la mesme partie du subiect. Mais si nous voulons sequestrer & esloigner du tout



PREFACE.

la Theologie dela Medecine, que deuiendront  
 les Medecins spirituels desquels les Medecins  
 Chrestiens s'ils veulent heureusement pra-  
 tiquer, doiuent du mieux qu'ils pourront suy-  
 ure les traces non de ces medecins Moresques,  
 Mahumetans, & Arabes? Ces Medecins  
 spirituels ont esté en la Loy escrite, Moysse, He-  
 lisee, Isaië, en la Loy de grace: entre plusieurs  
 S. Luc Euangeliste, Eusebe qui fut faict Pape  
 apres Marcellus, & ayant tenu le siege sept  
 mois endura le martyre, S. Cosme & S. Da-  
 mian martyrs, Panthaleon fils du Senateur  
 Eustorgius qui fit en Nicomedie plusieurs mi-  
 racles & en fin fut martyrisé, son chef ayant  
 esté porté par les Anges de BeZance qu'on nô-  
 me maintenant Constantinople à Lyon, S.  
 Isidore, S. Vrticin, & plusieurs autres. Platon  
 a voulu que les maladies n'ayent moins leur  
 source & origine du vice du corps que de ce-  
 luy de l'ame, & qu'il ne cōuient pēser le corps  
 sās auoir soing de l'ame, ny plus ny moins qu'ē  
 guerissant les yeux il fault auoir soin du chef.  
 Voylà vne philosophie pluslot Chrestienne que  
 Platonicienne, Car nous sommes instruits  
 que les

Platon  
 in Char  
 meurd.



# PREFACE,

que les maladies du corps procedent du peché,  
 (auteur de l'infirmite & de l'ignorance) c'est  
 pourquoy ie diray que l'homme docte de quel-  
 que profession qu'il soit, estat rendu deuot par  
 la frequente lecture des S. Escritures, ne peult  
 qu'il n'accroisse en bonte & en science: Sainct  
 Augustin est augmētē du tout en scauoir estat  
 faict Chrestien, n'estant que mondain pēdant  
 qu'il estoit Manichee. Pontianus par vne de-  
 uotion grande & frequente meditation auoit  
 selon S. Hierosime vne Biblioteque de liures en S. Hier.  
 son esthoma. S. Bazile & S. Gregoire Naz. en. in Ep. 1-  
 estants a Athenes ne recognoissoient que deux <sup>taf. h.</sup>  
 rues en la ville, vne qui les menoit a l'Eglise <sup>PONTIA.</sup>  
 l'autre qui les conduisoit au College, tant la  
 deuotion de ces deux lumieres de Grece. estoit  
 grande. S. Thomas & S. Bonauenture disoient  
 qu'ils apprennoient plus en priant Dieu qu'en  
 estudiant: n'a il pas este remarque que les  
 Prestres & les Medecins estoient semblables  
 principalement a l'endroit des Egyptiens,  
 n'estant qu'une mesme facultē des vns & des  
 autres & le mesme a este ven a l'endroit des  
 Hermites, la plus part desquels iadis estoient

# PREFACE,

medecins, d'où procede la cognoissance de la  
 propriété & vertu de plusieurs symples des-  
 quels nous nous seruons maintenāt, ainsi qu'on  
 peult voir dans Matheole sur Dioscoride: mais  
 que dirons nous de plusieurs celebres & fameux  
 Medecins de nostre tēps, lesquels ont tellemēt  
 conioinct la Theologie avec la medecine qu'ils  
 semblent estre esgaux en l'une & en l'autre  
 faculté? comme F. Valesius, qui a beaucoup  
 escript en nostre medecine & en Theologie,  
 Monsieur Martin docteur en medecine Pari-  
 sien, aut ant versé aux controuerses qu'il se  
 puisse voir, bref grand Theologien: pareille-  
 ment Monsieur Duret, maistre Anthoine  
 Talon medecin tres-docte & experimenté qui  
 faict sa residence au Puys, Monsieur de Lor-  
 me premier Medecin de la defuncte royne de  
 France. Nous ne pouuons ny ne deuons icy tai-  
 re entre plusieurs Medecins qui ont iadis esté  
 tres-renommez en la celebre ville d'Orleans,  
 M. Chrestien, Christofle Landré, Baignolet,  
 de Luine, & de nostre temps N. Pelaut, insi-  
 gnes Medecins & Theologiens, tous du nom-  
 bre de nostre fameux College, auquel de tout  
 temps



# PREFACE,

*temps on n'a receu aucun Docteur en medecine, de quelque vniuersité qu'il fust, qu'il n'aye esté premierement examiné (tenans Theses publiques) par les Docteurs dudit lieu, à celle fin qu'estant trouué capable il tint le dernier rangés consultations & assemblees publiques: telle coustume a esté iustement introduicte à celle fin de fermer la porte à l'ignorance, laquelle souuent appuyee de certaines lettres de doctorerie s'escoule, non sans grand interest de la Republique, és villes & Citez signalees de nostre France, tellement que ie diray en passant qu'il seroit besoin d'un autre Crassus seuere Censeur, lequel comme il a dechassé les mauuais maistres de la Rhetorique, aussi qu'à corrigeast l'abus qui se commet non seulement en nostre faculté mais aussi en plusieurs autres, & qu'on reprimast la presumption de plusieurs qui s'estiment plus scauans qu'ils ne sont, par la citation & production de l'exemple de ce gentil saulteur & bouffon, duquel parle Hesope, qui se vantoit auoir fait un sault à Rhodes que nul autre n'auoit peu faire, & pour preuue de son dire voulant pro-*



# PREFACE.

duire des tefmoins on luy dict, il n'est befoin,  
 voy Rhodes, voicy la place, faicts nous voir ce  
 que tu fcais faire. Or pour continuer nostre  
 propos, Auega en vne certaine Epiftre dediee  
 au Roy des Elpaignes, enfeigne que la cognoif-  
 fance de la Theologie est neceffaire au Medec-  
 cin. Ce que i'ay dict est pour oster le doubte de  
 plusieurs qui fe pourroient efmerueiller fi en  
 la refutation de Frytchiuſ Lutherien i'ufe de  
 plusieurs digreffions ſur le narré des ſignes &  
 prodiges, à celle fin de refuter les opinions er-  
 ronees, deſquelles il ſe cuyde preualoir pour  
 blaſmer noſtre Eglife: on ne doit eſtimer qu'il  
 ſoit mal ſeant aux hommes doctes, encores  
 qu'ils ne ſoient Eccleſiaſtiques, en temps rem-  
 ply d'heresies & ſchiſmes, de s'oppoſer aux ef-  
 forts de ceux qui cobattent contre noſtre mere  
 S. Eglife, & refuter les erreurs diametralle-  
 ment contraires aux traditions de nos ſaints  
 Peres: il nous eſt commandé de laiſſer quel-  
 quesfois la propre cure de la maladie pour  
 remedier aux ſymptomes & accidens, & imi-  
 ter ce bon hermite qui interrogé par l'Empe-  
 reur Valens pourquoy il quitoit pour un tēps  
 ſon hei-

# PREFACE.

son hermitage à fin de prescher au mōd, respondit sagement, que les femmes qui laissent leurs quenouilles pour esteindre le feu qui brusle une maison ne faisoient aucune faulte, par ainsi qu'il se despartoit de son hermitage à celle fin de tascher d'amortir & esteindre le feu qu'il voyoit embrasé en l'Eglise, scauoir l'Arrianisme qui y pulluloit: selon la doctrine de S. Cyprian ce n'est assez d'estre Catholique mais il fault deffendre sa religion & si besoin en est exposer sa vie pour elle: il conuient confesser Dieu non seulement de cœur mais aussi de bouche, nous sommes tous stipandiez de nostre Sauueur auans receu l'efficace de son sang & sa grace au baptesme, parquoy quā Dieu donne la science on se doit exposer aux perils & dangers imminents à l'Eglise qui nous a spirituellement engendré, & à laquelle nous debuons nostre salut. Il est donc expedient de deffendre la religio, à l'exemple du soldat qui estant stipandé de son Capitaine doit vaillamment combattre sur peine de punition exemplaire: nostre chef est Iesus-Christ lequel n'a point espargné sa propre vie pour nostre redemption,



# PREFACE,

redemption, il fault que le Chrestien à son exemple soit de volonté, soit de faict, en fasse autant: puis qu'un chascun chemine soubs l'ēseigne du mesme Iesus-Christ il doit en son particulier, estans dans une mesme Nef scauoir l'Eglise, tirer à la rame, & faire son deuoir pour empescher le naufrage, principalement lors que les orages & tempestes sont si grandes que le dire du poëte semble vray.

Virgil.

1. Ane.

Intentant omnia mortem,

On voit de toutes parts tout ce qui se presente  
D'une prochaine mort nous doner une atēte.

Or refutāt quelques erreurs des heretiques nous ne nous sommes tant fiez à nostre particulier iugement que nous n'ayons faict voir ce present discours à deux Docteurs en Theologie les plus signalez qu'ayons peu trouuer, car si en faict de nostre medecine, le prouerbe grec doit auoir lieu, Eīs anir mīdeīs anir, c'est à dire, un homme seul n'est rien, à plus forte raison en la sacree Theologie (laquelle est au iour-d huy deschiree de toutes parts par les heretiques, & tiree en autant de sens qu'il y a de cerueaux entre-eux) de laquelle ie di-

ray ce



# PREFACE,

*ray ce que les Stoiciens usurpoient souuēt pour  
 moſtrer qu'en vne choſe d'importāce la moin-  
 dre addition ou ſubſtraction tire à grande cō-  
 ſequence, Digitum exere, peccas,  
 Si tu bouges le doigt tu commets vne faulte,  
 Bien faire ſi tu veux, riē n'adiouſte n'y n'oſte.  
 Entre les deux Docteurs de la Sorbonne de  
 Paris leſquels i'ay choiſy, ſont F. I. Richard  
 Docteur en Theologie faculté de Paris ordre  
 de Premonſtré: ce qui commença à me donner  
 bonne opinion du rare ſcauoir de ce bon Pere  
 eſt, que méditant l'erreur d'Vrſile & Vpſilas,  
 qui iadis prenoient de la foy Catholique ce  
 que bon leur ſembloit & rejettoient le reſte,  
 diuiſans par ce moyen la robe de noſtre Sau-  
 ueur, & me remettant deuant les yeux qu'il  
 ne failloit en rien ſe deſpartir de tout ce que  
 l'Egliſe, Catholique, Apoſtolique Romaine  
 croit, de peur qu'en rompant la haye on ne  
 ſoit mordu du ſerpent là caché, & que nō ſans  
 grand myſtere les Hebrieux voulants aban-  
 donner l'Egipte ont emporté iuſques à l'ongle  
 d'un cheual, ne voulant rien laiſſer à Pha-  
 raōn qui repreſentoit Sathan ( auquel il ne  
 fault*

# PREFACE.

fault rien quitter) meditant toutes ces choses, & blasmant à par moy ceux qui sont de la race de Mutius Suffetius (qui estoit tousiours entre deux parties) ayans leu le liure du pere Richard intitulé (discours demon--strant que le Chrestien ne croit rien s'il dis--croit contradictoirement au moindre poinct de la foy de l'Eglise Catholique, Apostolique & Romaine) iay estimé qu'il estoit expedient que ce mesme liure fust souuent leu principalement en ce temps si deplorable, & qu'il estoit tres-necessaire pour refuter les heretiques & schismatiques. L'autre que i'ay choi--sy pour reuoir ce mien discours, est M. Iehan Seguin Docteur en Theologie faculté de Paris, lors Doyen du celebre & notable College des Chanoines de S. Cernu de la ville de Billoin en Auvergne, la profundité de la doctrine duquel accompagnée d'une sainte vie on ne scauroit assez louer: il me semble que le iugement & approbatio de ces deux signalez Docteurs doiuent estre suffisans pour me deffendre à l'encôtre des mesdisans, attédant que Dieu me face la grace de mettre les deux liures

PREFACE.

liures de ce discours en lumiere, & les trans-  
later en langue latine à fin qu'ils soient en-  
tenduz d'un chacun.

TABLE.





**TABLE DES CHAPITRES**  
*Contenus en ce present Discours.*



CHAP. I.

De la nature des Cometes, & opinions de quelques Astrologues touchant iceux. page. 1.

I. Digression sur la iuste punition des Iuifs, & aduenement de quelques signes & prodiges nouueaux & anciens. pa. 13.

II. De la grandeur de Dieu recogneüe par les meteores, Digression sur la reale presence de nostre Sauueur en la Messe. p. 19.

III. Plus ample declaration dela reale presence du corps de nostre Sauueur au saint Sacrement. pa. 30.

IV. De l'inconstance des Caluinistes sur la creance de la saincte Eucharistie. pa. 37.

V. De la varieté des Cometes, & plusieurs autres choses par laquelle la bonté diuine est demonstree. pa. 50.

VI. Plus speciale declaration dela diuersité des Cometes. pa. 64.

VII. Que les Cometes sont presages des malheurs, l'opinion de quelques Philosophes sur ce point. pa. 69.

VIII. Digression sur la necessité de l'air. pa. 72.

IX. Quelles sont les causes qui nous conduisent à la prouidence Diuine, qu'est ce proprement destinee. pa. 79.

X. Des

## TABLE.

- xi. Des desbordemens des riuieres, & vents. pa. 80.
- xii. De la commodité des vents. pa. 83.
- xiii. Du tremblement de terre, ce qui respond en nostre corps à ce tremblement & au desbordement des eaües. pa. 94.
- xiiii. Des deux sortes de maux, & que Dieu n'est cause du peché. pa. 100.
- xv. Que des maux qui arriuent tousiours lestignes visibles ne paroissent : que le peché est cause de noz aduersitez. pa. 103.
- xvi. De l'erreur de certains Astrologues sur le faict des cometes & astres. pa. 107.
- xvii. De l'annee Clymaterique. pa. 110.
- xviii. De l'excellence du ciel, & refutatiõ des Astrologues touchât les astres. pa. 115.
- xix. De la faulse Astrologie. pa. 125.
- xx. Que les Monarchies, Republicques, & Religion ne dependent du ciel. pa. 131.
- xxi. Que les exemples font beaucoup pour l'instruction des Chrestiens. pa. 143.
- xxii. Exemples de quelques Cometes qui ont esté obseruez par les Payens, & d'un Iuif qui brusla l'image du Sauueur. p. 152.
- xxiii. De la probation des Images. pa. 155.
- xxiiii. Des ceremonies de l'Eglise, & de la necessité des Images. pa. 160.
- xxv. La vertu des images est prouuee par exemples. pa. 168.
- xxvi. De



# TABLE.

xxvi. De l'excellence & dignité de la sacree Vierge.	pa. 173.
Apostrophe à la Vierge.	pa. 175.
xxvii. Exemple du Comete qui parut auant la mort de l'Empereur Maurice.	pa. 183.
xxviii. Suitte de l'histoire de l'Empereur Maurice, & du Purgatoire.	pa. 187.
xxix. Contre l'erreur de Marcus Frytichius touchant l'autorité du Pape.	pa. 200.
xxx. De Mahomet & Luther.	pa. 209.
xxxi. Du desastre qui arriua au Roy Xerxes apres l'apparition du Comete.	pa. 217.
xxxii. De la fortune de Darius quatorzième Roy des Perses.	pa. 224.
xxxiii. Des signes qui parurent au dernier Roy des Chaldeens.	pa. 226.
xxxiiii. Des signes veuz auant la mort de Charlemaigne, & des vertus de cest Empereur.	pa. 230.
xxxv. Du desastre qui arriua apres la mort de Charlemaigne, la cause des afflictions de nostre Eglise.	pa. 241.
xxxvi. Des signes qui parurēt aux Iuifs lors qu'ils voulurent rebastir le temple de Salomon.	pa. 255.
xxxvii. Des desastres qui sont arriuez par plusieurs fois à Rome.	pa. 261.
xxxviii. Exēple de quelques signes qui furent messagers des malheurs qui arriuerēt à Rome & cōment Dieu afflige les siēs.	p. 268.



# ADVERTISSEMENT

utile au Lecteur touchant les  
Signes & Prodiges.



*A cause des signes & prodiges sera ou naturelle, ou surpassant la nature, scauoir la seule ordonnâce & disposition du Souuerain Dieu qui par certains aduertissements induict les hommes à penitence : nous parlons principalement en ce discours de ces derniers signes & prodiges. Ainsi Dieu aduertit Pharaon par la mission de dix signes remarquez entre les autres, veuz en l'eau, l'air, la terre, & neantmoins la mauuaise voloté du Roy a perseueré à l'encontre du peuple d'Israel: si nous ne faisons penitence, veu les signes par lesquels nous sommes menacez pour l'aduenir, il y a danger que ce que dit Dauid n'aye lieu parlant de la main vengeresse de Dieu. Qui facit viam semitæ iræ suæ, & non parcit à morte animabus eorum, & iumenta eorum in morte concludit: Et nos calamitez qui commencent ne se redoublent par l'accroissement de nos pechez, qu'il ne nous soit plus*

Exod 8  
& 9.

Psal. 77

# ADVERTISSEMENT.

Luc. 24. donné des signes sinon ceux de Ionas le Pro-  
 Matth. phete. Je tairay les signes veuX au Soleil & à  
 12. la Lune auant l'effroyable iugement du Sau-  
 ueur, pareillement en la terre nombrez ius-  
 ques à quinze par S. Hierosme, S. Efreñ Ar-  
 chediacre d'Edesse qui a escrit l'an 350. apres  
 auoir raconté plusieurs horribles signes qui  
 precederont le iour du Iugement, s'escrie, cest  
 S. Efrē., horrible feu de conflagration fera tarir les  
 libr. de fontaines, esuanoïir les riuieres, assécher la  
 pœnit. mer, voltiger l'air, tomber les estoilles du ciel  
 & iudi. ca. 4. & ainsi que les feüilles d'un arbre, obscurcir le  
 6. Soleil, tourner la Lune en sang, & le ciel mes-  
 Ioel. 2. me sera ployé & roulé ainsi qu'un liure, l'ire  
 de tes menaces Seigneur Dieu est insupportable  
 sur les pecheurs. Malheur au ruffien, malheur  
 à l'adultere, malheur à l'yuroigne & maldi-  
 sant, malheur à ceux qui boient le vin au  
 son du hautbois, de la harpe, & du tambour,  
 & ne se soucient des œuures & iugement de  
 Amos. Dieu & n'ont memoire de ses paroles, mal-  
 6. heur à ceux qui sont iniure aux S. Escritures  
 Iob. 21. En ce discours nous appellons les choses mi-  
 raculeuses qui neant moins sont naturelles,  
 d'autant



d'autant que leurs causes surpassent nostre entendement : En ce sens Mizaldus, Leuinus Lemnius, & plusieurs autres ont escrit des miracles de nature, car proprement les miracles sont effects de l'infinie puissāce de Dieu. Pla. 135

Qui mirabilia facit solus, le miracle est, parlant distinctement, un effect produit par dessus les forces de la nature créée.

Quant aux signes & prodiges naturels ils pourront estre rapportez à la vapeur, exhalation, nuës, à la terre, au ciel, d'où on pourra quelquesfois tirer certains prognostiques & predictions, voy Fra. Vales. & Vvimpina. Si nous parlons des vents ils seront souuent signes de certaines maladies (oultre les autres euenements) comme l'an 1601. le frequent soufflement d'Auster, les frequentes pluyes extraordinaires, la saison de l'annee chaude & humide (ie ne parle point de l'influence des Astres) ont precedé la petite verole dictée par Rasis peste, qui à couru l'an 1602. & se voit encores par toute la France, les exanthemes malings ont faiët mourir plusieurs enfans, ie dy malings à cause de leur matiere qui cor-

F.Va.1.  
de Sa-  
cr.Phil.  
vvimp.  
l.de fig.



# ADVERTISSEMENT

rompt & pourrit les ligaments des ioinctures  
 & extremitē des ossements, voy Rondelet  
 parlant en sa pratiq̃ue de l'an 1557. la pe-  
 tite verole dictē Epidimicus morbus, &  
 contagiosus, quelquefois precede quelque-  
 fois suyt la peste, si la constitution de l'air  
 chaude & humide continue, la cause interne  
 de ceste maladie est pour un temps cachee  
 iusques à ce que la cause externe l'excite: le  
 Philosophe disoit que les accidents qui arri-  
 uent en certain temps sont cachez en leurs  
 causes, or comme la poudre à canon qui est  
 vne matiere la plus susceptible du feu, ne  
 brusle & ne produict son violent effect sans  
 l'attouchement de l'essence du feu, aussi les  
 humeurs putrifiees au corps n'excitent le plus  
 souuent la maladie pestilentielle sans la con-  
 tagion de l'air pestiferē introduict premiere-  
 ment au corps. Si la grande mortalité des en-  
 fans n'est un presage du proche iugement de  
 Dieu voulant remplir les lieux vuides des  
 cieus, c'est un signe de l'ire diuine, il est dict,  
 Isai. 4. à facie malitiæ collectus est iustus, la  
 mort des enfans arrine Dieu le permettant.  
 ou de

AV LECTEUR.

ou de peur que la malice ne change leur entendement s'ils vivoient (selon le Sage) ou en Sap. 4. punition des parens & pour les esprouver: si S. Aug. les enfans meurent avant le baptême c'est II. de c. de peur que les pechez mortels qu'ils auroient deic. 14 commis s'il eussent vesçu ne leurs eussent causé une damnation plus cruelle, quand Dieu permet cela il n'est iniuste, d'autant qu'ils meritent la mort pour le seul peché originel. En l'isle de Iapon la plus part des enfans qui receuoient le baptême à la venue des Peres Iesuites mouroient, à quoy l'on pourra rapporter la raison susdicte.

Quant aux signes naturels raportez au ciel, de la diuerse couleur du Soleil & de la Lune, & par le moyen de ce qu'on appelle Phainomena, on predict probablement les vents, pluyes, beaux temps, & autres euenemens de la vicissitude des saisons, car ces choses aduiennent le plus souuent encores qu'elles puissent estre empeschées par les causes particulieres. La terre comme l'air a ses signes, ainsi l'abondance des almandes signifie bonne moisson, les rozes & violetes re florissantes en Automne



# ADVERTISSEMENT

signifie la peste. Les animaux ont leurs prognostiques, l'arignee signifie mortalité. Je t'ay plusieurs autres signes, voy Senecque, Plin,

Sen. l. n. Contaren, & Panegyrim Deipara Virg. Mar-  
q. pli. 2. tim del Rio.

l. c. 28. Nous auons rejezté la prediſtion des choses  
côtare.

l. 2. de futures par le moyen des Astres, car les choses

Elem. futures ne seroient contingentes si cest erreur

auoit lieu, iuger des actions humaines par les

Astres repugne & à la dignité de nostre ame

surpassante toutes les choses corporelles, & à

la diuine grace qui surmonte la nature: com-

ment l'Astrologue cognoistra-il les choses à

aduenir puis que nostre cognoissance ne s'estend

seulement que sur ce qui a actuellement son

estre? les choses futures ne peuuent estre pre-

ueues en leurs causes qui sont trois, Dieu, la

volonté humaine, le ciel. Ce qui doit aduenir

par l'absolue volonté de Dieu n'est cogneu si

S.P.Ro. Dieu ne nous le reuele, Quis enim cogno-

uit sensum domini? Ce qui depend de la vo-

lonté humaine ne sera predict par le ciel qui

est vne cause generale, comme i'ay dict, par-

quoy les effects particuliers à aduenir ne se-

ont con-



ront contenus au ciel: la volonté humaine au regard des choses futures qui en doivent dépendre, est de soy indifferente & non determinée, car souvent nous devons faire plusieurs choses auxquelles nous n'avons oncques songé & desquelles n'avons deliberé: parquoy nostre volonté cause proche de nos actions ne pourra apporter une certaine & limitée cognoissance d'un effect futur. Iulius Gauricus, Leonitius, Carda. I. Stal. Iunctinus, Nostradamus, sont reiettez, & plusieurs Medecins dictz Astroiatri, les Astres n'estants ny causes ny signes des choses futures cōtingentes quoy que die Plotin condisciple d'Origene & Iul. Syre-Plot. 1. nus. Par le signe on entend la cause de l'effect, de fato ou l'un ou l'autre prouenant d'une mesme c. 6. cause superieure generale, bref ou ce qui est Syre. 1. lié & conioinct à la cause de ce qui est signifié de fato c. 35. & représenté en quelque façon que ce soit, les Astres ne sont signes des choses futures, si le ciel a son action sur les choses d'icy bas par le mouuement & lumiere (car on reiette l'influence) l'un n'y l'autre ne signifiera avec certitude les futurs effects d'icy bas, les Astres ont un

# ADVERTISSEMENT

*mouuement fini & limité & sont tousiours de mesmes, pource ils ne pourrôt signifier les choses futures si variables & discordantes les vnes des autres: ce qui faict cōtre nos jetteurs de natiuité, car ceux qui ont esté nez en la constellation d'Homere, Hipocrate, Alexandre, auroient esté semblables à eux. Voy Phauorinus dans A. Gel. li. 14. c. 1. contre les Genetliques: le destin que mettent les Turcs auroit lieu selon nos Iudiciaires, ce qu'ils ne veulent confesser: si cest erreur auoit lieu on assubiectiroit la foy Chrestienne aux Astres & plusieurs autres secrets supernaturels, ce qui depend de la seule ordonnance de Dieu qui est libre, ioinct que la foy Chrestienne doit*  
*Psal. 14. estre superieure aux cieux, Confessio eius super cœlos & terram, bref les diuins Oracles des Prophetes touchant nostre Sauueur & son Eglise seroient nulz si l'opinion des Astrologues susdicte estoit reçeue. Oyons ce que dict le martyr Morus Chancelier d'Angleterre.*

*Astra tibi æthereo pandunt sese omnia vati,*

*Astra*



Astra licet videant omnia illa vident.

Petrus Aliacensis est à reietter, assubietissant  
le deluge de Noë, la natiuité du Sauueur &  
autres secrets supernaturels à la discipline des  
Astres. Aponensis, P. Ioue, & plusieurs Medecins  
sont reprins par I. Pic. Mirand. le pas- lib. 5.  
sage de la Genes. sint in signa, est mal à pro- contra.  
pos cité par ces Astrologues, s'entendant des si- Astr.  
gnes en general, de ceux qui sont Astronomi- Gene. I.  
ques, vniuersels, signifians les diuerses saisons  
de l'annee, vicissitude du iour & de la nuit,  
des signes dictz Politica & Forensia, &  
quelquesfois miraculeux reiettans les signes  
Astrologiques pleins de vanité. Si on dict que  
les Astrologues quelquefois predisent la verité,  
scachés que cela peult aduenir du pact &  
accord qu'ils ont avec le Diable lequel instruit  
des bons Anges à qui Dieu a reuelé certaines  
choses à aduenir pour le proffit des humains,  
enseigne aux hommes les mesmes choses, car  
Dieu se sert aucunesfois pour operer, des de-  
mons, aussi souuent le demon predict ce qu'il  
doit faire à l'heure mesme, ou ce qui se faict  
és regions loingtaines, qui faict penser ce qu'il



# ADVERTISSEMENT

dict n'estre encores aduenu à raison de son  
mouuement si hatif: d'aduétage il cognoist la  
preparation des causes pour ouurer quelque  
chose, & a une grande experience & subti-  
lité d'esprit pour prenoir par certaines conie-  
ctures, ie laisse les autres raisons mentionnees  
en nostre Demonologie. voy S. Augustin de

En. sy. Gene. ad litt. c. 17. & 4. 5. Confessio.

in h. sto Ce pieux Alfonse Roy d'Aragon ayant exter-  
miné les Astrologues de sa Court disoit n'auoir  
besoin de telles gens d'autant qu'il estimoit  
que les Astres gouuernoient les fols & insen-  
sez, mais que les sages leurs commandoient:  
donc les Astres n'ont aucune force & vertu  
sur ces choses d'icy bas, bien qu'elle fust telle  
qu'on dict, elle pourroit estre empeschee par la  
concurrence des causes particulieres, mesme  
la seule disposition dela matiere feroit varier

Gal. 2. les actions des Astres, comme Galien & Aui-  
de die- cenne nous enseigne, pource les obseruations  
b. Cri- des iours indices & critiques sembleront plu-  
ti. stot deppendre dela cuison dictée par Hipocra.  
Pepasimos, & des temps limitez de la mala-  
die, des symptomes, qu'autrement. Ie diray cō-  
tre les

tre les Genetliques, que la complexion des parens apporte plus au naturel des enfans que les Astres qui y font si peu que rien. Les Medecins ne doivent selon les stacions de la Lune & autres planetes au Zodiaque, assoir iugement des maladies, scauoir quelles maladies avec certitude arriuera à un chacun, quelle sera la maniere d'y remedier, car ce seroit tollir le principe de Philosophie, que nature produict son effect ou par le mouuement, ou par la mutation: la mutation se faiet par la force & vertu des qualitez actiues lesquelles doiuent auoir un suiet propre & disposé pour l'action: de ce principe nous cõcluons que les sorceries & enchantemens n'ont rien de commun avec nostre Medecine.

Je loüe Dieu qu'à mon arriuee en Auvergne ie n'ay veu aucun des Medecins avec lesquels i'ay practiqué, adonné à l'estude de l'Astromantie & vaine discipline des Astres. Si un ancien disoit, puisque tu demeure à Sparte, fais de l'honneur à Sparte, & la rends celebre, c'est à dire qu'un chascun est obligé de faire valoir le plus qu'il peult le lieu de sa demeure, ie



# ADVERTISSEMENT

meure, ie pourray à bon droit dire que les Medecins desquels i'ay parlé en ma Pyrologie & Hydrologie honnoient autant & plus les villes où ils demeurent que Medecins qui se trouvent ailleurs. Reste à parler du nombre duquel il a esté fait mention en nostre chap. de l'annee Clymaterique, il est certain que nos Peres ont contemplé plusieurs diuins mysteres en la proportion, connexion & liaison des nombres, neantmoins ils n'ont donné aucune vertu au nombre soit naturelle soit magique: le nombre entant que nombre n'estant rien de real distingué des choses nombrees, n'aura aucune force d'operer naturelle ou supernaturelle non plus que la quantité continue comme la figure, parquoy la vertu de Trifolium, Pertaphilum sera attribuee à la substance des feuilles non au nombre des feuilles, car l'axiome de Philosophie est vray, Actio est suppositorum. En vain on donne une feuille pour la fiebure ephemere, trois pour la tierce, quatre pour la quarte: comme trois grains d'eliotropium pour la fiebure tierce, & ainsi des autres, des pilules au nombre imper, cela



*cela est un superstitieux abus. Il y a une partie de nostre Medecine appellee, Simiotici traitant des signes les meilleurs & plus certains lesquels sont appuyez sur les principes naturels & vrages experiences, ceux qui n'ont ceste condition sont douteux: les signes dictés par Hipocrates Epiphainomena souvent trompent les prognostiques des plus aulsez de nostre profession, & font paroistre de combien l'ignorance, appellee par nostre Hipocrate mere nourrice de l'audace & impudence, surpasse en ce monde la science, bref font recognoistre combien est difficile nostre Medecine laquelle pour ceste occasion entre les autres, aucuns des anciens ont dit deuoir estre practiquee par des semidieux.*

*Remarquez qu'il ne fault entendre parlant de la foy au chap. cinquième, que ce soit simplement & absolument un argument euident, mais euidens, eidentia credulitatis. Il a esté dit au chap. 12. que l'ame produit inuisiblement ses œures comme le vent, i'entends par une maniere inuisible, ioinct qu'il y a des actions de nostre ame dictes immanentes*

# ADVERTISSEMENT

nentes & transeuntes. Au chapit. vingt où il est parlé de la duree de l'Empire des Assyriens & Babiloniens, il ya omission à la supputation, pour vous oster ce doubte lisez nostre preface. Voyez lexposition de ce qui est dit au chap. vingt sept pag. 260. du mal de coulpe en nostre Epistre dediee à Madame de Randan. En ce que nous disons de la prise de Constantinople au iour de la Pentecoste il y a omission, c'est enuiron le iour de la Pentecoste. Au chap. neuf quand nous disons que l'extremité du soufflet est accôparé au diaphragme, entendez le manche du soufflet. En nostre preface parlans des Medecins Theologiens, M. Charon qui est depuis peu de temps decedé est omis qui a esté insigne Medecin & Theologien tesmoings ses doctes escrits. Quant nous disons au chap. quatre pag. 34. li. 25. parlant de la reale presence de nostre Sauueur au S. Sacrement de l'autel, qu'il y a vne plus grãde absurdité & mesmes impieté en l'erreur de Calvin, celà se doit entendre par ironie, car en ce que nous croyons touchant la realité du corps de Iesus-Christ en la Messe, suyuant la diuin.



AV LECTEUR.

divine voix de la mesme verité qui est nostre  
 Sauueur (Cecy est mon corps &c.) il n'y a  
 aucune absurdité, moins impieté, d'autât que  
 ce Sacrement qui est en nos autels, est le Sa-  
 crement du nouveau Testament, & le seau de  
 la nouvelle alliance que le mesme Iesus Christ  
 Sauueur de nos ames nous a laissé iusques à  
 ce qu'il retourne au monde pour glorifier son  
 Eglise, à fin que ce pendant ayans les arres,  
 nous soyons asseurez des biens qu'il nous a  
 promis au second aduenement: nous prions  
 Dieu qu'il nous fasse la grace de viure &  
 mourir en ceste ferme croyance. Ainsi soit-il.

Loüange à Dieu, & à la glo-  
 rieuse Vierge.









TERATOLOGIE OV DISCOVERS  
des signes & prodiges, par lesquels Dieu  
nous a de tout temps menacé, accompagné  
de plusieurs instructiōs chrestiennes & aduer  
tissement aux Catholiques, contre les faulses  
assertions des Caluinistes de nostre temps.

Diuisé en deux liures.

De la nature des Cometes, & opinion de quel  
ques Astrologues touchant iceux.

CHAP. I.



OSTRE DIEU a voulu pour  
exciter les hommes à poenitence  
que non seulement le ciel eut  
ses prodiges & signes espouuen  
tables, mais aussi les elemēs, com  
me la terre & l'eau: tels sont les tremblemēs  
de terre, goulfres, baaillemens & abyfmes,  
tarissemens, secheresses excessiues, mon  
stres & creatures contre-faictes, inonda  
tions, pluyes prodigieuses, desquelles la  
Bible faict mention, tonnerre, que le Pro  
phete royal Psal. 28. nomme voix de Dieu  
disant, *Vox Domini super aquas*, c'est à dire, la  
voix de Dieu sur les eaux, lesquelles nous

*Genese*  
*chap. 19.*  
*Plin. 8.*  
*Iul. obseq*  
*psal. 59.*

deduirons en ce discours par le menu, Dieu aydant : parquoy le mesme Prophete parlant en general de ces signes disoit , *Dedisti metuentibus te significationem vt fugiant à facie arcus*, voulant dire que le Seigneur a aduertty par vn signe ou estendart esleué ceux qui le craignent à fin qu'ils fuyent les arcs , & se donnent de garde: puis parlant en special des prodiges de la terre il s'escrie , *Venite & videte opera Domini, quæ posuit prodigia super terram.*

*psal. 45* Le mesme Prophete proposant nostre *psal. 17* Dieu comme vn dragon furieux jettant feu de toutes parts, & le faisant tel qu'Homere & Aristophane l'appellent en grec *Catabates* dict , *Ascendit fumus in ira eius, & ignis à facie eius exarsit, carbones succensi sunt ab eo, inclinavit cælos & descendit.* Les poëtes grecs iustement ont nommé Dieu *Teraſtios Zeus*, l'interprete dict *Iupiter qui signis è cælo hominibus portendit*, c'est à dire Iuppiter lequel par signes porte signification de quelque chose à aduenir. Et d'aultant que nous deuons parler en son lieu de ces feuz par lesquels Dieu & nous menace & nous punit, ce discours commencera par le traitté des Cometes auant-coureurs des maux qui nous talonnent, si l'ire de Dieu n'est preuenue par vn amendement de vie. Or à fin que



que plus facilement la nature des Cometes soit cogneuë, oultre ce que a esté dit en nostre discours sur l'apparition du Comete veu l'an 1596. au mois de Iuillet, il conuient poser pour fondement & principe que le propre du soleil est d'esleuer les vapeurs & fumees de la terre en haut : ces fumees prinſes & de la mer & de la terre, encores que ſouuent elles ne ſoient apperceuës par noz ſens toutesſois occupent en la region de l'air à la ſemblâce des plus hautes montaigues, l'eſpace d'une grandeur incroyable. Ces meſmes fumees qui par la vertu & influence des aſtres montent en haut, ſeront de deux natures, l'une chaude & humide, comme l'air en puisſance eauë, l'autre chaude & ſeche, de nature & puisſance de feu appellee exhalation, la premiere ſe change en eauë comme font les impreſſions de la moyenne region de l'air, car à cauſe de leur peſanteur elles ne peuuent paſſer oultre, ains eſtant par l'occurrence du froid eſpoſſies retombent en bas, de là ſe font les pluyes, neiges, gresſes, bruïnes, rozees, brouillards, qui toutes ſe changent en eauë. Ariſtote a nommé la cauſe prochaine & conioincte des impreſſions faiçtes en l'air en vn mot, *anathumiasis*, c'eſt à dire euaporation, ſoubs laquelle la

vapeur & exhalation sont comprinses.

Or pour tousiours mieux recognoistre les merueilles de Dieu, il faut considerer que la providence diuine a tellement ordonné & disposé les choses d'icy bas qu'elle a voulu que particulièrement la moyenne region de l'air en laquelle se bastissent les meteoires susdits, scauoir la pluye grosse & autres, seut froide & humide, non tât à raisõ de l'antiperistaze qui y est faicte, cū du lōg sejour qu'y font les vapeurs froides & aqueuses, que pour la cōmodité de l'homme & des creatures irraisonnables creez pour l'amour de luy. C'est donc à fin que nostre mere nourrice la terre fut arrousee par les cauës des pluyes, & rendue fertile. Si ces cauës, desquelles il est dit *Et aqua quæ super cælos sunt*, le nom du ciel signifiant l'air auquel les nuës sont suspendues, estoient retenues, il s'engendreroit vne secheresse vniuerselle & par mesme moyen vne sterilité: au contraire si elles estoient laschees & les cataractes du ciel ouuertes, la trop grande humidité suffoqueroit les fruiçs de la terre, & ie diray que par vn vniuersel catadysme ou deluge d'eauë le monde seroit (comme il est arriué vne fois pour les pechez de hommes) du tout submergé.

Quant à l'exhalation qui par sa chaleur & lege



& legereté est differente de la vapeur, ou elle est de nature nitreuse, grasse, vn peu graue & pesante, de laquelle procedent les feux icy bas que plusieurs nomment S. Herme & folers, chandelles ardentes à l'entour des sepulchres des morts ou gibetz à cause de la matiere onctueuse la contenue, qui ne passent l'inférieure region de l'air, combien que laissant la raison de noz naturalistes à part il soit certain que les demons habitent souuent aux cymetieres en forme de feu ou autre, à fin d'entretenir s'ils pouuoient les hommes en l'erreur de la metamorphose de Pythagoras, comme nous enseigne S. Iean bouche-d'or, ioinct aussi que de long temps ils ont desiré d'auoir commandement sur les corps mors. Ces malins esprits qu'on appelle feux-fols paroissent la nuit, & principalement comme aucuns ont voulu la nuit d'entre le vendredy & sabmedy: aussi ils suyuent les eauls & souuent taschent à faire noyer les personnes, pour à quoy obuier faut (prosternant la face en terre) prier Dieu & ses saints: de cecy a esté fait mention en nostre Demonologie lors que nous parlions selon le Prophete, du lyon & des bestes sauuages qui sortent la nuit des tanières cherchats la proye. Psa. 103.

Il y a vne autre exhalation vn peu plus



legere & desgraissee s'arrestant à la moyenne region de l'air où les fouldres & esclairs se font estoilles volantes , lances de feu & autres: la troisiéme exhalatiō est encores plus seche & legere , despouillee de toute onctuosité de la nature de ceste quinte essence representee par l'eau de vie ou esprit de vin ie dy l'eau de vie bien rectifiée ( recongneüe lors que ietee en l'air elle se dissipe & ne retourne en bas , ou que le drapeau plongé en icelle estant allumé est totalement consommé par le feu, bref lors que l'huile mise en ladite eau va au fonds & qu'elle est fort odoriferante ) & plusieurs autres essences desquelles nous nous seruons avec heureux succez, iagoit que noz anciens medecins ne les ayent obseruees, l'art ne pouuant estre en mesme temps inuenté & pareillement accomply de toutes ses perfections. Donc telle exhalation de laquelle nous parlons, se iette sans aucune perte plus haut dans le ciel avec lequel elle a beaucoup d'affinité, pour la grande subtilité qu'elle a acquise en chemin , de celle cy se font les Cometes comme plusieurs ont voulu.

Ce que nous voyons au grand monde nous l'obseruons en l'homme qui est le microcosme de Platon ou petit monde , car tout ainsi qu'en nostre corps il y a quatre humeurs

humeurs, le sang, le phlegme, la bile ou colere, la melancholie : ainsi du sang sortent les vapeurs, du phlegme ce que les Grecs nomment *Lignun*, de la bile iaune les fumees, de la melancholie les excremens fuligineux. Or par la grande & singuliere prouidence de Dieu nostre chef a ses futures, & comme Theophile nous enseigne nostre crane est *diapneuston*, c'est à dire trās-pirable, à fin que les vapeurs & exhalatiōs eussent leur yssue, ie dy tant les fumees qui sont contenues aux vaisseaux que celles qui sont hors d'iceux. Il y a en ce noble chef, qui represente le ciel, sept pertuiz figurās les sept planettes : les rayons de nostre Soleil, qui est le cœur, s'espendent par leurs conduits à l'entour du cerueau sur les deux toiles ou meninges toutes tissues de veines & arteres, & principalement font l'attraction de plusieurs sortes de vapeurs, desquelles vne partie s'exhale, l'autre se resoult en eauës, l'autre se conuertit en ventositez ou autres superfluitez & excremens, qui estans retenuz causent en nous plusieurs maladies de diuerse espeece. Je produiray seulemēt l'exemple des longues vertiges du cerueau appelez tournemens & virements de teste, souuent auant-cou-reurs de l'epilepsie ou mal caduc, qui or-



dinairement procedent d'une intemperie froide de cerueau principale cause des cruditez, lesquelles comme elles ne peuuent estre domtees par la chaleur naturelle trop infirme & debile se conuertissent en ventositez: les vêts en nostre chef n'ayans l'yssue libre (comme la flambe & fumee enserree dans vn four) font vn mouuement en rond: la rotondité du chef & cōposition des ventricules du cerueau faicte en forme de voute, est en partie cause que ces vapeurs estās esleuees iusques à la partie superieure du cerueau par vn mouuement droict (selon le naturel des corps legers) & ne pouuants passer oultre font vne reflexion, bref ce virent & tournent en rond à la maniere des exhalations au mouuement desquelles qui est de tendre en haut, quand les nuës donnent empeschement & font obstacle, elles se meuuent collateralement & produisent les vents: & tout ainsi que ez mines desquelles l'or, l'argent & autres metaux sont tirez, les vapeurs minerales du soulfre & autres metalliques qui s'esleuent par le moyen de la chaleur contenue en la terre & concurrente avec celle du soleil, y sont sentiz & aperceuz, aussi les vapeurs & esprits mineraulx qui sont (comme aucuns veulent en l'homme) s'esleuent par le moyen de



yen de la chaleur & se font sentir & apercevoir par leurs effects, excitants plusieurs symptomes desquels il sera parlé en s<sup>on</sup> lieu. Cecy nous monstre euidemment l'affinité qu'il y a entre le grand monde & le petit, n'y ayant presque rien au premier qu'il ne soit au second qui est l'homme, au moins selon les proprietez : ainsi le sel doux scauoir le sucre respond en nous à la pituite douce, & plusieurs autres choses, reuenons à nostre propos.

A fin que la nature des Cometes soit mieux esclaircie, nous adiouterons au recueil qu'auons fait des diuerses opinions des philosophes sur les cometes en nostre discours cy dessus allegué imprimé à Orléans, que les Chaldeens ont estimé que les Cometes se faisoient sur le corps d'une des cinq estoilles errantes. Nostre Hipocrate & Æschile ont voulu que le Comete fut vne des planettes ayant esgard à son globe, & participast de la nature celeste, mais que sa queue & chevelure fut elementaire, qui semble estre l'opinion des Stoiciens. Nous pourr<sup>ons</sup> pour abreger ce discours reuoker tous les aduiz touchant les Cometes, principalement en quatre, sçauoir que sont exhalations allumées en la supreme region de l'air, ou qui se font dans le ciel sur l'une

des cinq planetes, ou en la huietième sphere sur quelque estoile fixe, ou que l'estoile est realemēt & de faict au ciel mais la queüe en la region elementaire. Les poetes s'esgayans au champ de leurs fictions selon le dire d'Aufone.

*Falsidici vates temerant qui carmine verum.*

Les poetes par leurs vers souillent la verité.

ont escrit que les Cometes estoient au catalogue & rolle des trante estoiles auxquelles iadis fut faicte la metamorphose des yeux d'Argus. Aucuns Astrologues ont voulu que tout ainsi comme par certaines reuolutions & periodes les tremblements de terre se font en certaines contrees comme principalement en la Natolie & petite Asie, maintenant nommee Turquie, mesmes les guerres & pestes en certains pays selon Philopone, & que la montaigne en Sicile dicte Ætna ou Montgibel (là où Empedocle & Pline moururent) ou Hecla en Islande dicte Vru, (en laquelle plusieurs esprits paroissent aux viuants) & quelques montaignes des Indes Occidentales en certain temps font de grands degasts par leur feu qu'elles jettent, à cause de l'abondance de soulfre & bitume qu'elles contiennent: que de mesme sorte & façon se peuuent former des  
astres



astres au ciel jettans feu & flamme, qui n'est si esloigné de la nature des estoiles & de la region etheree que celle de la terre. Mais telle opinion est faulse, car c'est confondre le signe avec la chose representee par le signe, comme qui prendroit la fumee pour le feu, la figure pour la chose figuree. Ainsi faisoient les Arriens qui interpretoient ceste diuine voix du pere, *Hic est Filius meus dilectus*, voylà mon fils bien aymé, d'un fils en figure, ainsi noz Calvinistes au lieu du vray corps de nostre Seigneur prennent la figure & le signe: les Cometes sont signes des guerres, pestes & autres maux à venir, parquoy il ne faut dire de ces Cometes comme des euenements qui les suiuent, ioinct aussi que telle opinion erronee est de ceux qui desnians ce bel ordre estably en l'vniuers, & par mesme voye vn premier moteur & celuy duquel il est dict,

*Stabilisq; manens dat cuncta moueri.*

*Ber. me-  
tro p. li.*

Exempt de mouuement fait mouuoir toutes choses.

*3. de cō-  
solat.*

s'escrioient à la maniere des Athees,

Ceste vie mondaine

Par fortune se meine

Science n'y a lieu

Ny le pouuoir de Dieu.

Ce mauuais poete dit (fortune) laquelle ne  
doit



doit auoir lieu entre les chrestiens qui croient que toutes choses tant en general qu'en particulier sont regies & gouuernees par vne prouidence diuine de laquelle nous parlerons cy apres.

Quant à la premiere opinion qui est d'Aristote, ie dy sans toutesfois deroger à sa renommee ayant esté appelé pour son esprit heroiue par Tertulien *Genius naturæ*: que si les Cometes sont impressions chaudes en la supreme region de l'air, ils doiuent auoir vn mouuement droit, soudain & à l'aduanture. Si vous me dites que la haute region de l'air se conforme au mouuement du premier mobile, qui raut avec soy tous les cieux à l'entour de l'immobile centre du monde, ie responds que cela n'a aucunement lieu aux Cometes, veu la grande diuersité de leurs mouuemens de long temps obseruee comme nous dirons en particulier cy apres: d'auant aige le feu & lumiere des Cometes ne seroit de longue duree comme il est, d'aultant que les impressions de l'air embrazees s'esuanouissent tost comme on voit ez tonnerres & autres metecores desquels nous auons parlé. Pour le regard des Cometes celuy qui preceda la ruine de Hierusalem dura vn an entier, & pour ce presage de grādissimes malheurs qui deuoiēt

*Arist. lib  
de mun-  
do ad A-  
lexand.*

arriuer aux Iuifs pour auoir voulu fermer les yeux à la vraye lumiere du monde sçauoir IESVS-CHRIST, bref pour auoir crucifié le vray Messie, craignants de perdre les choses desquelles par vn iuste iugement de Dieu ils ont esté tout à coup priuez.



*Digression sur la iuste punition des Iuifs, & aduenement de quelques signes & prodiges nouveaux & anciens.*

CHAP. II.



LES Iuifs ont esté renduz si misérables qu'ils n'ont ny Roy, ny prestre, ny prophete, ny vn poulce de terre: ce qui auoit esté predict par le prophete, *Ambulabunt vt caci* *Soph. 5.*  
*quia domino peccauerunt*, apres la perte de douze cents mille hommes, deux cets mille en Hierusalem par famine, peste & glaiue, & soixante dix mille de vanduz. Voylà le finistre euenement du Comete qui a esté de si longue duree, & qui pis est au lieu du Messie qu'ils attendent de iour en iour, ils receuront l'Antichrist qui les seduira, soy disant le vray Messie ainsi qu'il leur a esté predict



*Joan. 5.* predict, lors le temple de Salomon sera re-  
 basti pour la derniere fois. Je ne puis taire  
 en ceste digression faicte pour l'instruction  
*Epis. 109* des chrestiens ce que S. Hierosme parlant  
*ad Dar-* des Iuifs dict apres auoir cité ce qui est es-  
*danum.* crit, *Hic est heres venite occidamus eum*, il ad-  
*Mat. 21.* jousté, *Non habemus regem nisi Casarem, habes*  
*Joan. 19.* *quod elegisti vsque ad finem mundi seruiturus es*  
*Rom. 11.* *Casari, donec gentium intret plenitudo & omnis*  
*Israël saluus fiat, & qui quondam erat in capite*  
*Psal. 34* *vertatur in caudam*, c'est ce que les prophetes  
*Jerem. 5* auoient predict de ces malheureux, *disipati*  
*sunt & non compuncti, percussi sunt & non do-*  
*luerunt.* Or Dieu a puny les Iuifs de deux  
 genres de peines, l'un est corporel l'autre  
 spirituel: quand au premier qui en com-  
 préd trois (scauoir la perte de leur royau-  
 me & dignité, la perpetuelle ruine & de-  
 solation de leur ville & temple, & leur  
 bannissement perpetuel) il n'est tel que le  
 spirituel qui est vn auuglement d'esprit &  
 endurcissement de cœur pour entendre ce  
 qui est escrit du vray Messie Iesus-Christ,  
 c'est la plus grande punition que Dieu leur  
 eust peu enuoyer pour leurs pechez, oyons  
 ce qu'en dit le poëte Prudentius,

*Exiliis vagus hūc illūc fluitantibus errat*  
*Iudeus, postquam patria de sede reuulsus*  
*Supplicium pro cede luit, Christi que negati*  
 Sanguine



*Sanguine respersus commissa piacula soluit.*

Le Iuif estant banny du lieu de sa naissance  
Vagabond cà & là erre sans esperance  
D'oncques se reestabli, pour auoir espandu  
Le sang de l'innocent, & auoir deffendu  
Sans raison que le Christ n'estoit le vray  
Messie,

Iadis scandale à luy, & aux Gentils folie.  
Ainsi tousiours il est pour telle cruauté  
Et infidelité iustement tourmenté.

Il fut veu du temps de l'Empereur Maurice vne effroyable Comete, la figure duquel on dit auoir excédé celle des autres, auquel temps nasquit Mahumet figure de l'Antichrist, l'an de nostre Sauueur 600. Il n'est besoin de faire icy vn long narré de combien d'encombres & miseres ce Comete a esté auant-coureur, la playe en saigne encores en nostre Eglise, ce que nous dirons ailleurs plus amplement. Or i'ay cité ces exemples pour monstrier que la longue durée de ces signes espouuentables du ciel se doit referer aux lōgues miseres & affliētōs par lesquelles Dieu veut visiter les siens & punir les meschans, non à vne exhalation allumee, laquelle ne pourroit si long temps fournir matiere au Comete qui dure si longuement. Parquoy il ne se faut estōner si aucuns ont creu que les Cometes estoient faites par

par les Anges : ainsi S. Iean Damascene a appellé le Comete vn œuure de Dieu, forgé exprés pour denoncer les choses horribles à voir, mesmes aucuns des Ethniques recognoissans ( conduits d'une lumiere de nature ) que ces Cometes entre les meteo- res & autres feux du ciel estoient des prodiges, & n'auoient leurs causes naturelles bien asseurees, se sont persuadez que leurs effects n'estoient beaucoup certains, & d'autant qu'ils estoient comme peintures des choses à venir, que tels & semblables signes n'estoient faicts par hazard & fortune, ains diuinement enuoyez aux hommes pour leur signifier quelque sinistre & malheureux presage.

Nous auons esté à nostre grand regret spectateurs des lances de feu & troupes guerrieres qui se mesloient furieusement en l'air, & de plusieurs autres signes veuz en l'an mil cinq cens quatre-vingts douze, treze, quatorze : tous ces signes ont esté comme postes & heraults de la diuine iustice. Nostre Dieu auoit aduertty par tels & semblables signes les Iuifs de Hierusalem, *Iosephus* comme aussi plusieurs signes effroyables *libr. 7. de* furent enuoyez deuant le degast & perse- *bel. Iud.* cution atroce faicte par le tyran Antiochus *Macc. 1.* appellé *radix peccati*, racine de peché, les signes

signes furēt veuz l'espace de quarāte iours,  
ie ne parle des gens armez combatans en  
l'air veuz par les Tuderres peuple d'vncer-  
tainbourg de la regiō d'Italie dictē *Vmbria*, *Plutar.*  
cela aduint au troisieme consulat de Marius, *in vita*  
l'an de nostre salut 1520. au mois de Sep- *Silla.*  
tembre, à Vvissembourg prez le Rhein fut  
entendu en l'air de tous les citoyens vn son  
d'armes si espouventable qu'vn chacun cou-  
roit aux armes & se faisissoit des portes, ce  
qui fut auātconreur de plusieursmaux. Ie ne  
puis taire l'harmonie melodieuse qui a esté  
souuent entendüe de plusieurs digne de foy  
l'espace de trois annees 1553. 1556. 1560.  
en la ville celebre d'Angleterre nommee  
Vvitionia pres la vitre eminente de l'eglise  
pres le siege Episcopal, en plain midy en  
temps serain, & à minuiēt, ceste melodie  
representoit celle des Anges qui accompa-  
gne la venuē de nostre Seigneur au iugemēt  
l'Eglise est de S. Suuiham l'vn des premiers  
Euesques de ladite Eglise, qui trepassa l'an  
de grace 862. de cecy fait mention Christo-  
phorus Ionsionus docteur en medecine ainsi  
que iay leu en ses escrits. Plutarque à escrit  
au lieu preallegué qu'en temps serain vn son  
de clerons & trompettes fut entēdu de plu-  
sieurs rendant des voix fort tristes & lugu-  
bres, ce qui estonna grandement le peuple.



Il ne faut icy mettre en ieu les raisons de certains naturalistes, qui attribuent la cause de tel effect aux vents qui sortent de terre par certains souspiraus estroits & tortus ou amples, c'est vn songe qui ressent son Athee non le Chrestien, qui ne recognoist rien que la diuinité: En l'Histoire d'Angleterre alleguee, laquelle doit faire honte à ceux du pays, qui nonobstant l'antiquité de nostre Eglise & des miracles qui y ont esté faicts ( & s'y font & s'y feront iusques à la fin du monde ) ont faict banqueroute ala foy de leurs ancestres en laquelle ils deuoient mourir, mais ie diray ceux là d'autant plus est e loüables qui au milieu des persecutiōs de Iezabel perseuerent en leur ancienne foy sans aucunement flechir, pareillemēt aussi les Anglois & Escossois tres-heureux, lesquels ont ressemblé à ceux qui iadis abandonnans la compagnie des dix Tribus d'Israel schismaticques, se sont retirez en Hierusalem vers les deux lignees Catholiques, qui representoient la vraye Eglise. Ce sont ceux que nous voyons dispersez ça & là en nostre Frâce, qui ont quitté leur patrie, leurs moyens, estats, honneurs, pour librement seruir à Dieu sous vn mesme chef nostre S. Pere le Pape, duquel les autres se sont desmembrez, au contraire pour seruir à Satan sous la conduicte des Heretiques. De



*Dela grandeur de Dieu recogneüe par les Meteores,  
Digression sur la reale presence de no-  
stre Sauueur en la Messe.*



## CHAP. III.



Ln'ya celuy qui n'esleue son en-  
tendement à la contemplation de  
la bonté & puissance Diuine, lors  
qu'il considere que de ces deux  
matieres susdites, scauoir la vapeur & exha-  
lation, tant de meteores de nature dissem-  
blables sont composez, lesquels comme plu-  
sieurs autres choses qui se presentent de  
iour en iour à noz sens, nous priferions  
beaucoup plus n'estoit la coustume que nous  
auons de les voir : mais lors que nous ve-  
nons à mediter que l'auteur de tous ces  
meteores est celuy qui a faict le ciel & la  
terre de rien, & celuy lequel encores que  
comme vn agent surpassant la nature pour  
agir ne soit de necessité contrainct se seruir  
de quelque matiere, a neantmoins pouuoir  
de ce que ja est former selon son bon plaisir  
des corps d'vne indicible excellēce par des-  
sus toutes les œuures naturelles, & artifi-

cielles du monde, incontinent nous nous  
*Luc. 5.* pouuons rememorer la responce que l'Ange  
 fit à la tref-sacree Vierge, *Non erit impossibile*  
*apud Deum omne verbum*, C'est à dire rien n'est  
 impossible à Dieu,

Nous croyons que nostre chair à estéfor-  
 mee de terre, & que neant-moins les actiōs  
 de l'vne & de l'autre sont si differentes que  
 rien plus, les parties de cest hōme exterieur  
 qui est faiēt du lymon dela terre sont orga-  
 niques & homogenees, cōme nous voyons  
 par l'anatomic de son corps, non celles de la  
 terre: la terre nourrit de qu'elle reçoit, (cō-  
 me la semence) estant accomparce au ventri-  
 cule qui fournit la viande au foye (& con-  
 secutiuelement à tout le corps) pour sa nour-  
 riture, par le moyē des veines mezeaiques  
 qui luy seruēt de mains comme à nous pour  
 prendre la chair, au contraire est nourrie de  
 ce qu'elle reçoit, la terre nourrit l'homme,  
 l'homme ne nourrit pas la terre, la terre cō-  
 uertit l'eau en vin, l'homme souuent con-  
 uertit le vin en eau: car l'esprit du vin qui  
 principalement nourrit & substāte la chair,  
 estant à la moindre rencontre qu'il faiēt de  
 la chaleur separé, la partie de l'humour a-  
 queuse qui est grande est conuertie en ces  
 caūes lesquelles souuent on jette apres le  
 repas, taisant les autres differēces de la ter-  
 re &



re & de la chair, ie diray que nostre chair & la terre different en genre, l'entens proche. Nous ne deuõs nous enquerir comme Dieu à fait & formé nostre chair de la terre, remettant le tout à sa toute-puissance, c'est pourquoy le Caluiniste erre grandement lors qu'il s'enquiert de la maniere commẽt Dieu opere par les Sacremens, veu que plusieurs choses se font naturellemẽt, desquelles nous ne pouuõs pour la petitesse de nostre esprit encore rendre raison, & sommes contraincts dire par yne admiration avec le Poëte.

*Sic placuit superis, querere plura nefas.*

Ainsi Dieu l'a voulu, s'enquerir d'auantage Cõme se fait cecy, c'est luy faire vne outrage.

Galien encores qu'il n'aye esté Chrestien neantmoins veut qu'en plusieurs choses lesquelles nous ne pouuons comprendre nous admirions la puissance de Dieu, ainsi parlant de l'enfantement il dit, *At quomodo illud fiat, hoc solus ille nouit cuius opera admirari possumus, intelligere non possumus.* Comment cela se fait, celuy la seul le cognoit duquel nous pouuons admirer les œuures non pas les entendre. C'est ce *Totheion*, Diuin, que plusieurs des anciens Medecins ont voulu tenir le premier rang es causes, lequel reluit principalement en la nature, & qui n'est

autre chose que la toute puïſſance du premier moteur, laquelle les meſmes anciens, jaçoit qu'ils fuſſent payés, n'ont voulu eſtre ſubieſts à l'examen : cecy doit faire honte aux Calviniſtes leſquels à limitation des anciens heretiques reuoquent toujours la verité en doute. Noſtre Dieu a long temps nourri au deſert le peuple d'Iſrael de manne, ie ne diſpute ſi c'eſtoit vne ſemence de coriandre blanche ſemblable au miel, comme

*D. Aug.  
ad Ian-  
nuar.*

*Sap. 16.*

S. Auguſtin nous enſeigne, il eſt certain que ceſte manne auoit en ſoy toutes les ſortes de gouſt qu'on euſt peu deſirer, ie voudrois que le Sacramentaire m'eũſt rendu raiſon de cela en ceſte viande, contre toute Philoſophie les accidens ont eu leur exiſtance ſans leur propre ſubſtance? & tu demandes comment les eſpeces du pain & du vin au Sacrement de l'autel peuuent eſtre ſans leur ſubſtance? (de cecy nous parlerons en vn autre traicté.) Tu demandes comment noſtre Sauueur peut changer la ſubſtance du pain en ſon corps en la S. Meſſe, ie te dis qu'il eſt plus difficile de faire vne choſe de rien que de faire vne nouuelle choſe de la choſe qui a ja ſon eſtre: parquoy il a eſté plus ayſé à noſtre Seigneur de müer l'eau en vin que de faire le monde de rien, ou de multiplier les cinq pains & deux poiſſons comme il a fait. Or ainſi que  
deſſors

deslors que la sacree Vierge eut mis fin à ces cinq paroles, *Fiat mihi secundum verbum* Luc. 1.  
*zum*, le corps de nostre Sauueur fut formé & organisé par toute la S. Trinité du sang Virginal, & à mesme instant l'ame fut creée & mise dedans ce petit corps, & au mesme instant ce corps animé a esté conioinct & vni avec le verbe diuin, l'humanité à la diuinité, & celà par vnion hypostatique & personnelle, bref en mesme instât la sacree Vierge cōçeut LE SVS-CHRIST vray Dieu, vray Homme, & cecy a esté vray, *Verbum caro factum est*: celà ne se voit en la formation Ioan. 1.  
 du corps de l'hōme au ventre dela mere, car en telle fabrique nature opere avec le tēps, ce qui ne peut estre sans vn mouuement accōpagné d'un ordre, cest ordre n'est sans vn premier & vn dernier, depuis la conception du fruiēt au vêtre dela femme il ya 45. iours de tēps auāt que le mesme fruiēt soit faict & formé, ainsi n<sup>o</sup> l'ēseigne Egidius par ces vers.

*Sex in lacte dies, tres sunt in sanguine terni*

*Bis seni carnem, ter seni membra figurant.*

Que si le fœtus, que nous apellons, est formé au quarāte cinquième iour, il a son mouuement au 9. iour, & viendra au monde au 9. mois, voyla le temps le plus vsté principalement aux enfans massés. Hipocrates à voulu que le masse au troisième mois, la se-



Fern.  
physiol.  
lib.7.

melle au quatrième eustmouuement, ce que toutesfois n'a tousiours lieu. Quant à l'ame elle est par la toute-puissance de Dieu d'un mesme acte creée & infuse en ce corps organisé apres quarante iours aux masses, & aux femelles apres 80. iours, comme aucuns ont voulu: Or afin de reprendre nostre similitude, nous disons que ne plus ne moins que apres les parolles susdites prononcees par la sacree Vierge le mystere de l'incarnation du verbe Eternel à esté accompli au ventre virginal, aussi qu'en la vertu de ces cinq parolles prononcees par le Prestre (non en sa personne, mais en celle de Iesus-Christ,) *Hoc est enim Corpus meum, &c.* La conuersion sacramentale est faicte du pain & du vin au vray corps & sang de nostre Seigneur lequel nous adorons sous les especes du pain & du vin, ce mystere se faict par la toute puissance de Dieu, lequel ayât dit vne fois à ses Apostres, *Cecy est mon corps qui sera liuré pour vous, &c.* non c'est cy mon corps comme disent les Heretiques. A voulu que sur peine de dānation le Chrestien ne doubte de la realle presence de son corps au S. Sacremēt de l'autel: si Dieu a faict toutes choses avec le verbe, quel verbe luy pourra estre difficile? du dire au faire enuers les hōmes il ya grāde difference, non pas enuers Dieu, duquel le dire est

est faire : L'œuure de Dieu n'est esloignée de la parole estât la mesme vertu, ny la maniere de l'operation estant la mesme sapience. Ne recherche point d'auantage comment la transsubstantiation se fait au corps de nostre Sauueur en la sainte Messe : range toy à la seule parole de Dieu *Math 26*  
*Cecy est mon corps qui sera liuré pour vous, &c. Luc. 22.*  
 laquelle contient en foy trois choses, la ve- *Ioan. 14.*  
 rité, lefficace, & toute puissance : scache qu'il *1. Cor. 11.*  
 est besoin en cecy de foy laquelle ne depêd de nature comme la science : nous auons des yeux qui font que nous voyons par celuy lequel nous ne voyôs, scauoir Dieu le createur, à celle fin que nous venions à croire ce que nous ne voyons point, & que par telle foy & creance nous meritions, jagoit que tu ne voye point ton ame, seras tu si lourd & grossier de dire que tu n'as point d'ame ? ne scais tu pas que Dieu a fait plusieurs choses desquelles la force paroist assez, mais leur substance ne se peut voir, comme est la voix, l'odeur, le vent ? voudras tu ressembler à ce fol & insensé Philosophe qui asseuroit n'y auoir rien que ce qui estoit aperçeu par les sens, ou celuy duquel parle l'Apostre, *1. Cor. 2.*  
*Animalis homo non percipit quæ spiritus dei sunt ? S. Augu.*  
 Je te diray avec S. Augustin, Tu negas id quod *sur le*  
*non potes intelligere, tu nie ce que tu ne peulx Psal. 42.*

entendre, scauoir ceste transsubstantiation, encores que Heraclite Philiciẽ d'Ephese aye dit qu'il n'est possible de trouuer la nature de nostre ame quelque chemin ou aduance que l'homme puisse faire neant-moins il a asseuré que nous auons vn ame immortelle.

» C'est pourquoy S. Bernard disoit, Je cognois  
 » bien par moy mesme que Dieu est incom-  
 » prehensible, d'autant que ie ne me puis cõ-  
 » prendre moy mesme, c'est ce que disoit le

*Psa. 138.* Prophete Royal, *Mirabilis facta est scientia tua  
 ex me, nimis confortata est, nec potero ad eam.*

*Gall. li. 9.* Nostre Calien qui estoit payen & mal-sen-  
*de la cõ-* tant de nostre ame, a toutes-fois dit ce qui  
*fer. des* s'ensuit: D'autant que nous ne voyõs point  
*opinions*

*d. Hipo.* Dieu, si pourtãt nous disons qu'il n'est point

*Et lib. 1.* nous ne iugeons à la maniere qu'on a accoustumé de iuger des arts & mestiers: car il seroit ridicule voyant vn nauire bien basty, ou vne maison, & ne cognoissant l'ouurier, de penser que telles choses soient faites sans artifice, mais fortuitement & par cas d'auanture. Voylà qu'il dit pour affermer l'essence de Dieu autheur de toutes choses jacoit qu'il soit inuisible, ce qui fait pour la preuue de la prouidence de Dieu de laquelle nous parlerons en cest œuure.

Et pour ne nous esloigner de nostre propos, nous disons contre l'impieté de Calvin que



que nostre Seigneur Iesus-Christ qui est le  
 thresor du Chrestien est caché au ciel, en la  
 S. Escriture, au S. Sacrement de l'autel, en la  
 S. Messe, ainsi que nostre ame est cachée  
 dedans nostre corps sans que nous la puis-  
 sions voir, & ie diray que nostre ame n'est si  
 spirituellement & inuisiblement dedans  
 nostre corps comme est Iesus-Christ sous  
 les especes sacramentalles : nostre ame est  
 toute entiere en nostre corps, & toute en- *S. Aug.*  
 tiere en vne chacune partie d'iceluy, autre- *Epistol.*  
 mēt le corps ne viuroit (d'autāt q̄ son essen- *28. & 6.*  
 ce est vne perfection qui ne se peut diuiser) *de Tris.*  
 ainsi nostre Sauueur est sous les especes  
 sacramentalles de telle maniere qu'il est sous  
 les petites parties de l'hostie consacree.

Tu me diras Calviniste, que nostre Sei-  
 gneur est present au pain que tu prens en la  
 Cœne par la foy, & que par ce mesme moyē  
 tu y participe, ceste responce contrarie à la  
 definition de la foy qui est vne certification *ad Rom.*  
 des choses qu'on ne voit point, mais elle *10.*  
 n'est certification des choses fausses ains ar-  
 gument par lequel l'entendement du Ca-  
 tholique instruit par le S. Esprit avec cer-  
 titude aperçoit ce qu'il croit & espere,  
 ceste foy n'est des choses imaginatiues sans  
 aucun effect, elle ne ressemble aux Idees Pla-  
 toniques, ou aux statues de Dedale volti-  
 geantes

geantes, ou chimeres, elle n'est fondée sur  
vne vaine opinion, ains sur vne ferme cre-  
ance par laquelle nous adherons à Dieu, &  
sommés asseurez de la verité de ses pro-  
messes, l'accomplissement de la promesse de  
Iesus-Christ est qu'il nous donne sa chair &  
son sang pour viande & breuuage, tel ac-  
complissement ne peut estre receu de nous  
par la vertu de la foy sinon que selon ceste  
mesme vertu nous ayons Iesus-Christ pre-  
sent pour le prendre & receuoir reallemēt  
& de faict selon la promesse qu'il a faite de  
s'exhiber à nous, S. Thomas considerāt l'i-  
neffable amour de Dieu enuers nous, nous  
enseigne que nostre Sauueur suyuant les  
promesses qu'il auoit faites aux Patriarches  
s'est donné à nous en quatre sortes, expri-  
mees en ces termes.

*Se nascens dedit socium,*

*Conuescens in edulium*

*Se moriens in pretium,*

*Se regnans dat in premium.*

Quant à la seconde sorte & maniere, qui  
appartient à nostre propos, il s'est donné en  
sa Cœne pour nous estre pasture & viande,  
disant, *Caro mea verè est cibus*. Ma chair est  
vrayement la viande, il dit *verè* non metapho-  
ricè, non significatiuè, non figuratiuè, comme in-  
terprete le Caluiniste: nostre Sauueur auoit  
esté

esté folie aux Gentils & scandale aux Iuifs  
 par sa mort & passion, & à celle fin qu'il ne  
 fust plus folie aux Gentils & scandale aux  
 Iuifs, & aussi pour plus grand merite de no-  
 stre foy, il s'est baillé non visiblement mais  
 sacramentalemēt aux vns & aux autres.

Ie demande au Caluiniste si la chose de-  
 pend de l'oraison & parole qui affirme ou  
 nye, ou bien si l'enonciation depend de la  
 chose: il sera contrainct de me respōdre que  
 l'oraison depend de la chose, car la chose est  
 le fondement de la notion ou conception,  
 tout ainsi que l'oraisō est appuyee sur ladite  
 conception, ainsi ie diray de la foy laquelle  
 est en l'intellect *initiatiue*, & en la volōté cō-  
*summatiue* comme on dit, ceste foy ne depēd  
 que des choses qui ne nous sont apparentes  
 & manifestes & nonobstant vrayes, comme  
 i'ay dit, elle est appuyee & fondee sur ces  
 choses, mais si ces choses ne sōt, la foy n'au-  
 ra point de lieu & ne pourra faire que les  
 choses qui sont absentes soyent presentes:  
 Dauantage si le mystere de ce sacrement de-  
 pendoit cōme tu veux de la foy de celuy qui  
 faict la Coene, il s'ensuiuroit que ce mesme  
 mystere dependroit d'une creature, ce qui  
 est tref-absurde, car tel œuure depend de  
 la toute-puissance du Createur.

*Arist. lib  
 de in-  
 terpreta  
 tio. c. 1.*

Plus





Plus ample declaration de la reale presence du  
corps de nostre Sauueur au  
sainct Sacrement.

\*\*\*

CHAP. IIII.



LE Calviniste n'a voulu compren-  
dre qu'à la reale presence deux  
choses sont necessaires, scauoir  
que ce qui est present aye son  
existence actuelle, & pource les choses fu-  
tures ne peuvent estre realemēt presentes,  
comme l'incarnation de nostre Sauueur  
preuenē par les Patriarches, desquels par-  
lant l'Apotre disoit, *Omnia contingebant illis*  
*in figuris*, estoit presente à ces Peres seulemēt  
par vne presence spirituelle, ou par foy, nō  
d'vne presence reale d'autant que actuel-  
lement le dire de S. Iean n'estoit accompli  
*Verbum caro factum est*, l'autre condition re-  
quise est, qu'oultre l'existence, ce qui est dit  
present en quelque lieu y soit selon sa pro-  
pre & naturelle substance, pource les cho-  
ses fort eslongnees les vnes des autres ne  
peuvent estre presentes, jaçoit qu'elles estē-  
dent leurs effects bien loin, ainsi le Soleil

com-

1. Cor.

10.

1 Jean. 1.

communiqué son influence aux corps qui sont tant sur la superficie de la terre, que dessous, tesmoins les plantes, les metaux, minéraux, eaux des bains, desquelles nous vsons pour plusieurs sortes de maladies selon cest influence, le Soleil est en toutes ces choses present par son operation, mais icelle presence n'est presence realle de la substance du soleil suyuant le dire du Philosophe, scauoir que l'effect n'est de l'essence de sa cause, comme on peut prouuer par induction, personne ne peut dire que le soleil duquel nous ressentons de iour en iour les effects soit selon sa substance present aux lieux ausquels il communique (comme instrument de la diuine prouidence) sa vertu: nous en dirons autât du cerueau de l'homme, lequel est vn principe d'energie cōme on dit du sentiment & mouuement communicant sa vertu animale aux parties les plus eslongnees de nostre chef ( qui represente le ciel du grand monde,) n'estant besoin que le cerueau selon sa substance se communique à ce que doit auoir mouuement & sentiment: ainsi aucuns veulēt que les anges soient en plusieurs lieux par operation seulement non par vne recalc presence de leur essence, encore qu'aucū ayēt voulu que ces anges soient veus quelques fois

fois estre & ouurer en plusieurs lieux à raison de leur soudain mouuement & transport d'un lieu à autre, pour laquelle hastiue té imperceptible mieux représenter, on les depeint ayans des ailles. De cecy nous disputerons en son lieu Dieu aydant: reuenons à nostre propos, & disons que malgré le Caluiniste nous mangeons en verrié & en propre substance la chair de nostre Sauueur Iesus-Christ au Sacrement de l'autel, & non la figure ou le signe comme faullement il controuue, ce qui est diametralement contraire au verbe substantif, duquel nostre Seigneur vse, *Est*, c'est vne vraye bestise à l'heretique de vouloir interpreter ce qui est la substance, l'accident d'icelle. Qui est la chose plus esloignée de la substance que l'accident, les accidents ne sont rien sinon entant qu'ils sont raportez à la substance, de laquelle totalement ils dependent, ainsi que Aristote nous enseigne, si en ceste parole de Iesus-Christ, *Cecy est mon corps*, le verbe substantif ne signifie la vraye substance du corps de nostre Sauueur, il me sera loisible de dire qu'en ceste oraison *Verbum caro factum est*, c'est à dire le verbe est fait chair, le verbe substantif ne signifiera que le verbe est vrayement chair, & par ainsi que nostre Sauueur n'a prins pour la

*Arist. au  
4. de la  
Metaphi  
sic.*



la redemption du genre humain vn vray corps, qui est tomber en l'heresie des Mar-  
tionistes & Montanistes. Or nos peres vou-  
lant refuter l'erreur de ces heretiques &  
prouuer que le corps de nostre Seigneur  
n'estoit fantastique comme faullement ils  
asseuroient, ils se sont seruy de la parole de  
Dieu, *Cecy est mon corps*, & ont dit que si ceste  
proposition est vraye, *Cecy est mon corps*, que  
pareillement celle là sera vraye, *le verbe est  
faict chair* : de cecy nous parlerons plus am-  
plement en son lieu.

Nous croyons donc que la manducation  
de la chair de nostre Sauueur au Sacremēt  
de l'autel est corporelle & spirituelle, mais  
celà se doit entendre selon le vray sens de  
l'Eglise Catholique Apostolique Romaine  
(auquel toutes les interpretations des Sa-  
Esriptures doiuent estre raportees afin d'e-  
uiter le schisme & heresie,) scauoir que la  
mesme chair qui est de sa nature corporelle  
est viande spirituelle, à raison que le corps  
est spirituel, i'entēds qu'il a les qualitez d'un  
esprit, & ie diray dauantage qu'il n'est se-  
paré de la diuinité à laquelle il est & sera  
toufiours conioinct par vne vnion hi-  
postatique & personnelle, & aussi qu'il est  
mangé inuisiblement: que les effects de ce-  
ste manducation sont spirituels enuers le

corps & enuers l'ame: autrement la difinition du mot (*Sacramentū*) ne seroit gardee, qui est *Signum visibile rei inuisibilis*, si le corps de nostre Seigneur n'estoit en ce Sacrement visible & sensible. Il n'est aucunement absurde de croire qu'avec les signes ou sous les signes le corps & le sang de nostre Sauueur sont, c'est a dire que sous les especes du pain & du vin le corps & le sang de Iesus-Christ sont reellement contenuz, & qu'en ceste conionction Sacramentale les choses signifiees sont vnies & conioinctes reellement avec les signes: non que ie veuille dire que la nature inuisible avec le signe ou figure visible soit vn subiect constitué de deux comme l'homme composé de l'ame & du corps, ( qui sont totalement distants) mais telle est ceste conionction que où est la figure visible là soit la substance inuisible. En tout ce que ie dis il ny'a aucune absurdité comme on pourroit prouuer par induction n'estoit que nous voulons fuyr en ceste digression Chrestienne & Catholique la prolixité: ie diray quil y a vne plus grande absurdité (ie voulois dire impieté) en l'erreur du Calviniste, qui veult que nostre Seigneur nous aye voulu repaistre de signes sans nous donner en ces signes ce que par iceux estoit representé, & qui n'attribue au sacre-

sacremēt de l'autel autre office que de nous rememorer la passiō de Iesus-Christ & nous confirmer en la foy, voulant que ce Sacremēt ne soit ordōné que pour les simples & grossiers, d'autant que les spirituels & bien entenduz meditent mieux la passion de nostre Sauueur par les frequentes prediciōs auxquelles ils assistent & lecture des Sainctes Escriptions : ainsi ces Caluinistes & heretiques veulēt que par la seule foy nous reçeuiens le corps & sang de nostre Seigneur en la Cœne.

Mais qu'est il question de refuter l'interpretation erronnee & ie diray impie, sur les paroles de Dieu si expressees, (*Cecy est mon corps,*) veu que les heretiques ne s'accordēt aucunement entre-eux en la creance de la manducation de leur cruste ? outre ce qu'en disent les Lutheriens & Protestans d'Allemagne qui mettent vne consubstantiation comme nous dirōs cy apres: les Caluinistes disent qu'en receuant le pain & le vin, lesquels demeurerēt naturels en leurs substances sans aucune conuersion, on participe vrayment à la substāce du Christ, laquelle il fait escouler en nous. Les heretiques qui assisterēt au Colloque de Poissy ont dit que le corps de Christ estoit autant distant du pain de la Cœne que le ciel de la terre: les



autres ont dit que le corps du Christ n'est autrement vni icy bas au signe en la Cœne, sinon qu'estant tousiours la hault il nourrit spirituellement les ames des fidelles estant icy en terre: les autres voyans que ce pronom demonstratif, (*Hoc, cecy*) les contraignoit que ce que nostre Seigneur tenoit entre ses mains (se portant luy mesme) & demostroït, estoit son corps, & que le corps & sang de nostre Sauueur n'estoient separez de leurs signes, autrement il se seroit mocqué de ses Apostres leur disant, *Accipite & manducate, hoc est corpus meum, bibite, hic est calix*, cōsiderant di-ie ces choses ils ont malicieusement changé le pronom demonstratif, *cecy*, en vn aduerbe *cy* ou *icy* (*Cy est mon corps*) voulans que nostre Seigneur aye dict en la Cœne à ses Apostres: en ceste Cœne & manducation du pain est mon corps. Les autres falsifians le testament de nostre Seigneur ont conuertý à limitation de Satan la verité en figure, & la proposition de nostre Sauueur qui est cathégorique en hypothetique ou conditionnelle, & ont dit *cecy sera figure de mon corps, quand vous le mangerez*, or ce pronom, *Hoc*, nuit fort aux Calvinistes, d'autant que iamais ces pronoms, *Hic, Hac, Hoc*, ne se trouuent en l'Escripture S. qu'il ne s'ensuiue vne reallité de la chose  
comme

comme, *Hic est meus filius dilectus &c. Hic est sanguis meus. Hac est vita aterna, vt cognoscatis. &c.*



*De l'inconstance des Calvinistes, sur la creance  
de la Sainte Eucharistie.*



CHAP. V.



**L**est facile à croire combien est grande l'inconstance des Heretiques, lesquels ressemblerent au Chameleō qui reçoit toutes sortes de couleurs excepté la blanche, (qui représente l'integrité de foy & innocence laquelle ne se trouue en eux,) leur creance est muable comme le temps. C'est pourquoy ce docte Theologien Coclee qui a esté l'antagoniste de Luther, parlant de la varieté & legereté des Heretiques cite le dire de ce bon Duc de Saxe, qui interrogé de ce que croyoient les Lutheriens de son temps, respondit qu'il scauoit bien ce qu'ils croyoient hier, mais qu'il ne scauoit ce qu'ils croient aujourdhuy ou ce qu'ils croyront demain: ces Heretiques sont semblables à Ecebo-*Nicepho.*  
lius Sophiste de Constantinople imitateur *liv. 33.*  
de Iulian l'Apostat, changeant trois fois le



iour si besoin estoit de religion pour com-  
 plaire aux hommes. Ce que s'est veu à len-  
 droit de plusieurs lesquels se sont faicts  
 Apostats, comme Luther qui autant de li-  
 ures qu'il composoit autant changeoit il  
 d'avis: ainsi en ont faict Marlorat, d'Es-  
 pinat, Pierre Martyr, Melancten, Zuingle,  
 & plusieurs autres, tellement que ce qui est  
 dit par l'Apostre leur sera iustement attri-  
 bué, *Semper discentes & numquam ad scientiam*  
*veritatis peruenientes*, C'est a dire ils appren-  
 nent tousiours, & iamais ne paruiennent à  
 la science de la verité. Defunct le Marquis  
 de Pizany Ambassadeur pour le Roy en Es-  
 pagne estant à Madril, m'a dict parlant de  
 l'inconstance des Heretiques, que le Duc de  
 Bauiere estant importuné par les Protestans  
 de leur donner des lieux pour prescher,  
 leur respondit, que volontiers il acquiesce-  
 roit à leur demande moyennant qu'ils s'as-  
 semblassent, & qu'ils s'accordassent entre  
 eux sur les principaux poincts de leur foy,  
 ce que ayans faict, ils ne se peurent iamais  
 accorder, & par ce moyen furent deboutez  
 de leur demâde. Or nostre Eglise (en laquelle  
 seule luit la lumiere de la vraye cognoissân-  
 ce de Dieu, & hors laquelle il n'y a que te-  
 nebres,) entre les plus certaines marques  
 par lesquelles on la discerne des autres  
 fausses,

2. ad Th.

3.



fausses, (assauoir l'antiquité, la continuelle duree, la perpetuelle succession sans aucune interruption des pasteurs legitimement appelez, &c.) a principalement l'vñion en tous les poincts de la foy, laquelle ne se trouue iamais aux heretiques ausquels il n'y a que discord & contrarieté. Calvin di& que Dieu deuant la fondation du monde a esleu & predestiné vn certain nombre d'hommes à vie eternelle, presçu & reprouué & les aultres à la mort & damnation: & Luther accorde l'eslection & rejette la reprobation: Calvin suyuant son maistre Zuingle disciple du mesme Luther ne nous donne en sa Cœne que du pain & du vin, Luther nous donne le corps & le sang du Sauueur, la substance du pain & du vin demeurants qui est la consubstantiation de laquelle iay parlé: Calvin enferme tellement nostre Seigneur au ciel qu'il ne puisse estre ailleurs iusques au dernier iugement: Luther di& que quant à ceste humanité il est tousiours tous lieux.

Mais l'Heretique ressemble la Seche laquelle sentant que le pescheur la poursuit soudain esp&d son ancre qui est vn jus noir qu'elle porte naturellement, & ayant troublé leau s'euade subtilement, aussi le Calviniste disputant du S. Sacrement de l'autel

& autres poinçs de la foy, en parle si obscurement que si vous le preslez d'une part il s'eschappe de l'autre, cette coutume a esté remarquée de tout temps aux heretiques lors qu'ils sont entrez en lyce avec les Catholiques, pource faultās (comme l'on dit) du coq à l'asne, ils rejettent contre les Catholiques ce qu'on leur obieçte touchant leur confusion & contrarieté, disans qu'en l'Eglise Romaine il ya des dissensions, & qu'auntant qu'il y a d'ordres de religieux & religieuses aultant il y a de sectes contraires les vnes aux autres, tellemēt qu'ils opposent les Cordeliers aux Dominicains, les Augustins aux Carmes, & ainsi des autres comme tous repugnans entre eux. Il est facile de respondre à ceste obiection si puerile, car jagoit qu'il y aye diuersité entre ces religieux, si est-ce toutesfois que ce n'est pas contrarieté, ceste diuersité confiste seulement en certaines ceremonies & autres choses indifferētes, mais quant aux poinçs fondamentaux de la foy ils sont tous vnanimes & d'accord, car ils croient vne mesme chose. Nos Calvinistes ressemblent les mauuais plaideurs qui n'ayans pas bonne cause s'arrestent aux accessoires & incidēs, laissant le principal ou le nœud de la cause. Les Athées voulās prouuer cōtre les Platoniciens

niciens qu'il n'y auoit point de Dieu, disoient que la coustume & façon d'adorer les Dieux estoit differente en chasque pays, & qu'autant de natiōs autant de ceremonies: les Platoniciens respondoient que le diuin cult estoit aucunement semblable au parler de l'homme, car parler comme aussi manger &c. sōt actiōs naturelles aux hōmes par tout le monde, mais parler en ceste façon plus tost qu'en celle là depend de la volōté humaine, & n'est semblable par tout: de mesme adorer les Dieux est naturel à tous les peuples, mais les ceremonies & façons de les adorer s'ont diferentes selon les diuerfes persuasions des hommes, comme on pourroit prouuer par induction. Il semble que l'obiection de nos Calvinistes soit semblable à ces Athées du temps passé: Or les Catholiques n'ont au faict de la foy aucune contrariété entre eux, ils croient tous vn seul Dieu quāt à son essence, & neantmoins distingué en trois personnes Pere, Fils, & S. Esprit, ils croient tous que Iesus-Christ est vray Dieu, vray homme, en vne seule personne, ils croient la realle presence du corps & sang de nostre Sauueur au S. Sacrement de l'autel, les merites, intercession & inuocation de la Vierge Marie, & de tous les Saints: le Franc-arbitre, le Purgatoire.



gatoire, Voyla l'union & accord qui est en nostre Eglise Catholique Aposto. Romaine, Le Caluiniste en ce qu'il nous obiecte, môstre apertement qu'il ne peult discerner les choses qui sont différentes entre elles essentiellement d'auec celles qui ne different que selon l'accidêt, cest errer aux principes & fondemêns de la Logique de laquelle souuent ils cuydent mal à propos se preualoir cōtre nous. Je diray qu'en Calvin vous y trouuerez vne infinité de contradictions, comme aussi en celuy quil a escrit depuis peu de temps contre la S. Messe, tellement que nous les pouuons appeller du nom de Protee duquel il est dit en Prouerbe, *Proteo mutabilior*, cest à dire plus muable que Protee.

Concluons que la mutabilité & inconstance a esté de tout temps remarquee és heretiques desquels la doctrine n'est que pure mensonge, estans enfans par imitation de Sathan nommé pere de mensonge. C'est ce que fort à propos disoit Lactance, *Ea est natura & conditio mendaciorum ut nusquam herere possint*. Je diray laissant la Cabale des Anabaptistes, Lutheriêns, Melanctonistes & plusieurs autres à part, que vous ne trouuerez trois Caluinistes arrefez & fixes en vn mesme aduis touchant la Cœne, comme on voit

voit par experience, n'y pouuant iamais auoir aucune vniõ entre ceux qui sont hors la vraye Eglise qui est vne en foy, en l'interpretation de la parole de Dieu, sacremens, ceremonies, &c. Au contraire de la Synagogue des heretiques en laquelle l'esprit de diuision & contradiction preside, quand il est question de se bander contre la verité il se trouue vn accord & vniõ entre les heretiques tel qu'il est entre les loups pour esgorger les moutons qui gardent les brebis: Iadis Herode & Pilate bien qu'ils fussent ennemis se sceurent bien accorder à la mort de Iesus Christ, au corps mystique duquel de tout teps les plus discrables heretiques du monde (representez par Cain, Cham, Ismaël, Esaü, en la maison des S. Patriarches) se sont vnies & vnissent encores pour faire la guerre, mais en fin ils demeurent tous confuz. Pour reprendre nostre premier propos disons que le Sacremēt de l'autel a esté si bien confirmé par toute l'antiquité qu'il n'est loisible d'en doubter; autrement seroit resister à l'expresse parole de Dieu & à la doctrine de nos Peres semée des Apostres, laquelle doctrine n'est iamais discordante de la parole de Iesus-Christ, par lequel la Messe (qui est ce Missah mentionné *Deuter.* en la Bible) est instituee en substance pour *2. c. 16.* celebrer



celebrer la continuation de son Sacrifice & memoire de sa mort & passion iusques à ce qu'il vienne iuger les vifs & les morts. Ie me suis arresté en ce discours vn peu plus que ie ne pensois à cause d'vn pernicieux liure imprimé depuis peu de temps, le tiltre duquel est vn vray Pantherum pour seduire le simple peuple, car il semblera à ceux qui liront l'inscription de ce liure, (s'ils ne cognoissēt l'autheur) que ce soit vn œeuure Catholique, & neant-moins il est Diabolique : lors que ie leuz le tiltre de ce liure de ce Sacramentaire, apres auoir veu le nom de l'autheur il me souuint des vers de ce Poëte.

*Ac veluti pueris absintia tetra medentes,*

*Lucreti. Cum dare conantur, prius oras pocula circum.*

*Aspirant mellis dulci, flauisque liquore,*

C'est à dire, ainsi qu'on faict à ceux qu'on veult medeciner, cōme sont les enfans, lors qu'on viēt à border d'vn doux & jaulne miel le vase auquel sont mises les aluines ameres : vray est que la fin de ceux desquels parle ce Poëte qui couurent l'amer de miel, est bonne, mais celle de cest Heretique est tresdangereuse, il seroit expedient pour le salut de l'autheur de ce liure qu'il eust esté mort-né attendu les ames qu'il a perdu, & perd de iour en iour par la lecture de ce liure plein



ure plein de blasphemés contre la S. Messe.  
 Le m'esmerueille comme ceux qui se disent  
 Catholiques tiennēt ce liure en leurs mai-  
 sons, & avec vne curiosité dōmageable à  
 leur ame le lisent sans adueu de l'Eglise la-  
 quelle excommunie ceux & celles qui li-  
 sent les liures des Heretiques sans permis-  
 sion de nostre S. Pere. Il est dict que celuy  
 qui recherche le danger & peril perira en  
 i'celuy, & que l'iniquité retournera sur le  
 chef de celuy qui l'a enfantee, il est dict,  
*Nolite dare locum Diabolo*, donnez vous garde  
 de donner occasion à Sathan de vous sedui-  
 re: les plus doctes Theologiens se trouuent  
 empeschez à refuter les erreurs des Hereti-  
 ques, & vn legiste qui ne doit ignorer que  
 les loix ciuiles, Arrests des Cours, Decretz  
 des Princes, &c. marchent comme voix hu-  
 maines sous l'Euangile, sous la doctrine  
 des Apostres, oracles des Prophetes, vou-  
 dra feuilleter les liures des Heretiques, ne  
 craignans aucunement en diuisant la haye,  
 d'estre mordu par le serpent là caché: nostre  
 Dioscoride faict mention d'un arbrisseau  
 nommé Rhododaphne lequel est venimeux  
 aux chiēs, aux asnes, & autres bestes brutes,  
 & neant-moins salutaire & profitable aux  
 hommes: ainsi la lecture du liure de l'here-  
 siarche des Caluinistes sera dommageable  
 aux

*Ecclesiā.**30.**Psal. 7.**in verti-**cem ipsi-**us in-**quis as-**cus de-**scendet.**Ephes. 1.**c. 4.**Dioscor.**l. 4.*

aux gens incapables, mais aux scauants docteurs de la Sorbonne tres-vtile tant pour eux que pour nous à qui ils annoncent de iour en iour la parole de Dieu: le liure impie contre la S. Messe duquel les Caluinistes font vn Achile perira comme ont fait les liures des anciens Heresiarches, par vne prouidēce Diuine, mais les liures des Theologiens Catholiques qu'on liēt de iour en iour mis en lumiere contre ce pernicious liure, dureront à la confusion des Heretiques iusques à la fin du monde: il sera dit du docteur de la Sorbonne ce que disoit le

*Perfius.*

Poete Satyrique.

*Cedro qui digna locutus,*

*Linquere nec scombros metuētia carmina nec thus.*

Digne est tout ce qu'il dit d'un Cedre verdoyant.

Quant au liure impie contre la S. Messe, il sera dit de luy,

*Hora.*

*Blattarum & tinearum epula putrescet in arca,*  
Dans vn coffre il sera rempli de pourriture,  
Seruant à la vermine & teignes de pasture.

Mais qu'est il besoin que tant de signalez docteurs en Theologie se penent & travaillent pour refuter l'impieté des Caluinistes touchant la S. Eucharistie, veu que l'expresse parole de Dieu y est, (*Ce cy est mon corps*) laquelle il fault par necessité interpreter

literale-

litteralement, d'autant que nostre Seigneur auoit promis de ne parler plus en proverbes & paraboles : doubter de la verité de ces paroles est doubter de la toute-puissance de nostre Dieu : ceste toute-puissance de Dieu nous a esté non sans cause proposée au commencement du Symbole de nostre foy, à celle fin de couper chemin à toutes les curieuses demandes qu'on pourroit faire sur le reste du Symbole. Ce que l'Eglise Catho. Apostolique. Rom. croit de la reale presence du corps de nostre Sauueur au Sacrement de l'autel a esté si bien resolu & arresté par nos S. Peres qu'il n'en fault plus doubter. Dieu ne parle qu'une fois selon le Prophete *psal. 68.* Royal, *suffit* l'œcumenique Concile de Trante : il n'est besoin de plus tenir aucun Concile national sur ce poinct comme aussi sur les autres articles de nostre foy, car tel Concile apporteroit plustot l'heresie qu'il ne la chasseroit. Si le Roy a dit une fois qu'il veut que son ordonnance soit obseruee de poinct en poinct (comme on dit) & qu'il se trouue quelqu'un qui malicieusement y veuille contreuenir il sera estimé rebelle. ie diray entaché du crime de leze Majesté: que dirons nous du Caluiniste lequel contre les saintes paroles du Roy des Roys & les S. Decretz de son espouse l'Eglise, n'y e  
sans



sans aucune raison ny tesmoignage de l'Escriture sainte, la realité du corps de nostre Sauueur en la S. Messe, & ainsi secoüe le ioug des commandemens de Dieu & de son Eglise? ie diray avec S. Ambroise que pre-  
*S. Ambr.*  
*2 de offi.* uariquer en la cause de Dieu & de s<sup>on</sup> Egli-  
*c. 24.* se c'est vne extreme impieté.

Le ne puistaire le conseil que donnoit  
*S. Hist.* Sifinnius à l'Empereur Theodoze lequel  
*Ecclef.* luy demandoit la maniere de pouuoir abo-  
*c. 10.* lir les heresies, scauoir qu'il ne failloit as-  
sembler les Conciles, carc'estoit non estein-  
dre le feu ains l'allumer d'auantage & qu'il  
failloit exhiber & môstrer aux Heretiques  
les vieilles professions de la foy approuuees  
par les Conciles, & embrasser ceux qui s'y  
conformeront, au contraire rejeter ceulx  
qui y voudront contredire: ce conseil fut  
trouué bon par l'Empereur lequel imposa  
silence aux Heretiques. L'empereur Martiā  
l'an 461. du temps de Leon 1. Pape de ce  
nom deffendit par vne loy. les assemblees  
que les Grecs appelloient, *Parasynaxeis* con-  
traires à celles des Catholiques dites en  
Grec *synaxeis*. Les diettes d'Allemagne ont  
enfanté vn monstre d'Interim, & comme  
d'un chef d'Hydra faict renaistre d'autres  
sectes nouvelles, a ouuert la porte à l'atheis-  
me auquel degenerate l'heresie. Le tres Chre-  
stien Roy

Charles neuuiesme, que Dieu absolue, disoit qu'il estimoit le rien scauoir avec fermeté de foy estre scauoir tout: il disoit souuent en ces termes, *Mes Predicateurs parleront pour moy, & mon espee tranchera pour eux, & pour l'ancienne foy de mes predecesseurs: parolles dignes d'un tel Monarque & de tous les Princes Chrestiens lesquels portent l'espee, principalement pour la manutention de la foy Catholique Apostolique & Romaine. C'est pourquoy Milisslaus premier Roy Chretien de Pologne ayant receu le Baptisme,* fit vn Edict que tous ses Cheualiers de l'ordre & gentils-hommes lors qu'on commẽceroit l'Euangile durant la sainte Messe, mettroient les mains aux gardes de leurs espees: on ne peult dire combien ce bõ Roy faisoit florir en toute l'Hongrie & Pologne la foy Catholique, & en quel honneur & reuerence il auoit le S. Sacrement de l'autel. Nous lisons que Robert & S. Loys Roys de France ont eu vne singuliere deuotiõ au S. Sacrement: telle deuotion au S. Sacremẽt ayant esté au premier de la maison d'Autriche a faict prosperer tous ceux de ceste anguste & tref-illustre famille. Je ne puis finissant ce discours que ie ne loue grandement ce que i'ay veu estant à Ryon ville d'Auuergne en pieté & iustice fort celebre,

*Crome-  
rus. l. 3.  
de son  
Histõs.*

qui est de s'assembler de toutes parts pour conduire le S. Sacrement qu'on porte aux malades de quelque condition qu'ils soyent, & le recôduire iusques à l'Eglise, vn chacun tenant le cierge en main: telle coustume si sainte a este introduiëte par l'aduis des Peres Cappussins, la venuë desquels en nostre France a esté tres-necessaire pour destourner les maux desquels nous sommes menacëz.



*De la variété des Cometes, & plusieurs autres choses par laquelle la bonté diuine est demonstree.*

\* \*

CHAP. VI.

**L**est certain que les Cometes qui paroissent au ciel comme verges de Dieu pour nous menacer ne sont semblables en leur forme, aiiëte, constellation, mouuement les vns aux autres. Ce grãd Architecte se plaist en l'ouurage de ses merueilles à variété selon son intention à nous incognüe, ainsi la nature seruãte de ce mesme Architecte & premier moteur semble icy bas s'esgayer en vne variété & diuersité de choses. La Prouidence de



de Dieu reluit en la grande variété de ses  
 Anges lesquels bien qu'ils surpassent en  
 nombre toutes les choses sensibles & cadu-  
 ques de ce monde sont tous selon S. Tho-  
 mas, differens en espece les vns des autres:  
 car tout ainsi que les corps incorruptibles  
 surpassent en grandeur les corps subiects à  
 corruption tels que sont ceux d'icy bas,  
 selon le dire de Ciceron, *Que sunt infra Lu-  
 nam caduca sunt omnia*, c'est adire, tout ce  
 qui est sous la voulte de la Lune est caduc  
 & mortel, ainsi les substances spirituelles  
 excèdent en nombre les corporelles: &  
 comme l'eau est dix fois plus grande que la  
 terre, l'air que l'eau, le feu que l'air, la  
 sphere de la Lune que celle du feu, de mes-  
 mes les Archanges sont dix fois plus que  
 les Anges, & ainsi en montant, pourquoy  
 il est dict *millia millium ministrabant ei & de-  
 cies centena millia assistebant ei*. Le nombre si  
 grand des creatures du tout dissemblables  
 entre elles n'est rien au regard de Dieu le-  
 quel est infini, Dieu qui est vn en trois  
 personnes en son infinie n'a point d'esgal  
 à soy, mais en vne multitude à nostre res-  
 pect infinie fait croistre sa gloire & gran-  
 deur bien qu'elle ne deppende de ses crea-  
 tures. Le prophete royal parlant des saincts  
 non sans cause disoit, *dinumerabo eos & super*

S. Thom.

1. p. m. a.

qu. s. 50.

dist. 4.

Cicer. in

som. Sc.

p. m. s.

Daniel 7

Psa. 138.

*arenam multiplicabuntur, exurrexi & adhuc sum tecum*, voulant monſtrer que noſtre entendement qui eſt fini ne ſcauroit comprendre la multitude des bien-heureux, *Quis cogitabit numerum beatorum ſpirituum?* De cecy nous parlerons plus amplement ſur la fin de ce liure lors que nous diſcoursrons par occaſion des Anges, mais ie ne puis taire ce que S. Brigide recite en ſes reuelations, qu'au dernier ordre des neuf ordres qui ſont eſ Angés il y a vntel nombre d'eſprits angéliques qu'ils ſeroient ſuffiſans pour eſtre dix aſſiſtans à chaſque homme deſpuis le commencement du monde iuſques à la fin, de ſorte que tous les hommes qui ont eſté deſpuis la creation du monde & qui ſeront iuſques au ſecond aduenement de noſtre Sauueur pourroient auoir dix bons Angés prins du dernier chœur qui eſt le moindre que les plus haults. La diuerſité des vocations eſt admirable de laquelle Dieu vſe pour appeller ſes eſleuz au ſalut, & des moyens diuers deſquels il ſe fert pour les conduire au ciel: les vns y vont par le martyre du corps, les autres par celuy de volonté, bref les autres ſont ſauuez par pluſieurs autres moyens ordonnez de Dieu. La grâde multitude de noz religieux de diuers ordres (cōme ſont les Capuſſins Char-

treux,

treux, Bernardins & plusieurs autres vniz en  
mesme foy avec nous, fait vne preuue suffi-  
sante dela verité de nostre Eglise Catholique  
Apostolique & Romaine, ny plus ny moins  
que le grand nôbre des heretiques discor-  
dants entre eux sur les points dela foy, mô-  
stre euidentement la fausseté de leur doctrine.

Nous ne trouuons rien plus beau que de  
voir dans vn champ ou pré de grande esten-  
due vn million de fleurs, entre lesquels on  
n'en peult trouuer deux de mesme espeece:  
doncques nous disons que la grandeur &  
admirable prouidēce de Dieu est recogneüe  
és creatures raisonnables toutes dissembla-  
bles les vnes aux autres selon la figure ex-  
terieure & diuersité des dōs d'esprit, bref en  
l'incroyable dissemblāce des choses tāt ani-  
mees qu'inanimees, cest ce q̄ disoit le poete,

*Mille hominum species & rerum discolor vsus, Persius  
Velle suum cuique est, nec voto viuatur vno.* *l. 5.*

C'est la solution de l'vne des trois questions  
que feit Satan desguisé à l'Ange, de auoir,  
qui estoit vne des plus grandes merueilles  
que Dieu feit onc en petite chose? ç'a esté  
en la forme & semblance des hommes, les-  
quels iageoit qu'à nostre respect ils soient  
infiniz, mais nôbrez en la pensee du Crea-  
teur qui en sçait le cōpte iusques à vn poil  
de cheueux: si ne void on point que leurs



faces soient tirees de pareils & semblables lineamens, ains toutes differentes, & combien qu'ils ayent tous vne ame créee de Dieu si n'ont ils les mesmes langues ny les desseins du tout esgaulx, selon ce disthique

Ainsi que les mortels differēt de visage,  
Aussi different-ils d'aduis & de courage.  
Entre les causes lesquelles rendent nostre medecine difficile il y en a vne principale qui est la diuersité des temperammens d'un chacun, ce que les grecs nomment *idiosynkrasia*, car comme nous differons en nombre, ainsi que parlēt les philosophes, aussi nous sommes differēts les vns des autres de complexion & temperament.

Or à fin que personne ne soit deçeu en l'equivoque du nom de temperament, nous disons que proprement le temperament prouient des humeurs qui sont en la semence, desquelles deppend la substance des parties solides: tellement que à raison du diuers respect de l'humeur qui domine en la premiere conformation des parties de nostre corps, il conuiendra establir diuerses substances de ces mesmes parties, lisez ce qu'en escrit Galien en ses liures des temperammens. C'est pourquoy les anciens considerans ceste diuersité de complexions qui rend la medecine difficile, lors qu'ils peignoiet

peignoient Esculape, mettoient pres de  
de son effigie vn baston plein de nœuds  
pour denotter la difficulté qui est en ceste  
noble science : c'est ce que disoit le poëte,  
*Morborum omne genus quorum si nomina queras  
Promptius expediam &c.*

( de cecy nous parlerons plus amplement  
au second liure, ) Nous voyons par expe-  
rience certains remedes appaiser euident-  
ment les douleurs ( par exemple ) de la  
goutte en vn qui sera d'un mesme aage  
qu'un autre, auquel le remede estant ap-  
pliqué tant s'en fault qu'il luy cede les  
douleurs que plustot il les augmēte: ce que  
faict contre noz Empiriques qui ne trou-  
uent rien difficile en nostre medecine, &  
vsent d'un mesme collyre, comme disoit  
le docte Fernel, pour tous les maux des  
yeux. De la diuersité de ces temperamens  
sufdits sortent entre les animaux diuers  
appetitz lesquels ont leurs diuers obiects,  
ainsi vne mesme chose ne sert de pasture &  
nourriture à tous les animaux, car ce qui  
doit estre cōuertien nourriture doit auoir  
quelque particuliere conuenance avec la  
chose qui prend vie : si nous parlons de *Aristot.*  
l'homme qui a l'appetit animal & sensitif *13. poli.*  
cōmun avec les bestes brutes, il a ses pro-  
pres viādes à part desquelles il est substan-

té & nourry comme le pain , le vin &c.  
les cerfs viuent de serpens , les poules de  
scorpions , l'Austruche de plomb , &c. ce

Lucret. que le poëte a remarqué,

*Quippe videre licet pinguescere saepe cicuta  
Barbigenas pecudes hominiquē, est acre venenum.*  
De ce qui est venin, à scauoir la cigue,  
A l'homme , est engraissee vne cheure  
barbue.

la mesme ciguë profite aux cheures, estour-  
neaux, oyzôs: aucū veulēt que la saluie de  
l'hōme soit venimeuse aux petites bestes qui  
n'ōt point de sang dictes *insecta animalia*, les  
pourceaux viuent de hiusquiam & mandra-  
gore, les hyrondelles de cantharides: lais-  
sāt ce propos nous parlerons des estoilles.

Cicer. de  
vniuersi-  
tate.

Aristote subtil chercheur & enquesteur  
des choses cachees en la nature , ainsi l'ap-  
pelle Ciceron , a remarqué presque mille  
estoilles notables du ciel toutes differētes,  
les Astrologues despuis en ont recogneu  
six vingts & deux lesquelles ils ont distin-  
gué comme ils ont peu par six differences  
qu'ils ont nommees de la premiere, 2. 3 4.  
5. 6. magnitude : ils ont voulu que celles  
de la sixième magnitude surpassassent en  
grādeur huiet ou dix fois tout le globe en-  
semble de la mer & de la terre. Ceux qui  
ont voyagé en l'Amerique (comme les le-  
suisles



fuiſtes, auxquels la Chreſtienté doit beaucoup tant pour l'inſtruction de la ieuneſſe que pour leurs ſainctes predications) qui eſt ſoubs le pol antarctique, diſent qu'en ceſte partie du ciel l'on ne void vn ſi grand nombre d'eſtoilles qu'en la region ſubiecte au pol arctique: que là les eſtoilles n'ont pas vne ſi notable clarté, excepté vne fort remarquable dicté *ſyduk cruciferum*, compoſée de quatre belles eſtoilles diſtantes eſgallement les vnes des autres à la ſemblance d'une croix: le vulgaire nôme ceſt aſtre pol antarctique à cauſe que les nautôniers s'en ſeruent pour ſe conduire, ny plus ny moins que du pol arctique lors qu'ils prennent leur route par de là l'équinoxial: celà ſe faiet pour la grande proximité de ceſt aſtre au pol antarctique: pour ce les pilotes ſont contraincts de faire vne recherche de l'eſtoille la plus proche laquelle ils nomment *cruciferi pedem*, iagoit qu'elle ſoit diſtante de 30 degrez de ce pol, comme les plus experimentez nautonniers ont diligemment obſervé.

Je ne puis conſiderant toutes ces choſes que ie ne die avec le prophete O *Israel quàm magna eſt domus Dei & ingens locus poſſeſſionis eius*? c'eſt à dire, O *Israel* combien eſt grād & ſpacieux le lieu de la demeure de Dieu?

*Ezech.  
chap. 3.*

Or ainsi que la terre & la mer qui font vn globe, encores qu'ils nous semblent auoir vne admirable estendue, neantmoins toutesfois ne tiennent lieu que d'un poinct, qui vault autant à dire comme rien au regard du firmament ou huietième ciel avec ses flambeaux ou estoilles (la moindre desquelles selon Proclus est plus grande que la terre.) Pareillement aussi ce mesme firmament n'est qu'un pied de mouche ayant esgard à l'archetype ou exemplaire, i'entends le monde intelligible maison du sou-

*psa. 113.* uerain Dieu, duquel il est dict *cælum cæli Domino &c.* où il est assisté de ses Anges qui sont de nature de feu, dictz *spiritus vrentes*, & des esprits de ses creatures raisonnables

*psa. 103.* mortelles qu'il veult pour leurs bienfaits & merites (appuyez sur la passion du Sauueur) estre participâtes de sa gloire: & comme le ciel visible est orné d'une milliaffe d'estoilles flamboyantes tant fixes qu'erratiques, aussi ce monde intelligible est rempli de substances spirituelles, en quoy ce

*D. Hier. in ca. 4. Ambr. 2. in Iouin. Et in fine sōment. in Iſaïa.* mesme ciel visible nous doit principalement seruir d'une figure de ce qu'il ne nous est loysible de voir qu'après la mort. Ces esprits beatifiez avec leur souuerain Seigneur ressemblent à la lumiere flamboyante de quelques belles lampes suspendues en vne falle

vne salle royale, & les malheureux demõs  
& les ames des damnez sont au plus bas  
estage du monde (scauoir au cœur de la ter-  
re) en guise de charbons embrazez & sul-  
furez dans vn ord & sale foüyer, desquels *psa. 139*  
parle le prophete royal, *cadent super eos car-  
bones : in ignem deiciet eos, & in miseriis non  
subsistent* : les esprits angeliques & ames  
bien-heureuses ont vn perpetuel feu de  
charité avec eux, ces damnez vn feu de pei-  
ne & tourment : ces esprits celestes glori-  
fient par vne douce melodie sans fin nostre  
commun Seigneur selon le dire de Iob, *con-* *Iob 38.*  
*centum cæli quis dormire faciet?* aux autres il  
n'y a qu vn perpetuel blaspheme, gemisse-  
ment, grincement de dents, horreur, con-  
fusion : à ceux-cy il n'y a que ioye, conten-  
tement, benediction de leur createur &  
glorificateur. Le prophete royal nous in-  
uite à descendre au lieu des damnez par v-  
ne frequente cogitation & apprehension  
des horribles peines & tourmens des mes-  
mes damnez, ainsi que moralement inter-  
prete le chroniqueur de Charles quint le ver *psal. 54*  
set du psalme *Descendant viuentes in infernum,*  
qu'ils descendent viuans en enfer. Pour re-  
uenir à nostre ciel (auquel comme en la  
terre il se trouue vne si grande varieté de  
choses en tesmoignage de la grandeur de  
celuy



celuy qui en est l'auteur, ) nous disons que son estendue est grande & neantmoins finie le mode estant fini, & que l'incroyable diuersité des formes & especes contenues en cest vniuers est pareillement d'une nature finie, ayant esgard & à la duree, grandeur, vertu & puissance, ie dy à la duree, d'autant qu'aucunes de ces especes ont commencement mais elles ne prèdront iamais fin, les autres ont commencement & fin, nonobstant que le philosophe nous aye mis l'espece eternelle: car comme dict Beroalde Aristo enquis quel estoit premier l'œuf ou la poule, ne pouuant soudre la questiō a aymé mieux dire que la poule a toujours esté, faisant le monde eternel selon la matiere & la forme. Or pour reuenir à la diuersité des choses de ce monde, il conuient scauoir que la variété de tout ce qui est au ciel & sous la voulte d'iceluy tend à vne vnitè, laquelle est ce que les Platoniciens ont nommé, *mens prima, idea idearum, exemplar primum. &c.*

Si vous me dictes que Dieu auroit peu faire ce monde de plus grande estendue, & vne plus grande variété de choses en cest vniuers: le respons avec S. Efrem (qui florit en l'Eglise Orientale l'an 380. de nostre salut.) l'Orfeure cōpose tellemēt son vase qu'il

qu'il luy baille sa mesure & capacité tant qu'il est expedient & raisonnable, & point dauantage, cōbien qu'il aye prou d'or ou autre matiere de surperflux: aussi Dieu le createur jagoit qu'il puisse tout, ne dōne neantmoins d'auantage que la nature de chacun est capable, car il est createur & facteur de la matiere, & pource le deués vous louer en ce qu'il a monstřé sa sagesse & vertu en si grande varieté de choses. Puis il adioust, la cause de ceste belle diuersité neviēt d'aucune necessité, autrement le monde seroit l'ouurage d'un autre que du vray Dieu, car la necessité & contraincte oste la liberté de la volonté: il a faiēt tout ce qu'il a voulu au ciel & en la terre, ainsi que le tesmoigne la sainte Escriture, iusques icy parle saint Efrem. De ces saints propos vous iugez l'erreur de Platō qui a fait la premiere matiere coeternelle à Dieu, & des Peripateticiens que le monde procede de Dieu par emanation, & que Dieu a esté tellemēt lié à ceste nature qu'il n'a esté libre fabricant de la varieté des choses qui sont contenues en cest vniuers: de cecy nous auons discouru amplement en nostre liure Latin imprimé à Lion *De mundi eternitate*.

Reuenons à la diuersité des Cometes, de laquelle nous nous sommes vn peu esloignez

gnez pour manifester la gloire de Dieu. Ce naturaliste Pline s'estât étudié à la recherche de la variété des cometes, desquelles auant luy les anciens Grecs & Latins auoient peu parlé, en a mis onze especes. Les Philosophes tiennēt que la diuersité des proprieté & accidens prennent leur origine ou de la matiere, ou de la forme, ou de tout le composé ensemble, comme on peut voir par induction és creatures raisonnables, il y a des affections & proprieté particulières à la matiere, les autres à la forme, les autres à tout le composé, comme laissant les autres à part pour estudier à briefuete, les actions de l'ame raisonnable, entendre, se ressouuenir, vouloir, sont proprieté essentielles à nostre ame, lesquelles ne dependent aucunement de la matiere ny du temperament du corps. Nous dirons qu'il y a és cometes vne diuersité de couleurs dependentes (comme aucuns ont voulu) de la lumiere celeste, laquelle engendre en la region de l'air les premieres qualitez, de la mixtion & temperature desquelles les secondes qualitez (comme sont les couleurs & autres) prennent leur origine. Il s'engendre plus grand nombre de meteores aux contrees & regions estoignées de l'Æquinoctial à raison de l'imbecillité du Soleil qui ne brulle & ne consume



consomme du tout les fumées esleues du centre de l'vniuers: par mesme moyen il se voit plus de comètes sous la zone arctique habitable qu'ailleurs, & plus en l'authône & printēps qu'en hyuer pour la raison susdite, encore que souuent le contraire s'est veu. l'An 1533. fut veu vn Comete qui estonna le Roy Atabaliba detenu captif des Espagnols, on le pensa estre auantcoureur de la mort de quelque grand Seigneur de la race des Ingues (ainsi on appelloit les Monarques de ces terres descouuertes:) ce Comete parut au delà de l'Equinoctial contre la doctrine des anciens, jaçoit que ordinairement les comètes paroissent hors les tropiques pour les raisons susdictes, mais nostre Dieu veut souuent môstrer aux Athees qu'il fait quād il luy plaist ouurer plusieurs choses par dessus le cours de la nature, & surpasser l'ouurage des causes secōdes desquelles il est l'Autheur. Nous voyōs qu'aux Indes occidentales conquises par Don Ferdinand l'an 1477. (qui regna 27. ans en Castille) scauoir en l'Amerique & Perou plusieurs habitent, & toutesfois elles sont entre les deux tropiques en la zone torride estimée inhabitable par les anciēns à cause de son excessiue chaleur.

*Plus*

*Plus specialle declaration de la di-  
uerſité des Cometes.*

## CHAP. VII.



Encores que iaye aucunement touché l'origine des couleurs ſelō les Philoſophes, neantmoins ie diray auant que de parler de la diuerſité d'icelles qui ſe voyt es cometes, que le ſſence de la couleur n'a eſtē bien connue des anciens: Ariſtote veut que la couleur ſoit vne ſuperficie ou extremité d'une choſe diaphane ou tranſparāte laquelle eſt terminee par ce qui eſt ombrageux, mais ne deſplaie à Ariſtote il enſeigne ſeulement la maniere par laquelle la couleur eſt veüe, non pas comment elle ſe faiēt. Les Platoniciens ont dit que la couleur eſt vne petite flamme ſaillante des corps. Les Peripatericiens diſoient que l'air & l'eau ſont corps diaphanes ou tranſparants & humides, la terre opaque: & pource affin d'engendrer les couleurs qu'il failloit que l'air & l'eau ſe rencontraſſent (pour faire vne tranſparence,) & pareillement le feu, à celle fin qu'il y euſt vne lueur: & auſſi que la terre qui eſt vn element ombrageux y fuſt concurrente, ces choſes deuēment conſiderees on diroit que ſelon la diuerſe meſlange du corps diaphane

phane ou trāsparent avec celuy qui est ombrageux, & selon que ce corps transparent seroit de la nature d'air ou de l'eau, les diuerſes couleurs se manifesteroient. C'est *In Thi.* pourquoy, selon Platon de la diuerſité des feux, (qui ſont trois en nôbre) les couleurs ſont diuerſifiées, le feu le plus eſclairant faiſt la couleur blāche, le tenebreux & obſcur la noire, celuy de moyenne nature les couleurs moyennes: ainſi on a avec vne probabilité philoſophé ſur la nature & varieté des couleurs. Laiſſant ce diſcours, nous diſons que les cometes ſont de diuerſes couleurs, chaſque couleur ſelon les Aſtrogues donnant quelque ſignification d'iceux, ſi c'eſt de couleur hiacynte comme ils diſent, il participe du Soleil, la couleur paſſe participe de la Lune Royne des humeurs, la liuide obſcure de Saturne, Iupiter a ſa couleur, Mars la ſienne, ſcauoir rouge & enflammee, Venus iaulne, Mercure (d'où prouient l'eſlancement & legereté mouuante des cieux) a des couleurs variables & inſtantes, & pource indices de diuers euenemens tous ſiniſtres. Aucuns des Aſtrogues ont obſerué certaines couleurs particulières aux eclipses de Lune, ny plus ny moins qu'aux cometes, deſquels comme la cauſe efficiente, (l'entends ſeconde & natu-



relle) est le Soleil & les autres, aussi par l'idiosyncrasie & propre complexion ou nature de ces astres, la couleur sera selon leur aduis diuerse: les autres Philosophes ayans seulement esgard à la matiere, ont voulu que le comete qui est de rare consistance soit blanc & palle, ce qui est rapporté à la lune: si la matiere est trop espoilée le comete sera plus noir, ce qui est rapporté à Saturne: si elle est mediocrement de consistance rare & espoilée, il sera veu rouge, ce qui est attribué au Soleil. Et pour parler de la figure, par laquelle nous entendons vne qualité comprise par vne ou plusieurs lignes, Aristote fait deux especes de comete, l'vne cheuelue, l'autre barbee. Vulgairement on en fait trois, *caudatus, barbatus, crinitus*, or le comete a la semblance de queue lors que la matiere de l'exhalation s'estend en long, la barbee se fait quand la mesme matiere est subtile & continue, & se jette en bas, celui qui a des cheuelures se fait si l'exhalation est espoilée au milieu, & en son circuit vn peu plus subtile: outre ces trois especes les anciens en ont mis vn nommé *Veru*, duquel nous produirons cy apres vn exemple, *Tenaculum* de couleur de Mars comme le premier du Soleil iettant vn rayon cendré *Pertica & Miles* qu'on dict auoir esté veu lors que ce puissant

puissant Roy Xerxes passa à sa grande confusion en Grece comme il fera diu cy apres: *Mercurialis, Aurora, Argestus*, ce dernier semble surmôter en clarte toutes les estoilles, il est appellé des Grecs *Lampas*. c'est à dire Lampe, semblable à vne torche ardëte qui a esté veu l'an 1251. les Philosophes la nommoient chandelle ronde, en laquelle année s'esleua vne secte tres-pernicieuse en la haulte & basse Allemaigne, mesmes en quelques parties des Gaules, de laquelle le docte Chaitreux faict mention en son recueil des temps, ce qui faict cōtre plusieurs comme nous prouuerons cy apres, qui niēt que les cometes ne peuuent estre signes & presages des schismes & heresies, par lesquels nostre Eglise est beaucoup plus griueusement persecutée & affligée que par les Tyrans infidelles, comme Ruffin à tres-dōctement remarqué. Or nonobstant les raisons des naturalistes touchant la diuersité des cometes, faut dire que la premiere cause efficiēte des cometes, qui est le Souuerain Dieu, a voulu qu'il y eust vne telle variété entre ces feux pour nous signifier les diuers euenements d'iceux, i'entens les fleaux desquels aucuns selon les Theologiens sont purs, & prouiennent puremēt de Dieu sans aucune interuention d'entendement ou de



main d'homme: les autres sont meslez, comme ceux qui sont par le moyen des hōmes: ceux du premier genre sont la famine, sterilité, peste, fouldre, tremblement de terre, deluge, &c. Ceux du second sont les guerres, homicides, heresies: de tous ces fleaux les cometes dissemblables les vnes aux autres pourront estre signes & aduertissemēts aux grands & petits, à celle fin de se conuertir à Dieu, & chasser les maux qui leurs sont proches par le moyen de la penitence,

4 Reg. 20

à l'exemple du Roy Ezechias qui par le moyen de sa resipiscence empescha l'effect des signes du ciel par lesquels il estoit menacé, & des Niniuites qui destournerent la ruine de leur cité par vne austere penitence. Là gist le vray moyen d'appaiser l'ire de Dieu contre nos Calvinistes qui rejettent totalement le sacrement de penitēce s'appuyans sur la seule foy, ce qui est contre la parole de Dieu, & qui desment Iob disant,

*Pœnitentiam ago in cinere & favi-  
uilla, de cecy nous par-  
lerons en son lieu  
cy apres.*







Que les Cometes sont presages des ma-  
lheurs, l'opinion de quelques  
Philosophes sur  
ce poinct.

## CHAP. VIII.



Nous auons en nostre discours du  
comete de l'an 1596. enseigné  
que les cometes sont presages  
des malheurs, ce que aucuns ont  
nié, voulants qu'ils soient aussi presages du  
bõ heur, alleguants l'estoille des trois Roys  
qui vindrent de Perse, ( qui est orientale à  
la terre d'Israel ) pour adorer Iesus-Christ,  
laquelle est nommee par Baptiste Mantuan  
Comete.

*Hac quoque nocte Magi clarũ videre Cometam.*

Ceste nuit ont les Roys veu l'esclair-  
rant Comete.

Mais c'est abusiuement que ceste estoille  
est nommee comete, & par la contraincte  
de la mesure du vers, car l'Euangeliste l'ap-  
pelle estoille, ayant esté nouvellement crée  
pour la conduicte des trois Roys en guise  
de la colonne de nũes qui guidoit nuit &  
iour le peuple d'Israel estant au desert. Au-  
cuns ont allegué le comete qui parut du

*Matth. 2*

*Exod. 13*

temps d'Auguste, durant lequel Tybertina Sybille (si nous croyons aux histoires,) monstra à Cesar l'enfant de la sacree Vierge Sauueur du monde, & luy dit, *Hic est puer, maior te est, ipsum adora*: cest à dire cest enfant est plus grand que roy, adores le.

Les Caluinistes estiment auoir victoire pour prouuer que l'estoille des trois Roys estoit vn comete, quand ils alleguent le comete qui fut veu l'an 1572. le dixiéme de Nouembre vers le septentrion en la constellation de Cassiopee, au commencement plus grande que Iupiter, puis apres moindre en grandeur que Venus, fort claire l'espace de quinze mois, lequel se diminua par apres, s'arrestant en vn mesme lieu, rayuy par le mouuement quotidien des estoilles fixes, beaucoup esleué au dessus de la Lune (ce que n'arriue aux autres cometes:) ce signe feut veu en toute l'Europe qui a follement persuadé aux Caluinistes estre vn signe de leur nouveau Euangile, ou plustost anti-Euangile. Ceste erreur a esté refutée par vn tres-docte Anglois de nostre temps duquel j'attens les escripts: *Benedictus Pererius Valentinus*, de la société du nom de Iesus, faiët mention de ce signe, aucuns l'ont estimé estre auancourreur du second aduenement du Sauueur & de la conuersion des Iuifs

Iuifs à la foy, lisez *Christophorus Clavius* en ses commentaires sur la Sphere.

Aucuns des anciens naturalistes qui ont eu plus esgard à la cause materielle qu'à l'efficiente & finale, ont voulu que les cometes feussent auâtcoureurs des maux qui arriuent; à cause de l'exhalation qui est esleuee de la terre grasse & onctueuse d'ou ils sont composez, aussi la sterilité de la terre qui suyt l'apparition de quelque comete prendra son origine de la sustraction de la gresse de la terre qui sera employee à la composition du comete, qui faict que son humeur nourriciere est consommee, d'ou s'ensuyt vne secheresse cause de la cherté & disette de viure, puis suyt la peste selon le prouerbe ancien des Grecs, *Loimos meta Limon*, c'est à dire apres la famine viét la peste, de ceste peste aucune fois le comete sera posé & herault à cause de l'infection de l'air engendré par vn amas de plusieurs grosses, espoisses & nebuleuses fumées: souuent ces exhalations chaudes & seiches onctueuses & aysees à enflammer sont minerales, s'entends que la vapeur des mineraux cachez aux entrailles de la terre, qui fournit la matiere aux cometes, empuentissant & infectant l'air cause plusieurs maladies malignes: & d'autant que les animaux ne peu-



uent viure sans prendre l'air ils sont sou-  
uent empoisonnez par vn tel air, icy l'oc-  
casion se presente de parler de l'air.



*Digression sur la necesité de l'air.*

CHAP. IX.



Ensi que l'air selon nostre Hipo-  
crate est auteur de la putrefa-  
ction entrant en nos corps qui  
sont pleins de pores, par la res-  
piration & transpiration, & avec les ali-  
mens que nous prenons pour la nourriture  
du corps, aussi est il cause de nostre conser-  
uation: sans nostre ame le corps ne peut au-  
oir vie, mouuement, sentimēt, laquelle tou-  
tesfois est innuisible, aussi sans cest air qui ne  
se voit nous ne sauriōs viure, parquoy nous  
l'attirons en respirāt par le moyē des poul-  
mons qui nous seruent de soufflet à l'ex-  
tremité duquel est comparé le diaphragme,  
les poulmōs seruants de receuoir l'air, de là  
la phrase des latins est sortie *ducere spiritum*,  
*trahere spiritum*, pour dire viure, n'estāt pos-  
sible de viure sans respiration, d'oū est ve-  
nue la sentence commune, *Tandiu viuimus*  
*quandiu respiramus*, cest à dire nous viuons  
autant de temps que nous pouuons respirer:  
voilà

voylà la necessité de l'air oultre ce qu'il est le moyen par lequel nous voyons la lumie-  
re & les couleurs (obiec̃ts de nostre veüe:) parquoy il a deub estre sans couleur à fin q̃ nostre veüe s'estendit sur toutes les cou-  
leurs. Or poursuiuant ce discours, nous di-  
sons que tel est l'air que nous humons tels sont nos esprits, nos humeurs, nos mem-  
bres: les Poëtes grecs (és fables desquels plusieurs secrets de la nature sont cachez) par la deesse Iunon femme & sœur de Iup-  
piter, ont entendu l'air, & luy ont donné son nom, *Eira*, à cause de la grande affinité qui est entre l'air & le feu, ie dy le feu qui represente en plusieurs choses l'ame qui nous faict viure. Les Stoiciens ont voulu q̃ l'esprit soit le lien qui vnit l'ame avec le corps, ne se pouuants persuader qu'aucune forme puisse estre ioincte à sa matiere sans quelque cause moyenne, laquelle ils nom-  
moient cause continente: les mesmes Phi-  
losophes ensemble les Platoniciens ont dit que cest esprit estoit le principal instrumēt duquel l'ame se sert en ses actiōs, pourquoy l'air qui fournit de matiere à l'aliment & nourriture de cest esprit, en penetrant par sa subtilité de part en part inuisiblement le corps (aussi Galien veult que l'air & l'eau *Gale. 12.* excellent en tenuité & subtilité de parties *simpls.*



dicte *Leptomeria*) & y imprimant quant & quant ses qualitez sera estimé tresnecessaire & iugé tel qu'il n'ya cause externe qui alterera plustost nos corps & ce qui est contenu en iceux que cest element. Si nous parlons de l'ame (la santé de laquelle nous devons souhaitter come celle du corps, & ie diray d'auantage) aussi le Poete disoit.

*Quærenda est à Deo mens sana in corpore sano.*  
 Fault demâder à dieu vne ame qui soit saine.  
 Logee dans vn corps sain.)

Il ne fault doubter que l'air pur & net ne larède plus prompte & habile à la contemplation, ainsi que l'air impur, crasse, & nebuleux rend l'esprit grossier: c'est ce que

*s. Epi.*

Galien nous enseigne voulant que l'air impur souille les esprits & les humeurs, leur apportant ie ne scay quelle obscurité & esbloüissement: or c'est pour la sympathie qu'ils ont avec nostre ame pendant qu'elle est enclose en ce corps, ce que le poete Platonicien a tresbien remarqué parlant de nostre ame, *Terræque hebetant artus moribundaq; mēbra.* de cecy nous parlerons en son lieu. Le poete parlant de l'air bien temperé sous le nom du ciel, à la coustume non seulement des Theologiens mais aussi des Payens, comme principalement Hipocrates a tresbien dit.

*Epid. 12.*

*emollit mentes clementia cœli.*

La



La clemence du ciel amolir les esprits.  
Parquoy aucuns ont voulu que la greceaye  
porté tant de beaux & ie diray heroiques  
esprits, aussi elle est dicté, *ingeniorum ferax*, *Plin. in*  
cest à dire fertile en esprits, d'autant que *Epi.*  
l'air y est bien temperé, au cōtraire de l'Ar-  
cadie particuliere region dela Peloponessé,  
en laquelle les esprits ont esté de tout tēps  
estimez lourds & grossiers, d'où est venu le  
prouerbe *Arcadicum pecus*, ce que plusieurs  
ont referé à l'intemperature de l'air. On ne  
peut dire ny exprimer combien de doctes  
personnages sont sortis de la Grece (lais-  
sans les Ethniques à part) versez principal-  
lement en la sacree Theologie, desquels le  
nombre est presque infini: mais depuis que  
les Grecs par vn orgueil & presumption  
n'ont plus fuiuy les traces de leurs Peres, se-  
coüant le ioug de nostre saint Pere le Pape,  
ils ont esté renduz aussi ignorants qu'ils  
auoient jadis esté scauants, estans mainte-  
nant par le iuste iugement de Dieu faictz  
esclaues de l'Empereur des Mahumetans, la  
loy desquels n'est rēplie que de pure igno-  
rance, laquelle ordinairement accompaigne  
l'infidelité & le peché, tellemēt qu'on peut  
dire d'eux ce que disoit des Troyens le  
poete. *ceciditq; superbum Ilium &c.*  
reuenons à la commodité que l'air apporte  
à nos

à nos corps. Hipocrate a voulu pour viure  
longuement & sainemēt que sur tout nous  
ayōs soin de choisir vn bō air, & apres luy  
*Arist. 2.* Aristote descriuant la situation des villes  
*Pol. c. 11.* veut qu'on aye principalement esgard si  
l'air est sain, à celle fin de pournoir à la san-  
té des citoyens. Hipocrate auoit beaucoup  
auant Aristote deferé à l'air pour le respect  
de certaines maladies qui arriuent, ayant  
voulu que la malignité desdictes maladies  
deppendit en partie de la corruptiō de l'air,  
& que telle malignité ou malice feut indō-  
ptable (i'entens exempte de cōfion) veni-  
meuse pestilentielle, bref source & origine  
des maladies nommees *Epidemij* ou populai-  
res, perilleuses, lisez le 3. liure des Apho-  
rismes l'adiouste à ce que i'ay dict que lors  
que Hipocrate a recogneu vne diuinité  
qu'il nomme en langue grecque *to Theion*, en  
telles & semblables maladies ce n'est autre  
chose que ce qui est imprimé en l'air contre  
le commun cours de nature, ou bien oultre  
ce qui se voit ordinairement aux commu-  
nes maladies: c'est pourquoy s'il y a quel-  
que chose de diuin il conuiēt auoir recours  
au remede diuin, à celle fin qu'il aye quel-  
que analogie & proportiō avec la maladie:  
ce remede sera selon les medecins vn anti-  
dote lequel opere plustost par vne qualité  
occulte

occulte qu'autrement, or ce qui est tel, cō-  
me la vertu & force surpasse l'entendement  
du medecin & ne peult estre reduict à vne  
cause, pourra estre appellé diuin. Ainsi  
Gesnerus recite qu'en vne certaine annee  
les pleuritiques mouroient incontinant a-  
pres la seignee, mais apres auoir vsé de la  
Theriaque ils recouuroient santé, le mes-  
me se voyt en la peste: de cecy nous parle-  
rons plus amplement en nostre second liure  
quand il sera fait mention des plurezies  
malignes & autres maladies plus particu-  
lierement. Donc à fin de reuenir à nostre pre-  
mier propos, puis que l'air est si necessaire  
pour nostre vsage, il ne se fault esmerueil-  
ler si receuant quelque mauuaise impressiō  
& qualité maligne il altere de telle sorte  
& façon nos corps que soudainement ils en  
sont endommagez: s'il est par vne chaleur  
contre nature trop eschauffé, l'humeur radi-  
cale sera aucunement attiré des corps, prin-  
cipallemēt de ceux que les medecins Grecs  
ont nommé *Eupora*, (or cest humeur est le  
vray baume conseruant nostre chaleur na-  
turelle fondement & soustien de nostre vie)  
d'où souuent s'ensuyt la mort. Aristote  
considerant que l'air excessiuelement chault  
espuisant les esprits abat totalement les  
forces, a dict que les *Æthiopiens*, & ceux  
de



de Lybie ne viuoient pas long temps, car sans doubte ce mesme air faisant trop suer empesche la cuisson, arreste l'vrine, engendrevne bile reçuiète, d'où viennent les maladies aiguës, d'autant que la bile que nous appellons vitelline estant despoüillée par vne trop grande chaleur de son humeur ferreuse acquiert vne adustio maligne, & lors excite des symptomes espouventables desquels il sera parlé en son lieu: ceste chaleur estrangere de laquelle j'ay parlé qui accompagne l'air, toujours faict la guerre à la chaleur naturelle en temps de peste, ce que ne peut estre sans vne indicible putrefactio laquelle excede celle qui est ordinaire: mais il conuient obseruer que non seulement l'air ainsi corrompu & gaste est cause de la peste, mais il ya aussi vn venim pernicious & malin qui s'engendre de luy mesme par la corruption des humeurs & mauuais regime de viure comme Galien nous enseigne, & par ce moyen nous aurons les deux principes des maladies si souuent repetez, dans Hipocrate dictz en grec *Poitticum* & *Epidechiticum*, l'vn est comme l'agent l'autre comme le patient: or la cause efficiente ne peut facilement auoir son action sinon sur la chose laquelle de soy a quelque aptitude de receuoir l'impression de ce qui agit,

agit, cecy se pourra prouuer par induction  
en son lieu.

---

*Quelles sont les causes qui nous conduisent  
à la prouidence Diuine, qu'est ce  
proprement destinee.*

CHAP. X.



Ffin de poursuiure l'aduis de  
quelques naturalistes, nous di-  
sons qu'oultre la cognoissance  
de la cause materielle des come-  
tes (à laquelle ils ont rapporté la famine &  
la peste) il conuient principalement auoir  
esgard à la cause efficiëte & finale, lesquel-  
les doiuent estre diligemment considerees  
par les Chrestiens (entant qu'ils sont douëz  
oultre la lumiere de nature d'vne lumiere  
de grace) estans aussi les principaux moyës  
qui nous doiuent guider à l'assidue & fre-  
quente meditation de la prouidëce diuine.  
A ceste prouidëce diuine toutes les choses  
qui sont à faire & à venir sont subiectes, &  
ny plus ny moins que l'Architecte lequel  
estant maistre & seigneur des choses qu'il  
pourpense bastir, cognoist la forme & ma-  
niere de les disposer & rediger en ordre,  
scait que ces choses qu'il conuient bastir  
sont subiectes à sa raison, prudëce, & ordre  
tel



tel qu'il voudra establiſſir, pareillement auſſi il eſt neceſſaire que tout ce qui eſt à faire & à venir ſoit en la puiſſance de la loy & vōlonté diuine par laquelle ſ'accompliſſent les inéuitables, ie diray imperſcrutables, iugements de Dieu : c'eſt là où fault prendre ce qu'on appelle *ſatum*. c'eſt à dire, deſtin (duquel nom pluſieurs des anciens Theologiſſens ainſi que celui de fortune, ont fait conſcience d'vſer) qu'on à dit eſtre vne ordonnance diuine à laquelle on ne peut contreuenir. Parquoy ſi tu veux appeller noſtre Dieu deſtin en ce ſens, tu ne faudras point, car c'eſt luy de q̄ tout depēd, duquel depēd toutes les cauſes des cauſes, nō plus que ſi tu l'appelle prouidēce, car c'eſt luy par le conſeil duquel eſt pourueu à ce monde à ce qu'il ne ſ'eſbranſle, ne meue, & qu'il puiſſe expedier toutes ces actions, duquel il eſt dit *a finē ad finē diſponens omnia ſua uiter.*

---

Des desbordemens des Riuieres & vents.

CHAP. XI.



Es naturaliſtes ont eſtimé que les desbordemens des Riuieres & deluges particuliers (comme celui qui arriua du temps d'Ogyges mil cinq cens ans auant que Rome fut baſtie, qui n'eſtoit celui du temps de Noë,

ou



ou comme celuy qui arriva au temps de Deucalion moindre que le premier, qui a occasionné Ouide d'en escrire en son premier liure des metamorphoses) ie dy que les Philosophes ont estimé que ces Catclysmes souuent arriuent par la force des cometes, à raison que les exhalations excitent les vents & tempestes, les vents agitent la mer & y font des tourmentes d'où s'ensuiuent (la mer cherchant les lieux declinez & bas) le regorgement & desbordement des eaües: ils en ont aultant dict des vents souuent signifiez par les cometes, attendu que plusieurs exhalations sont esleuees de terre, qui ne sont capables de recevoir l'inflammation ny la lumiere, parquoy se faisant vne collaterale reuerberation d'icelles, les vents s'engendrent. Car l'origine des vents vient de l'exhalation esleuee de la partie de la terre maigre & non grasse & onctueuse: & comme telle exhalation à cause de la ficcité de sa matiere n'a des parties vnies & liees ensemble, ny pareillemēt la chaleur qui la porte si forte & puissante que celle qui est ioincte à l'exhalation qui engendre le comete, nous dirons qu'à bon droit telle exhalation ne montera si hault que celle des cometes, ains soudainement se resoult & conuertit en vents, estāts

*Arist. 2.  
Met. c. 4*

repercutez par le froid de la moyenne region de l'air, car les vents qui soufflent des quatre coings de l'vniuers s'engendrent, selon Aristote, d'une abondance d'exhalation chaude & seche, esleuee comme i'ay dit cy dessus, & repete de rechef, de la terre en hault par la force du Soleil & violemment repousee en bas autour de la terre par la froideur & humidité de la moyenne region de l'air qu'elle r'encontre en son chemin: cecy se voit en nostre corps auquel s'engendrent plusieurs ventositez souuēt causes de la colique passion, pleurezic bastarde, inflation d'estomac, tympanite, œdeme &c. lesquels participent plus de la nature des vents que d'autre matiere eterogenee: il y a des lieux en nostre corps dictz par Galien *Cenones*, où les vents se logeants excitent plusieurs maux (lesquels nous faisons) desquels la cause materielle est semblable à celle du macrocosme ou grand monde, par laquelle les vents sont engendrez, à quoy sont concurrents l'impuissance de nostre chaleur naturelle & amas des humeurs indigestes qui resident en nos corps. Nous disons qu'en ce grand monde la tranquillité des vents est causee par la grande chaleur, laquelle dissipe & consomme les exhalatiōs auant que les vents se forment, ny plus ny moins

moins qu'une poille estant mise dans un grand feu ne s'embraze point, d'autant que l'humeur estant premierement par la violence de la chaleur dessechée la matiere de la flamme, qui est la fumee, defaut, il est certain qu'une plus grande flamme esteint la moindre à cause qu'elle esteint & consume la matiere de la moindre: sur ceste raison de Physique est fondé l'usage des remedes dictz carminatifs, & principallemēt des essences & huyles purifiez par distillation, pour dissiper les humeurs venteuses, comme l'essence d'anys, anet, huyle de brique appelée huyle des Philosophes, par Mezué & plusieurs autres, desquels nous parlerons en son lieu.

*De la commodité des vents.*

CHAP. XII.



Nous auons parlé en general de la cause materielle des vents, nous parlerons de la cause efficiente & finale, & principalement de la finale, attendu que selon le dire du Philosophe Dieu & nature ne font rien en vain, ce que les payens (comme entre plusieurs Homere & Virgile) ont dict d'Æolus fils de Iupiter *hic vasto rex Aeolum antro*, duquel parle aussi Ouide sous le nō d'Hipotes.

*Arist. 2.*

*phis*

*Virgil.*

*1. Aeneid*



Ouidi. 11  
met. 2mo.

*Quod socr Hipotades tibi sit qui carcere fortes  
Contineat ventos.*

il fault entêdre du souuerain Dieu duquel  
 Psal. 134 il est dict, *Qui producit ventos de thesauris suis,*  
 Hier. 10. celui qui produict les vêts de ses thresors,  
 cest à dire, que Dieu est recteur des vents &  
 les tient clos & enfermez en certains lieux  
 pour s'en seruir toutes & quantesfois qu'il  
 voudra, ie dy pour s'en seruir au grand pro-  
 fit & commodité de ses creatures, & aussi  
 pour donner terreur à vn chacun de nous,  
 & quelques fois nous les faire sentir com-  
 me heraults & auantcoureurs de sa iustice  
 lors qu'il est offencé par nos pechez. Ces  
 vents sont vrayz messagers & ministres de  
 Dieu, aussi selon la leçon des Hebreux le  
 Prophete royal est entendu quand il dict,  
 Psal. 103 *Qui facis Angelos tuos spiritus,* c'est à dire qui  
 faictz les vents ou esprits tes messagers : &  
 côme Dieu se sert d'une mesme chose pour  
 nous punir, & pour les commoditez tant  
 du corps que de l'ame, ainsi qu'il sera dict  
 quand nous parlerons du feu, aussi par le  
 moyē des vents il cōtregarde l'air de pour-  
 riture. Les eaües qui sont faictes d'air en la  
 transmutation des elements sont preser-  
 uees de putrefaction par le mouuemēt, c'est  
 ce que dict le Poete.

*Et vitium capiunt ni moueantur aqua.*

Ainsi

Ainsi l'air qui est fait d'eau par l'agitation des vents salubres est purgé à fin que nos esprits vitaux, animans, naturels, soient entretenus & nourris, bref réduits plus purs & nets: le mesme se void au grand monde créé pour l'amour de l'homme, auquel par le moyen des vents qui assemblent de toutes parts les nûes la terre est arrouzée de la pluye, laquelle par mesme moyen souuent reprime la trop grande violence des vents. Or tantost les vents amènent les nûes, tantost les chassent, & à celle fin que toutes les parties de ce monde inferieur se ressentent des pluyes, chascune region & contree a ses vents plus particuliers, comme l'Italie a le vent d'Auster, l'Afrique d'Aquilō: le vent dict Atabulus en Apulie, en Calabre, Iapix, en Athenes, Sciron, en la Gaule Circius: les vents dictz *Etésia*, ou *Subsolani*, qui soufflent du leuant equinoctial sont ordinaires en Iudee & Æthiopie, & y produisent la pluye, au contraire en nos regions ils n'assemblent aucune nûee; le vent de midy est salubre aux Affriquains comme aucuns ont voulu, aux autres il n'est sain, car passant par la Zone torride & par la mer Mediterranee il apporte avec soy abondance de vapeurs chaudes & humides, il ouvre & dilate les pores de nostre corps,



non seulement les extérieurs (qui sont plus estroicts) mais aussi les intérieurs (qui sont plus larges) & en tire la chaleur naturelle, y engendre superfluité & pourritures aux humeurs (l'humidité superflue & chaleur étrangère étant les deux principes de putrefaction) au contraire les vents de bise donnent nourriture aux fruits des plates. C'est pourquoy en re plusieurs maux que les vents meridionaux excitent, aucuns veulent que principalement ils debilitent les jointures & fondent le sel qui y reste, les septentrionaux au contraire les affermissent & augmentent ce sel (si sel faut nommer.)

*Aristo. 1.* L'homme est vn animal né selon le philosophe à la société, il est dict, *De homini soli*,  
*Eth.* malheur à l'homme qui vit seul, pareillement aussi il desire d'un instinct naturel  
*Eccles. 4.* d'apprendre, d'autant qu'il est capable de raison & intelligence: la faculté naturelle en l'homme l'esguillonne à cognoistre non seulement ce qui est pres de luy mais aussi ce qui en est esloigné, parquoy les longs voyages rendēt l'homme plus sage & prudent, tesmoing Ulysse qui est loué par Homere pour auoir beaucoup veü en ses voyages: les François ont considéré cecy en leur mot, scauoir, auquel trois vocables sont cōpris, auoir, voir, ouïr, qui sont trois choses



choses necessaires pour paruenir au comble des sciences, il n'est besoin s'arrester en l'explication de ces trois vocables. Or laissant à part ce sorcier Apollon Tiance qui a couru vne partie du monde, se seruant plustost du malin esprit comme guide (lequel transporte nos corps d'vne vitesse incroyable en des pays lointains quand Dieu le permet) on dict que Platon a esté en Italie pour recognoistre les Pythagoriciens: Pline dict qu'il est allé vers les Perseans pour apprendre la magie de leur Zoroaste & de ses successeurs, on en dit autant d'Hipocrate: on louë sainct Paul de ses longs voyages par lesquels il a conuertý plusieurs peuples à la foy Chrestienne, Sainct Iean Bouchedor dict qu'il a imité le Soleil lequel faiét son cours par vn chemin oblique c'est à dire par le zodiaque despuis l'Oriēt iusques à l'Occidēt par la force du premier mobile, & par le mesme zodiaque de l'Occident en Orient par son mouuement naturel. Ce docteur des Gentils est allé d'Orient en occident i'entēds de la Iudee à Rome qui est occidentale, à Ierusalem, il est passé par la petite Asie, & plusieurs autres regions de la Grece, par vne voye oblique pour aller en Italie, il a voyagé en Espagne & en la part de la Gaule dictē *Gallia Narbo-*

*nensis.* S. Hierosme a long temps voyagé par mer & par terre, les Iesuiſtes ont eſté pour planter la foy Chreſtienne iuſques aux Indes occidentales, & orientales, on ne peult dire en combien de contrees lointaines ils ont profité à la Chreſtienté, les Epistres qu'ils enuoyent ſouuent de toutes les parts du monde pour teſmoigner le fruit qu'ils y font nous en font foy, I'ozeray dire que ce ſont des ſeconds Apoſtres enuoyez de Dieu pour ranger les plus barbares infidelles des pays eſtranges par la conduicte du S. Eſprit à la foy Chreſtienne, & faire qu'en ce mode il n'y aye qu'un paſteur & vne bergerie: ie dy cecy pour monſtrer que le naturel de l'homme conuoiteux & curieux d'apprendre n'eſt de demeurer long temps en vn lieu, attendu la diuerſité grande des œuvres merueilleuſes de Dieu, laquelle ne ſe voit en vne ſeule regiō, comme on pourroit prouuer par induction. S'il y a profeſſion qui requiert de voyager c'eſt celle des Medecins pour la diuerſité des remedes (laiſſans les diuers temperaments des hommes &c.) prins des vegetaux, animaux, mineraux &c. comme Matheole nous enſeigne ſelon Hipocrate, ioinct que ſelon le poëte

*non omnis fert omnia tellus:*

*India mittit ebur, molles dant thura Sabæ.*

donec

donc vne terre ne produit toutes les com-  
 moditez de l'hōme: en quoy reluiēt la gran-  
 de prouidence de Dieu qui a voulu que les  
 hommes eussent affaire les vns des autres à  
 fin d'entretenir tousiours entr'eux la cha-  
 rité, amitié, societé, & q'vne nation s'hu-  
 miliaſt à l'endroiēt de l'autre ſe voyant pri-  
 uee de pluſieurs choſes deſquelles vne autre  
 aura à ſoiſon: de meſme maniere & façon  
 Dieu à bon droiēt n'a permis qu'il y euſt en  
 ce monde vne iſodunamie ou eſgalité entre  
 nous, principallemēt de richesses, voulant  
 qu'il y euſt icy vn ordre par lequel les vns  
 ſeroient ſuperieurs aux autres en dignitez  
 & moyens, qui eſt contre l'erreur des Ada-  
 mites qui rejettoient les magiſtrats. Or tout  
 ce diſcours tend à prouuer la grande neceſ-  
 ſité des vents, noſtre Hipocrate diēt que *Hipoc. l.*  
 quiconque veult auoir entierement la co- *de aere,*  
 gnoiſſance de la medecine doit auoir eſgard *lo. & aq.*  
 aux ſaiſons de l'annee, puis aux vents qui  
 ſoufflent & aſſietes des lieux, à celle fin qu'il  
 puiſſe preuoir les maladies qui pourront  
 aſſaillir les villes & citez: Seneque diſoit *Senec. li.*  
 qu'il fault admirer la grande prouidence de *bro. 5.*  
 Dieu entre toutes choſes lors qu'on entre *queſt. na.*  
 en la conſideration des vents, & ſe plainēt  
 de ce que les hommes pour aſſouuir leur  
 ambition font la guerre ſur mer abuſans de



la fin pour laquelle ces vents ont esté creéz. Mais ie veux passer plus oultre & admirer les faiëts de Dieu, lequel par plusieurs choses sensibles nous admené à la cognoissance de ce qui est inuisible qui surpasse la nature, d'où viët qu'aucuns ont voulu que le nom latin *anima*, c'est à dire l'ame soit deriué du mot grec *enemos*, qui signifie vent, ie veux encore qu'il soit inuisible neantmoins il a de merueilleux effectz, il ruine de conble en fonds les plus fortes tours, il agite les lieux les plus haults, aussi disoit le poete,

*Tibule.*

*Querunt altissima venti,*  
desracine les plus puissans chesnes, rien ne luy peult icy bas resister, les vents sont appellez *immites*, cest à dire, sans compassion,

*Quam iuuat immites Ventos scuire cubantem?*  
Cöbien seruët à celuy les vëts impitoyables Qui desirer dormir?

Il y a vn tourbillon de vent, ou vent impetueux, lequel souffle en rond, produisant de grands effectz: ie ne me veux arrester à ce que les poëtes en ont escrit, il suffit en general d'en parler reseruant le particulier cy apres à la citatiö des exemples. Qui sera celuy s'il n'est esloigné de raison qui contemplant les effectz du vent ne penetre en la cognoissance de nostre ame? cest ame produict inuisiblement ses œuures comme le vent

le vent, estant infusé au corps elle le viuiſie, car la vie c'est l'ame viuante par son moyen & de ſoy meſme, pource l'ame estant vie à ſoy meſme ne ſe pourra ſeparer de la vie: les œuvres de ceſt ame ſont eternelles, car ils conſacrent noſtre renommée à vne immortalité par la ſcience & vertu, les ouurages du corps ſont caduques & mortels: les eſſects de noſtre ame n'endurent aucune violence exterieure comme ceux du corps, perſonne ne peult forcer noſtre volonté qui eſt libre, ny plus ny moins qu'on ne peult empêcher le cours des vents, ſi donc l'eſprit rend nos actions immortelles il ſera immortel, ceſt ce que diſoit le poëte.

*Viuatur ingenio, cetera mortis erunt.*

Ceſt par le ſeul eſprit qu'on ſe red immortel, Tout ce qui reſte icy eſt caduc & mortel. ceſt ame eſt ſi noble & excellente que perſonne ne ſcauroit atteindre à la cognoiſſance de ſon eſſence, elle penetre les choſes les plus haultes & totalement eſloignées de nos ſens, elle diſcerne les choſes materielles des immaterielles: à la maniere du tourbillon de vent & du cercle, elle fait vne reflexion en ſoy ſe cognoiſſant ſoy meſme & eſtant iuge de ſes actions: c'eſt par le moyē de ceſt eſprit que nous nous reſſouuenons des choſes ja de long temps aduenues: conjoignons



ioignons le passé avec le present, & ce que maintenant est avec le futur, nous desirons ce qui est bon & reiettons ce qui est mauuais, bref par son moyen nous sommes cōme petis Dieux en ce monde, & toutesfois cest esprit est inuisible reuestu d'une masse de chair visible de laquelle comme il sera despoüillé il produira de soy des œuures auxquelles celles cy ne sont à paragonner, c'est pourquoy produisant des œuures si admirables on le dict estre sans mesure ny plus ny moins que le vent lequel ne peult estre mesuré, & toutesfois ce mesme esprit est dict par Pithagoras mesure de toutes choses. Ce que nous disons de la proportiō & analogie qui peult estre entre le vent & nostre ame, se peult accōmoder aux Anges qui sont inuisibles & operent inuisiblement icy bas, appelez non sans cause, *potestates, virtutes cœli &c.* mesmes des demons, de la puissance desquels Iob a amplement parlé quand il adit, *non est potestas super terram &c.* Or ces esprits lesquels apres leur cheute n'ont perdu ce que les Theologiens nomment *purā naturalia*, operent inuisiblement des effects admirables, desquels nous auons parlé en nostre D'emonologie.

Iobc. 40

Le demande à l'Euchariste, qui empesche qu'il ne croye la réelle presence de nostre



stre Sauueur au Sacrement de l'autel apres auoir entendu la diuine voix de la mesme verité scauoir Iesus-Christ (*cecy est mon corps*) auquel nous ne deuons demander raison de son dire? pourquoy le Calviniste ne se mire-il ez choses d'icy bas par l'analogie desquelles il pourroit conceuoir la reale presence du corps de nostre Sauueur en la S. Messé, comme principalement de nostre ame contenüe soubs vne chair visible? lisez S. Thomas parlant de l'Eucharistie: mais en cecy comme en plusieurs autres choses que nous croyons avec l'Eglise Catholique Apostolique Romaine, il est besoin de toy sans laquelle il est impossible complaire à nostre Dieu & rapporter toute nostre creance à la toute puissance de Dieu, laquelle, nō sans grād mystere comme il a esté dict, nous a esté proposée au commencement du Symbole des Apostres, à celle fin de couper chemin à toutes les curieuses demandes qu'on pourroit faire sur le reste du Symbole. Or telles & semblables questions desquelles vsent ordinairement les heretiques aydent

& aduancent beaucoup à l'impieté,

pourquoy S. Paul nous ad-  
uertit les fuyr &  
euitier.

S. Paul.

2. ad Th.



Du tremblement de terre, ce qui respond  
en nostre corps à ce tremblement  
& au desbordements  
des eaües.

## CHAP. XIII.



Le tremblement de terre vient de l'abondance des exhalations en-ferrees dans la terrie: si telles exhalations ont seulement leur mouuement de costé ce tremblement sera petit, si elles ont leur mouuement en hault & en bas il sera dangereux, le premier est nommé par quelques philosophes Latins, *Tremor*, l'autre *Pulsus*, le dernier faict souuent sauter les villes, & montaignes: ce tremblement souuent rend vn grand bruit pource que l'exhalation & vapeur se heurte, s'il fault ainsi parler, contre les parties interieuees de la terre & red vn son diuers selon la diuerse forme & figure des parties de la terre, quelques fois ce son s'entend auant que le tremblement soit, à cause que le son est plus subtil que le mouuement, quelque fois le son n'est accompaigné du tremblement, pource que l'exhalation est si petite qu'elle n'a la force d'es-mouuoir

mouuoir la terre, le poëte parlant de ce son  
à tresbien dict.

*Sub pedibus mugire solum,*

Lisez du tremblement de terre Plin<sup>e lib. 2.</sup> & Se-  
neque: nous voyons les effects de ce trem-<sup>c. 79.</sup>  
blement de terre au petit monde, car par vn <sup>Senec. li.</sup>  
vent enclos en nostre corps s'ensuyt ce qui <sup>6. q. 2.</sup>  
est par aucuns *Tremor & Spiritus*, nostre Hi-  
pocrate disoit si le ventre estant enflé, les <sup>en ses</sup>  
ventositez n'ont libre yssue, cela est dange-<sup>con.</sup>  
reux, or telle inflatiō à sa cause ou l'esprit  
flatueux, ou l'oppilation, ou l'intemperie:  
entre les causes du meteorisme qui se voit  
en nostre corps, la principale est ce que  
nous appellons *Pneumosodes*, c'est à dire cest  
esprit venteux qui faiēt l'inflation: donc  
l'inflation du ventre qui se faiēt lors que  
les ventositez ne peuuent auoir leur sortie  
est dangereuse, comme signe & comme cau-  
se, comme signe c'est à dire quelques fois  
signifiant vne habituelle discrasie & intē-  
perie des parties où telle inflation est exci-  
tee, comme cause, d'autant que si elle per-  
seuere & se faiēt rebelle elle produiēt plu-  
sieurs symptomes perilleux, desquels nous  
parlerons en son lieu. Il s'engendre aussi en  
nos corps ce que on nomme *Borboregmi*, c'est  
vn nom qui est pris du bruiēt & murmure  
qui se faiēt à cause des vents qui sont pous-  
sez



*Gal. 3. de* lez aux parties basses, Galien a amplement  
*loc. aff.* discours des sons qui s'entendent en nostre  
 corps par le moyen de ces vents. Or les  
 meismes choses se voyent au grand monde,  
 quand il se faict vn tremblement de terre,  
 Dieu qui s'ayde des choses naturelles pour  
 faire le tremblement de terre permet que  
 ce tremblemēt serue de supplice aux hom-  
 mes ou terreur, comme quelques fois aussi  
 pour manifester sa gloire ny plus ny moins  
 qu'il faict des vents comme il a esté dict cy-  
 dessus, & tout ainsi que les maladies sont  
 souuēt perilleuses cōme signes & cōme cau-  
 ses, aussi les tremblemēs de terre & plusieurs  
 meteoires sont quelques fois causes des  
 maux & signes tout ensemble: le tremble-  
 ment de terre qui aduint lors que le Sainct  
 Esprit descendit en forme de langues de feu  
 sur les Apostres estoit vn signe d'un bon-  
 heur: le tremblement de terre en la mort  
 & passion du Sauueur estoit signe du ma-  
 lheur des Iuifs: l'an 1509. en Constantinople vn tremblement de terre arriua qui du-  
 ra dixhuiet iours où treze mil hōmes feu-  
 rēt occis, ce tremblemēt estoit & la cause &  
 aussi le signe de quelque malheur aduenir.

Quant aux desbordements des eaües &  
 inondations, desquels il a esté faict mentiō  
 cy dessus, & desquels nous parlerōs cy apres

en particulier, il est certain que Dieu les enuoye souuent & pour nous punir & pour nous seruir de signes & presages des malheurs qui nous calonnent, si nous ne faisons penitence: & tout ainsi que le Souuerain Dieu a voulu que par la force & vertu de son flambeau, scauoir le Soleil, les nues fussent suspendues & ensemble retenues en hault, à fin qu'elles ne tombassent, & de peur que les cataractes ne se rompiissent comme elles auoient faict au deluge à cause de la multitude des pechez des hommes, (de cecy nous auons parlé au premier chapitre.) Pareillement aussi nostre Dieu empesche que les eaües (lesquelles il a borné de tous costez pour la conseruatiõ des animaux terrestres) ne se desbordants feissent vn degast en ce monde, mais lors qu'il nous veult ou menaçonner, ou punir, permet que les bornes soient rompues, comme il est arriué de nostre temps de la mer à Nantes en Bretagne, & à Rome du Tybre, ainsi qu'il sera dict cy apres. En nostre corps Dieu par vne singuliere prouidẽce a suspendu des eaües, qui de leur nature deussent estre aux lieux bas, en la partie qui represente en nous le ciel: les ventricules de nostre cerueau sont rempliz d vn amas de toutes sortes de puitte, mais souuent les cataractes de ce



cerveau estants rôpuz il se faiet vn torrent qui decoulât par le pertuis que nous appel-  
 lons *Coana* ou *infundibulum*, ou autres con-  
 duictz, engendre ce que nous nommons  
 (*rheuma suffocans*) c'est à dire rheume suffo-  
 quant, quelques fois prenant sa routte ail-  
 leurs vne apoplexie ou paraleysie : de la  
 s'enfuyt la mort par vn iuste iugement de  
 Dieu, qui ayant attendu le pecheur à resi-  
 piscence, & ayant vn long temps exterieu-  
 rement & interieurement frappé sa cons-  
 cience, comme il voit son endurcissement  
 & obstination souuent permet qu'il meure  
 ainsi soudainement: nous pouuons aussi di-  
 re que les iugemens de Dieu sont grands,  
*Psal. 35. Iudicia Domini abyssus multa*, desquels il n'est  
 loysible de nous beaucoup enquerster.

Il nous conuient obseruer touchant les  
 cometes & autres signes qui paroissêt, qu'il  
 n'est seant au Chrestien totalement s'arre-  
 fier à la cause materielle comme nous auôs  
 enseignécy dessus & repetons encores à la  
 maniere de ces philosophes grossiers qui  
 pour celà ont esté nommez, *materiati Philo-  
 sophi*, ains contempler le plus qu'il nous se-  
 ra possible la cause efficiente & finale, à fin  
 tousiours d'essleuer nostre entendement à ce  
 premier moteur, & accomplir le dire du  
*Esai. 40. Prophete qui s'escrie Leuate oculos vestros in  
 excelsum,*



*excelsum, & videte que creauit hac.* Le demandé à ces naturalistes comment la quantité & abondance de la matiere, de laquelle ils veulent que les cometes soient composez seroit idoine & suffisante pour engendrer tant de maux qui souuent suyuent l'apparition de ces cometes à scauoir si les guerres, tyrannies, heresies &c. (desquelles nous auons parlé cy dessus, quand nous auons mis selō l'aduis des Theologiens de ux sortes de fleaux) prendront leur source & origine du grand amaz des vapeurs & exhalations? Pour le regard des maladies desquelles les cometes sont souuent auantcoureurs veu la grande varieté d'icelles, comme il sera dict cy apres, l'abondance de telle matiere pourroit elle causer tant d'especes de maladies que Dieu nous enuoye pour nos pechez apres en auoir esté menacez par ces feux: Le pourrois dire cōme disoit le poëte semocquant d'Heraclite qui incessamment plorait cōsiderant les miseres de l'homme.

*Sed miror quomodo tantus sufficeret humor.*  
Mais à luy tant d'humeur comment a peu suffire,

Qui a tousiours ploré, sans iamais vouloir rirc.

voulant dire qu'il s'esmerueilloit commēt l'humeur pouuoit suffire à entretenir les.

pleurs de ce Philosophe: aussi ie m'estonne-  
rois grandement comment les vapeurs &  
exhalations pourroient entretenir tant de  
sortes de maux.

---

Des deux sortes de maux, & que Dieu  
n'est cause du peché.

CHAP. XIII.

**N**ous auons prouué que les come-  
tes estoient signes des malheurs,  
& que tel a esté l'aduis de tous  
les anciens: que l'opinion de  
quelques naturalistes ne doit estre receüe,  
lesquels font les comètes causes efficientes  
des maux encorés qu'ils ne soyent que si-  
gnes d'iceux, & que nonobstant que aucuns  
des meteores soient veüz causes & signes  
ensemble des maux comme il appert (ainsi  
que iay dict) és maladies, neantmoins tou-  
tesfois celà n'aura lieu à l'endroiët des co-  
mètes, ce qui arriue actuellement à l'vn,  
n'arriuant tousiours à l'autre: maintenant  
pour ôter l'ambiguité du nom de maux  
nous dirons qu'il y a vn genre de mal que  
les anciens ont appellé *malum rei*, *malum*  
*pœne*, c'est à dire mal de peine, contraire au  
bien de nature, & l'autre dict *malum ratio-*  
*nis*, *malum culpæ*, c'est à dire, mal de coulpe,  
qui est le peché contraire au bien de grace:  
du

du premier mal Dieu peut estre la cause, pourquoy il est dict *si est malum in ciuitate quod Dominus nō fecerit*, c'est à dire qu'il n'est arriué aucun mal en la cité que Dieu n'aye faict : nous disons que de ce mal les prodiges du ciel & de la terre peuuent estre signes & auantcoureurs, & aucuns d'iceux causes efficientes, j'entends secondes, non du mal de coulpe, à fin de retenir nostre libre & franc arbitre qui ne peult estre forcé par aucun signe celeste, car il depend de nostre ame diuine & immortelle, sur laquelle les choses sensibles & corporelles n'ont aucune puissance. Quant au mal de coulpe qui est le peché Dieu n'est la cause, encorres que Caluin après Luther & Bucer aye impudemment dict que Dieu opere le mal aux meschans, qui est vn blasphemé execrable, d'autant que le peché est diametralement contraire à la bonté souueraine, qui est Dieu, duquel la vobonté ne se peut naturellement ranger qu'au bien, attendu que telle volonté est bonne de foy & par nature, parquoy elle ne pourra estre cause du peché, autrement elle contraindrait l'homme de faire ce à quoy elle ne consent : faudra donc rejeter la cause du peché à la vobonté desreglée & desordonnée de l'homme cōme cause efficiente principale, & à Sathā



comme cause impulsioire externe; ainsi que nous dirons plus amplement en son lieu. Or Dieu ne commet mais permet les pechez, que si nous donnons quelque action à Dieu ez pechez, c'est entant qu'il ose sa grace, ou bien qu'il agit ce qui est naturel non ce qui est moral ou bien ce qui est effect non deffiant, bref ce qui appartient à la nature non au vice: il n'ya donc que le mal de peine; (comme les afflictions, aduersitez, maladies &c.) duquel Dieu soit auteur. Mais le Calviniste qui ne se sent jamais vaincu pourra recalcitrer, disant que le peché est souvent la peine du peché qui a esté perpetré & que par ce moyen Dieu est auteur du peché, mais pour cela il ne doit conclurre que le peché vient de Dieu si non par permissio; car lors que Dieu voit quelqu'un tellement obstiné que par aucune remonstration il ne veult recognoistre la verité, comme font nos Calvinistes, il permet qu'il tombe en des pechez plus grieux, à fin que la consideration de la griefuete de ses pechez l'appelle à penitence: pource entant que les peines des pechez sont pechez, i'entends deformitez, ils ne sont de Dieu: donc les cometes seront signes des maux de peine comme sont les calamitez & afflictions: que s'ils sont signes des heresies & pechez qui

qui regneront, ce sera quelques fois fortuitement & accidentairement, c'est à dire, par l'interpositiō de quelque autre cause: aussi la trop grande licence & liberté qui est donnée en la guerre est cause du peché, mesmes de l'heresie laquelle est souuent la peine du peché, car par la guerre mal reglee la iustice est bannie: c'est pourquoy les poëtes depeignent Mars & Bellone Dieux de la guerre *Axonis*, sans ceinture, les Latins les nommēt *discinctos*, parce que cōme le lieu auquel *Æole* enferme les vêts estant ouuert la mer est esmeüe & agitée, aussi sans vergoigne toute licence est permise à l'ouerture de la guerre & tout vice regne, c'est ce que diēt le poëte.

*Nulla fides pietasq; viris qui castra sequuntur.*

*Que des maux qui arriuent tousiours les signes  
visibles ne paroissent: que le peché est  
cause de nos aduersitez.*

CHAP. XV.



IEV souuent nous enuoye plusieurs aduersitez desquelles aucun signe n'aura precedé au ciel ou en la terre, cela depend de sa volōté qui faict paroistre les prodiges plus tost en vn temps qu'a autre pour certaines



causes à nous incogneues : c'est ce que destruit l'opinion de plusieurs naturalistes qui rejettoient la cause des maladies pestilentiellles & autres maux au seul amaz des exhalations d'où ils veulent les cometes estre faictes, veu que la peste souuent infectera plusieurs contrees & regions sans qu'aucun signe manifeste en aye esté posté & auantcōureur. Je diray que c'est vne marque de l'ire de Dieu euidēte lors qu'il nous preuient de certains malheurs tout à coup sans aucun signe qui aye precedé, encores que nous n'ayons aucun subiect de murmurer contre luy, lequel nous a donné sa loy & a parlé de tout temps, nous faisans cognoistre que la peine vient du peché. La loy de nature nous enseigne que le peché qui se commet ne demeure iamais impuny ny plus nymoins que le bien-faict ne demeure sans recompense : Pharaon n'estoit ignorāt de cela, ce que le pouuoit distraire de faire mal aux Hebrieux, ny de l'autre loy de nature faire à autrui ce que vous voulés qu'on vous face, mais toutesfois Dieu n'a layssé voyant son endurcissement de luy enuoyer plusieurs signes postés & heraults du malheur qui luy arriva. Et pour reprendre ce discours de plus loing, si nous parlons du temps de la cheute des Anges, d'autant que  
Sathaël



Sathaël auoit voulu môter plus hault qu'il ne deuoit, i'entends qu'il auoit voulu estre assis en la montaigne, c'est à dire en l'heritage de Iesus-Christ, & estre esgal à luy, ce dragon vaincu par S. Michel est tombé si bas que iamais il ne s'é releuera: ceste cheute qui est accôpaignee de perpetuels tourments est la suite de son peché. Adam a perdu son estat & a esté réply de toutes miseres & afflictions despuis son peché, bref la plus part de ceux qui ont des infortunes & aduersitez foyent deüement aduertiz que leurs pechez en sont cause, il est dict *ubi non est iniquitas ibi non est aduersitas*. Nostre Dieu voyant l'iniquité des hommes il a abregé leur vie, & l'a limitée à six vingts ans, puis voyant l'obstinee malice de son peuple suivant ce qui est dict, *repleta est terra iniquitate* à *facie eorum*, il a prononcé cest espouuentable Arrest, *disperdam eos cum terra*, c'est à dire, ie les perdray avec la terre: lors il a enuoyé le deluge, lequel n'a esparné aucune creature sur la terre excepté Noë & toute sa famille, & comme Noë n'estoit du nombre des meschans étant dict de luy, *Noë vero inuenit gratiam coram Deo*, il n'estoit raisonnable qu'il sentit l'effort du deluge avec le reste de ceux qui habitoient en ce monde. Plusieurs sont curieux de scauoir si ce delu-

Ezech. 14.

Apoc. 12.

Genes. 6.

ge a esté preueu par l'aspect des astres, & si aucū signe ne paroist au ciel pour seruir aux hommes d'aduertissement, ie dy que les pechez desquels les hommes estoient lors atteincts les aduertissoient assez du malheur & desastre qui leur deuoit arriuer, encores qu'ils n'ayent eu faulte d'aduertissement par Noë, ny plus ny moins que depuis le deluge les enfans d'Israël sont tombez en plusieurs desastres apres auoir esté aduertiz par la bouche des Prophetes (cōme d'un Hieremie, Isaïe & autres, lesquels n'ont esté creüz) sans qu'aucun signe aye precedé ny au ciel ny en la terre: si nous voulons parler plus particulièrement, les maisons des Roys ont esté frappees de la verge de Dieu apres auoir receu l'aduertissement des Prophetes enuoyez pour cest effect, aussi Ieroboam, Baasa, Achab, sont menagez, de ce les histoires sacrees en sont pleines. Si nous parlons de la ruyne du monde qui arriuera par le feu nous en sommes deüemēt aduertiz par les Prophetes & Sybiles, encores qu'aucun signe ne feut auantcoureur de ceste ruine: Qu'est il besoin que les hommes demandent des signes du ciel pour estre aduertis des miseres & encombres qui les tallonnent s'ils perseuerent en leurs pechez? Le mauuais riche a prié Abraham de donner des ad-

1. Reg. c.

4. 13. 16

des aduertissements à ses freres, mais il a  
 respondu qu'ils auoient Moyse & les Pro-  
 phetes. Calvin ne peut dire que Dieu ne  
 l'aye aduertiy de sa damnation, veu qu'il a  
 feu que *Extra ecclesiam nulla salus sed ira Dei*,  
 bref que tout malheur arriue à ceuy qui se  
 depart de l'Eglise en laquelle tous les saints  
 Peres ont este regenez par le Sacrement  
 de Baptesine. Donc nous auons d'autres ad-  
 uertissements sans attendre l'apparitiõ des  
 cometes pour fuyr & euitier les malheurs  
 qui accompaignent nos pechez, & neant-  
 moins lors que Dieu enuoye tels signes &  
 au res nous les deuons craindre & redoub-  
 ter comme verges de la main de Dieu.

Concil.  
 Lateran  
 sub Inno.  
 3. Cano-  
 ne vna.

De l'erreur de certains Astrologues sur le fait  
 des Cometes & Astres.

CHAP. XVI.



Plusieurs de nos naturalistes ont  
 estimé que le Comete estant au  
 Belier signifie la mort d'un Prin-  
 ce Chrestien, effusion & espan-  
 chement de sang: si au Taureau, subuersion  
 de citez Chrestiennes & mortalité en Babi-  
 lone: si aux Poissons, inondations & des-  
 bordements de riuieres: & ainsi des signes  
 en la conionction desquels les cometes se-  
 ront



ront veuz, les traictez faicts sur l'apparitiō  
des cometes sont ordinairement mal à pro-  
pos pleins de tels & semblables discours  
indignes d'un Chrestien. Ceux qui suivent  
Ptolomee commettent plusieurs erreurs en  
celà, ils disent que de la conionction de Ju-  
piter & Saturne la peste & oppression des  
monarchies dependoient, Albumazar attri-  
bue celà à Jupiter & Mars, s'ils regardoient  
quelque signe humide, les autres ont attri-  
bué tel effect à l'Eclipse, les autres ont dict  
que la plus florissante Monarchie ne passe  
douze cens ans, & que cela se cognoissoit  
par les astres: ce fol & insensé Albumazar  
entre plusieurs choses ridicules & ineptes  
qu'il a escript, auoit predict par l'aspect  
des Astres que la fin de la religion Chre-  
stienne estoit limitee iusques à l'an 1460.  
(ce que nous refuterōs cy après) & que lors  
que la Lune sera conioincte à Jupiter avec  
la teste du dragon, celui qui demandera  
quelque chose à Dieu, l'impetrera: comme  
si nostre Dieu oſtroyoit nos demandes à  
raison de la conionction des astres & non  
pource qu'il les voit equitables & que  
nous meritōs par nostre bonne vie qu'elles  
soient exaucees: ioinct qu'il s'ensuyuroit  
que lors de ceste conionctiō de Jupiter sus-  
dite nous serions assurez d'impetrer de  
notre

nostre Dieu ce que luy demandons: or il est certain que le plus iuste ne peult s'asseurer de telle chose: ainsi David demandoit à Dieu. *Dirigatur oratio mea sicut incenssum &c.* en priant nous remettons le tout à la volonté de Dieu, estant dict en l'oraison Dominicale *fiat voluntas tua*, tel erreur est vrayement des Calvinistes qui ont vne ferme assurance de leur saluation, de laquelle S. Paul vaisseau d'election n'estoit assuré, car il est dit par le mesme David, *seruite Domino in timore.* de cecy nous parlerons au second liure.

Aucuns des Medecins appelez *Iatromathematici* ont raporté les causes des fiebres intermittentes aux astres, voulants que la melancholie suyue le mouuement de Saturne, la bile ou cholere celle de Mars, le sang celuy de Iupiter, le phlegme celuy de la Lune, ce qui a esté refuté par le Comte de la Mirandole. Les Arabes quittans les astres ont attribué la diuersité des paroxismes ou accès des fiebres à vne propriété occulte & cachée des humeurs, par laquelle ces humeurs ont vn mouuement en certain temps, mais nous pourrions dire que les périodes des accès dependent plustost de la quantité & qualité de la matiere que d'une propriété spécifique, ainsi les menstrues des femmes ont la cause de leurs cours dependente

3. corn.  
Astro. c.  
17.



dente plustost d'un amas de matiere & qualite d'icelle que d'une proprieté occulte, telle qui est en la pierre d'Emant d'attirer le fer, le pourpié d'oster l'agassement des dents. Nostre Galien produict deux causes des diuers periodes & accès des fiebures, scauoir la varieté du sang par lequel la partie est nourrie, & la nature & complexiõ de la partie laquelle recoit la nourriture: aussi aucuns ont voulu que le septième iour aye vn droit de crise à cause de certaine influence du ciel, nonobstant que les crises des fiebures soyent plustost deües au combat de la nature & maladie appellé par nostre Hipocrate *Ephodos*; qu'à autre cause: de cecy nous parlerons en son lieu Dieu ay dât, voyés Galien au liure troisième de *Diebus decretoriis*.

De l'annee Clymaterique.

CHAP. XVII.



Plusieurs errent grandement sur le fait de l'annee Clymaterique, on dict vulgairement, *communis error facit vis & dulce est insanire cum multis*, mais le docte, sage, & discret Medecin ne se doit arrester aux conceptions du vulgaire, ains les doit balancer & pezer pour scauoir si elles ont quelque fonde-



fondement: c'est pourquoy Ciceron disoit  
*Loquendi populo, iudicandi partes mihi reseruauis*  
Ioubert grand Medecin a fait vn liure in-  
titulé des erreurs populaires, à fin de de-  
stourner les Medecins de plusieurs propos  
vulgaires qui sont plus probables que ne-  
cessaires, & ie diray totalement faux, entre  
lesquels est ce qu'on dict de l'annee Cly-  
materique en laquelle on met ou vn peril  
& danger de la vie, ou vne prolongation  
d'icelle. Or nous disons que ceste échelle  
dictée en grec, *climax*, où espace qui est en-  
tre deux paralleles, n'est vn nombre fatal;  
ce nombre de soixante & trois ans ne peut  
estre cause de la mort, autrement faudroit  
à l'exemple des Pythagoreens mettre vne  
telle force aux nombres que la necessité de  
mourir en dependist, & approuuer le dire  
de Pythagoras, que la puissance des nom-  
bres estoit telle qu'elle pourroit forcer les  
Dieux: aussi le poëte dict.

*Nos numeri sumus, numero namq<sup>3</sup>, omnia constāt.*  
Nous sommes tous des nombres, rien n'est  
icy sans nombre.

Si nous ne voulons interpreter le dire du  
poëte du nombre, poix & proportion, es-  
quels Dieu a creé toutes choses, *omnia fecit*  
*in numero, pondere & mensura*. Ie diray donc  
que la necessité de nostre vie & mort depēd  
de l'

de la seule disposition & volonté éternelle de Dieu, auquel parlant Job disoit, *Coniurasti terminos vitæ qui præteriri non poterunt.* Qui est celuy qui voudroit dire que l'homme part de ce monde par le commandement des nombres & non par celuy de son Createur lequel nous redemâde l'ame qu'il nous a donnée lors qu'il luy plaist? cest ce que disoit le poëte Payen.

*Zucret. Mancipio nulli data vita est omnibus vsu,*

*Marsiel Dum Simoneta decæs media iam morte laboret,  
Hanc animam nobis, qui dedit accipiat.*

parquoy la vie de l'homme n'a son fondement sur la supputation du neuf fois sept, ou sur les nombres Clymaïeriques, ains au principe vital des parties solides, & en ce nectar viuinque, ou baume, le tout n'ayant autre auteur que Dieu duquel il est dict,

*Act. in. in ipso sumus, mouemur, viuimus, in ipso vita erat.*

*Joh. 1.* Et d'autant que l'auteur de la nature a voulu que nous fussions mortels selon le corps, à raison du peché par lequel la mort est entrée au monde, il se faict en nous peu à peu vne perpetuelle perte de nostre triple substance, d'où s'ensuit en fin la vieillesse auantcoureuse de la mort: le poëte disoit  
*Ca. 1. li. de l'1. fort à propos.*

*sans.*

*Obrepiat non intellecta senectus:*  
car ny par le boire ny par le manger nous ne pou-

ne pouuons si bien reparer le degast qui se  
faict en nous qu'en fin il ne s'engendre en  
nostre corps sansy penser plus de superflui-  
tez & excrements que de bon suc & loua-  
ble pour la reparation du default de nostre  
nature, laquelle deuient tellement infirme  
& debile qu'il fault qu'elle quitte la partie  
& le jeu lors que la mort arriue qui maistrise  
sous la voulte du ciel tout ce qui est  
corporel & sensible iusques aux elements,  
sinon selon le tout au moins selon leurs  
parties. Laisant l'erreur de ceux qui met-  
tent force en l'annee Clymaterique, medi-  
tons sur ce discours toujours la mort, &  
songeons que nostre vie n'est qu'une pre-  
paration a la mesme mort de laquelle la  
vielleſſe doit selon le cours de nature estre  
plus proche que la ieunesse, & pource l'an-  
nee de 63. ans que celle de 33. & 43. & c.  
a celle fin que soyons toujours prests &  
apareillez par nostre bonne vie a recepuoir  
ceste mort qui nous est ineuitable, bien que  
le temps d'icelle nous soit incertain : cest  
par le moyen de ceste mort que nous en-  
trons en vne vie beaucoup meilleure que  
celle cy, laquelle ie diray avec l'Orateur  
Payen, plustost vne mort qu'une vie. Il me  
souuient auoir leu de ce bon Empereur  
Maximilian ayant receu lettres de son



grand maistre par lesquelles il le congratuloit de ce que heureusement il auoit passé l'an clymateric, luy fit respõce que toutes les anneés luy estoient clymateriques, & qu'il ne raportoit la conseruation de sa vie allieurs qu'à la seule prouidẽce de Dieu laquelle il loũoit, parce que souuent Abraham disoit à son fils Isaac, *Deus prouidebit*, c'est à dire, Dieu y pouruoirá. Voila vne responce digne d'un Empereur Chrestien tel qu'estoit cestuy cy: c'est pourquoy le Prophete roy al remettant toutes les choses du monde à la dispositiõ & volonté de Dieu

*Psal. 54. disoit Iacta curam tuam super Dominum & ipse te enutriet &c.* Les medecins desquels nous auons parlé, oultre l'erreur qu'ils ont eu de l'annee clymaterique, ont estimé que les signes du Zodiaque qui sont douze ont vne particuliere vertu & puissance sur les membres de nostre corps, comme le Toreau sur le col, les Gemeaux sur les bras, l'Escreuille sur la poictrine, & ainsi des autres, ils font difficulté de seigner lors que la Lune est aux Gemeaux: nous seriõs trop prolixes si nous voulions nous arrester aux opinions erronees des Astrologues touchât l'aspect des Astres. Je diray que quelques vns de nostre temps indiscretement ont rapporté ce qui deuoit plustost estre remis aux iugements de Dieu

de Dieu inperscrutables qu'à la conionctiō de certains astres, la cause de plusieurs euenemens desquels nous auons peu estre spectateurs, comme par exemple l'an 1567. en vn mesme iour, en Septembre, auquel nostre Roy Charles ( que Dieu absolue ) cuida estre prins à Meaux, plusieurs defastres arriuerent en l'Europe & Affrique à l'endroiēt de quelques Roys, comme celuy de Suede, de Thunes & Iezabel: ie serois trop prolix si ie uoulois produire plusieurs autres opinions du tout absurdes & ie diray impies sur ce faict, lesquelles i'estimerois plus tolerables à l'endroiēt de ceux qui sont infidelles que des Chrestiens enfans de liberte & franchise, pourquoy il est escrit, *à signis cœli nolite metuere quæ timent gentes.*

---

*De l'excellence du Ciel, & refutation des Astrologues touchant les Astres.*

CHAP. XVIII.



Vant qu'entrer à la refutatiō des opinions des Astrologues citez cy dessus, il fault remarquer qu'entre les œuures de Dieu admirables que nous voyons de iour en iour est le Ciel: & s'il y a chose visible qui manifeste sa gloire c'est celle là, c'est pourquoy



le Prophete royal disoit, *Cæli enarrant gloriam Dei & opera manuum eius annunciat firmiter*. Et parce que nous voyons le Ciel si souvent, c'est la cause pour laquelle nous ne l'admirons comme nous deurions, autāt en pouuons nous dire de l'homme qui est le microcosme ou petit monde, comme il a esté dict: parquoy S. Augustin dict fort à propos, *Quamuis miracula visibilia naturarum videndi assiduitate voluerint, tamen cum ea intuemur inusitatissimis & rarissimis, maiora sunt: nam omni miraculo quod fit per hominem maius miraculum est homo*: c'est à dire combien que les miracles des natures visibles ne soient prizez & estimez à cause qu'on les voit ordinairement, toutesfois quand nous les contemplons avec vne sagesse ils semblent plus grands que les plus rares & inusitez, car l'homme est vn plus grand miracle que miracle quelconque fait par l'homme: ceste sentence est digne d'estre retenue. Je croy que si les hommes se contenoient eux mesmes comme il fault, & le ciel qui les environne, ils ne tôberoient iamais en impieté, & dans ces choses visibles ils verroient cōme dans vn myroir reluire l'image des choses invisibles, comme des Anges, de leur ame diuine & immortelle, & par mesme moyen de celuy duquel toutes choses dependent,

S. Augu.  
10. de d.  
ch. c. 12.



pendent, & qui a de foy & non d'ailleurs son estre, eternité, puissance, bonté, &c. Je ne puis que ie ne cite ce que nous lisons de ces saints personnages Ignace Loyola, & François Xauerus (pour la pieté desquels & grand fruit qu'ils ont fait en la foy Chrestienne, comme encores font leurs successeurs par tout le monde, la memoire est eternelle) lesquels souuent regardans le ciel estoient tellement ravis en leur esprit qu'ils fondoient en larmes, car ils contem-  
ploient le ciel comme les banniz font le lieu de leur naissance & le port auquel il fault nō sans grand hazard & danger de quelque soudain naufrage aborder, apres auoir long temps combattu avec les plus forts & puissants ennemis, le Diable la chair, & le monde, durant ceste vie : tellement que l'assidue & frequente contemplation du ciel tant desiré seruoit à ces vertueux & saints personnages en leurs peines & trauaulx de repos, en leurs fascheries de soulas, en leur combat de force, en leurs aduersitez d'ayde & confort. Qui est celuy lequel entre vn milliō d'estres desquels ce ciel est embelly n'admire le souverain Dieu lors qu'il voit le Soleil lequel d'une grandeur incroyable surpasse l'vniuersel globe de la mer & de la terre, ensemble les estoilles de la premiere

magnitude ? c'est la lumiere de laquelle le premier moteur se sert pour donner la chaleur viuifiante aux animaulx & plantes, bref c'est celuy qui comme vne cause homonyme, ou equiuoque avec la synonyme, *Aristo. 2.* ou vniuoque, scauoir l'homme engendre *de natu.* l'homme, i'entēds l'homme exterieur: c'est *Psal. 18.* celuy lequel le Prophete royal pour sa *Ecles. 14* naifue beauté compare à l'espoux, & pour sa force & impetuofité au Geant: c'est le vaisseau admirable de ce hault & magnifique œuure: c'est celuy pour lequel plusieurs, au lieu d'estre conduicts par l'aspect de son excellence & beauté à la souueraine beauté & bonté ont idolatrē adorant les planetes comme Dieux, en quoy les Ethniques par la suggestion de Sathan ont esté *s. Denis.* deceuz & trompez. l'Apostre des François *ls. de d.* dict que le Soleil nous enseigne vne euidēte *ps. 6. 4.* & expresse image de la diuine bonté, d'autant que ce n'est de propos deliberé & par eslection qu'il illumine ce monde inferieur: enquoy ie diray que Dieu doit estre recogneu pource qu'il est tout bon, innēse, tout puissant, d'autant qu'il faiēt mouuoir avec vn ordre incroyable à l'entour de la terre vne chose qui est priuee de conseil & raison: c'est nostre premier moteur qui tourne immediatement par sa toute-puissance



fance ou mediatement, se seruant des Anges, ce bel astre, à celle fin de donner la vie à ses creatures. Moyse craignant que les Hebreux, à la maniere des Gentils ne se feissent idolatres en contemplant la dignité des cieux, leur a faiët vne rigoureuse deffence de n'adorer les astres. Il n'ya eu de tous les Roys d'Israel que trois qui n'ont point erré,, ainsi qu'il nous est enseigné en l'Ecclesiaste (entre lesquels a esté Iosias) entant qu'ils n'ont enduré aucune idolatrie, heresie, schisme en leurs Royaumes. Ce bon Roy de Iuda Iosias feit brusler tous les vaiseaux consacrez au Soleil, à la Lune, & aux douze signes, mesmes les cheuaulx lesquels estoient dediez par les Roys de Iuda au Soleil & à la Lune, ensemble les chariots. C'est pour faire la leçon aux Astrologues, qui attribuâts tant de vertu & force aux astres sont vrayz idolatres: pensent-ils que le ciel aye esté créé de Dieu pour nous apprendre nos bonnes aduentures? pensent-ils que les astres puissent estre causes efficientes des actions humaines, lesquelles deppendent d'une ame laquelle à esté créée en son franc arbitre? pensent-ils que nostre ame soit du nombre des choses matérielles lesquelles le plus souuent agissent d'une mesme sorte & façon, & par necessité, pource dependent

*Deuter.**ca. 14.**4. Reg.**C. 8.*



aucunement du ciel? estiment-ils que le diuers aspect des astres cause icy le comble des malheurs que nous voyons de iour en iour arriuer pour nos pechez en ce monde? le ciel pourra lors qu'il plaira à Dieu nous donner quelques signes de son ire qui nous menace, non qu'il force & contraigne nos actions. Si le Soleil se lene quelque temps n'ayant sa splendeur & lumiere accoustumee ains telle que le poëte Homere nous a representé, celà nous signifie ie ne scay quel defastre: ie diray que d'autât plus que le Soleil paroist obscur, plus facilement les corps contenus en ce monde inferieur sont subiects à pourriture, de là est venu l'ancien prouerbe, *nos Sole & Sale nihil habemus melius*, c'est à dire, que nous n'auons rien de meilleur que le Soleil & le Sel: il est dict le Soleil pour les grandes commoditez que sa lumiere nous apporte, l'hôme triste & melancholique est réduit ioyeux lors que le Soleil se mō<sup>n</sup>re, nostre chaleur naturelle ensemble les esprits vitaulx, naturels, & animaux sont rédus plus forts & vigoureux, & pour ce plus prōps & agiles à exercer nos actiōs le iour que la nuit. Cest pourquoy il ne se fault esmerveiller si en la maladie de Naples les douleurs sont plus vehementes la nuit que le iour, d'autant que la chaleur naturelle

naturelle estant excitée par la lumière du  
 Soleil monstre d'auantaige sa vigueur au  
 dehors pour l'exercice des fonctions du corps,  
 qui faict que les mauuais excrements tels  
 que sont ceux qui font ladicte maladie se  
 dissipent plus facilement par les pores. Ce  
 n'est sans cause que Platon & auant luy  
 Mercure Trismegiste ont dict que le Soleil  
 estoit l'essence & ame du monde : voyés le  
 petit liure qu'a faict Iulian l'Apostat du  
 Soleil, trouué depuis peu de temps, & les  
 cométaires de monsieur de Cādale Euesque  
 sur le Mercure: nostre cōciliator apres auoir  
 enseigné que nos esprits ont plus de viuac-  
 cité le iour que la nuict à cause de la presen-  
 ce du Soleil, & que par mesme moyen no-  
 stre chaleur la nuict est plus foible & imbe-  
 cille (comme ayant besoin d'estre aydee de  
 la celeste avec laquelle elle a vne sympa-  
 tie) assure qu'il meurt beaucoup plus de  
 gens la nuict que le iour, & que celà a esté  
 de tout temps obserué, lisez ce que Galien *Com. in.*  
 dict apres Hipocrates, où il parle amplemēt *1. par. l. 1.*  
 du Soleil de la Lune & autres astres: reuenōs *Hipo. de*  
 à l'ancien prouerbe cité cy dessus, auquel il *morbis.*  
 n'est seulement parlé du Soleil mais aussi du *Sulg. &*  
 Sel, ce qui n'est sans raison, d'autant que le *lib. 3. de*  
 sel c'est vn Symbole d'Eternité, Homere *de reb. de-*  
 appelle les sels, sels diuins, estant le propre *cretorij.*



des Dieux de n'estre iamais subiects à corruption, or le sel empesche les choses de se corrompre.

Nous nous pouuons asseurer que despuis trante ans & plus nous n'auons veu icy le Soleil auoir sa naifue clarté comme il souloit, c'est pourquoy il ne se fault esmerveiller si les quatre saisons de l'annee ne gardent leur naturelle, constitution, & si la terre ne produict les fruiets en quantité & qualité telle qu'elle auoit de coustume, bref si les viandes ne nourrissent & substantent comme elles ont faict auant ce miserable temps. Dieu auoit menacé le peuple d'Israël de ce malheur, ie renuoye le lecteur à mon discours du comete cy dessus allegué: les feux qui paroissent en l'air de diuers genre, la multitude des araignes, souris, mouches, ou petis vers qui ont ailles, des champignons & potirons, signifient vne peste prochaine, les chiens enragez, les tremblements des vins és caues, les fruiets de la terre insipides & qui aysement se corrompēt, l'abondance des mauuaises herbes qui naissent és champs: Et pour reuenir au ciel il nous donne quand il plaist à Dieu ses signes & marques des malheurs qui nous talonnēt si nous ne faisons penitence.

Par certains aspects des astres plusieurs vapeurs



vapeurs peuuent sortir du sein & replis de la terre, lesquelles souuent infectent la superficie de ceste terre & engendrēt en icelle vne sterilité & famine: comme il aduint en Sagon & Samarie, il arriue quelques fois que ces vapeurs malignes ne s'arreitent en l'air ains aux creux de la terre, d'oū s'engēdrent des espouuentables tremblements de terre, comme il s'est veu de nostre temps en la ville de Ferrare & en France, de ces vapeurs il arriue souuent vne mortalité au bestial comme on a veu par experience.

Lors que nostre Sauueur a enduré pour rachepier le genre humain le Soleil & la Lune ont monsté que comme seruiteurs ils compatissoient (si ainsi il fault parler) à la mort & passion de leur Maistre & Createur, autant en ont faict les pierres, la terre, bref les choses inanimees & animees: c'est pourquoy l'Apostre des François s'escrie voyant l'eclipse du Soleil estre faicte la Lune estant en son plein contre le cours de nature, *aut Deus natura patitur, aut mundi machina destruitur*, c'est à dire, ou le Dieu de nature en endure ou la machine du monde est destruite: S. Denis en vne Epistre qu'il escrit à Policarpe, & en vne autre qu'il escrit à Apollophane Philosophe, tesmoigne qu'il a veu avec grande admiratiō l'eclipse  
de

de Soleil qui feut veüe en la mort & passiõ de nostre Sauueur. Je ne puis en passant que ie ne refute l'erreur d'Onuphrius lequel asseure que cest eclipse eust esté plus merueilleuse si elle fut arriuee troisiours apres la pleine lune, car l'eclipse du Soleil ne se faict naturellement sinon lors que la lune est conioincte avec le Soleil, & couurant son orbe nous oste sa lumiere, parquoy tant plus la Lune est esloignee de ceste conioction moins elle faict l'eclipse du Soleil: or la Lune n'est iamais tant reculee du Soleil que lors qu'elle est en son plein, pource en ce temps duquel parle le poëte.

*Cornua cum Luna plena semel orbe coissent*  
naturellement elle ne peut faire ladicte eclipse de Soleil, ainsi l'erreur de cest Astrologue est notoire. Pour reuenir à nostre propos, auant la mort de l'Empereur Charlemagne l'eclipse de Soleil & Lune fut contre la coustume ordinaire l'espace de sept iours il parut vne grande tache noire au Soleil, cecy est souuent arriué si nous recherchons les anciennes hystoires, mais l'exemple de nostre temps nous seruira d'auantage pour la preuue de ce discours: en l'année precedente 1601. depuis le mois d'Avril iusques à ce temps on obserue de iour en iour la couleur du Soleil lors qu'il se leue

leue & couche non accoustumee, tellemēt que les vieux payfants en font si estonnez qu'rien plus, presage que Dieu nous menace de certains malheurs à aduenir lesquels il nous conuient euitier par la plus prompte penitēce que faire se pourra: nous disons que l'amas de plusieurs mauuais signes concurrens ensemble font la maladie mortelle. Or il ne se fault esmerueiller si quelque fois les astres cōpatissent à nos desastres & malheurs d'autant qu'ils ont esté creez pour l'amour de nous: si Dieu par le moyen du ciel nous faiēt cognoistre qu'il est irrité contre nous à cause de noz pechez, il ne fault pourtant dire que ce ciel apporte aucune necessité.

---

*De la faulse Astrologie*

## CHAP. XIX.

**P**lcus Mirandulanus a faiēt douze liures contre les Astrologues, ausquels il enseigne que la faulse Astrologie a esté inuentee par les malins esprits pour abolir la prouidence tant diuine que humaine, & la medecine: car si on cōfesse que les particulieres actiōs des hommes deppendent de la constellatiō des Astres, il fault par mesme moyen nier ce que



ce que les vrayz Philosophes ont tousiours  
maintenu, scauoir que le ciel n'est qu'une  
organe & instrument commun de la diuine  
vertu, & qu'il n'est qu'une cause generale  
& commune des effectz d'icy bas, iettant  
son influence seulemēt sur ce qui est corpo-  
rel: il fault aussi si tel erreur a lieu excuser  
les pechez des hommes comme n'ayants au-  
cune dependance de la liberte de nostre vo-  
lonte, tollir les loix, bref oster à la maniere  
des Manichees & Caluinistes le franc arbi-  
tre. S. Thomas, Albert le grand, & auant-  
eux Platon & Aristote, n'ont iamais fait  
estat de l'Astrologie iudiciaire, n'y trouuāt  
aucun fondement. Auenzoar qui a este vn  
medecin fort experimentē, lequel Aueroes  
tesmoigne auoir vescu cent trente cinq ans  
(semblable à Asclepiade qui ayant vescu  
long temps sans auoir oncques senty incō-  
moditē de son corps se tua tōbant du hault  
d'une eschelle) apres auoir estē quarāte ans  
sans pratique fut le reste de sa vie en gran-  
de vogue: or cest excellent Medecin ensei-  
gnoit qu'il ne falloit auoir esgard à la Lune  
& aux astres quand il estoit besoin de sei-  
gner & purger, qu'il falloit seulemēt choi-  
sir vn temps moderē en chaleur & froideur:  
il blasmoit totallemēt la iudiciaire, ce qui  
faict contre les Medecins Astrologues qu'on

a nommē

a nommé en derision *Iatromathematici*: ie diray que pendant que ces Medecins espient le mouuement & constellation des astres le dire du poëte se faict veritable.

*Sero medicina paratur.*

*Cum mala per longas inualuere moras.*

Le remede est trop tard bien souuent preparé,

Quand le mal sans secours trop long temps a duré.

Hipocrate dict, *occasio præcept*, pource il la fault prendre en temps & à heure sans différer. Ces Astrologues ne considerent qu'il y a deux sortes de temps, vn d'election ou de choiz, l'autre de necessité, & qu'en celuy de necessité le Medecin doibt apporter prompt remede, & ne s'amuser à obseruer les constellations. Il me souuient auoir leu de Cassius qui ne voulant laisser escouler l'occasion de donner la bataille respondit sagemēt à vn Astrologue qui l'aduertissoit de ne cōbatre auant que le Soleil eust passé le Scorpiō, qu'il ne craignoit & redoubtoit les Scorpions, mais les soldats & ennemis. Hipocrate qui auescu plus de cinq cens ans auāt Ptolomee (duquel en partie ceste faulse Astrologie est sortie) & Galien apres luy n'ont excédé la disposition de l'air, & ne se sont arrestez en appliquant leurs remedes

à la

libre. 1.

Aphorif.

Aphorif.

1.



*S. Aug.  
1. de doct  
christ. 4.  
confess.*

*Epist. ad  
Pel. Ca-  
stellan.*

à la iudiciaire. S. Augustin a souuent blas-  
mé & reietté du tout l'Astrologie iudiciai-  
re, ou inspection de l'horoscope, reputans  
les hommes temeraires qui veulent alloir  
leur iugement des deportemens & actions  
des hômes & de leurs volonitez par l'aspect  
des Astres. Iehan Menardus Medecinde Fer-  
rare à bon droict reietté l'Astrologie iudi-  
ciaire, & Nicolaus Orosius, Angelus Poli-  
tianus, & plusieurs autres. Iustinian l'Em-  
pereur qui a esté aultant ennemy de ces  
Astrologues comme Iulian l'Apostaten a  
esté fauteur, feit exterminer telle sorte de  
gens comme confederez avec les sorciers.

Que si les impressiōs des Astres ont quel-  
que force & vertu, c'est seulement disposi-  
tiuement & contingemmēt, comme on dit,  
ils peuuent rendre l'homme plus enclain à  
cest humeur cy qu'à celuy là, attendu qu'el-  
les se peuuent estendre sur la mixtion des  
quatre qualitez elementaires ou tempera-  
ment, duquel l'esprit diuin de l'homme (cō-  
tre l'erreur de Galien) ne participe point, &  
pour ce impassible & exempt de l'influence  
celeste, mais encores est il presque impossi-  
ble de pouoir iuger de ces inclinations,  
veu que le mouuement du ciel est si viste &  
rapide que rien plus : pourquoy les Gene-  
thliques qui descriuent la genealogie des  
hommes,



hommes, & jettent l'horoscope se trompēt grandement, lisez ce qu'en escrit A. Gelius, Miserables & plus que miserables diray-je les Chrestiens qui sont curieux de scauoir ce qui ne doit & ne se peult scauoir, le poëte disoit.

*Nescia mens hominum fati fortisque futura.*

Du sort à l'aduenir & de la destinee Des humains, la sciēce est du tout esloignee: le poëte en ses Phaïnomenes se moque de ceux qui sont trop curieux de cognoistre leurs destinees par l'aspect des Astres quand il dict.

Voilà nous viuons tous vagabons languoureux,

Qui deçà, qui de là, de scauoir desireux  
Ce qui fur, ce qui est, & cy apres doit estre,  
Par les signes qu'on voit dans le ciel apparostre.

Et pour parler selon la verité les Astres n'ont esté creez de Dieu pour regir & gouverner le monde, ains pour luy donner lumiere, & produire les effects pour l'vtilité de l'hōme tels qu'ils sōt deduiçts en Genes. *Genes. i.*  
Dieu a voulu que les nautonniers & pelearins fussent esclairez la nuit, & n'a voulu que le Soleil & la Lune feussent seulement en signes de lumiere, ornement & beauté, mais aussi du temps serain & de la tempeste

& non en signes des aduétudes & des estats de nos vies, comme ont voulu aucuns des Payens lesquels ont attribué au ciel plus qu'ils ne deuoient: voylà la principale fin de la creation des Astres, c'est pourquoy ie diray ce premier homistich faux, & le dernier vray.

*Astra regunt homines, sed regit Astra Deus.*

si vous ne voulez entendre fuyuant la sentence *Sapiens dominabitur astris*, que les hommes gouuernent les Astres & empeschent que leurs influences ne leur apportent quelques mauuaises inclinations, comme Cicero.<sup>l.</sup> fait Socrate qui par sa philosophie corrigea de fato. les vices ausquels il estoit encline. Nous ne deuons taire pour la confirmation de ce discours les saincts propos de S. Gregoire le grand Pape de Rome, appellé le grand pour sa doctrine & pieté, lequel disputant contre les Priscialistes nous enseigne qu'il n'y a aucune necessité fatale de pedéte des cieux, & que l'estoille qui parut en la natiuité de nostre Sauueur estoit telle que nostre Sauueur auoit commandement sur elle, & non elle sur luy, lequel est le Createur de toutes choses, & que l'homme n'est fait pour les estoilles mais les estoilles pour l'amour de l'homme, que si les Astres commandoient aux hommes c'est autant qui diroit que ce qui



qui est faict pour seruir à l'homme eust commandement sur l'homme. Puis ce S. Docteur pourfuiuant son discours dict qu'en vn mesme temps souuent les Roys, les pauures & miserables, lesquels si leurs constellations auoient telle force & vertu deussent estre esgaulx & en pareille condition & fortune, pource il y auroit en plusieurs parts du monde vne Isodunamie, de laquelle nous auons cy dessus monstrés les inconueniens: ainsi la fortune & condition de Iacob & Esaü eust esté esgalle, autant en dirons nous des deux Gemeaux desquels parle le poëte, scauoir Castor & Pollux:

*Castor gaudet equis, ouo prognatus eodem,*

*Pugnâ,*

Castor préd sô plaistrâ dôpter les cheuaulx  
Et Pollux à la luitte, encor qu'ils soient Gemeaulx.

autant en diroit on de Sultan Soliman & Charles le Quint qui nasquirent & moururent en mesme iour comme on dict.

---

*Que les Monarchies, Republiques & Religion  
ne dependent du Ciel.*

CHAP. XX.

**P**Our refuter l'erreur de ceux qui ont voulu que la mutation & vicissitude des Monarchies & Republiques dependist des influences celestes & conjonctiōs des estoilles



(ce que aucuns des Caldeens & Ægiptiens ont creü ainsi que Philostrate nous enseigne) il fault entendre que telle opinion ne peut estre tollerable, car si la fortune & condition de ceux qui viennent au monde, ne deppend aucunemēt de la constellation du ciel qui estoit durant leur natiuité, aussi la mutation des Monarchies ne pourra deppēdre du ciel mais de la disposition & volōté du Souuerain Seigneur qui change les Monarchies, Republiques, familles ( qui sont formes de Republiques ) ainsi qu'il luy plaist. La Monarchie d'icy bas est vne image de la hierarchie celeste, pource le Roy des Roys à bon droict s'en est reserué la disposition afin de la transferer au lieu où il luy plaist, à ceux à qui il luy plaist, & pour autant de temps qu'il luy plaist, bref en vne autre forme de republique? ainsi il a transferé l'Empire renommé des Babiloniens à celuy des Assiriens, & tous deux ensemble n'ont duré que cent trāte sixans, puis celuy des Medes qui n'a veu que neuf Roys l'espace de deux cents soixante vn an, celuy des Perles & Macedoniens, qui a duré moins, celuy des Romains qui a duré douze cents ans, ayant enduré toutes les mutations qui peuuent arriuer en vn Estat. Et pour venir aux particuliers Royaumes Dieu a trāsferé le Royaume

le Royaume des Cananeens aux Iuifs, de Saül à Dauid, de Salomon à Hieroboam, de la race de Hieroboam à Baazan, d'Achab, à Iehu: ie diray que depuis Hieroboam plusieurs autres races ont regné en Israël chacun peu de temps, & ont esté pour leur idolatrie exterminéz, iusques à Osee dernier Roy des dix Tribus, au temps duquel les Assyriens ayants prins Samarie ont transféré le peuple en Assyrie. Mais que dirons nous du tresflorissant Empire des Grecs lequel ayant duré mil cent nonante ans, & plus, a esté transféré aux Turcs l'an 1453. lors que Constantinople feut prinse le huitiéme iour de May, & chose remarquable que la ville feut prinse & sacagée le iour de la Pentecoste qui est la feste du S. Esprit, en la foy & creance duquel les Grecs ont erré, nous dirons que Dieu est iuste, & ses iugemens sont iustes.

Et comme Dieu est authœur des Empires & Monarchies aussi est il de la Religion, & en transferant l'un il transfere souuent l'autre, d'autant que sans la Religion les Empires & Monarchies ne peuuent subsister: c'est pourquoy l'Astrologue qui erre en l'un erre en l'autre, si les termes & durees des Empires dependent de la Loy éternelle & puissance de Dieu, selon ce qui est



*Ecles. 10.* *escript, In manu Dei est omnis potestas terra, &*  
 qu'il ne faille rapporter les naissances, ac-  
 croissemens, decadences des Royaumes &  
 Empires, aux discours des euenemens na-  
 turels & aux conionctions des Astres: pa-  
 reillement aussi faudra dire, que la transla-  
 tion de la foy d'un lieu à un autre ne deura  
 estre attribué qu'à la disposition de la vo-  
 lonté de Dieu. La foy est un pur don de Dieu  
 infus en nostre ame, donc ceste foy vient  
 immédiatement de Dieu par le moyen du  
 Sacrement de Baptisme par lequel nous  
 sommes regenez en Iesus-Christ *fides* (di-  
*Rom. 10.* soit l'Apostre) *Ex auditu auditus per verbum*  
*dei:* il ne fault donc dire que ce qui vient  
 immédiatement de Dieu puisse dependre  
 de l'influence des cieux. De mesme maniere  
 le faux Astrologue ne pourra dire que no-  
 stre ame laquelle vient immédiatement de  
*Gene. 2.* Dieu, (estant dict, *Inspirauit in faciem eius spi-*  
*raculum vite*) & est tiree à la viue image &  
 semblance du Dieu viuant, totalement  
 immortelle (non toutesfois prinse de la  
 substance de Dieu) puisse iamais estre sub-  
 iecté aux constellations celestes. Quant au  
 corps avec lequel cest ame raisonnable est  
 miraculeusement vnice, d'autant qu'il n'est  
 faict de Dieu immédiatement ains media-  
 tement, scauoir du limon de la terre, & par-  
 ticipe



ticipé des quatre qualitez elementaires,  
nous ne trouuons absurde si on le dict estre  
aucunement subiect aux Astres, passible,  
caduc, mortel : mais l'ame raisonnable qui  
est telle que iay dict immortelle, bref telle  
que Phocylides poëte tres-ancien décrit,  
L'esprit vit tousiours franc de mort & de  
vielleſſe,

Ce qui reste desmorts reçoit diuine essence,  
puis il adioute, aussi l'ame & raison

Est l'Image de Dieu & sa fruition.

ne pourra estre subiecte aux corps celestes  
la Monarchie (si monarchie fault nommer  
des mouches à miel) descrite par Virgile, *Virgil. 1.*  
& celle des fourmis, n'est entretenue par *Georgi.*  
prudence & conseil (si ce n'est par vne rai-  
son dicte de Viues, *ratio practica*) pourquoy  
elle pourroit auoir quelque participation  
auec l'influence celeste, non celle des hom-  
mes lesquels se maintiennent & conseruent  
auec vne prudence & raison en vne vnion  
& cōcorde soubz l'autorité d'un qui com-  
mande, cecy est appellé par l'Apostre, *Ordi-*  
*natio Dei*, quand il dict, *Qui potestati resistit,*  
*ordinationi Dei resistit*, or telle principauté  
bien ordonnee, c'est à dire conforme à la loy  
du Souuerain Dieu, ne fera aucunement  
subiecte aux Astres.

Et pour plus ample declaration dece que nous auons dict cy dessus, pourrons nous dire que ce qui a esté jadis par vne raison naturelle estably entre les hommes comme sont les republicques, societez ciuilles, iurisdictiones des Magistrats &c. depende des Astres? ainsi le poëte disoit fort à propos,

*Hora.*

*Epi. ad*

*Piso.*

*fuit hac sapientia quondam,*

*Publica priuatis secernere sacra prophanis,*

*Oppida moliri, legesque incidere ferro, &c.* il est certain que les premiers hommes se sont faicts des republicques & communautez par vn instinct naturel, non exempt de raison & conseil, suyuant ce que nous auons dict que l'homme est né à la societé. C'est pourquoy Timon Athenien appellé Misantrophe, c'est à dire ennemy des hommes, a esté iugé des Philosophes & Chrestiens ou du tout beste ou Dieu, beste, à cause qu'il fuyoit la societé des hommes, Dieu, pour ce qu'il estoit content de soy-mesmes n'ayant besoin d'aucune chose: ainsi Dieu est appelé par Aristote *Autarchestatos*. Ces republicques & societez humaines si elles ne sôt liees & vnies par la force des loix elles seront semblables aux freres de Cadmus, lesquels les poëtes feignent que le mesme iour qu'ils furent naiz se tuerent les vns les aultres. Et pour ne mesloigner de mon propos, si la  
commune

*Aristo. 1.*

*Eth.*

*Arist 12*

*Metaph.*



commune raison a fait que les hommes se font premierement rangez sous l'auctorité & puissance des magistratz, & que la principauté entre eux ne pouuoit durer long temps sans vne loy, & que la loy n'est iamais sans raison estant definie par icelle, personne ne pourra dire que le ciel aye quelque force sur les republiques, selon ce qui a esté dict que l'influence n'a aucune action sur la raison: si personne en la communauté des hommes n'eust eu le souuerain commandement sur les autres, on eust vescu avec vn desordre en la republique, car il y a mesmes aux cieux & aux elements vne hierarchie, de peur qu'il ne s'ensuyue vne confusion Babilonique ou plustost infernale, en laquelle comme disoit Iob, *nul-  
lus ordo sed sempiternus horror & confusio inhabitat*, par tout le monde il y a ou monarchie, ou Aristocracie, ou Democracie, ou autre forme de republique: nostre Dieu a voulu que son peuple aye esté vn temps subiect aux Iuges, l'autre aux Prestres, l'autre aux Roys, à celle fin de nous donner à cognoistre qu'il a aucunement approuué toutes ces formes & especes de gouuernement. Ces choses deuëment considerees, nous concluons que c'est la nature que Dieu a fait & la raison que Dieu a infus en l'homme qui ont



donné l'origine & commencement à l'essetion des Princes & monarques: c'est pour-

s. p. Ro. quoy l'Apostre disoit, *Non est potestas nisi à*

13. *Deo*, ce que auant luy Salomon auoit dict,

Prouerb. *Per me reges regnant & legum conditores iusta*

20. *decernunt*. Qui sera donc si fol & insensé de dire que les monarchies dépendēt des constellationselestes?

De la Mo  
narchie,  
Françoise.  
se.

Pourrons nous dire que la longue duree de nostre Monarchie Françoisse (laissant les autres à part) depende d'ailleurs que de la bonté diuine? ceste Monarchie a esté conseruee par les mesmes fondements par lesquels elle a esté bastie & erigée, scauoir par la religion & pieté, c'est la deuise de l'un de nos Roys, *Pietate & iustitia*. Je diray nostre France heureuse entre toutes les nations pource qu'en icelle Dieu à planté la religiō de mesme façon qu'il a faict celle des Hebreux & Iuifs, enuoyant miraculeusement l'onction pour le Baptisme & sacre du premier Roy regeneré en nostre Eglise, & les fleurs de Lys pour les armoiries: chose admirable que lors de la conuersion du Roy Clouis premier Roy Chrestien de France, presques tous les autres Monarques estoient infectez d'heresie & infidelité, comme vn Alaricus, Anastazius Empereur de Constantinople, &c. Or despuis le Roy Clouis aucū

Roy

Roy de Frâce n'a esté heretique, ce qui n'est  
arriué aux autres Royaumes & Empires: au  
Royaume d'Israël il y a eu des Roys Idola-  
tres, apres Constantin le grand il y eut des  
Empereurs heretiques: que si le Caluiniste  
m'allegue que Philippes le Bel & Loys 11.  
ont esté notez d'anatheme, ie responds que  
ce n'a esté à cause de l'heresie mais pour des  
causes totalement ciuiles. Dieu a esleu les  
fleurs du lys entre toutes les fleurs, il com-  
manda à Moyse que ces fleurs feussent mi-  
ses deuant l'Arche du Sanctuaire, voyés ce  
qu'en dict Esdras & Osee: le Sage S. Cyrile  
dict que la fleur de lys est la verge qui doit  
rompre toutes les couronnes des Roys infi-  
delles: aucuns qui ont consideré diligem-  
mēt la Prophetie de Daniel ont trouué que  
la derniere Monarchie qui a brisé & assub-  
iecti toutes les autres ne peut finir ny tōber  
en vne cinquième, & voyant que l'Empire  
d'Allemagne n'en retiēt plus que l'ombre,  
& songeant que tous les estats presque de  
tous les Royaumes sont esbranlez, la seule  
France est ce gros doigt qui soustiēt le pied  
de fer lequel ne sera point brisé & rompu  
auant la fin du monde, & que nous n'appro-  
chions dela Monarchie de Iesus-Christ Roy  
des Roys de laquelle nous parlerons à la fin  
de ce liure pour la decoration plus grande  
de nostre



par. 4<sup>de</sup> de nostre France. S. Gregoire loüe grande-  
 son reg. ment la France de ce qu'elle a surmonté en  
 Epi. 106. sincerité & integrité de foy toutes les au-  
 tres nations, & que les Princes qui ont  
 maintenu la foy ont esté heureux & re-  
 doubtables, le poëte prophetisoit l'heur de  
 la France en ceste maniere,

*nulli constantia maior,*

*Nulli maior erit pietas in minima genti,*

*Defendet mucrone fidem belloq<sub>3</sub> domabit*

*Quoscunq<sub>3</sub> audierit Christū se attollere cōtra.*

Je ne puis taire ce que Vuicellelme disoit  
 en la loüange des François, *Non sunt Franci  
 ut cetera nationes procliues ad schismata, nec in  
 Cathedra Petri monstrum vnquam fabricarunt,*  
 c'est à dire les François n'ont esté encleins  
 aux schismes, iamaïs ils n'ont fabriqué au-  
 cun monstre en la chaire de S. Pierre. Le  
 Caluiniste apprendra icy combié de temps  
 a flori la religion Catholique en France,  
 exempte d'herésie & schisme iusques à la  
 venue de Luther & Calvin: & d'autant que  
 le sceptre des Chrestiens est principallémēt  
 spirituel, & que la principale fin du regne  
 d'iceux (à la difference de celuy des Payens)  
 est le salut des ames & eternelle beatitude,  
 les souverains Pontifes pouruoys au  
 general bien de l'Eglise, eu esgard à la gran-  
 de pieté des François, ont donné l'Empire  
 de



de l'Occidet (qui auoit esté rauy aux Grecs)  
aux François, depuis il a esté transféré aux  
Allemands. Je serois trop prolixé si ie vou-  
lois parler d'auantaige de l'excellence de la  
monarchie Françoisé, i admire pour conti-  
nuer nostre propos la sentence d'un Payen  
Grec qui ressent plustost son Chrestien le quel  
dict, que quand la pieté & religion est re-  
froidie les choses humaines vôt au rebours:  
mais pour parler de la Loy de nature lors  
qu'Adam a preuariqué & desobey à Dieu  
n'a il pas perdu sa principauté? si nous par-  
lons de la Loy escrite la sainte Bible en  
est pleine. Je diray pour euiter la prolixité  
surce discours que S. Irenee, qui a vescu du  
temps des hommes Apostoliques, veult que  
la société ciuile & police Ecclesiastique  
soient par vne mesme liaison conioinctes,  
& qu'il fault ( comme disoit Optatus Mi-  
leuitanus ) ou que la religion soit en la re-  
publique, ou que la republique soit en la  
religion. S. Augustin aduertissoit les Ma-  
gistrats d'entretenir en la republique l'vni-  
té de la foy & doctrine Chrestienne s'ils vou-  
loient paisiblement & heureusement regner,  
car si la felicité de la police consiste en l'v-  
nion des subiects, le bien de la paix interieure,  
qui est estreinct & lié par la force de la  
religion, estant desnoué, la concorde exte-  
rieure

*Epistola.  
3. ad ve-  
lus.*

*Xenoph.*  
*4. lib.* rieuse de laquelle les Grecs ont tant faict d'estat nommee *Omonieia*, & par laquelle ils se sont si long temps conseruez, ne peult aucunement durer.

*S. Remy Archeuesque de Reins dict au Roy Clouis receuant le Baptesme & onction de ses mains, qu'autant de temps son Royaume dureroit que dureroit la religion & iustice, de ceste iustice la religion est le fondement, le sage disoit fort à propos, Aufer impietate de vultu regis & firmabitur iustitia thronus eius.* Ceste iustice ne faict point d'ordre aux estats ains assistent au costé du Roy cōme *Themis Deesse* pres de *Iupiter* pour son conseil, sollicitant le Roy de venger l'injure faicte à Dieu, & maintenir sa religion. *Polybe* ancien historien a attribué la longue duree de l'Empire des Romains à la conseruation de la religion : voyés ce qu'en dit *Tertulian* parlant de *Tybere*. Je ne puis icy taire l'impieté des *Machiauelistes*, lesquels fuyuants leur maistre *Machiauel*, (à la miēne volonté que le nombre de ces libertins fust petit, & qu'on peust dire d'eux ce que disoit le poëte *Satyrique*,)

*Iuuenal.* *numerosè vix totidem quot*

*Thebarum porta, vel diuitis ostia Nili.*  
disent que la religion Chrestienne amoindrit la vertu aux Chrestiens & leur oste le courage



courage, bref les empesche d'entreprendre  
& executer choses belles en matiere d'estat:  
voy la les jargons de ces Athées qui mettēt  
tout leur souuerain bien en l'estat & rien  
en la religion. C'est vne regle en Theologie  
veritable que la grace ne tollit point la  
nature ains la rend plus noble & parfaicte,  
tellement que les dons qui ont esté naturel-  
lement mis & colloquez en nous par l'au-  
theur de nature, aduenant la diuine lumie-  
re de nostre Sauueur Iesus-Christ ont esté  
augmentez, embelliz & fortifiez dauantai-  
ge, comme en ce qui est du debuoir de na-  
ture, scauoir de porter honneur & reueran-  
ce à ses parens, obeyr à son Roy, aymer ses  
enfans: le Chrestien aydé & soulagé de la  
grace de nostre Sauueur fera beaucoup  
mieux que le Payen conduiēt seulement  
d'une lumiere de nature: nous ne lisons  
poinēt que l'Euangile de nostre Seigneur  
aye aboly à l'endroiēt des Ethniques le res-  
pect qu'ils doiuent à leurs Princes, car il est  
dict, *reddite Cafari quæ sunt Cafaris &c.* Les  
Royaumes sont d'autant plus heureusemēt  
& parfaictement establiz qu'il sont confir-  
mez en ce qui est de la raison & obeissance  
deüe à Dieu, car si la perfection de l'hom-  
me gist principalement en ce que les puis-  
sances & facultez inferieures de l'ame deüe-  
ment



ment obeissent à la raison, & la raison pareillemēt au souuerain Dieu qui est l'Eternelle raison & parfaicte sapience comme iay dit cy dessus, & à qui le souuerain hōmage est deu: par mesme moyen fault conclurre que les generalles societez des hommes, ientends les republiques, deuront d'autant plus estre parfaictes qu'elles serōt esloignees du vice, & instruiētes en la vraye pieté & religion laquelle est le fondement dela iustice, & cause comme iay dit de la longue durce des republiques. C'est pourquoy ce bon Empereur Theodose estāt proche dela mort aduertit ses deux fils Honorius & Arcadius, que s'ils desiroient regner heureusement qu'ils conseruassent l'Eglise pure & nette de toutes heresies, ce que se raporte à ce qui a esté dict de la prophetie de S. Remy cy dessus: Cest Empereur n'ignoroit point que les Monarches Chrestiens estoient seruiteurs de Dieu & de son Eglise, & que le regne des Chrestiens n'estoit autre chose qu'un hōnesté seruice deu à Iesus-Christ & sōe spouse l'Eglise, c'est pourquoy on peult accommoder le dire de l'Apōstre aux Princes Chrestiens, *Spiritus sanctus posuit vos regere Ecclesiam sanguine Christi acquisitam*, c'est à dire, le sainct Esprit vous a establi pour regir & gouverner l'Eglise qui nous

nous est acquise par le sang du Christ. Concluons donc que & la religion & la monarchie dependent de Dieu & non du ciel, & que si la religion est transferee d'un lieu en un autre ce n'est que ce que Dieu a promis qu'il baillera sa vigne ( qui represente l'Eglise ) à cultiver à d'autres laboureurs qui en feront mieux leur profit, ainsi nous dirons des Empires lesquels Dieu transporte d'une nation en une autre, *Sceptra attollit, eadam deprimit*, afin que les Monarques de ce monde se souviennēt de ce que disoit Abia parlant à Hieroboam qui delaissoit Dieu. Ignorez vous que Dieu n'aye donné le Royaume à David & à ses freres sous paction de Sel? or la paction de Sel est de garder le Deuteronomie & la Loy de Dieu. La foy a esté ostee en plusieurs contrees d'Allemagne par l'heresie de Luther & autres heresiarches, & trāsferree en mesme temps aux terres neuves: Si l'heretique contre ce que i'ay dict m'allegue la Monarchie des Turcs, laquelle encores qu'elle soit sans la vraye religion se conserue, ie responds que la monarchie des Turcs & aultres Mahumetains est vne pure tyrannie, & que les Princes infidelles ne font estat de pieté, ains de grandeur & ambition: d'auantaige Tertulien dict que les faulses religions peuuent estre compa-



tibles ensemble , ce que la vraye religion ne peut admettre, à l'exemple de plusieurs concubines qui s'accordent ensemble & ne peuuent trouuer paix avec la femme & legitime espouse. L'estat des Allemans & Suisses en certaines contrees où il y a diuersité de religions est plustost democracie ou oclocracie que monarchie, d'auantaige la vraye paix de Dieu n'y regnant pas, la concorde telle qu'elle peut estre ne peult estre de longue duree, suyuant la parole de Dieu, *Que tout regne en soy diuisé sera desolé.* Donc à bõ droict nous pouuõs dire des monarchies contre nos faulx Astrologues que Dieu est le Soleil duquel deppend l'Orient & l'Occident des Empires & Royaumes, c'est le Pol où termine l'Orizon de leurs durees & declinations, c'est la Lune qui conduict leurs accroissements & décroissements, non les Astres qui sont au Ciel seruiteurs du Soleil de Iustice qui dict, *Per me reges regnant*, c'est à dire, par moy les Roys regnent, & qui ne veut que les vrayes monarchies soient separees de la vraye Eglise ou autrement qu'elles soient tyrannies.







*Que les exemples font beaucoup pour l'instruction des Chrestiens.*

CHAP. XXI.



N dict communement que les cœurs des hommes sont souuent mieux gaignez par exēples qu'ils voyent, que par les predications & exhortations qu'ils oyent : Platon pour mieux instruire le peuple à la cognoissance des choses qu'il a veu estre beaucoup esloignees de nos sens n'a vsé de syllogismes ou ratiocinations demonstratiues, ( lesquelles sont des notions & propositions generales & vniuerselles, & causent en nous la science, laquelle n'est de ce qui est singulier & sensible, ains de ce qui est vniuersel insensible & eternal comme est principalement l'espece : ) mais ce diuin Philosophe a vsé d'epagoges ou inductions & exemples à fin de populairement nous ranger à la creance des choses ardues & difficiles lesquelles plusieurs aysement ne pourroient autrement accorder, si quelqu'vne se vouloit persuader que la laictue faict dormir, il faudroit enseigner comme ceste laictue qu'il

voit ou celle là a telle force & puissance, & ainsi nous dirons des autres theoremes tant de philosophie que de medecine: c'est pourquoy suiuant ce que le mesme Platon nous enseigne que les exemples ont vne vertu d'esmouuoir & exciter les auditeurs, & le poëte.

*Segnius irritant animas demissa per aures,*

*Quàm quæ sunt oculis subiecta fidelibus.*

Plus difficilement ce que nous entendons, Esmeut nos esprits, que ce que nous voyõs. Nous deliberons de produire en ce discours familièrement les exemples prinſes des anciennes histoires, pour prouuer que les comètes ont tousiours esté signes des sinistres presages, & que le dire du poëte est vray,

*Numquam populis visus impune cometa,*

*Diri toties arsere cometa:*

Mais les exemples desquels nous voulons vser seruiront à nostre instruction & edification, car les Chrestiens qui escriuent ne se doiuent arrester aux choses qui n'appor- tent qu'un vain contentement & plaisir à l'esprit sans procurer le salut de l'ame, cõme faisoient les Payens desquels la science estoit souuent plus vaine que serieuse, plus corporelle que spirituelle, plus humaine que diuine, car là science humaine, de laquelle il sera parlé plus amplement cyaprès, est du



est du nombre des choses desquelles il con-  
uient en ce monde auoir l'vsage & non la  
iouyssance, bref est celle par le moyen de la-  
quelle nous deuons contempler le Soleil  
de iustice ny plus ny moins que pour l'im-  
becillité de nostre veüe nous regardons le  
Soleil par les nûes, ou par le moyen d'une  
caüe contenue dans quelque vaisseau pro-  
pre. Or entre plusieurs exemples que nous  
pourrions mettre en auant il suffira racom-  
pter les plus insignes & desquelles le lecteur  
pourra recueillir plus grand fruit, imitans  
les mouches à miel lesquelles font choiz  
des fleurs qui leurs sont plus viles, tes-  
moing le poëte,

*Mellificas vt apes in saltibus omnia libant, &c.*  
les exemples sont prins des histoires tant  
prophanes que sacrées, desquelles nous ti-  
rerons vn grand emolument si nous scauons  
bien reduire l'histoire à sa vraye fin, qui est  
non de recreer nostre esprit d'une variété  
de curieuses leçons qui n'apportent souuēt  
qu'une pure perte & ruyne à l'ame, de la pa-  
sture de laquelle il conuient auoir plus de  
soing que du corps, mais d'amender & cor-  
riger sa mauuaise vie par la consideration  
des yssuës funestes & malheureuses des per-  
uers & meschans, & de s'exciter à bien faire  
par l'heureux succes des gens de bien, con-



templer le loyer & guerdon des bons, la punition des mal-viuants: quand ie parle de la recompense des bons, ie n'entends celle de ce monde qui n'est rien, mais celle de la hault de laquelle nostre Seigneur parloit,

*Math. 5. Copiosa merces vestra in cælis*, ny la vaine gloire des Echniques & Payens pour laquelle ils se sont iadis tant peinez & trauaillez. Que si nous considerions simplement les mières & afflictions ausquelles les Chrestiens tombent de iour en iour, les tourmès qu'ils endurent & endureront tousiours, & non la felicité & couronne eternelle qu'ils attendent apres le passage transitoire de ceste vie, nous tomberions en desespoir & nostre condition seroit pire que celle des bestes brutes qui iouissent de leur fin pendant qu'elles viuēt: mais nous sommes certains que nostre chef Iesus-Christ sera en la croix iusques à la consommation du monde (quant à son corps mystique qui est l'Eglise de laquelle nous sommes les membres comme il sera dict) & pource nous deuons icy nous consoler. I'aduertiray le Chrestien de se comporter fagemēt à la recherche des histoires, car tout ainsi que ceux qui indifferemment vsent oultre mesure de toutes sortes de viandes sans garder ny l'ordre, ny le temps, ny la maniere de s'en seruir, font  
en leurs

en leurs corps vn amas de mauuaises humeurs (lesquelles ny plus ny moins qu'une abondance de boys vert suffoque vn petit feu, esteignant la chaleur naturelle de telle forte & maniere qu'elle ne peut cuire les viandes les plus delicates) bref souuent tombent au mal que les Grecs appellent *aepesia*: pareillement aussi ceux qui prennēt plaisir en la lecture de plusieurs choses desquelles l'ignorance est plus necessaire & vtile que la cognoissance, rendent leur esprit si hebeté & grossier que par vn iuste iugement de Dieu il ne peut aucunement digerer les diuins mysteres, & deuiennent semblables à celuy que S. Paul décrit, *animalis homo non percipit quæ sunt spiritus Dei*, de là souuent viennent les heresies pour s'arrester trop curieusement aux sciences humaines. C'est ce qui a perdu Agrippa, Cardan, Budee, Erasme, P. de la Ramée, & autres de nostre temps, lesquels ont abusé de la science, ainsi que Afranius disoit, *Philosophandum sed paucis*, il fault philosopher mais peu: aussi il fault s'addonner aux lettres humaines mais peu & avec discretiō, de peur que

l'humanité ne nous face oublier

la diuinité, cecy se dira

cy apres en

son lieu.





*Exemples de quelques Cometes qui ont esté  
obseruez par les Payens, & d'un Iuif  
qui brusla l'image du Sauueur.*

CHAP. XXXII.



Nous ne garderons en la citation de nos exemples pour la preuue des malheurs qui suiuent l'apparition des Cometes l'ordre du temps d'autant que celà n'importe rien à l'instruction & edification des Chrestiens, & aussi que nous laissons la continuation de ces histoires à ceux qui ont escript les Chronologies, lesquels suiuent vne ordre & disposition des choses aduenües depuis le commencement du monde, ou bien depuis le temps auquel ils commencent leurs histoires, comme ont faict Zonare, Orose qui a dedié son œuvre à S. Augustin, & plusieurs aultres, & de nostre temps le docte Genebrad qui a escript vne Chronologie. Venons donc à la probation du sinistre presage des cometes, Paterculus & Vospiscus estants Consuls vn effroyable comete parut auantcoureur de plusieurs grandes tempestes & de la ruine des villes qui arriua en Achaïe par le tremblement de terre : en la premiere



premiere annee dela guerre de Peloponess<sup>Seneca</sup>  
fut veu vn comete d'une grandeur admira-<sup>lib.9.ma.</sup>  
ble lors que les Grecs perdirent leur Empi-  
re, ce comete dura 75. iours : Aristote alle-  
gue vn exemple de son temps, & dict qu'a-  
pres vn certain comete suyuit vn hyuer  
fort sec, les vents d'Aquilon soufflants sans  
cesse. Par les exēples nous voyons la preu-  
ue de ce que nous auons dict que le trem-  
blement de terre, les orages, fouldres &  
tempestes quelques fois sont signes & mes-  
sagers des malheurs, quelques fois sont les  
mesmes malheurs signifiez par l'apparition  
des cometes.

L'an de nostre Seigneur 557. fut veu vn  
comete en Constantinople en forme de lan-  
ce qui fut messager de plusieurs malheurs,  
entre lesquels il nous suffira d'ē cognoistre  
vn principal : en la mesme annee vn Iuif  
desroba en l'Eglise de ladicte ville scauoir  
S. Sophie, (qui se voit encores auiourd'hui  
& qui sert de temple aux Mahumetains)  
desroba l'image de nostre Sauueur & la  
perça avec vn glaiue, puis la porta en sa  
maison pour la brusler, ce que voulant exe-  
cuter il se vit tout sanglant, lors de peur  
qu'il eut il se cacha, estant trouuē par les  
Chrestiens tout remply de sang de l'image  
de nostre Seigneur il fut lapidé, ce sang

estoit vn sang miraculeux comme celuy qui se voit en la sainte hostie de Dijon & de Paris aux Billetes, & possible à Billom en Auvergne, encores que plusieurs tiennent que celuy de Billom soit du vray sang de Iesus-Christ, ie n'en disputeray pour le present, mais ie diray pour l'auoir veu estre vne chose miraculeuse, tant pour ce sang qui est conserué de si long temps dans vn vase de cristall, que pour les grands miracles qui se font à l'endroit de ceux qui se vouënt à ce precieux sang, nous en parlerôs cy apres. S. Athanase recite qu'en vne cité de Syrie nommee Berith, allise entre les Tyriens & Sydoniens, vn Chrestien qui se tenoit pres la Synagogue des Iuifs oublia à emporter l'image de nostre Seigneur qu'il auoit aupres de son liêt en transportant ses meubles en vne autre maison où il vouloit loger, vn Iuif qui demeuroit en ceste maison ayant inuité vn sien amy pour disner, il aduint que ceste image estant apperceüe de ce Iuif qui estoit inuité, il s'en alla iniuriant celuy qui l'auoit inuité, & feit vne plainte aux Sacrificateurs de leur Synagogue disant auoir veu vne image de Iesus de Nazareth au logis de celuy qui l'auoit semond de disner : les Iuifs estants arriuez en la maison où estoit ladiete image feirent plusieurs



plusieurs insolèces à l'endroiect de cest image, vn Iuif luy ayant donné vn coup de lance, il sortit du sang & de l'eau de la playe, & fut le ciel remply de tonnerre & la terre esmeüe tout ainsi qu'en la Passion de nostre Seigneur, pour nous demonstrier que les creatures celestes & terrestres auoient en horreur le faict execrable des Iuifs, & par le rapport de ce Chrestien: Nicodeme auoit esté peintre de ceste image de nostre Seigneur & l'auoit despuis donnée à Gamaliel maistre de S. Paul, & S. Paul à S. Iacques, S. Iacques à S. Simon, S. Simon à Zachée, & consequemmēt de successeur en successeur elle fut en Ierusalem iusques à ce que Tite & Vespasian ruinerent ladicte ville, & lors les Chrestiens l'apporterent en Syrie, cecy faict pour prouuer que l'vsage des images n'est du iourdhuy.

*De la probation des Images.*

## CHAP. XXIII.



Es Iconomaches ont faict ce qu'ils ont peu pour abolir les images, ayants plusieurs conseillers pres des Empereurs pour les seduire, à la maniere des Eutichiens enuers Theodose, Arriens enuers Constantin, & ainsi des autres: aucuns des Empereurs ne s'y

*Paul d'ie  
co. lsb. 25*



ne s'y sont espargnez en ce qu'ils ont peu,  
& comme sous couleur de religion ont  
faict souuent beaucoup de maulx selon le  
dire du poëte,

*Religio peperit scelerosa atque impia facta,*

*Decipimur specie, recti virtutis & umbra.*

(ce qui se doit entendre de l'abus, n'y ayant  
rien si sainct, comme disoit Ciceron, qui ne  
puisse par abus estre pollué & contaminé,  
l'Empereur Leon troisième a fin de faire la  
guerre au Pape Gregoire se fonda sur l'ido-  
latrie des Images, d'où arriua que six mil  
hommes furent tuez à Rauenne. Constanti-

*Paul. Ac-* nus Copronimus insigne tyran & horrible  
*mil. l. 2.* monstre feit abatre les images des Eglises,  
*Constan.* au lieu desquelles il feit peindre & engra-  
*Manasses* uer des chasses de veneurs & luiètes de che-  
*in annal.* ualiers. Or nonobstant toutes ces factions  
*pag. 114.* & menees contre les images Dieu n'a pas  
permis que les images ayent esté ostées des  
Eglises, voulant que son Eglise demeure  
touliours de mesme avec ses ceremonies tât  
que le monde durera : nos Calvinistes qui  
ont puizé leur erreur touchant l'abolition  
des images des anciens heretiques, ont mal  
à propos appellé les Catholiques Idolatres  
à cause qu'ils adorent les images, car l'idole  
ne represente rien, ce que ne se peult dire  
du mot grec *icon*, qui represente quelque  
chose

chose : ainsi S. Paul dict, *Idolum nihil est*, ce qu'il conuient entendre avec discretion, scauoir que les idoles ne sont riē de ce que les Gentils se persuadoient, car ils estimoient que les statues & images qu'ils adoroient representassent des hommes, des Dieux, & gens qui faisoient leur demeure au ciel nōmez par les latins *Cœlites*, *Cœlicola* : *Ourania domata echondes*, dict Hesiodé, gents qui ont leurs domiciles aux cieux, & adiuteurs en leurs necessitez, & toutes fois il n'estoit riē de tout celà. Or ce que nous disons de Iesus-Christ, de sa sacree mere, des saincts & saintes de Paradis, & ce que nous en croyōs n'est semblable : car ce que nous croyons d'eux, (scauoir qu'ils sont bien heureux & qu'ils nous peuuent ayder, j'entends que Iesus-Christ est nostre seul mediateur de redemption, les saincts mediateurs d'intercession, que nostre salut & secours depend de nostre Seigneur immediatemēt cōme du souuerain Seigneur, des saincts mediatemēt par la faueur de Iesus-Christ) est vray selon Dieu: parquoy ceste creance qui est aux hōmes entant qu'elle vient de Dieu faict que les hommes ne peuuent errer, si telle creance venoit de la part des hommes non de Dieu nos saincts & saintes desquels les images se voyent és Eglises seroient des idoles,



idoles, or ils sont fils de Dieu & Dieux, & faicts de Dieu lequel ne faict pas l'idole, parquoy ils ne sont idoles. Voylà commēt nos heretiques s'abusent de nous appeller idolatres, mais ils doiuent à bon droit estre appelez idolatres non les Catholiques d'autant que nos saincts Peres ont voulu que ceux qui ne seruent Dieu avec les mesmes ceremonies desquelles la vraye Eglise vse, soient vrayement idolatres comme sont nos Caluinistes, de ce nous parlerons plus amplement cy apres en son lieu: il aduiuent souuent que par la permissiō de Dieu les heretiques escriuent ou disent en certains poincts mieux qu'ils ne pensent, afin que leurs erreurs soient tousiours veües plus euidentes. Je dy cecy pource que Caluin a approuué les images, quand il veut que les Anges soient representez, en forme humaine en laquelle on les a quelques fois veuz: à plus forte raison ie diray qu'il nous fera loysible de nous représenter l'image de Iesus-Christ en croix, & les histoires de la Bible pour nostre instruction: nostre foy vient de l'ouye, *fides ex auditu, auditus autem*

*Rom. 10.* *per verbum Dei*, dict l'Apostre, ceste ouye est selon Aristote l'organe & instrumēt le plus necessaire pour receuoir la discipline. Or Dieu veut qu'en cas pareil nostre œil, duquel



quel le sens est le plus subtil & aigu, soit  
instruict ny plus ny moins que l'oreille,  
parquoy il s'est manifesté aux Patriarches  
par visions, paroles, admonitiōs exterieu-  
res: & luy mesmes reuestu de nostre huma-  
nité a voulu estre veu des hommes & con-  
uerfer familièrement avec eux, tant son  
amour enuers nous estoit grande, donc les  
images seruiron pour nostre instruction.  
Nous sommes composez d'une ame & d'un  
corps, Dieu est Createur des corps, des  
ames & esprits, il a prins nostre humanité  
dans le ventre Virginal & s'est faict hom-  
me pour nous, qui empesche que nous ne  
luy faisons hommage d'ame, d'esprit & de  
corps: celà bien & deuëment considéré  
nous fera entendre qu'il est necessaire que  
nous ayons des obiects sensibles, à fin de  
nous conduire à la cognoissance des cho-  
ses diuines, ainsi Dieu a voulu qu'il y  
eust des ceremonies en nostre

Eglise à fin que nous fus-

sions incitez à

deuotion.





*Des ceremonies de l'Eglise, & de la  
nécessité des Images.*

CHAP. XXIII.



Eglise a voulu que nostre Dieu non seulement fust adoré par la voix, mais aussi par plusieurs ceremonies : or la ceremonie est vne action extérieure qui ne produict aucun effect externe, mais elle a ses effects spirituels. La cause generale & premiere de nostre salut & iustification est l'infini merite de la passion de Iesus-Christ : ceste cause nous doit estre appliquee par des causes moyennes, ces causes moyennes sont les Sacremens (entre lesquels le Baptisme est le premier de nécessité comme l'Eucharistie de dignité) accompagnez d'une forme sensible, les prieres, œuvres satisfactoi- res &c. Ces Sacremens ont esté instituez à fin que l'homme, qui est enclin de sa nature à vne religion, feut par le moyen d'iceux exercé en toute pieté & euitast l'idolatrie, pareillement aussi qu'il cerchast son salut és choses inferieures à foy, comme en leaüe, huyle &c. non qu'il creut que le  
salut



salut deppêdit de ces choses sensibles, mais  
du seui Dieu son Createur & Redempteur <sup>Ioh. 9.</sup>  
par la vertu d'icelles: or toutes ces choses  
ne peuuent estre sans ceremonies desquel-  
les nostre Seigneur a vsé se mettanta genoil  
leuant les yeux au ciel, & faisant d'aultres  
choses: or il pouuoit de sa seule parolle fai-  
re des miracles: les Calvinistes qui sont en-  
nemys des ceremonies de nostre Eglise ne  
peuuent aucunement nier celà. De ces cere-  
monies nos Peres conduicts par le S. Esprit  
en ont institué au prix qu'ils les ont veuz  
conuenables & necessaires, à celle fin d'ex-  
citer nostre tardité à plus grande deuotion:  
ces ceremonies ne doibuent estre confide-  
rees seulement en la superficie, ains en la  
signification, à cause qu'elles sont mysti-  
ques & significatiues de choses plus haultes.  
La loy Mosaique cōsistoit en trois parties,  
la premiere contenoit les ceremonies, la se-  
conde les choses iudiciaires, la troisieme  
les preceptes moraulx qu'on appelle deca-  
logue: quant aux ceremonies qui signifiēt  
le Messie futur elles sont abolies, car la fi-  
gure doit ceder à la verité, & nos ceremo-  
nies qui sont beaucoup plus faciles ont suc-  
cedé à celles là: comme aussi les Catholiques  
ont les statuts, decretz, ordonnances, Ca-  
nons des Papes, Prelats, Conciles & les loix



Imperialles & ciuiles, au lieu de ce gouuernement iudiciaire durant la loy Mosaique. Quant au Decalogue scachez que ce n'est autre chose que l'explicatiō des deux commandemens de nature qui sont.

*Faites à vn chacun ce que vous voulez vous estre fait,*

*Ne faites à autrui ce que vous ne voulez vous estre fait.*

Caluin qui dressa sa faulse religion l'an 1535. est venu trop tard pour vouloir abolir les ceremonies de nostre Eglise, & encores sōt venus plus tard ses disciples pour escrire contre nos ceremonies si anciennes: Luther a blasme les ceremonies, puis Caluin, voulants que Dieu soit adoré en esprit & verité, & neant-moins ils ont vsé en leur Synagogue de ceremonies, & comme ils ne sont d'accord en beaucoup de points de la foy, ils ne sont aussi d'accord en leurs ceremonies: Luther nie la transsubstantiation mettant vne consubstantiation sans oster la reale presence du corps de nostre Seigneur en la Cene: Zuingle disciple de Luther & Caluin franchissent (comme on dict) le fault, disans qu'il n'ya que la figure seulement du corps en la Cœne: ils font contre le dire de Senecque, *Scelus sceleri non est cumulum*, c'est pourquoy les Luthériens

*Senecq.  
libro de  
vita, &  
morib.*

riens appellent nos Calvinistes sacramentaires, ainsi souuent les loups font la guerre aux loups. Les Anglois font la Cene eslés assis en la table comme les Apostres, vsent de chappes & autres ornemens en faisant le seruice : les Calvinistes rejettent ces ceremonies, mais ils font leur Cene debout. Nostre Eglise Catholique, Apostolique & Romaine a tousiours esté vne non seulement en la foy & interpretation des saintes escriptures mais aussi és ceremonies: telle vni-  
té ne s'est iamais veüe à l'endroiect des heretiques desquels la doctrine ressemble à la paille qui se laisse aller à tout vent, l'Apostre nous coniuire de ne nous laisser abuser de telle doctrine disant, *non circumferamur omni vento doctrina in nequitia hominum.*

Pour parler des images, il ne fault doubter que les images ne soiēt les liures des gents simples & ignorāts chāpestres, lesquels sont excitez par les obiēcts sensibles à la pieté & deuotion, & cognoissent souuent mieux les histoires sacrees par le moyen des images representees deuant leurs yeux, que par les predications, ausquelles pour leurs occupations manuelles ils n'assistent sou-  
uent : c'est pourquoy le poëte disoit fort à propos ainsi qu'il a esté dit cy dessus,

*Segnius irritant animos demissa per aures,*



*Quam quæ sunt oculis subiecta fidelibus.*

Plus difficilement ce que nous entendons, Esmeut nos esprits que ce que nous voyõs. C'est pourquoy l'Eglise a voulu qu'il y aye des images aux saincts temples, afin que les Chrestiens eussent deuant les yeux la representation de l'image premierement de leur Sauueur, puis de ceux qui l'ont ensuiuy en ce qu'ils ont peu durant leur vie : & que par l'imitation des saincts personnages ils feussent excitez à vser des moyens conuenables pour iouyr vn iour avec eux de la gloire eternelle. Lors qu'on entre dãs vne salle bien ornee & parée ne voyant que des images de Venus, Pallas, & autres histoires mensongeres & impudiques (desquelles nous voyons à nostre grand regret les paroiz des maisons reuefues) nous sommes plustost induicts à penser le mal que le bien: la veüe nous apporte souuent le peché, cest ce que disoit Platon, *Ec tou horan, tò eran*, c'est à dire de la veüe vient l'amour impudique lascif: mais lors que nous contemplons l'image du crucifix & des saincts, au lieu des vanitez susdictes, il nous souuient des merites de nostre Sauueur & des saincts, nous nous estudions à imiter la vie de ceux qui nous sont representez par ces images.

Sathan



Sathan est cauteleux, nous représentant au lieu de l'image & figure de la verité, la vanité, & vn pur mensonge, bref au lieu de ce qui est, rien, à fin de nous ôter l'occasion de seruir Dieu il faict ce que dict le poëte,

*animum pictura pascit inani.*

il repaist nostre esprit d'une vaine peinture.

Il ressemble Zeuxis, qui par vne subtile peinture des raisins trompoit les oyseaux qui les bequetoient, ou l'autre peintre qui trompa son compaignon par le moyen d'un rideau si bien peinct, luy disant qu'il tiraist le rideau, lors qu'il verroit l'image qu'il auoit faicte, ce que l'autre voulant faire fut deceu & trompé & demeura vaincu disant, *Ego decepi aues tu decepisti homines.* Or quand par l'esprit & regard des images nous nous conuertissons à Dieu, Sathan perd ce qu'il a gaigné sur nous quelque temps, auquel nous n'auons par le moyen de quelque bel obiect songé en Dieu: ainsi Sathan nous veut ôter les festes par les heretiques ses satellites, de peur de perdre au iour de feste ce qu'il a gaigné toute la sepmaine sur nous. Il conuient scauoir que nous ne mettons l'esperance de nostre salut és images que nous voyons, mais nous les reuerôs en me-

moire de ceux qui sont passez : S. Thomas dict que, *imago formaliter est adoranda non materialiter*. S. Bazile fort ancien disoit, *imago referenda est ad prototypū*, il entend qu'il faut rapporter l'image au prototype. c'est à dire, à ce qui est représenté par l'image ( & pour expliquer le dire de S. Thomas) qu'il faut adorer l'image formellement, c'est à dire, la representation de l'exemplaire, i'entēds la representation de la sacree Vierge qui est au ciel la plus heureuse de toutes les creatures simples, comme il se dira cy apres, de S. Pierre, S. Paul, & autres saincts & saintes : c'est ce qui est remonstré par ces vers du deuxiēme Concile de Nicee.

*Hoc Deus est quod imago docet, non est Deus ipsa,  
Hanc recolas, sed mente colas, quod cernis in ipsa,  
L'image n'est point Dieu, mais elle te l'en-*  
*seigne,*

En adorāt donc Dieu, honore son enseigne. Or materiellement il ne faut adorer l'image, car ce seroit adorer la pierre & le boys desquels l'image est faicte : Ceux qui adoroient le serpent au desert mis en vn bois par le commandemēt de Dieu, estants mordus des serpenteaus estoient gueris, tel miracle ne se faisoit en vertu de ce serpent d'aïrain, mais à cause qu'il representoit nostre Sauueur qui deuoit estre mis en l'arbre de



bre de la croix pour nous, & à celle fin d'establi-  
r tous les hommes en l'esperance de l'heritaige du Souuerain Dieu promise aux  
Patriarches & Prophetes. Que le Caluini-  
ste ne trouue mauuais ce que nous disons  
qu'il fault adorer les images en la sorte  
qu'il est dict, car S. Ambroise qui viuoit du  
temps de S. Augustin dict, *in paradiso cognos-*  
*cemus Mariam Dei Matrem, Petrum & Andream,*  
*quorum in terris imagines tantum videbamus,* S.  
Iean Chrysostome en dict autant: or les bien  
heureux cognoissent en Paradis Adam, les  
Patriarches, & plusieurs autres lesquels ils  
n'ont iamais veu ny cogneu, car en l'essen-  
ce diuine ils cognoissent tout ce qu'il est  
seant qu'ils cognoissent. Il suffira alleguer  
la belle responce que S. André martyr, il y  
a 830. ans, feit à ce meschant Empereur Cō-  
stantin Copronyme cinquiesme qui detestoit  
les images, estant prest d'endurer le marty-  
re pour la defense des images. Si nous aul-  
tres Chrestiens adorions les images comme  
iadis les Payens faisoient leurs idoles nous  
serions plus que punissables, mais nos ima-  
ges ne sont semblables, car elles represen-  
tent non les diables ains celuy qui a esté  
crucifié pour nous, & ceux & celles qui  
ont respandu leur sang & faiēt confession  
de foy pour iceluy. Quant à Moyse il en-



tendoit parler de l'idolatrie des Payens, autrement il ne'ust esté commadé de faire des Cherubins visibles aux temples de Dieu: voylà vne responce qui doit fermer la bouche à nos Calvinistes qui ressemblent aux Mahumetans (comme on voit aussi en plusieurs autres erreurs, comme le docteur Genebrad remonstre amplement en sa Chronologie) lesquels abhorrét les images & peintures, & ne veulent aucune image en leurs Mosques.

---

*La vertu des Images est prouuee par exemples.*

CHAP. XXV.



Ncores que le Pere Richomme ayt escrit doctement des Images, ie diray briefuement que nous voyons plusieurs miracles estre faits par la vertu des images, nostre Seigneur enuoya au Roy Abagar d'Edeffe sa propre face depeinte en vn linceul, par laquelle il fut gueri de la lepre, vn long tēps apres Chosroë Roy de Perse ayant assiegé Edeffe, la mesme image estât transportee sur les murailles de la ville vne flamme s'excita qui brusta la plus part de ceux qui alloient à la bresche ainsi la ville fut deliuree, le S. Snaire est à Thurin & Bezangon par le moyen duquel

duquel plusieurs miracles se font, chose admirable a voir lors qu'on le monstre. Par la vertu de l'image de nostre Dame de Montsarrat (ou l'ay esté) en Espagne, qui fut trouuee miraculeusement dans vne caverne distâte d'un quart de lieue del'Eglise, plusieurs miracles se font de iour en iour: lisez le liure qui a esté composé despuis peu de temps de M<sup>o</sup>tsarrat, dédié au Roy. Nous serions trop prolixes si nous voulions reciter les miracles qui se font ordinairement en plusieurs Eglises de la France en vertu de l'image de nostre Dame. Je diray seulement qu'en la ville du Puys en Auvergne il y a entre plusieurs choses rares lesquelles j'ay veu, l'image de la Vierge laquelle on tient auoir esté faicte par Hieremie, plusieurs miracles se sont faicts & se font encores en l'Eglise de nostre Dame du Puys, ie r'enuoye le lecteur aux liures escripts de l'antiquité de ceste Eglise, laquelle rend la ville autant celebre qui se puisse voir: Si Platon a loué les republiques esquelles il n'y auoit aucun citoyen oysif, Poytueté estant mere de tous maux (aussi le poëte Catule disoit.

*Otium multas perdidit vrbes.)*

ceste noble cité tiendra le premier rang, en laquelle vn chacun traueille: les prieres de



la sacrée Vierge ont tousiours faict florir  
ceste celebre ville : oultre la iustice qui y  
est bien exercee, la medecine y est deüemēt  
practiquee par des doctes & experimentez  
Medecins, entre lesquels est M. Anthoine  
Talon duquel la rare doctrine, experience,  
& insigne pieté reluit par toute nostre Frā-  
ce. Et à fin de poursuiure nostre discours  
des images, S. Gregoire de Tours recite que  
la peste estant grande à Rome on porta en  
procession l'image de la Vierge, & lors qu'on  
la portoit avec solennité on apperceuoit e-  
uidemment l'air pestilentieux se despartir  
& retirer de Rome, on entendit la voix des  
AnGES chantans, *Regina cœli latare alleluia:*  
l'image de la Vierge (par laquelle plusieurs  
miracles se sont faicts le temps passé & se  
font de iour en iour encores en plusieurs  
regions & contrees de la Chrestienté, que ie  
tay pour m'estudier à la briefueté,) a esté  
souuent peinte par S. Luc comme nous tes-  
moigne S. Augustin. Sainte Marie Egiptiē-  
ne qui a vescu l'an 300. avec vne penitence  
si austere que rien plus a suyui les traditiōs  
de l'Eglise lesquelles nous ont aprins l'vsa-  
ge des images, lors que voyant l'image de  
la Vierge luy dressa ceste belle priere se pre-  
parant pour adorer la vraye Croix, l'orai-  
son commence, *O domina virgo sancta Maria*  
*que*



*que Deum verum secundum carnem genuisti &c.*  
puis ceste sainte Dame s'escrie, lube o domi-  
*na mihi ianuam adaperiri vt admirabile lignum*  
*sancta crucis adorem*, c'est à dire, O maistresse  
commande que la porte me soit ouuerte à  
fin que i'adore l'admirable bois dela sainte  
Croix, de ceste histoire nous pouuons tirer  
comme de plusieurs autres la preuue de  
l'adoration de la Croix: Rhabanus Maurus  
a faict vn liure *de veneratione crucis & ima-*  
*ginis Christi*, dedié à Charle-magne, lisez  
Durant en son premier liure *de Ritibus Ec-*  
*clesie*, L'histoire de S. Iean Damascene est si  
memorable qu'elle nous pourra seruir d'v-  
ne milliasse d'autres qu'on pourroit alle-  
guer sur ce propos, il viuoit l'an 402. l'he-  
retique doit auoir esgard à telle antiquité:  
l'Empereur Leon qui en ce temps là rugif-  
soit contre l'Eglise de Dieu & cōtre les ve-  
nerables Images, indigné contre ce S. per-  
sonnage dequoy par lettres il maintenoit  
les Catholiques affligez en l'vnion de l'E-  
glise & principalement en la creance des  
images, supposa vne fausse missiue en la-  
quelle l'escriture de S. Iean Damascene e-  
stoit contrefaïcte, par laquelle il trahissoit  
le Prince des Sarrazins duquel il estoit prin-  
cipal conseiller, qui fut cause qu'il eut la  
main coupec: ceste main attachee en plein  
marché

marché luy ayant esté par la permission du Prince rapportee, se prosterna deuant vne image de nostre Dame qu'il auoit, & pria la Vierge Marie avec larmes & pleurs de le guerir, ayât acheué son oraison il s'en dormit, & en songe il vit la Vierge qui remit ladite main en son lieu, or il resta vne trace ou vestige entre la main & le bras pour verification du miracle: que dira icy vn Iouinian, Heluidius, & Nestorius, desquels nos Caluinistes estans comme des autres anciens heretiques imitateurs, ne font non plus estat de la sacree Vierge que d'une autre femme, nonobstant les diuins Oracles des anciens Prophetes qui ont predict choses admirables de son excellence, & les sacrez Conciles par la bouche desquels l'espouse de Dieu qui est l'Eglise parle, parquoy le Prophete Royal parlant de la mere de Dieu disoit, *testimonia tua credibilia facta sunt nimis domum tuam decet sanctitudo Dominus*: c'est ceste maison dans laquelle le Roy celeste est descêdu pour s'y heberger & loger voulant ouurer nostre salut, de laquelle il est parlé quand il est dict, *la Sapience s'est bastie* vne maison & s'est raillee sept colonnes: or ceste venerable mere de Dieu a esté ornee de sept dons du S. Esprit de Sapience, Intelligence, conseil, force, science, pieté, & crainte de Dieu



Dieu: quant à la force, puis que par la Vierge la dureté & force du fort, qui est le Diable, a esté brisée, qui doubtera qu'elle n'aura la vertu & puissance grande de faire des miracles? s'il est dict des saincts, *nimis confortatus est principatus eorum*, c'est à dire, que leur principauté & puissance est tresgrande pour les miracles qu'ils ont faiets & font, que dirons nous de la Vierge qui a vne grace superabondante, i'entends surpassante celle des saincts & sainctes, n'aura-elle pas la vertu plus grande de faire des miracles, quoy que dient les Calvinistes.

---

De l'Excellence & dignité de la sacree Vierge.

CHAP. XXVI.



Alexandre le grād estimoit Achille heureux de ce qu'il auoit rencontré le poëte Homere pour Croniqueur de ses proüesses & vaillantises, mais ie diray au contraire S. Bernard tres-heureux de ce que il s'est efforcé selō la petitesse de son esprit de louer la sacree Vierge, les merites & louanges de laquelle il n'y a si parfait & accompli orateur qui ayt esté, qui soit, & fera, lequel puisse iamais les esgaler de pensee & paroles: car qui est celuy qui scauroit par son



son entendement, si grand qu'il pourroit estre, atteindre la moindre des perfections qui ont esté en elle, car elle a esté le sacraire du S. Esprit, le domicile de Iesus-Christ, & la chambre de toute la Trinité. N'est ce pas vne euidente demonstration de quelque nouveau & estrange oeuvre qui deuoit aduenir en ceste sainte & sacree Dame d'auoir à l'age de trois ans esté conduite au *sancta sanctorum* pour y habiter, veu qu'il n'estoit loisible aux hommes d'y entrer, & où vne fois l'an seulement le souuerain Sacrificateur entroit? n'estoit ce pas vn tresclair indice que ceste noble Dame estoit remplie de la grace de Dieu, predestinee & préseüe de Dieu de toute eternité pour domicile de son Verbe eternal, & instrument par lequel le ciel pour nostre redemption deuoit estre conioinct à la terre, & l'infinie bonté à la fange de nostre humanité.

Ceste Vierge est doüee de plus de graces & faueurs qu'aucune autre simple creature, pour auoir brisé la teste du serpēt ainsi qu'il auoit esté pedit d'elle au commencement du monde, & eschappé le danger du peché originel & la peine d'iceluy, attendu qu'en ceste magnifique & glorieuse Dame la mort n'a esté que comme condition de nature & non comme peine de coulpe: pareillement  
aussi

aussi ce vaisseau du Verbe incarné a esté preserué de putrefaction contre la loy de nos corps lesquels apres la mort retournent en pourriture, Iob disoit *Qui quasi putredo consumendus sum, & quasi vestimentum quod comeditur à tineis*, & aussi ceste mesme mere de Dieu la sacree Vierge a esté esleüe par les Anges aux cieux (apres estre morte sans maladie & tentation de Sathan) en corps & en ame, la terre n'estant digne d'un si grand thesor duquel auoit esté formé le precieux corps du fils de Dieu: c'est ce qu'auoit predit le prophete Royal disant, *Surge in requiem tuam, tu & arca sanctificationis tue*, c'est pourquoy ceste sacree Vierge peut beaucoup pour la deliurance des maux desquels nous sommes menacez par l'apparition de plusieurs signes du ciel & de la terre, lors que nous la reclamerons deuotement: ceste saincte Dame donnera sans doubte au iour espouuentable du dernier iugement reproche aux Caluinistes du peu de respect qu'ils auront eu d'elle, & plus aux Catholiques d'auoir esté nonchalants en l'exhibition de l'honneur qui luy est deub.

---

*Apostrophe à la Vierge.*

**N**Ous croyons que celuy qui de toute eternité est né & engendré du Pere est tien



rien, (ô tres-sacree Vierge) & celuy qui est engedré de toy est rien, & toutes fois ce ne sont deux fils mais vn fils, est commun à luy & à toy: ton fils est fils de Dieu, le fils de Dieu est ton fils, c'est pourquoy nous te dirons plus qu heureuse à laquelle sont conferées tant de graces de Dieu, cest pourquoy vous estes dicté surpasser en excellence & perfection non seulement toutes les femmes qui vous figuroient, mais aussi toutes les creatures simples, & comme vous surpassez en netteté & pureté les Anges, en perfection & sainteté les Saints & Saintes de Paradis, aussi vous estes exaltee par dessus les plus haults chœurs & throsnes des Anges & Archanges, & apres vostre fils Iesus-Christ vous possédez le plus hault throsne en la Cour celeste.

Vostre sanctificatiō au vêtre maternel surmōte celle de Hieremie & de S. Ieā Baptiste vous auez esté la plus saige & scauante de tous les hommes ayant logé en vous celuy auquel les thresors de sagesse & science sōt cachez, vous auez eu le don de Prophetie, tellement que durant vostre vie les Apostres n'ont eu besoin de seconde reuelation Que si le Prophete Amos a dict que Dieu a promis de reueler ses œuvres secretes à ses seruiteurs les Prophetes, que pourrons nous dire



dire de vous qui avez porté le Verbe incarné par lequel les Prophetes ont sceu & congneu ce qu'ils ont predict: ny plus ny moins que certaines pierres precieuses par vne propriété que Dieu leur a donné rendēt les hommes pudics & chastes, aussi vostre diuin aspect & regard par vn don de Dieu special rendoit les hommes qui vous voyoient pudics & chastes. Vous auez surpassé en beauté toutes les femmes qui ont esté & seront iamais, d'autant que vous estes en la chair & en l'ame sans aucune souilleure & macule, & que vous deuiés porter en vostre ventre virginal la souueraine beauté à laquelle appartenoit de reformer l'image de l'homme en Dieu, lequel hōme en soy-mesme par le peché l'auoit faite laide: vous auez esté pour le respect de vostre personne, de Iesus-Christ, de vostre estat & dignité, preseruee du peché originel & actuel, ie dy de vostre estat qui est beaucoup plus excellent que celuy de l'Ange, bref tel qui ne peut estre choizi plus beau, scauoir d'estre mere de Dieu, afin que par vostre moyen le ciel fut conioinct avec la terre, & nostre fange esleuee si hault qu'elle fut vnie au Verbe en vnitē de personne pour nous vnir avec Dieu, bref ce qui est fin fut par vne vnion hypostatique & personnelle cōioinct avec

l'infini, miracle & plus que miracle! il n'estoit decét que le Verbe eternal print chair humaine sinon d'une femme Vierge telle que vous estes scauoir Vierge de corps, vierge de pensee, vierge de profession, ainsi le requeroit la noblesse de nostre condition à fin que l'un & l'autre sexe fust honoré: c'est ce qui a incité S. Augustin de dire pour le contentement des hommes & des femmes, *Nolite vos ipsos contemnere viri, filius Dei virum suscepit, nolite vos ipsas contemnere fœmina, filius Dei natus est de fœmina*, c'est à dire, vous autres hommes gardez vous de vous mespriser, le fils de Dieu s'est fait homme, vous femmes gardez vous de vous mespriser, le fils de Dieu est né d'une femme. Vous estes tres-saincte Dame, celle qui deuoit briser la teste du serpent, c'est à dire de Sathan par le fruit précieux de vostre ventre, & encores que la force de nostre aduersaire soit aux reins & au nombril, neantmoins il n'a eu aucune puissance sur vous qui estes demeurée sans corruption auant l'enfantement, en l'enfantement, & apres l'enfantement: parquoy nous vous dirons estre l'honneur du peuple Chrestien, & dirons bien heureuses vos entrailles qui porterent le fruit de vie par lequel est venu le salut & benediction au monde: Vous estes la verge de Moysé



Moyse qui fut faicte serpent sans venin, car vous auez sans peché enfanté Iesus-Christ qui est le serpent qui rompit la teste à Sathā deuora les autres verges des Magiciē d'Ægypte, l'entends toutes les astuces du Diable & toutes les heresies, d'oū vient que l'Eglise chante en vostre loūange, *Virgo cunctas hereses sola interemisti*, c'est à dire, Vierge vous auez aboli & esteint toutes les heresies au monde: Vous auez esté figuree par la pierre de laquelle est faillie l'eau viue pour estācher la soif des Hebreux, par l'Arche de Dieu composee de bois imputrable, le buisson ardent qui ne se consume representant vostre innocence, integrité, virginité: d'autant que vous estes la Vierge qui auez contre l'ordre de nature conceu, la Vierge qui auez enfanté, la Vierge qui auez alaiété, la Vierge perpetuellement demeuree Vierge, qui auez dy-je enfanté sans aucune lesiō ny de l'ame ny du corps l'enfant qui en vn mesme instant a esté faict ensemble homme parfait & Dieu parfait, mortel & immortel, & temporel viateur & comprehenseur sans aucune mutatiō de soy. Non sans cause le Prophete Isaïe prophetisant vostre venue profera par admiration ce beau miracle *Ecce Virgo pariet*. Et pour continuer les figures de vostre grandeur & altesse, vous auez



esté figuree par le Cedre qui chasse les serpens, la Myrre, Palme, par l'estoille qui deuoit naistre de Iacob, par l'Arche du testament toute couuerte d'or, par Ester, Abigail, Iudith, Rebecca: par la nûe qui sortoit de la mer suspendue entre le ciel & la terre pour représenter vostre fils moyennneur entre Dieu & les hommes, blanche en la natiuité, rouge en la passion, noire en la mort, hia-cyntine en l'ascension, toute celeste & flâ-boyante au iugement espouuentable: bref vous auez esté (ma noble Dame), represêtee par plusieurs choses que ie tay, lesquelles ont pour leur principal obiect Iesus-Christ vostre tref-cher fils, & puis vous Vierge sacree, du ventre de laquelle ce Verbe increé a prins sa chair, de laquelle il a couuert sa diuinité à celle fin que nos yeux debiles & infirmes se puissent ficher à l'infinie lumiere sans offence, ains avec plaisir vray e-mêt diuin. Je noublieray pourfuyuant vos loüanges ce que vostre humble seruante S. Catherine de Sienne dict de vous, scauoir qu'en vous comme vne terre fertile a esté semé le Verbe que vous auez porté, le feu caché & couuert sous la cendre de vostre humanité, en vous la main du S. Esprit a escrit la Trinité, formant en vous le Verbe incarné du fils vnique de Dieu, il y a escrit la sa-

la sapience du Pere qui est le mesme Verbe  
eternel ; il y a escrit la puissance pour ce  
qu'il fut puisât pour faire ce mystere grād,  
il y a aussi escrit la clemence du mesme S.  
Esprit, car seulement par grace & clemence  
diuine, fut ordonné & accompli vn si grād  
mystere, c'est ce que l'Eglise chante à vostre  
louange *Quem terra, pontus, aethera, colunt, ado-  
rant, predicāt: Trinam regentem machinam, Clau-  
strum Mariae baiulat*, Et ie diray sur ces propos  
de S. Catherine que les œuures de la Sainte  
Trinité n'estant aucunemēt diuisees quant  
à l'exterieur ; le mystere de l'incarnation  
de vostre cher fils Iesus-Christ est iustemēt  
attribué au S. Esprit, le propre duquel est  
l'amour & bonté ( pourquoy il est appellé  
*Patris & filij amor* ) à fin que nous scachions  
que par la bonté de Dieu nous auons esté ra-  
chetez de nos iniquitez.

Entre les memorables propos que le sa-  
ge inspiré du S. Esprit a dict de vous, nous  
citerons ceux cy, *Electa vt Sol, pulchra vt Luna,  
terribilis vt castrorum acies ordinata*, ne trou-  
uant rien en ce monde plus beau à qui il  
peust parangonner vos incroyables beau-  
tez & vertus qu'à ces deux admirables flā-  
beaux du ciel, dont l'vn preside au iour &  
l'autre à la nuict, & aussi vostre force & puis-  
sance pour ruiner Sathan & ses complices.



scauoir les heretiques , que vous dire ef-  
froyable & terrible comme vne armee mise  
en rang de bataille. Le mesme sage parlant  
de vous disoit , *mulierem fortem quis inueniet  
procul , & de vltimis finibus pratium eius* ? Or ie  
dy pour mettre fin à ce qui n'a point de fin,  
scauoir vos loüanges, que vous estes la fem-  
*Prou. 31.* me forte & robuste que Salomon veit de  
loing, ainsi qu'auoiēt faict tous les Patriar-  
ches & Prophetes , à raison que vous ne de-  
uiez naistre au môde sinon au dernier aage  
auquel nos Peres n'en pouuoient plus sans  
la venue de celuy qui a esté conceu en vo-  
stre ventre virginal par l'operation du S.  
Esprit pour le salut du monde. Toutce que  
nous auons dict de vostre Altesse (tressain-  
cte Dame) est cause que le vray Chrestien  
considerant tant de perfections indicibles  
qui sont en vous, le plus souuent esleue son  
ame par dessus tout temps & entre dedâs la  
mesme eternité & Esprit de Dieu pour me-  
diter combien grandes estoient les delices  
que Dieu le Pere prenoit en vous auant  
vostre estre, & vos rares vertus , & finable-  
ment comme despuis vous feustes procréée  
au monde. Quand toutes les creatures qui  
sont au ciel & en la terre deuiendroient  
languës, & toutes m'ayderoient à descrire  
la moindre de vos loüanges , il est certain  
que



que moy qui ne suis pas digne de vous louer ie ne le pourrois faire comme il faut: & pource que quelque grâde dignité que vous ayez receüe vous n'avez rien perdu de vostre ancienne humilité & clemēce (qui faict que vous estes propice & amiable à tous. Je prens la hardiesse tout grand pecheur que ie suis de vous supplier (ma pitoyable Dame) comme celle qui estes l'oliue champestre du sacré tronc de laquelle est sorty le petit rameau qui nous apporta la paix eternelle, & le fruit sempiternel de misericorde, qu'il vous plaise par vos prieres nous donner la paix en nos consciences & la cōcorde & vnion de Dieu en nostre France en laquelle tant de beaux temples sont erigez en vostre honneur. Nous vous prions au milieu de tant de signes & prodiges qui nous menacent, qu'il vous plaise vous souuenir que de l'eternelle sapience & bonté vous aués esté esleüe mere de grace, de misericorde, & nostre aduocate, qui faict qu'apres vostre fils nous n'auons recours plus souverain qu'a vous: bref vous souuenir des peines, traualx, & tourments excessifs de vostre fils vnique, le priant qu'a sa gloire & contentemēt ils ayent en nous l'effect pour lequel il les a soufferts & enduré, à celle fin que par vostre intercession ayants la paix

de grace en ce monde nous ayons la paix  
de gloire en l'autre , Ainfi soit il.



Exemple du Comete qui parut auant la mort  
de l'Empereur Maurice.

CHAP. XXVII.



Nous pourfuyurons les signes, qui  
ont menacé l'Empire de Con-  
stantinople , & dirons que l'an  
de grace 603, fut veu vn come-  
te semblable à celui qui auoit esté veu auant  
la ruïne de Hierusalem , duquel a esté parlé  
dict Xiphias, à cause qu'il auoit la figure d'un  
glaiue, lors Phocas tyran Thracien fit mas-  
sacrer les enfans de l'Empereur Maurice en  
la presēce du Pere, scauoir deux fils massés  
& deux filles , puis apres la mere Constan-  
tina: cest Empereur voyant tuer son espou-  
se s'escria, *Iustus es Domine & rectum iudicium*  
*tuum*, c'est à dire, tu es iuste Seigneur & ton  
iugement est droict, incontinct apres l'Em-  
pereur eust la teste tranchée, piteux specta-  
cle , non sans cause le poëte disoit.

*Ad generum Cereris sine cade & sanguine pauci.*  
*Iuuenal.* Descendant Reges, & sicca morte tyranni.  
Peu de Roys & Tyrans sans vne mort san-  
glante  
Descendent aux enfers.

Car



Car à la verité la pluspart des Empereurs de Rome ont esté occis & tuez, & peu sont morts de leur belle mort comme l'ondiët, laissant les autres Monarques à part : l'histoire parlant de Neron bourreau des Chrestiens disoit faisant mention des prodiges postes & heraults des malheurs à aduenir, *sine anni vulgantur prodigia imminentium malorum nuntia, vis fulgurum non alias crebrior, & Sydus Cometes, sanguine illustri semper Neroni expiatum.* Ces piteuses tragedies ordinaires aux Monarques de ce monde font que le souhait du Damocle estoit indiscret de vouloir estre Roy, & qu'à bon droit par le commandement du Roy on le seruoit dans son liët bien paré, ayant l'espee nue pendue au lambris du plancher, soustenue seulement d'un poil de cheual, laquelle estoit proche du chignon du col. La coustume des anciens Payens estoit loüable apres l'entree des Empereurs és principallés villes, au commencement de leur Empire leur presenter deux pierres de marbre l'une blanche l'autre noire, à fin qu'ils choisissent l'une des deux pour leurs tombeaux, triste & funeste aduertissement qu'on leur donnoit apres vne grande ioye & applaudissement de peuple de songer à la mort, & qui pis est de se mettre en memoire qu'ils ne scauroiët scaoir

*Tacit. in  
Annal.*

*Cicer. 3.  
Tuscul. 2  
quæst.*



de quelle mort ils mourront & quelle sera  
l'ysluë de leur Empire, combien est incer-  
taine la fin des Empereurs & Roys, laquel-  
le souuent est semblable à celle du riche &  
puissant Roy de Troye Priam, ou d'un Croe-  
sus Roy de Lydie & autres, desquels la fin  
fut miserable, à combien de calamitez &  
miseres est subiecte la fortune & condition  
des plus grands Monarques de ce monde ?  
combien est hazardeuse & perilleuse leur  
couronne? c'est pourquoy à bon droit Ti-  
berius & Trajan Empereurs ont souuent dit  
en plein Senat qu'on ne scauoit quelle beste  
estoit l'Empire. Saleuque s'assura que s'il  
jettoit sa couronne sur le chemin personne  
ne la ramasseroit pour les grands maux qui  
souuent suiuent les Roys, Antigone Roy  
d'Asie disoit qu'un Royaume est un noble  
seruice, car les Roys doiuent viure pour la  
republique non pour eux: & pour mettre  
fin à ce discours, Agamemnon dans Euripide  
disoit ce que s'en suit.

De l'apparence en grandeur nous viuons,

Mais en effect au peuple nous seruons,  
vn autre poëte disoit fort à propos ce que  
nous auons dict cy dessus des Monarchies.  
Les Empires & Royaumes vn temps sont  
maintenus,

Mais tout à coup s'en vont n'estants plus  
soustenus.

De

De Dieu, duquel depend la terrestre puissance.

Aux grandeurs & honneurs n'y mets ton esperance.

Reuenons à la miserable fin de l'Empereur Maurice, l'auarice duquel perdit sa noble famille, car il ayma mieux qu'un grand nombre de gentils-hommes Chrestiens captifs par les infidelles fussent occis, que pour les rachepster de desployer ses thresors, lesquels par apres ne luy ont peu sauuer la vie: la chose animee est beaucoup plus excellente que celle qui est inanimee comme l'or, argent, entre l'homme qui a vne ame raisonnable & l'or & argent il n'y a aucune proportion, l'or & argent sont creez pour le seruice de l'homme qui est la chose la plus noble & parfaicte qui soit en ce mode (ainsi Zoroaster l'appelle artifice de nature admirable) & non l'homme pour l'argent: l'homme ne mourra iamais les richesses periront avec le temps selon le dire du poëte.

*Tempus edax rerum, tuque inuidiosa vetustas,  
Omnia destruitis,*

Temps mangeur de richesses, & vieillesse enuieuse,

Qui faites tout perir d'une mort ennuyeuse.

Aussi les Grecs ont nommé les richesses *Xrimátón*, à



*mátón*, à raison de l'usage, pour lequel elles sont vtils & profitables. Les anciens Hebreux croyoient que ceux qui cachét leurs thresors en terre principalement quand ils sont mal acquis, sont punis pres du lieu de leurs thresors à perpetuité, estans priuez de la vision de Dieu: Pource la malediction de Dieu est donnee en l'Ecclesiastique à ceux qui à leur propre ruine müssent leurs thresors. Il est certain que si nous abusons des moyens que Dieu nous à donnez, nous en serons responsables deuât luy, ainsi que les despositaires de ce qui leur a esté baillé en garde.

*Suite de l'histoire de l'Empereur Maurice,  
& du Purgatoire.*

CHAP. XXVIII.



Q<sup>N</sup> dict en commun proverbe, *errā-  
ti medicina confessio*, la confession  
que faiēt vn qui a failly luy sert  
de medecine. C'est Empereur  
Maurice, a fin de poursuiure nostre histoire,  
scachant que par son auarice il auoit esté  
cause de la mort des Chrestiens captifs, il  
pria les Euesques de son Empire qu'ils fis-  
sent prieres à Dieu qu'il luy pleust le punir  
en ce mōde sans differer sa peine en l'autre,  
cōfessant qu'il meritoit vne griefue peine.

Or cela



Or celà arriua par les prieres du peuple, attendu sa triste fin de laquelle i'ay parlé: icy on voit apertement contre les Lutheriens & Calvinistes qu'il y a vn purgatoire, ou vn lieu auquel les pechez veniels sont remis, & la peine des mortels est purgée par le feu de purgatoire, c'est à dire la satisfaction des pechez mortels remis en ce siecle par la bonté & misericorde de Dieu, non deüement accomplie est paracheuée par les peines du purgatoire, en l'autre monde: car aduenant qu'un homme decede ayant eu l'absolution de plusieurs pechez mortels qu'il a commis, desquels neant-moins la satisfaction n'a peu estre faicte, il est certain qu'il demeure encores obligé de quelques peines tēporelles qu'il luy conuient payer en l'autre monde, d'autant qu'il n'a satisfait condignement en cestuy-cy: l'opinion de Calvin n'est receuable, qui veut que ce que nous croyons du purgatoire soit de tradition humaine & vne inuētion des Papes, le premier desquels, comme disoit Luther, estoit S. Gregoire le grand qui a commandé qu'on priaist pour les morts. Je responds aux Calvinistes que le Purgatoire n'est vne tradition humaine ayant esgard à la chose signifiée, mais si on a esgard au nom ie veux que ce soit vne tradition humaine, mais  
nous

*Arist. lib.  
de Inter.*

nous ne sommes du nombre des Stoiciens, qui mettoient force aux noms, lesquels ne sont que signes marques des notions, ainsi que les conceptions representēt les choses, pour ce le nom, *Incarnatio, Trinitas, persona, suppositum*, sont noms qui ne se trouuent en la S. Escriture : le Caluiniste nous combat de mesmes armes qu'ont fait les anciens heretiques, desquels parlant S. Bazile disoit ressembler aux mauvais payeurs qui demandent à leurs creāciens qu'ils leurs monstrēt leurs cedules puis qu'ils aduiseront s'ils payeront, ainsi il demande avec son maistre Caluin qu'on luy montre dans la S. Escriture le Purgatoire, ie te responds que bien qu'il ne se trouue rien du Purgatoire dans la S. Escriture (ce qui est toutes fois faulx) nous deuons neantmoins le croire puis que l'Eglise nous l'enseigne, comme nous a doctement enseigné Coclee en son traicté du Purgatoire contre Luther: or quand on mōstre les lieux de la S. Escriture par lesquels le Purgatoire est notoire, l'heretique n'en veult rien croire.

Il est certain que la Passion de nostre Seigneur est suffisante, non ja qu'il ne faille quelque autre chose pour la nous appliquer, ainsi ie te dy que la parole de Dieu escripte fust, mais avec la vraye applicatiō  
& exposi-



& exposition qui se doit chercher où il appartient, j'entends en l'Eglise, à l'autorité de laquelle il ne fault iamaïs contrarier sur peine de damnation, comme François de la Roche-Foucault Euesque de Clermont nous a doctement enseigné en son diuin œuvre de l'autorité de l'Eglise (ie dy diuin d'autant qu'il est autant & plus necessaire pour la confirmation de nostre foy & refutation des heretiques de nostre temps que liure en Theologie qui s'imprime.) Mais ie demande à ces nouueaux docteurs si nostre Seigneur à tout enseigné, fault qu'ils me respondent que non, il n'a iamaïs rien escript horsmis quelque peu de lettres en terre, ny *Ioh. 8. 7.* commandé aux Euangelistes qu'on escriuist oüy bien qu'on preschast, car le S. Esprit deuoit demeurer eternellemēt en son Eglise. Les Calvinistes me confesseront que d'auoir des parrains & marraines en leurs Baptesmes n'est traditiō escrete, mais de peur de mesloigner de mon theme, le Calviniste n'argumente pas bien lors qu'il diēt que le merite de Iesus-Christ est suffisant pour esfacertoute la coulpe & la peine, donc il n'y à point de Purgatoire : car on luy pourra retorquer l'argument, pourquoy si nostre Seigneur a satisfaiēt pour la coulpe & la peine apres la remissiō de noz pechez, souffrons

frons nous tant de maux, & en fin la mort,  
cest ce que disoit le poëte,

*Flens veni in terras, & flens discedo, fuit que*

*Dum vixi fletus, vita, dolor gemitus.*

Au monde suis venu larmoyant & plorant,  
De ce monde ie sors & tousiours gemissant,  
Ceste vie de douleurs & ennuys est remplie,  
Plustot ie la diray triste mort qu'une vie.  
Pourquoy les enfans apres le Baptisme sont  
ils subiects aux maladies ? nous te confes-  
sons ton principe de la suffisance qui est au  
merite de Iesus-Christ pour oster la coulpe  
& la peine, mais il fault que ce merite infi-  
ni à fin d'auoir efficace soit appliqué, autre-  
ment tous les hommes seroient sauuez, ie  
dy appliqué par les moyens que Dieu a or-  
donnez, scauoir les sacremens, la foy &  
les bonnes œuures: c'est pourquoy Dieu n'a  
voulu qu'en certains lieux l'Euangile fust  
preschee, pource qu'il a preueu ainsi que S.  
Augustin dispute contre Porphire qu'ils en  
abuseroient, & à fin qu'ils ne feussent plus  
grieteusement punis en l'autre monde en re-  
jettant l'Euangile duquel ils estoient indi-  
gnes, attëdu qu'ils auoient ja abusé de leur  
naturel, c'est la resolution des Apostres aux  
Actes 13. *Quia vos indignos aeterna vita &c.*  
Voyés le lieu. Nous auons dict argumentât  
par analogie des choses humaines, avec les  
diuines



diuines qu'il ne se trouue rien icy qui ne soit subject à vn ordre, l'ordre estant selon Aristote le bien de l'vniuers, & encores que Dieu soit hors de cest ordre neantmoins il l'a institué & voulu qu'il reluise en ses creatures: donc telle est la proportion entre ce qui agit & ce qui patit, que les choses d'icy bas ne reçoient jamais aucune impression des choses de la hault sans quelque milieu, ainsi les choses qui sont engendrees ne sont idoines à receuoir la force & vertu des causes superieures sinon que par vne cause particuliere, cecy à esté enseigné cy dessus par exemple. C'est pour donner à entendre aux heretiques que le merite infiny de la Passion de Iesus-Christ est la cause generale de nostre salut, mais il nous doibt estre appliqué par les moyēs ordonnez, telle application se faiet par nos œuures & les sacrements. Or Dieu a voulu qu'apres le Baptisme le merite du Sauueur nous fust appliqué par la contrition, confession, avec l'absolution du prestre, à fin que la coulpe soit effacee & que par les œuures satisfactoirs ce mesme merite de Iesus-Christ fut appliqué pour oster la peine temporelle, attendu que la peine eternelle est commuee en peine temporelle lors que la coulpe est remise.

L'action de Dieu n'est de pure & simple misericorde autrement elle seroit sans rai-

son, qui est la iustice: Dieu donc est misericordieux & iuste ensemble, pitoyable pour pardonner, iuste pour chastier, misericorde & iustice sont essentiellement en luy: aussi Isaie prophetisant l'incarnation dict, & *oriatur iustitia simul, misericordiam & iudicium cantabo tibi* Domine dict Dauid: pource Dieu remet la coulpe c'est à dire la deformité du peché, mais il laisse la peine temporelle à cause de sa iustice, pour oster ceste peine nos œuures satisfactaires sont requises: concluons que la iustice requiert que le peché soit puni en ce monde cy ou en l'autre, auât que monter au ciel auquel rien de souillé n'entrera iamais: c'est pourquoy S. Augustin disoit, *omne peccatum debet puniri ab ipso peccatore qui peccat, aut à Deo pœnitentia*: quelle raison y auroit il que le pecheur qui a esté heretique toute sa vie & se conuertissant en l'article de la mort allaist droict en paradis aussi bien qu'un S. Pierre, lequel encore que son peché luy fust remis a tât ploré l'espace de trente ans au chant du coq qu'il en auoit presque perdu la veüe, & la Magdalene en autant de temps son peché luy estant pardonné faict vne penitence austere. Bref laissant à part vn nombre infini d'Hermes, comme vn Symon Succurion qui fit sa penitence quarente huit ans sur des co-



des colonnes de pierre au desert, pourquoy il a esté nommé, Stylites, si celà auoit lieu, où seroit la iustice de Dieu? le Caluiniste ne se doit scâdâlisier de ce que nous disons de nos œuures satisfactoirs: car comme dit ce diuin scholastique & inuincible antagoniste des heretiques le Cardinal Rob. Bellarmin, nos œuures satisfactoirs n'excluent la satisfaction de nostre Seigneur, d'autant que nous croyons que par icelle nous obtenons la grace de satisfaire, & que nostre satisfaction actuelle depend du sang de Iesus Christ nostre Redempteur, & que sans sa grace elle n'est rien, & que l'Esprit de nostre Seigneur opere ce que nous faisons pour nostre salut en nous, parquoy ce n'est faire iniure à Dieu qui opere par ses secondes causes, ains celà reuiert à sa gloire: car la puissance de Dieu est d'autant plus manifeste que non seulement elle peut operer, mais aussi qu'elle communique ceste mesme vertu d'operer aux autres, en celà reluit sa grande bonté.

L'Empereur Maurice semble imiter saint Augustin qui demandoit à Dieu qu'il luy pleust le punir en ce monde sans differer sa punition en l'autre, & enseigne qu'on ne peult dire combien est grand le tourment du feu de Purgatoire. Or ce feu de iustice

est de mesme espeece que celuy des enfers où sont les damnez, ils ne differēt sinon que l'un est eternal, l'autre temporel. Les Payēs qui n'ont eu la lumiere de grace, ains seulement celle de nature, ont recogneu vn tiers lieu auquel les ames sont punies, tesmoin *Virgil. 6* Platon en plusieurs lieux, & *Virgile* suivant la mesme doctrine.

*Ergo exercentur pœnis veterūque malorum  
Supplicia expendunt.*

aussi ils n'ont peu nier la iustice diuine par laquelle les pechez sont punis en ce monde ou en l'autre, c'est vne regle de philosophie assez notoire, *Priora infirmant posteriora, non posteriora priora*. Puis donc que l'Eglise, laquelle a esté premiere que la S. Escriture, nous enseigne qu'il y a vn Purgatoire, nous ne deuous demander à la maniere des heretiques où la S. Escriture faict mention de ce Purgatoire, il suffit comme iay dict que l'Eglise l'a tousiours creu. Nous dirons de l'Eglise ce que les disciples disoiēt de leur maistre Pythagoras, enquis de leur doctrine *Autòs eĩon, ipse dixit*, c'est à dire, le maistre l'a dict n'en fais plus grande enqueste: nous dirons pareillement aux heretiques qui nous interrogent sur ce poinct du Purgatoire, ce q̄ disoit ceste sage femme à Ioab, on *2. Reges, cap. 20.* disoit en l'ancien prouerbe, ceux qui interrogent,



rogēt qu'ils interrogēt en Abela: & ainsi profitoient ils: or Abela estoit vne ville fidelle en laquelle on decidoit de tous les differēts en dernier ressort, c'est l'Eglise Catholique Apostolique, Romaine: fault dōc renvoyer nos Calvinistes qui doubte de la reale presence du corps de Dieu en la Messe, du Purgatoire, de l'inuocation des saincts, veneration des images, & autres poincts de nostre foy en Abela, qui est l'Eglise, laquelle sera iuge de tous leurs differents: l'ancienne Eglise de Dieu a creu vn Purgatoire, car la coustume des Iuifs estoit lors qu'ils enterroient vn mort de dire *vos qui dormitis in Hebron huic aperite portas in Eden*, là deux articles sont exprimez, les prieres pour les morts, & par mesme moyen le purgatoire, puis l'inuocatiō des Saincts. Les Rabbins ont interpreté en ce lieu du Prophete Royal *Si ambulauero in medio vmbra mortis non timebo mala*, &c. Par ces mots ombre de la mort le Purgatoire. Origene veult que le desert par lequel les Israélites passerent & la mort qu'ils souffrirent soient la figure du Purgatoire, & pour reprendre cela de plus loin S. Augustin & S. Ambroise ont interpreté par le glaiue flamboyant de l'Ange lors qu'Adam fut chassé du Paradis terrestre les peines du Purgatoire: la plus part

*Genes. 3.*

des Docteurs Grecs interpretent par ce glaive le Purgatoire. Et Rupert parlant de ce glaive dict *Catholica fide tenemus & confitemur quod non sumus intraturi in paradysum nisi transferimus per ignem, & anglos exáminis*, autât en dit selon l'antiquité Andreas Cretensis en son liure dutrespas de la Vierge: ie laisse plusieurs lieux de l'ancien testament citez par Coclee & le Cardinal Bellarmin, d'autant que nous ne parlons icy que par occasion du Purgatoire. Je diray pour le re-

*Math. 3.* gard du nouveau testament que par le baptême qui se faict par le feu fault necessairement entendre le Purgatoire. Le passage de S. Paul est si euident que rien plus expli-

*2. Cor. 3.* qué par le Cardinal Bellarmin, selon l'aduis de tous les Peres de l'Eglise, qu'il n'est possible de doubter du Purgatoire. Lisez S. Augustin sur le Psal. 37. S. Cyprian nous enseigne que la creance que nous auons du Purgatoire est comprinse sur l'article du Symbole des Apostres, *descendit ad inferos*, c'est à dire, il est descendu aux enfers, ce Symbole est la marque de nostre creance.

Or nous tenons que nostre Sauueur est descendu aux enfers, ce qui ne se doit entendre des enfers des damnez, mais seulement des Lymbes & du Purgatoire, le passage du second liure des Machabees est notoire qui se

*3. Mach.*

dict en



dict en l'Eglise au seruice des trepassez, il ne fault alleguer que les liures des Machabees sont apocriphes d'autant que l'Eglise (sans le commandemēt de laquelle S. Augustin dict qu'il ne croyroit à l'Euangile) les à receuz, si tu dis que ces liures ne sont du Canon des Iuifs, i'en diray autant de l'Euangile qui n'est du Canon des Iuifs. Combien lisons nous d'exemples és histoires des Peres par lesquels se peut prouuer le Purgatoire, l'apparition de plusieurs ames qui en sont venües nous en ont faict foy & faict de iour en iour : ceux qui en ont escrit auoient l'esprit de discretion, ils n'ont sceu errer : l'histoire de Brunon est manifeste à vn chacun irrefragable, car de plusieurs religions celle des Chartreux est telle que iamais ceux de cest ordre n'ont esté reformez. Je ne veux taire l'histoire de Iosephe en ses antiquitez Iudaïques, Hierusalem estant prinse on tuoit tous les soldats Iuifs qui y estoient, douze soldats se mirent dans vne caue pour euitier la fureur des Romains, ayans mangé ce qu'ils auoient ils prindrent conseil entre eux ce qu'ils feroient, disans que c'estoit vne grande misere que de mourir de faim, (suyuant le dire du poëte,

*Sed periisse fame, res vna miserrima longè est.*  
& que sortans ils tomberoient entre les

mains des Romains, pource aucuns delibe-  
 rerent de se tuer l'un l'autre, mais vn d'en-  
 tre eux n'en fut d'aduis, disant si nous som-  
 mes homicides les vns des autres personne  
 apres nostre mort ne priera Dieu pour nous:  
 car telle estoit la creâce des Iuifs qu'il fail-  
 loit prier pour les morts, comme il appert  
 par ce qui est dict aux Machabees, il enuoya  
 douze mille dragmes d'argent pour offrir  
 sacrifice pour le peché, en pensant iustemēt  
 & religieusement de la resurrection, puis  
 il est dict c'est donc sainte & salutaire pen-  
 sée de prier pour les morts à fin qu'ils soiēt  
 deliurez de leurs pechez. Ce lieu est suffi-  
 sant pour cōvaincre les Calvinistes: or pour  
 entendre ce passage fault presupposer que la  
 question de l'immortalité de l'ame & de la  
 resurrection se prennent pour vne mesme  
 chose en l'Escripture sainte. Les Mahume-  
 tans qui ont vne secte cōposée du Paganis-  
 me, Iudaïsme, & Christianisme, prient pour  
 les morts: car Mahumet en l'Alcoran Zo-  
 ara 1. chapitre 92. confesse le Purgatoire, dit  
 que les bons apres la mort entrent  
 dans le feu duquel en fin ils  
 sont liberez non pas  
 les meschans.







Contre l'erreur de Marcus Frytchius, touchant l'autorité du Pape.

CHAP. XXIX.



FFIN de pourfuiure nostre discours nous ne tayrons l'erreur de Marcus Frytchius Aleman, lequel faisant mention de l'Empereur Maurice, apres auoir remonstre l'inconstance & varieté de la fortune humaine, dict que Boniface Pape troisiéme de Rome impetra de ce sanguinaire tyrā Phocas que Rome seroit le siege de toutes les Eglises & luy le chef: puis cest heretique en la fin de son discours prie Dieu qu'il desracine toute plante que Dieu le Pere n'aura planté, telle priere est bone si elle est entédue de son heresie, laquelle cōme toutes les autres est vne plante de Sathan, & pource sera desracinée. Aussi S. Hilaire & tous les docteurs par ceste plante ont entendu l'heresie & l'hypocrisie qui suffoca le bon grain qui est semé: parquoy nous auons veu les heresies, lesquelles il faut de n'eccessité de malheur estre, prendre fin: nous entendons que les heresies n'ōt esté semblables & que les vnes ont succedé aux autres qui auoient prins fin, & ce

par l'astuce de Sathan, ie dy par l'astuce de Sathan, pour autant que pour oppugner la cité de Dieu & conseruer la sienne, ou renuerfer nostre Eglise, il a premierement suscité des heretiques qui se sont attaquez à Dieu, comme Cherinthe & les Arriens, & a appris à ces heretiques de faire comme sous la conduicte de Sathaël & Lucifer il auoit faict: car apres auoir esté créé en telle integrité de nature, beauté, grace, qu'il pouuoit par vn acte meritoire paruenir à la vie eternelle, ne persistant en sainteté & iustice il est miserablement tombé du ciel. Ce Sathaël voyant vn siege preparé pour Iesus Christ (qui deuoit estre vray homme, comme il estoit vray Dieu) à la dextre de Dieu son Pere, il a pensé qu'il n'estoit raisonnable qu'un homme deust monter par dessus les Anges. Les Arriens ont appris leur leçon du Diable, lors qu'ils ont faict la guerre à Iesus-Christ, & ont dit qu'il n'estoit esgal à Dieu son Pere. Je pourray dire que les Calvinistes se sont attaquez à Dieu, car Calvin qui s'est dit premier chef de leur religion, si religion faut appeller, en ses destructions *scilicet* 1018. & entre plusieurs de ses atheïsmes (desquels monsieur de Sainctes Euesque d'Eureux a escrit vn diuin ceuvre) a faict trois essences distinctes du Pere, du Fils & S. Esprit. Les autres

*Caluin*  
*lib. 4. in-*  
*stit. c. 17.*  
*scilicet* 1018.



autres heretiques par la mesme subiection de Sathan ont assailly la doctrine des Apostres niants les ceremonies & sacrements de l'Eglise, ainsi que font les Lutheriens & nos mesmes Caluinistes. Voilà quant à la priere de Frytchius Lutherien : il dit d'aduantage que Phocas a donné permission au Pape de tenir l'Eglise des Chrestiens à Rome, blaspheme grand, attribuant l'honneur deub à Dieu à vne si orde & sale creature que Phocas, *Alteri gloriam meam nō dabo*, disoit nostre Dieu, c'est à dire, ie ne donneray point ma gloire à vn autre : nostre Seigneur comme nous dirons plus amplement en vn autre lieu n'a point de successeurs, pour ce qu'il est à iamais le souuerain Pontife, s'offrant tous les iours pour nous par luy mesme au ciel, mais par ses ministres en terre : il a dōc ses Ministres & Vicaires, entre lesquels S. Pierre & ses successeurs tiennent en ceste Eglise visible le premier rang, il a dict à S. Pierre, *pasce oues meas, tu es Petrus & super hanc Petrā edificabo Ecclesiā meā, aduersus eam nō proualebunt Porta inferi* : ce qui se doit pareillement entendre de tous ses successeurs, nayāt voulu nous laisser selon sa promesse pupiles & orphelins : donc nostre Seigneur a estably en despit des heretiques S. Pierre & ses successeurs chefs de toutes les Eglises Chrestiennes

stiennes, & Rome ville capitale des Chre-  
stiens, comme il auoit faict Hierusalem des  
Iuifs à celle fin que les Iuifs & Gentils fus-  
sent vnis au salut ensemble, & tout ainsi  
que nonobstant les trois captiuitez de Ba-  
bylone, la dignité des Pontifes s'est tous-  
iours conseruee iusques à Herode, sous le-  
quel nostre Sauueur est né, & leur ordre &  
succession n'a iamais esté perdue cōme celle  
des Princes temporels, l'Eglise se mainte-  
nant d'elle mesme & ne dependant point  
de l'estat des Monarques temporels, estant  
en aage superieure a eux, pareillemēt aussi  
la succession de personne & de doctrine a  
perseueré en nostre Eglise, & perseuerera  
tant que le monde sera sans aucune inter-  
ruption, ayant de tout temps esté reconnu  
vn chef visible de nostre Eglise par tous les  
Catholiques en toutes les parties du mōde,  
où la vraye religion a esté plantee, chose  
admirable qu'au milieu des cruelles perse-  
cutiōs de l'Eglise & efforts des tyrans pour  
la desraciner, iamais ceste succession des Pa-  
pes n'a failly à Rome, tousiours vn Pape a  
succédé à l'autre nonobstāt qu'on fist tous-  
iours la guerre au chef, à *Domino factum est  
istud & est mirabile in oculis nostris.* Or la suc-  
cession de doctrine n'a iamais esté separee  
de celle des personnes, nonobstant l'erreur  
de Beze



de Beze ministre de Geneue, qui approuue en nostre Eglise la succession des personnes seulement, c'est mettre vn accidēt sans substance contre Aristote qui diēt, *accidentis esse est inesse*, scauoir la doctrine Apostolique que nous tenons sans quelque personne.

Les historiographes ont remarqué parlāt de ce S. Religieux nommé Augustin qui fut enuoyé avec Melitus l'an 584. & autres pour conuertir les Anglois, que souuent en plusieurs Royaumes & prouinces les peuples se sont cōuertis à la foy à raison qu'ils n'y perseuerent tousiours pour plusieurs causes, ainsi qu'il est arriué en Perse, Iudce, Angleterre & autres: la religion y ayant esté interrompue, mais quant à Rome elle a eu ce priuilege que iamais la religiō Chrestienne n'y a failly. Les Eglises Orientales (esquelles il y a eu des erreurs) cognoissans cela ont nommé nostre S. Pere *Arcon ónta tón ecchlesíon*, c'est à dire, Prince des Eglises. Donc nous deuons croire que le Pape est le chef des Eglises, chef selon le spirituel de tout le peuple Chrestien, & mourir en ceste foy, car ainsi Dieu l'a voulu pour la defence de la verité de ceste proposition. Le Roy Héry huietième d'Angleterre a fait mourir plusieurs saints personages, lesquels ont mieux aymé pour acquerir la gloire eternelle

nelle souffrir mille tourments, que de se despartir de l'obeissance de nostre S. Pere, & permettre qu'il se commit aucũ schisme, qui est la mere qui couue l'heresie, & se rãger du costé de Darhan, Coré, & Abirô, pour avec eux perir eternellemẽt en enfer: voyez ce qu'en a escrit Sanderus fugitif d'Angleterre pour la cause de Dieu, en l'œuure qu'il a faict du schisme des Anglois, nous dirons avec le bon docteur S. Ambroise, *Frustra otiosè de illis rebus disputamus, pro quibus tam multos sudores ac tantum sanguinis profuderunt martyres*, c'est à dire, en vain nous disputons des choses, pour la deffense desquelles plusieurs martyrs ont tant sué & trauaille, & ont tant espendu de sang. Arriere donc, arriere l'impiété de nos Calvinistes qui blasment l'authorité de nostre S. Pere & du S. Siege Apostolicque, laquelle a esté telle quelle n'a esté & ne sera iamais alteree par aucune heresie, de laquelle le S. Esprit (qui tousiours la maintient) est ennemy. Je diray du Pape pour l'integrité de sa foy & doctrine ce que disoit le poëte.

*Non alium videre Patres, aliumve nepotes  
Aspicient,*

Iamais autre que nos Peres ne l'ont veu  
Scauoir de mesme foy que S. Pierre a  
tenu,

Ny la



Ny la posterité semence des Apostres,  
Nos Papes ne pourra iamais recognoistre  
autres.

Nous auons eu deux cents trante trois Papes cōptant cestuy-cy (que Dieu garde) qui ont tousiours enseigné la mesme chose que nous croyons, la succession & hierarchie du S. Siege Apostolique ayant tousiours esté gardée entiere, il est dict, *memoria iusti in benedictione conseruari debet*, c'est vn argument tres valide pour authoriser la prééminence de nostre S. Pere le Pape, en ce que les heretiques de tout temps à l'imitation de leur pere Simon Magus luy ont fait & font encores la guerre, ressemblant à ceux qui faisans leur bande à part quittoient le temple de Hierusalem & sacrihoient en Garizin, bref recognoissoient vn nouueau Pontife au lieu du vray & legitime.

Ce mesme heretique Frytchius a grandement erré en ce qu'il a escrit de Phocas tyrā, veu que Iustinian l'Empereur a vescu long temps auant Phocas, & a recogneu le Pape chef des Eglises Crestiennes, c'est la coustume des heretiques de falsifier les escritures saintes, autremēt ils ne seroient enfans de Sathan par imitation, on peut dire d'eux lors qu'on les voit si lourdement errer en la cognoissance des histoires, *malitia illorum obcecauit*

*obscacui illos, ou biē noluerūt intelligere vt bene  
agerēt.* Cōcluons que quoy que disent les he-  
retiques qu'il faut recognoistre l'auctorité  
& puissance du Pape telle qu'il a pleu à no-  
stre Seigneur luy donner: à luy appartient  
de lier & deslier, à luy appartient comme  
Vicaire de Dieu en terre & successeur legi-  
time de S. Pierre la clef de la communica-  
tion de ce grand thresor de l'Eglise scauoir  
le Iubilé, par lequel les Chrestiens sont de-  
liurez de la peine & coulpe, & retournent  
en grace avec Dieu, qui est le vray heritage  
de tous nous autres: le Iubilé est le paye-  
ment des peines deües aux pechez par l'ap-  
plication du thresor de l'Eglise, laquelle  
application se faict en ceux qui gardent les  
conditions prescrites en la Bulle de nostre  
S. Pere le Pape, le Iubilé suplee le deffault  
de l'imperfaiete satisfaction des Chrestiens  
& efface toutes les peines deües aux pechez  
lesquels ils doiuent payer ou par les fruiets  
dignes de penitence, ou par les longües pei-  
nes de Purgatoire: Or quoy que les Calui-  
nistes alleguent contre nous, ce thresor de  
l'Eglise nous est communiqué par nostre  
souuerain Pasteur en terre, & ne profite aux  
Chrestiens s'il n'est appliqué, & est compo-  
sé des peines & merites de Iesus-Christ &  
de ses saincts: c'est pourquoy ie loue gran-  
dement

*De l'ubi-  
lé.*



dement entre toutes les nations les François, qui pour chasser de nous les grandes miseres & calamitez desquelles nous sommes par plusieurs signes & prodiges menacez, ont esté de toutes parts à Rome l'an 1600. pour gagner le Iubilé, & la mesme année l'an 1601. à la celebre ville d'Orleâs laquelle Dieu veuille par sa sainte grace preseruer de tous maux. Or nostre S. Pere a voulu que le Iubilé feust à Orleans, non seulement pource que la ville est situee presque au milieu de ce Royaume, & pour la reparation de la ruine de l'Eglise de S. Croix, mais aussi pour la celebrite de ceste noble cité, en laquelle de tout tēps la pieté & religion Chrestienne ont flory: il y a de tresdoctes Theologiēs entre lesquels maintenant sont Monsieur Bouche, & Monsieur Burlat predicateurs ordinaires de la ville & Monsieur de la Sofaye Doyen de l'Eglise de S. Croix: la Iurisprudence y est enseignée par des Docteurs autant & plus signalez qu'il se puisse voir en autre vniuersité, du nombre desquels sont aujourdhuy Hier. l'Hullier, Raoul Former fils de deffunt Guillaume Fornier Docteur & Conseiller tresrenommé pour sa rare doctrine, C. Chartier, I. de la Lande: pareillement aussi la Medecine y est fort bien practiquee, le College de la  
O quelle

quelle a tousiours esté composé des plus doctes & experimentez Medecins de la France, entre lesquels maintenant est R. de Massac nostre Doyen d'une admirable doctrine & rare experience, ses doctes escrits en portent suffisant tesmoignage.

---

*De Mahomet & Luther.*

CHAP. XXX.



Il ne fault oublier l'horrible & effroyable Comete qui parut au temps de ce mesme Empereur Maurice & dura l'espace de six mois excédant la figure de toutes les autres, presage de la naissance proche de Mahomet figure de l'Antechrist, duquel nous auons parlé en nostre discours du comete veu l'an 1596. Ce mal'heureux fit l'Alcoran, qui signifie collection, sçauoir de commandemens, l'an 630, ayant consulteur Sergius Nestorien heretique, & Boteira Iacobite, & deux Iuifs un nommé Tuices, & l'autre Abdia. qui despuis fut nommé Abdala. L'heresie de l'Empereur Heraclius, du temps duquel ou peu après la Monarchie des François commença, donna entrée à Mahomet qui par après occupa l'Empire: c'est pourquoy nous auons dict que la sentence du sage



sage est tres-memorable, *aufer impietatem de vultu Regis & firmabitur iustitia thronus eius*, ce *Prov. 25* malheureux a particulièrement ruyné ses terres voy fines, comme l'Arabie, l'Egipte, Syrie, a faict plusieurs expeditiōs de guerres mentionnees en nostre discours allegué, dont la premiere fut nommee *Ægira*, il a pensé que sa foy estoit meilleure que celle de Moÿse & de nostre Sauueur Iesus-Christ, jaçoit qu'il aye voulu que nostre Seigneur doïue iuger les vifs & les morts, & ce par permission diuine, à fin que la fausseté de sa secte fust plus notoire: car il s'ensuyt que luy qui est mort sera iugé par Iesus-Christ & par consequent que nostre Seigneur est plus grand que luy, d'autant que le cœur est la partie la plus noble qui soit en nous, pource appellé le Soleil du petit monde, scauoir l'homme, d'où procedé la faculté vitale sās laquelle les autres facultez ne peuvent rien, & qu'en luy selon Alexandre Aphrodi. la principauté de l'ame est mise, bref qu'il est le principal subject de la fiebure qui est la maladie la plus commune, & qu'il ne peut receuoir en sa substance la moindre lesion & blessure que l'homme ne soit en danger de sa vie. Cest imposteur de l'Orient Mahomet a dit qu'il auoit esté par Gabriel priué de ceste noble partie, scauoir

du cœur à celle fin qu'il fust estimé par les hommes exempt de plusieurs infirmités. Ce mesme imposteur disoit que l'Esprit de Dieu en forme d'un pigeon le visitoit de iour en iour, lisez ce qu'en escrit Accens. en ses commentaires sur Aulugele, il est certain qu'il a esté un insigne forceier comme Apulee: Cest Apostata dit qu'estant cōduict au ciel par l'Ange il s'est recommandé à nostre Seigneur seulement, & que les anciens Patriarches se sont recommandez à luy, ainsi il se fait plus grand que les Patriarches, & inferieur à nostre Seigneur: Il a grandement loué la virginité de nostre Dame & sa conception, & ie diray eüe en plus grand honneur que les Calvinistes: car il est dict en l'Alcoran, *Sathan nec Christum nec Mariam tangit*, voulant dire qu'ils ont esté sans peché, tellement que la Prophetie du cantique de la Vierge est vray, *Ecce nunc beatam me dicent omnes generationes*: car par tout le monde la vierge Marie est reputée heureuse. Cest Apostata estably un paradis d'ordure & volupté charnelle en l'autre monde, & une licence & liberté en celuy-cy à celle fin de mieux attirer les hommes à sa secte, liberté & nouveauté sont deux choses comme disoit le poëte Pindare, fort attrayantes & agreables, qui decoulent & s'insinuent



s'infinuent ayfément dedans le cœur des hommes, par ces moyens le Luterianisme & Calvinisme s'est semé à nostre grand regret parmy nous : il y a presque mille ans que nostre Eglise a souffert & enduré par les sectateurs de cest Apostat. L'onzième Empereur des Turcs nommé Mahomet a prins Constantinople, ( apres l'auoir assiegée avec quatre cens mille hommes ) & Trapezonce, a osté douze Royaumes aux Chrestiens, prins deux cens villes, ils sont morts plus de deux cents mille hommes aux guerres qu'il a faict. Les successeurs de ce tyran ont du despuis tousiours trauaillé & trauaillent à la ruyne de nostre religion. Il est vray semblable que de celuy qu'on appelle aujourdhuy le grand Seigneur, Empereur des Turcs, cest Assur ( verge de la fureur de nostre Dieu ) a esté la figure, ie dy Assur, qui vault autant à dire que ennemy & infidiateur i'entends infidiateur des Chrestiens, de la cruauté duquel Dieu veuille preseruer nostre Eglise. Voilà donc l'effect de l'horrible Comete, duquel nous auons parlé, ainsi les cometes peuuent quelques fois estre aussi bien auantcoureurs de la subuersion de la Religion comme de l'Estat, ce qui a esté enseigné par les vers eitez en nostre premier discours.

Aucuns ont asseuré que le regne des Mahumetans deuoit durer iusques à la fin du monde, cōme Annius, Vatable & autres, mais ie diray, *altiora te ne quæsieris*: Les prophetes des Mahumetans ont bien predit que les Mussulans degenerans de la vertu feront que l'espee des Chrestiens se hausslera & les chassera de tout leur Empire, mais ils n'ont peu predire le temps auquel celà aduiẽdra. Cyprian Leonice n'a esté moins temeraire que ceux lesquels ont limité la fin de la secte des Mahumetans, car oultre ce qu'il a dict de la fin du regne de la loy de Mahomet il a composé des Ephemerides pour trente ans ésquelles il a asseuré que le iugement deuoit aduenir l'an 1583. ce qui est faulx, comme si le temps du second aduenement de nostre Sauueur pouuoit estre predict par l'influence des cieux ou de la conjunction des planetes, veu qu'il n'est cogneu aux Anges ny aux fils de l'homme, ie dy au fils de l'homme, celà s'entẽd poure estre reuelé. Nostre Seigneur à clos la bouche à ceux qui trop curieusement veulent par l'astrologie predire ce iugement, quand il a dit, *non est vestrum nosse momẽta & tempora quæ posuit pater in potestate sua*, voyez l'œuure diuin de de Billy abbé de S. Michel, d'Her homme de sainte vie (intitulé le second aduenement du fils



du fils de Dieu: or la temerité de ces Astrologues iudiciaires est insupportable: leur science est prohibee par les anciens Theologiens, comme exemple de principes necessaires, neantmoins telle temerité & folie s'est estendue iusques aux predictions tant de la fin particuliere des hommes que de celle du monde, veu que la vie de l'homme n'est cogneüe par les Anges qui sont en grace, comment seroit elle cogneüe par les demons par lesquels la science de ces Astrologues a esté inuentee, ainsi que Picus Mirandul nous enseigne: c'est ce que disoit l'Ange à Esdras iecognois le passé non les choses à aduenir, & dict qu'il n'est enuoyé pour enseigner au Prophete aucune chose de sa vie, (voyez ce lieu) lisez ce qu'escriit Menardus Medecin contre l'Astrologie iudiciaire: ie diray que si ce que les Astrologues & faiseurs d'Almanachs predisent de nostre temps touchant l'euenement des affaires se trouue veritable, c'est Dieu qui le permet pour la trop grande creance que les Chrestiens ont à telles predictions, c'est vn signe de l'ire de Dieu, c'est pourquoy Saint Augustin disoit, *multa Deus negat propitius q̄ concedit iratus*: ceux qui cōtre la loy de Dieu se font dire leurs aduentures par les Chiro-manciens, autrement dicts Bohemiens, ou

Ægiptiens, souuent experimentent parvne iuste punition de Dieu la verité de ce que on leur a predict: Dieu permet qu'ils perseuerent en leur malice comme il a faict à l'édroidt de Pharaon, duquel il est dict *indurauit cor Pharaonis*, c'est à dire, il a endurcy le cœur de Pharaon, par la subtraction de sa grace, cecy a esté dict en forme de digression.

Vn peu auant la venue de Luther non vn comete mais plusieurs furent veuz. Ce Luther ny plus ny moins que Mahomet a causé plusieurs maux en la Chrestienté, il a esté l'origine & source d'une partie des heresies d'Allemagne, Angleterre, Escosse, il est cause que Henry huitième Roy d'Angleterre a changé en trante ans quatre ou cinq fois de religion, & a faict la guerre à Clement Pape de Rome à cause qu'il ne luy fut permis de repudier la Roynie Catherine sa femme: ce Roy a receu la fausse doctrine en partie de Luther contre lequel il auoit escript, & par sa paillardise il a desuoyé de la vraye religion, & sur la fin de sa vie a ressemblé à l'aspic qui ferme ses oreilles à la voix du sage & prudent enchanteur. Cest Apostat Luther estoit de Saxe comme nous a enseigné Coclee, qui estant au conuent de Herphord a renouellé les vieilles heresies ja enseuelies, & semblable à Achiel, a rebasti



basti Hyerico : ce monstre a infecté la plus  
grâde partie d'Alemaigne, & y a semé plu-  
sieurs seditions ala maniere des heretiques  
aux lieux où ils se trouuent, ainsi en a fait  
Caluin disciple du disciple de Luther, l'en-  
tends de Zuingle, en nostre France, s'empar-  
rant de Geneue l'an 1535. qui est vn Aile  
de tous les heretiques & schismatiques des  
Gaules, & comme estoit Samarie au regard  
de Hierusalem. Le Roy Henry d'Angleter-  
re du temps qu'il estoit Catholique & qu'il  
escriuoit contre Luther en vne Epistre qu'il  
escriu au Duc de Saxe dict, que personne ne  
s'esmerueille si vn faquin & homme de bas-  
se condition à tout troublé en la Germanie,  
qu'il scache que par deux belistres & ma-  
rauts s'est esleué vne secte qui a occupé &  
occupe encores vne grande partie du mon-  
de, scauoir Mahomet & Sergius. Ce grand  
Catholique Thomas Morus Chancelier  
d'Angleterre fut martyrisé pour la iustice  
de Dieu, parlât dece heresiarque Luther alle-  
gue le dire de Senecque, tard mord le chien  
qui abbaye, & veult qu'il ne fut moindre  
que Cerbere des enfers, mais en morsure  
moindre q'une puce, & qu'apres qu'il s'est  
couuert du manteau des abus du clergé s'est  
par apres attaqué à l'Eglise, il a perdu vn  
nombre infini d'ames. Dece Luther est ve-

nuZuingle plus pernicieux que son maistre ayant nié la reale presence du corps de nostre Seigneur en la Messe, & a appris ceste leçon à Calvin heretiarque François: ce Zuingle l'an 1531. fut trouué entre les corps morts, comme aussi son compaignon Oecolampade apres la victoire gaignee par les Catholiques contre les Lutheriens, & fault remarquer que les trois cantons des Suysses Catholiques gaignerent cinq batailles rangees, en la premiere furent tuez ces deux insignes heretiques, & leurs corps exemplairement bruslez.

---

*Du desastre qui arriua au Roy Xerxes apres  
l'apparition du Comete.*

CHAP. XXXI.

**X**Erxes premier de ce nom, dict terreur de la Grece. cinquième Roy des Perfes, non comme Scaliger a voulu cest Asuerus qui estoit mary d'Esther, il a regné vingt & vn an, son armee estoit de sept cens quatre vingts huiet mil hommes. lors qu'il alla en Grece, avec vn tel appareil de nauires qu'il couuroit l'Helesponte qui joint l'Europe avec l'Asie: cela a esté enuiron 400. ans auant la venue de nostre Sauueur. Ce Roy contemplant du sommet d'une mon-  
raigne



taigne son armee plora, disant qu'auant cēt  
ans il n'y auroit vn seul de tant de millia-  
ses d'hommes qui suruiuroit. Ce Roy tout  
Payen qu'il estoit, s'engeoit que nature &  
la mort ont vn duēl perpetuel, que la mort  
destruict toutes choses, ainsi que nature par  
vne generation circulaires s'efforce à les re-  
nouueller pour tousiours conseruer l'espe-  
ce à l'entretienement de laquelle elle dresse  
ses actions, ainsi il est escrit, *omnes morimur*  
& *quasi aqua in terram dilabimur que non reuer-*  
*tuntur*, c'est à dire, nous mourons tous &  
comme les eaües nous tombons dans la ter-  
re, & ces mesmes eaües ne retournent ia-  
mais: la fragilité de l'homme est si grande  
qu'il a esté nommé pouldre & ombre, aussi le  
poëte payen disoit.

Aristo. 2.

del'ane

1. de la

gene. des

animaus

chap. 1.

2. Reges,

cha. 14.

*Puluis & vmbra sumus:*

Horace,

*Somnium, bulla fœnum &c.*

songe, foin, ou ceste petite bouteille d'eaü  
qui se voit durant la pluye: ceste fragilité  
humaine est comme vn vent qui sort de la  
bouche lequel va & ne reuiert iamais de  
mesme, c'est pourquoy le Prophete Royal à  
bon droit parlant de l'ingratitude du peu-  
ple d'Israël & des biēsfaicts de Dieu enuers  
ce peuple, contrebutoit à cest ingratitude  
la misericorde de Dieu, qui a faict que ces  
Israélites n'ont esté traictez selō leurs de-  
merites,

merites, & qui a eu esgard à leur fragilité  
*Psal. 77.* dict, *Spiritus vadens & non rediens*, c'est vn vêt  
 ou haleine qui s'en va & ne reuiet iamais,  
 de mesmes le nom de *Spiritus* ne se prend icy  
 selon les Hebreux pour l'ame, comme in-  
 terpretent nos Calvinistes à fin d'entrete-  
 nir leur erreur, scauoir que les Esprits ia-  
 mais ne reuiennent. Or pour reuenir au  
 faiët memorable de Xerxes, non sans cause  
 songeant à la mort par laquelle fault que  
 tout ce qui est icy bas passe, selon ce qui est  
 dict.

*Omnia mors aquat,*

*Horatius* Debemur morti nos, nostraq.

La mort esgale tout, il nous fault tous  
 mourir,

Nos richesses & nos biens aussi doiuent perir,  
 il est fondu en larmes: & nonobstant que ce  
 puissant Roy par vn tel acte se souuenoit  
 de la mort, neantmoins il poursuyt touf-  
 iours de vouloir assouuir son ambition &  
 cupidité grande d'aggrandir son Estat: cō-  
 bien voit on de grands, lesquels scauent as-  
 sez la sentence du Sage, *Memorare nouissima*  
*tua & in eternum non peccabis,* & du poëte.

*Perse.*

*Viue memor lethi, fugit hora.*

neantmoins enyurez, de leur propre amour  
 & de celuy des choses terrestres ne sont ia-  
 mais contents de leur fortune & condition  
 aspirant



aspirants tousiours à ce qu'ils pensent les  
pouuoir esleuer plus hault, qui toutesfois  
le plus souuent leur cause vne si rude cheu-  
te qu'ils desirent par apres par vn desespoir  
plustot mourir que viure, attendu que la  
plus grande misere qui peut estre est quād  
vn bon heur est changéen vn perpetuel ma-  
lheur: les ambitieux sont souuent faicts  
semblables à celuy qui dans cest autheur  
Grec songeant qu'il auoit les mains pleines  
d'escus, estant esueillé n'y trouua que des  
charbons, doū est venu le prouerbe, *thesauri  
carbones erant*: mes thresors estoient charbōs.  
Ce Roy ambitieux alla faire la guerre en  
Grece, qui fut cause que les Grecs ioignirēt  
toutes leurs forces pour le repousser: la loy  
de nature nous inuite à repousser la force  
par la force, & chasser du lieu de sa naissan-  
ce l'ennemy: aussi les anciens pour la liber-  
té de leur patrie n'ont espargné ny leurs  
biens ny leur vie, parquoy le poète disoit.

*Vincit amor patriæ, laudisque immensa cupido.*

Les histoires sont rēplies d'exemples pour  
la preuue de ce que ie dy, mais le Chrestien  
courra plustot à la defence de sa religion  
qu'à celle de sa patrie, seachāt qu'il ne peut  
viure sans foy & religion (qui est vn moyē  
pour paruenir à ce pourquoy on est né) si  
faict bien sans sa patrie, attendu que la pa-  
trie

trie est par tout où on peut en assurance  
seruir son Dieu, pourquoy r'accomoderay  
à mon dire ces deux vers.

*Plubris est animus si te non deficit equus,*

*Omne solum forti patria est vt piscibus aquor.*  
toute terre quelle quelle soit est bonne  
pourueu qu'on y faie son salut. Ce saint  
personnage S. Hilaire qui a tant combattu  
en son temps pour la manutention dela foy  
contre les Arriens, voyant qu'au Concile  
de Nicee on ne luy faisoit place cōme aux  
autres, il se prosterna en terre & s'escria  
auec le prophete Royal, *Domini est terra &*  
*plenitudo eius*, la plus part des Apostres &  
Martyrs ont fini leur vie hors leur patrie.

Ce Roy fut combattu pres l'isle de Sala-  
mine, & deffaiet comme aucuns ont escriit  
par quatre mille hommes en vn destroict,  
en l'an de son Empire cinquième: tellemēt  
que la victoire souuent ne gist à la multi-  
tude des hōmes mais en la valeur & address-  
se d'iceux, parquoy le poëte disoit,

*Orose.*

*Exiguū numero, sed bello vinida virtus.*

Pacheco Portugois auec soixante Chrestiens  
deffit dixhuit mille hommes de ceux du  
Roy de Calicut, & empescha le passage à la  
Coccine du temps d'Emanuel Roy de Por-  
tugal: trois cents soldats de Gedeon bien  
adroicts deffirent vn grand nombre de Ma-  
dianites.

*libro.*

*Iud. 7.*



dianites: ce n'est sans mystere que ceux qui beuvoient le ventre couché ne se trouuerent propres pour combattre comme les autres, pour nous enseigner que la police militaire tenue & obseruee comme il fault, & les bonnes mœurs tant des chefs de guerre que des soldats souuent sont cause des victoires (aussi il est dict *Victoria Deo & Gedeoni*) au contraire dès que les vices des gens de guerre feront comme fait la presence du sacrilege Achan qui fut la cause de la perte du peuple d'Israël en l'armee, de cecy nous parlerons en l'histoire de George de Castriot.

Les desseings de ce puissant Roy furent tout à coup rompus, & ses esperances rendues vaines, Ciceron s'escrie, *Ospem fallacem fragilemque fortunam, ô inanes contentiones nostras que in medio cursu franguntur atque corruunt, quam portum ipsum respicere possint*, autant en auoit dict le sage, *timida sunt & incerta cogitationes nostrae*: telle fut l'yssue de Crassus qui fut tué au milieu de ses desseings par les Parthes, l'or fondu luy estât ietté dās la bouche apres la mort pour plus grande ignominie, encores qu'auāt sō partemēt de Rome il eust esté menassé par plusieurs prodiges, de mesme façon les esperances de Alexandre le grand prindrent fin en Babilone lors qu'il fut empoisonné, qui fut six ou sept ans apres qu'il

Cicer. 3.  
de Orat.

qu'il eust ruyné l'Empire des Perles, le dire  
du poëte est vray.

*Vita summa brevis,*

*Spem nos vetat inchoare longam,*

La brieueté de vie & la grande incōstance  
De fortune, icybas rompt la longue esperāce  
Que nous pourrions auoir, & brise les con-  
seils

Des Princes & des Roys, & leurs grands ap-  
pareils.

aussi les mauuais conseils de Iulien l'Apo-  
stat furent en peu de temps rompus lors  
que par les prieres de la sacree Vierge di-  
uinement fut tué en la bataille contre les  
Perles, Sainct Mercure ayant assisté au com-  
bat, & les Catholiques liberez des peines  
ausquelles il les auoit destinez s'il eust esté  
victorieux. C'est pourquoy Dauid dict,  
*Deus reprobat consilia Principum*, c'est à dire  
Dieu reprouue souuent les conseils des  
Princes. Ce Roy fut en fin miserablement  
tué en son Louure par son Lieutenant Ar-  
tabanus : voylà le sinistre effect du comete  
qui parut auant la venue de ceste puis-  
sante armee en Grece. Cest effroyable Comete  
estoit appellé *Xerantias* pource qu'il  
estoit faict à la semblan-  
ce d'une corne.







De la fortune de Darius quatorzième

Roy des Perſes.

CHAP. XXXII.



Arius, non celuy auquel ſucceda Xerxes, mais vn autre portant le meſme nō, dernier Roy des Perſes, fils d'Arſan & frere d'Ochus, qui regna ſix ans, n'a eſté moins fortuné que Xerxes: il eſt vaincu par Alexandre le grād en trois batailles, en la derniere occis par les ſiens, ſa Monarchie perdue laquelle auoit vne grande eſtendue, ce qui auoit eſté pre-dict deux cens ans au parauant par le Pro-phete Daniel, la prophetie duquel fut par-apres leüe en la preſence du meſme Alexā-dre en Hieruſalem, laddus eſtant lors Pon-tife: la Monarchie des Perſes deſpuis ſon cō-mencemēt qui fut par Cyrus, en la premie-re année de la cinquāte cinquieſme Olym-piade n'a duré que deſpuis Cyrus iuſques à Alexandre qui a par forces d'armes ruyné ceſte Monarchie, il n'y a eu que deux cents trante ſix aīs comme les hiftoires nous teſ-moignent, Claudian poëte Chreſtien parle de la mort de ce Roy.

Daniel. 8

*Darium ſamuli manibus doluiſſe peremptum.*

P

voilà vne tragedie des Monarques merueilleuse, laquelle doit mettre deuant les yeux des Empereurs & Roys ces beaux vers du prophete Royal, afin qu'ils n'abusent de la puissance qui leur a esté donnée de Dieu,

*psal. 2.* Et nunc Reges intelligite erudimini qui indicatis terram, apprehendite disciplinam &c. le Pere de cest Alexandre destructeur de la Monarchie des Perses nommé Philippe disoit ordinairement qu'il faillloit qu'un Roy eust vne perpetuelle souuenance qu'il estoit homme, & que son Empire dependoit totalement du Souuerain Monarque. Ce saint personnage Rupert parlant de la ruine de l'Empire de Darius, faict aux grands vne belle leçon apres Theodoret, il monstre combien est variable, inconstante, & de peu de duree la felicité humaine, & comme les hommes sages & bien aduisez s'y doiuent peu fier, recite ce beau verset du Prophete Royal, *Domini est regnum & dominabitur gentium*, c'est à dire, le Royanme est proprement du Seigneur Dieu & il aura domination sur les Gentils, Dauid dict Rupert, à bon droit dict que le Royaume est de Dieu, d'autant que les Monarchies de ce monde ont esté & sont tousiours trompeuses.





Des Signes qui parurent au dernier Roy  
des Chaldeens.

CHAP. XXXIII.

**N** On seulement les Cometes mais  
aussi plusieurs autres signes &  
prodiges nous peuuent seruir,  
ainsi qu'il plaist à Dieu, d'aduer-  
tissement des malheurs à aduenir, & tels si-  
gnes seront plutost quoy que dient les Na-  
turalistes; *Taidefrica* cômme parlent les Grecs,  
c'est à dire, instructifs, que naturels, des  
quatre Monarchies representees par la sta-  
tue de Daniel, la ruïne de l'vne a tousiours *Daniel. 2*  
esté le commencement & aduancement de  
l'autre, c'est vne loy de nature que la cor-  
ruption d'vne chose est la generation de  
l'autre, par la statué de Daniel estoient seu-  
lement representez les Empires & Royau-  
mes qui deuoient estre iusques à la venue  
& regne de Iesus-Christ nostre Redempteur *Gene. 19.*  
& Sauueur. Le Royaume des Chaldeens a  
esté le premier & le plus ancien des Monar-  
chies, comme il est escrit, il a esté nommé *Isaie. c.*  
regne d'or, non faisant comparaison des *47.*  
Empires qui sont venus apres, mais de ceux  
qui lors estoient du temps de Nabuchodo-

nozor, duquel on eust peu dire ce que le poëte disoit d'Auguste.

Virgile.  
6. Aene.

Augustus Caesar Diuum genus aurea condet  
Secula,

Cesar race des Dieux establiera vn regne  
Doré pendant son regne:

Isaie. c.  
51.

A prendre la Monarchie des Assyriens plus  
estroittement selon ce qu'en escrit Daniel,  
accomparee au chef d'or & à l'Aigle volan-  
te, elle ne dura qu'environ septante huit  
ans en trois roys, l'auoir Nabuchodonozor,  
Bulmeroduch, & Baltazar contempneur de  
Dieu, Babylone estoit le siege de ceste Mo-  
narchie: or le Prophete appelloit Babylone  
le siege de cest Empire, Calice d'or qui en-  
ueroit tout le monde. Aristote parlant de  
Babylone dict qu'elle auoit plus le circuit  
d'une nation que d'une ville, & qu'estant  
prise par les ennemis vne partie des cito-  
yens fut trois iours sans scauoir sa prise.  
Or cest Empire tât beau & magnifique qu'il  
aye esté a prins fin à l'auenue d'un plus fort  
& puissant que celui qui luy commandoit:  
Baltazar pour n'auoir craint Dieu comme  
il deuoit, & mesprisé ses aduertissemens, il  
l'a bien payé, ce tres-puissant Roy de Baby-  
lone fut aduertý de son desastre par ces pa-  
roles escriptes en la muraille pendant qu'il  
banquetoit Mané, Thecel, Phares, il n'est dict  
sans

Arist. 2.  
poli. c. 2.

Gen. 11.

Gen. 11.

Gen. 11.



sans cause qu'il fault veiller & prier, & que le Seigneur viendra comme vn larron nous surprendre, & que si le Pere de famille scauoit l'heure de la venue du larron qu'il ne permettroit qu'on fist ouuerture en sa maison: le poëte payen disoit.

*Omne crede diem tibi diluxisse supremum.*

Croyez que chascue iour qui reluit icy bas  
Vous est vn langoureux iour de vostre trespas.

les Lacedemoniens apres auoir faict bonne chere ensemble en leurs conuiues publics, mettoient pour le dernier mets & desserte de table vne teste de mort, afin que les conuiez songeassent que nous n'auons icy cité permanente, & qu'il fault tellement passer par dessus les biens temporels (desquels nous deuons auoir l'usage non la iouissance) que nous ne perdions les biens eternels. C'est ce que dict l'Eglise en la priere qui se comence, *protector in te sperantium Deus.* &c. Il me souuient auoir quelques fois veu à l'entree d'un cimetiere ces beaux vers escrits sur le fronc d'une teste de mort, à celle fin que les femmes qui s'y acheminēt se rememorassent quelles elles seront vn iour, & que l'homme est tel que le descript Iob, *qui quasi flos egreditur & conteritur, & fugit velut umbra.*

*Iob. 14.*

*O facies niueæ, croceus quas fucus inaurat,*

*Qualis ego vobis formula talis erit.*

O visages fardez, tel que vous me voyés,  
De mesme paroistra vostre face croyez.

Pour reprêdre nostre propos ces trois mots  
fusdits representent trois choses nouuelles  
desquelles la souuenance & memoire est  
facheuse à ceux qui viuent aux delices &  
plaisirs de ce monde, & ie diray horrible,  
seauoir la mort, le iugement de Dieu, l'En-  
fer, *Thecel* signifie le iugement de Dieu par  
lequel les pensees des hommes, paroles, de-  
portemêts sont pesez, Iob disoit, Si r'ay che-  
miné en vanité il me poiserà en balance: &

*Iob. 19.*

*Psal. 142*

le prophete Royal craignoit la balance de  
ce iugement quand il disoit, Seigneur n'en-  
tres point en iugement avec ton seruiteur,

*Act. 16. 28*

*Phares*, signifie l'estat de l'Enfer diuisé, aussi  
il est dict *Segregabit agnos ab hædis*, les liures  
saincts sont pleins de telles & semblables  
meditations, lesquelles doiuent de iour en  
iour r'adresser nostre esprit à la contempla-  
tion de la fin pour laquelle nous sommes  
naiz, laquelle si nous perdons par nos deli-  
ces nous entrerons en vne misere incroya-  
ble, par laquelle la creature est separee de  
celuy duquel elle auoit receu le  
premier estre, la recreation,  
la gloire eternelle.

\*\*\*





Des Signes veus auant la mort de Charlemagne,  
& des vertuz de cest Empereur.

CHAP. XXXIIII.

**N**Ous laisserôs plusieurs Cometes & autres signes qui ont esté veuz auant la mort de plusieurs Empereurs, comme de Constantin & autres, desquels i'ay parlé en mon autre discours, & produiray seulement l'exemple de Charlemaigne: Il est certain que plusieurs signes effroyables ont esté auâtcoureurs de sa glorieuse mort, ainsi elle est nommee par l'historien de cest Empereur, l'eclipse de Soleil & de Lune fut contre la coustume ordinaire l'espace de sept iours, parut vne grande tache noire au Soleil: le grand pont de Mayence en trois heures fut cōsommé par le feu, parut au ciel vn Comete effroyable qui estonna l'Empereur. Or on tiêt que cest vn signe d'vn pernicieux euenement quand vne eclypse & vn Comete se rencontrent en vn mesme temps, ce comete signifioit changement de Monarchie, & la mort de quelque grand. Ce sage & discret philosophe qui ne s'arrestant totalement aux mathematiques comme font aucuns Naturali-

ties de nostre temps, (desquelles sciences parlant S Hierosime disoit, *non sunt scientia pietatis*,) ains esleuāt son esprit à la premiere & eternelle cause cita le dire du Prophe-  
te, *A signis cæli nolite metuere quæ timent gentes*, c'est àdire, ne craignez les signes du ciel que les superstitieux Gentils redoubtent, lors Charlemaigne luy respondit, *Nous ne deuons riē craindre & redoubter sinon celuy qui est Crea-  
teur de nous tous & de cest Astre*, nous sommes tenus & obligez de louānger la bonté & clemence de celuy qui daigne resueiller nostre paresse & non-  
chalance lors que nous sommes plongez en vne fange de pechez par tels & semblables signes, & comme au temps de tels prodiges vn chacun se doit haster tant qu'il pourra de mieux viure. & corri-  
ger ses vices, à fin qu'il puisse meriter la grace & mi-  
sericorde de celuy qui est au heur de tels signes, ce sont les S. propos de cest Empereur lesquels ie desire estre empraints & engrauez au cœur des Princes Chrestiens lors qu'ils contem-  
plent tant au ciel plusieurs signes heraults de l'ire de Dieu. La mort de cest Empereur est a bon droict appelee glorieuse, on dict vulgairemēt telle vie telle fin, Dauid disoit *Pretiosa mors sanctorum in conspectu Domini*, La mort des saincts est precieuse deuant Dieu: se voyant proche de sa fin, il mit tous ses thesors entre les mains des Prelats de l'E-  
glise



glise pour estre distribuez aux Eglises: pendant qu'il a vescu il auoit fait de grandes aumosnes aux pauures, il n'a attendu à exercer sa magnificēce & liberalité Royale quand il seroit proche de la mort, mais durant sa vie il a tousiours vsé des œuures de charité, il auoit fait bastir autāt d'Abbayes qu'il y a de lettres en l'Alphabet, commençant par les mesmes lettres: on ne peut dire combien il a erigé d'hospitaux en France, Espaigne, Allemagne & autres contrees, il a erigé l'vniuersité de Paris par l'instigatiō de ce saint & docte personnage Alcuinus son precepteur disciple du venerable Bede Anglois: ie serois trop prolix si ie voulois monstrier de cōbien il a aduancé nostre Eglise, on pourra dire de luy ce que chante le Prophete Royal, *Beatus qui intelligit super egenum, in die malaliberabit eum Dominus*. Ie desirerois que les nobles fussent imitateurs de ce Monarque & qu'ils se souuinssent que cōme ils portent l'espee pour la manutention de l'Eglise & protection du peuple, ils procurassent le bien des Ecclesiastiques. Charlemagne à fait assez paroistre qu'il ayuoit l'Eglise d'autant qu'il a desiré le bien & aduancement d'icelle: or nous disons que par la vraye amour on desire le bien de la chose aymee, & que le saint amour se termine au

souuerain bien qui est Dieu & ne se peult  
rapporter ailleurs, mais ie crains que ceux  
qui sont cōtraires aux v rais nobles n'aymēt  
l'Eglise d'une amour semblable à celuy du  
loup qui ayme la brebis, ou du tyrā qui ayme  
les siēs pour s'en seruir comme d'un prē, ou  
bien comme il est escrit pour les destruire  
& deuorer comme du pain. Le sage parlant  
de ceux cy disoit en leur personne, *Nullum  
pratū sit quod non pertranseat luxuria nostra:*  
iamais les richesses du laïque meslees avec  
celles de l'Eglise ne prospereront: si l'Eglise  
est seulement aymable pour l'amour de foy  
& non pour les commoditez temporelles  
qu'on en reçoit, il ne faudra aymer l'Egli-  
se pour les richesses qu'on peut pretendre  
par le moyen d'icelle, autrement on sera sem-  
blable aux mauuais gentils-hōmes lesquels  
different des preux & vertueux, ny plus ny  
moins que la gresle & la pluye, l'un & l'aut-  
re viennent d'un mesme lieu & sont de mes-  
me substance selon les philosophes, mais la  
pluye vient gracieusement arroser la ter-  
re pour produire les fruiets, au contraire la  
gresle vient furieusement & destruit les  
bons fruiets, puis apres elle perd sa premie-  
re forme: ainsi les bons nobles conseruent  
l'Eglise & l'augmentent par leur liberalité  
en biens, les mauuais la ruinēt & en se fai-  
sant ils



fant ils se ruinent eux mesmes, il me souuiët auoir leu que le serpent alteré du sang de l'Elephant espie le tēps que cest animal est endormy ou occupé à boire, lors finemēt il le picque ainsi il tire tout son sang & lasfoiblit en telle sorte qu'il tombe en terre tout mort, mais il tue le serpēt a cause qu'il n'a le loisir se retirer pour estre trop alleché du sang de ce pauvre Elephāt, ainsi les sangsuës des biens de l'Eglise seront cause de la ruyne de l'Eglise pour vn temps, mais enfin ils se ruyneront eux mesmes, ceste ruyne s'estendra non seulement sur les biens du corps, mais aussi qui pis est sur l'ame, d'autāt que iniustement ils possèdent les biens qui ne leurs appartiennent & sont vrays sacrilleges, s'ils ne font par vne vraye penitence restitution.

Mais il me semble icy entēdre le jargon *De la do-*  
accoustumé de nos Caluinistes, suyans les *naissō de*  
traçes de leurs anciens peres les heretiques *Constan-*  
lesquels ont blasonné la donation du grand *tin.*  
Constantin à S. Syluestre & ses successeurs,  
il fault qu'en despit d'eux on recognoisse  
vne prouidence de Dieu à l'endroit de son  
Eglise, de laquelle il a voulu que la Monar-  
chie fust visiblement establie en vn certain  
lieu à l'encōtre des tyrans, heretiques, schis-  
matiques & autres, selon les diuins oracles  
des Pro-

des Prophetes : c'est pourquoy nos Caluinistes ne se doiuent esmerveiller de ce que nous disons qu'apres la conuersion de Constantin le grand les Empereurs Romains, & ie diray tous les Roys & Monarques du mōde, se soubmettans eux & leurs Royau-  
mes sous le ioug de Iesus-Christ leur sou-  
uerain Seigneur & maistre & à son espouse  
l'Eglise ont deu faire hommage au souue-  
rain Pontife de l'Eglise vniuerselle, Vicai-  
re de Iesus-Christ en terre, & luy obeyr cō-  
me à leur Prince & Monarque en ce qui  
appartient à Dieu & au salut de l'ame. Cecy  
auoit esté prophetisé de l'Eglise terrestre &  
militante, *Erunt Reges nutriti tui*, ie sens que  
ces paroles ne seront agreables à ceux qui  
ont secoüé le ioug de nostre S. Pere le Pape,  
cōme nos Calvinistes, parquoy nostre Sei-  
gneur les rejettera au iugement, attendu  
que n'ayans recogneu l'Eglise pour mere, ils  
ne serōt recogneus de Dieu qui en est le Pere.  
Or il conuient respōdre aux heretiques qui  
calomnient le laïcs de Constantin, ce que  
dict Iephthé au Roy des Amonites, qui vou-  
loit qu'on luy fist restitution de la terre de  
Galaad, *Quod do, Deus noster victor. obtinuit, in*  
*nostram cedit possessionem &c.* d'aduantaige nō  
sans grand mystere il est aduenü que Con-  
stantin a transferé en Constantinople le sie-  
ge de

Isa. 49.  
Ec. 60.



ge de l'Empire terriē à celle fin que le regne de l'Eglise predict par Daniel eust son siege en la ville de Rome: & jagoit qu'aucū ayēt voulu de rechef remettre cest Empire à Rome neantmoins ils ne l'ōt iamais peu faire: car comme il est dict, *Non est Sapiaentia, non est Prout. 21. prudentia, non est consilium contra Dominū, Deus reprobat consilia Principū.* Or le Pape (lequel à l'vn & l'autre glaiue en la main nō l'usage *Psal. 33.* du materiel, seculier & tēporel) n'a aucune- mēt resistē par armes aux efforts de ceux qui vouloient remettre l'Empire à Rome, mais le seul Dieu qui a la cause de son Eglise en main a veu qu'il estoit expediēt qu'il y eust en ce monde vn chef qui par son autorité abaissast l'orgueil des tyrans, heretiques, schismatiques & autres infracteurs des loix diuines, le ioug desquelles aucū de quelque condition qu'il soit ne peut fuyr: Zosime encorēs qu'il fust Payen a parlē amplement de la donation de Constantin: S. Damase qui a veu Constantin en a eserit. Iustinian cent ans apres a cōfirmē la donation de Constantin, voyez ce que le Cardinal Baronius en a eserit, & Genebrard Euesque d'Als, auxquels la republique Chrestienne a autant d'obligatiō qu'à aucun qui aye esté despuis 500. ans en nostre Eglise, ie demande quel droit Calvin a en la ville de Geneue, de laquelle

quelle il s'est emparé l'an 1535. apres en auoir jeté l'Euesque, & pourquoy Beze & les autres ministreaux s'en font encores au preiudice du Prince. a qui elle appartient, scauoir le tresgeneroux & Catholique Duc de Sanoye. Donc le Pape est aussi iustement possesseur de Rome, comme Calvin est iniustement vsurpateur de Geneue, l'un conserue la Chrestienté, l'autre la ruyne: ceux de Geneue confederez avec le canton de Berne, alliez avec Iezabel & les Mahumetans font vn gros contre les Catholiques, les Papes alliez de tous les fideles Chrestiens resistent de leurs moyens aux Turcs, & heretiques, voilà vne grâde antithese des vns & des autres: Cesse dōc l'heretique de porter enuie aux richesses de nostre S. Pere, & qu'il seache que iustement il en iouyt, le poëte disoit, *Haud facile emergunt, quorum virtutibus, obstat, Res angusta domi.* Bien difficilement icy l'homme s'aduanee, A la vertu duquel resiste l'indigence. Si le Pape estoit pauvre la Chrestienté souffriroit beaucoup tāt par les infidels & par les heretiques. Lesquels demandent la ruine du S. Pere à fin d'aduancer leurs affaires, ils scauent que le vray moyē de ruiner nostre Eglise est de la rendre si pauvre que Dieu ne soit plus



soit plus seruy, attendu que ceux qui semēt les choses spirituelles, par raison doibuent recueillir les temporelles, & qui sert à l'autel, doibt viure de l'autel, c'est vne astuce de Sathan pour renuerfer la foy de rendre les Ecclesiastiques necessiteux.

Pour ne me despartir des loüanges de l'Empereur Charlemaigne, ie rencontre en- tre ses vertus qui sont en grand nombre, l'an 797. le Sepulchre de S. Iacques le ma- jeur fut trouuē, ce que l'Empereur ayant sceu, esineu de piete impetra du Pape Leon troisieme d'eriger l'Eglise de Compostelle en Cathedrale pour la reuerence du lieu, ce qui fut faict, & le premier Archeuesque a esté Theodomire: plusieurs hospitaux ont esté fondez par Charlemaigne pour les pelerins qui yroient par deuotion à S. Iacques, comme i'ay veu faisant le voyage.

L'an 985. Alhagis Capitaine general d'Almucor surmonta en bataille Veromōd Roy d'Espaigne, print Compostelle & pillā l'Eglise, mais approchant du sepulchre de S. Iacques, miraculeusemēt demeura si effrayé qu'il n'y osa toucher: il ne se fault esmer- ueiller si de toutes les parts du monde on va en pelerinage, principalemēt en trois lieux Hierusalem, Rome, Compostelle: pour le regard de Compostelle, il est certain qu'il s'y

sont

font faits plusieurs miracles, à raison du sepulchre de S. Iacques.: Or la sacree Vierge mere de Dieu s'estoit apparüe en la ville de Saragouffe à S. Iacques luy disant qu'il feroit plus de miracles en Espagne apres sa mort que durât sa vie, ie renuoye le lecteur à ceux qui ont escrit la vie de S. Iacques.

Quant à Hierusalem pour en parler succinctement, c'est vne cité celebre & renommee à cause que la loy de Dieu est sortie de Sion, & la parole de Dieu de Hierusalem; Dieu n'a iamais fait tel honneur à aucune nation qu'à celle là: nostre Sauueur a operé nostre salut au milieu de la terre (c'est à dire, au milieu des Climats, comme l'interprete le docteur Genebrad) ou à la veüe de tous ceux de Iudee, ou au milieu de la terre de Iudee, c'est la mesme ville de Hierusalem là & aux lieux circonuoyns d'icelle est la terre Sainte, en laquelle nostre Sauueur a cheminé, où les anciens Chrestiens de la primitive Eglise alloient de toutes les parts du monde en deuotion pour visiter le S. Sepulchre de nostre Seigneur, duquel il a esté predict, *Sepulchrum eius gloriosum*. S. Hierosme disoit *qui sunt magni in Gallia qui non vident ad Sepulchrum Domini non accedunt* qui sont les gens signalez en France qui n'ont esté visiter le Sepulchre de nostre Seigneur: ce Sepulchre a

*Isai. II.  
Epistola  
ad Blo-  
sum.*



chre a esté miraculeusement de tout temps  
conserué de la venue des barbares & inni-  
deles, qui par vne diuine prouidence l'ont  
en honneur & reuerence, estant gardé par  
ceux de l'ordre de S. François qui sont cō-  
pris sous les dix nations Chrestiennes qui  
habitent en Hierusalem. Quant à Rome en  
laquelle S. Pierre Prince des Apostres &  
premier Pape, ensemble S. Paul docteur des  
Gentils ont esté martyrisez la derniere an-  
née du regne de l'Empereur Neron, d'autāt  
que c'est le Siege de l'Empire eternel de Je-  
sus-Christ il ne fault s'esmeruiller si on a  
esté jadis de toutes les contrees du monde &  
encores on va visiter les saints lieux de ce-  
ste cité toute remplie du sang des martyrs,  
qui incessamment dressent au ciel prieres  
pour ceste Eglise militante, la vraye Eglise  
scauoir la nostre, hors laquelle il n'y a aucū  
salut, est dictē Romaine à raison de la fōn-  
datiō d'antiquité, primitiue par les susdits  
glorieux Martyrs S. Pierre & S. Paul, & du  
consentemēt Catholique & vniuerselle par  
tout le monde de la foy commune. Voyez  
ce que dict l'Apostre de la foy des Romains *Rom. 1. 8*  
qui est annoncee par tout le mōde: & d'au-  
tant que cecy faiēt mal au cœur aux Calui-  
nistes ie passe plus oultre pour conclurre ce  
que i'ay proposé, nous lisons dans ce Char-

Q

treux

treux qui a fait vne Epagoge des histoires ce qui s'ensuit, digne d'estre remarqué. *Compostella Ecclesia & Patriarchalis sedes ordinatur & construitur in honorem Sancti Iacobi & impletur petio Maria Zebedai quod Iohannes sedeat à dextris apud Ephesum & Iacobus à sinistris: Roma in medio, nota hinc mysterium.*

*Du desastre qui arriua apres la mort de Charlemaigne, la cause des afflictions de nostre Eglise.*

CHAP. XXXV.



Nous serions trop prolixes si nous voulions monstrier de combien Charlemaigne a profité à l'Eglise: c'est pourquoy il s'est appellé aux lettres qu'il escrit à l'Archeuesque de Tolete, *Catholica Ecclesia humilem adiutorem, & filium & defensorē sancta Ecclesia*, en vn autre lieu, & tout ainsi que Cōstantin le grād a fait bastir des saints temples en toutes les parties du monde, & a par sa pieté & deuotion grandement enrichi l'Eglise, aussi a fait Charlemaigne: ainsi qu'auant la mort de Constantin parut vn comete duquel auons fait mention, aussi auant celle de Charlemaigne, bref tout ainsi que l'Eglise a beaucoup souffert & enduré apres la mort de Constantin aussi a elle fait apres celle de Charlemaigne, car il est certain qu'en la France



France & Italie l'Eglise a esté grandement persecutee. Les Sarrazins & autres peuples Barbares appelez par certains faux Chrestiens, lesquels sont pires que les heretiques, (selon le dire du venerable Beda, *deterior est falsus Catholicus, quam verus hereticus,*) ont ruiné la ville de Rome, le demembrement de l'Empire est ensuiuy, & plusieurs calamitez narrées par les histoires de ce temps là, ny plus ny moins que le grād luxe des Romains a esté cause de leur ruine, aussi de celle des Corinthiens, & Carthaginois: pareillemēt aussi s'il fault faire comparaison des Payés avec les enfans de Dieu, depuis que par les grādes richesses les delices & voluptez sont entrees en l'Eglise les grandes miseres & calamitez ont assailly les Chrestiens, non sans cause le poëte disoit,

*Luxuriant animi rebus plerūque secundis,*  
car lors qu'on est à son ayse & en repos on pense à faire mal: apres le bon heur & prosperité de nostre Eglise qui fut du regne de Constantin le grand, les Ecclesiastiques ensemble le peuple gaudissans & rians prouoquerent Dieu à courroux, & de là les aduerfitez & malheurs arriuerēt en la Chrestienté l'an 445. Attila ( duquel nous parlerons cy apres) Roy des Huns, accompagné des Sarmates, Scytes, & plusieurs autres Barba-

res de diuerses nations iusques au nombre de cinq cens mille hommes, entra en Italie, puis aux Gaules où il fit grand degast : en ceste venue des barbares plusieurs saints personnages ont esté martyrisez, mais nous dirons que lors que la deuotion, pieté, & religion a flory principalement à l'endroit des gens d'Eglise, les affaires de ce mode ont mieux prosperé. Rupert dict que l'indeuotion & irreuerence des Ecclesiastiques aux Eglises & peruersité de mœurs est vn signe euidēt que Dieu est courroucé, & qu'il veut trāsferer sa religion à d'autres qui en ferōt mieux leur profit. Je crains que la trop grande affluence de biens ne soit cause qu'aucuns des Prelats de nostre Eglise soient trop negligēts en leur debuoir, & qu'ils ne laissent entrer par leur faute le Loup en la bergerie, l'ay dict en mō premier discours que Iosué ayant subiugué vingt-neuf Royaumes, non sans grand mystere, les terres ont esté diuisees par vnze tribus, & n'a esté donnee aucune part & portion aux Leuites qui estoient les prestres à fin que plus librement ils seruissent à Dieu : lequel exemple, ie ne puis dict Seuerus Sulpitius, passer sous silence, ains doit estre empraint & engraué au cœur des ministres de l'Eglise, qui n'estants memoratifs de ces preceptes ou les ignorants, sont



sont si auaricieux qu'ils n'aspirent qu'aux possessions terriennes, vendent, acheptent, trafiquent, bref ne s'estudient qu'au gain: voylà commēt du temps de Seuerus Sulpitius, qui a vescu l'ā de nostre Seigneur 418. les mauuais Pasteurs de l'Eglise & ceux que nostre Sauueur appelle mercenaires re-  
gnoient: ie ne dois icy taire les propos memorables de S. Bazile, ie diray la cōplainte. laquelle iustement nous pourrions faire en ce temps calamiteux, *Les enseignements de la pieté sont subuertis, les ceremonies de la religion sont troublees, l'ambitiō de ceux qui n'ont la crainte de Dieu deuant les yeux a ja saisi ceux qui ont le gouuernement & administration des Eglises &c.* Puis il adioust: *La grauité & honnesteté Sacerdotale est perdue, ceux qui païssoient les oüailles de nostre Sauueur avec vne pure & sincere conscience ne sont plus, ce qui est destiné à la nourriture & entretenement des pauures est employé aux plaisirs, dons & presents, emolumēts particuliers, par ces manieres de gens qui n'ont que l'ambition deuant les yeux: Voylà ce que dit cest ancien Pere.* Je desirerois pour le repos & tranquillité de nostre Eglise que tous les Euesques ressemblassent à vn François de la Roche-Foucault Euesque de Clermōt, duquel la rare pieté & sainte vie accompagnée d'une grande doctrine (correspondante à la

splendeur de son ancienne & genereuse famille tant du costé du pere que de la mere) doibt seruir d'exemple à tous ceux qui ont quelque dignité Ecclesiastique: Quand ie songe en ce Prelat il me souuient des vers de l'ancien Satyrique.

Que te sert le signal & marque de noblesse,  
Et de tes bisayeulx l'ancienne prouësse,  
Si de ta part tu n'as le courage vestu  
De quelque honnesteté, de sagesse, & vertu:  
ce reuerend Prelat a fait mettre en sa salle  
ceste sentence escrite en lettres d'or, *sic reside vt pascas non vt pascaris*: laquelle vrayement il accomplit par son accoustumee liberalité enuers les pauures, malheur sur les ministres de nostre Eglise qui employēt les biens de l'Eglise qui sont les biens des pauures à leurs delices & plaisirs, & qui par leur mauuaise vie font souuēt errer le peuple, attendu qu'ils sont mis au milieu d'une republique comme lampes posees au chandelier pour dōner clarté au corps mystique de l'Eglise par la lumiere d'une doctrine supernaturelle & d'une vie exēplaire, pource le vice qui regne en telles gens est plus remarquable & punissable selō ce qui est dit par le poëte Payen.

*Lucretial. Omne animi vitium tantò conspectiùs in se,  
Crimen habet, quantò qui peccat maior habetur,  
D'autant*



D'autant plus reprochable est tout vice & peché,

Que plus grand est celuy qui en est entaché. Par les saincts propos de S. Basile il fault remarquer la trop grande pusillanimité des gens d'Eglise, lesquels ne se recognoissants ce qu'ils sont, scauoir mediateurs d'intercession & sacrifice d'entre Dieu & les hommes, ie diray les oincts de Dieu mis au corps mystique dela sainte Eglise pour administrer le corps & sang precieux du fils de Dieu & les autres sacremens qui ont leur vie de ce sang, se rendent vils abiects & contéptibles à l'endroiect de certains laïques, & leurs seruēt à table de maistre d'hostel, celuy qui donne la benediction est plus grand que celuy qui la reçoit: la grauité est vne vertu laquelle faiēt qu'vn chacun est prisé & estimé ce qu'il est selon sa qualité, la pusillanimité & trop grāde facilité degenere en vice, parquoy le prestre doit tenir vne grauité honnestte & seante au rang qu'il tient: S. Ambroise parlant des Euesques qui font trop grand honneur aux laïques diēt qu'ils sont ou totalemēt ignorants ou adulateurs & flateurs. ignorants à cause qu'ils ignorēt quelle est leur dignité, flateurs d'autā que pour aduler & complaire aux grands beaucoup moindres qu'eux ils font iniure à l'E-

glise. Ce que S. Ambroise dict des Euesques se peult accômoder aux prestres, non que ie veuille comme les Nestoriens & Valdois qui ne mettoient aucune difference entre les Euesques & les prestres, confondre la dignité des Euesques avec celle des simples prestres, mais ie dy que selô la puissance & dignité d'ordre, non de iurisdiction, le simple prestre est esgal à l'Euesque, pour ce il fault distinguer l'honneur & respect qui est deub à l'Euesque d'auec celuy qui est deub au prestre. Or nonobstant ce que nous disons des imperfectiôs de quelques ministres de nostre Eglise, il ne fault pour quelques lignes courbes & tortues qui se trouuent jetter au feu les lignes droictes, & pour les laides bestes qui entrerent en l'Arche de Noë blasmer ladite Arche comme inutile, c'est imiter les heretiques: il vault donc mieux deplorer le desordre de nostre Eglise que de publier & scandaliser les nostres: les Calvinistes en la recherche ordinaire qu'ils font de la mauuaise vie de certains prestres argumētent mal des mœurs à la foy & abusent de ce qui est escript qu'ô cognoist la bonté de l'arbre par la bonté du fruiet, & ainsi tirent vne mauuaise consequence, que puis-que tant de vices regnent en nostre Eglise il fault conclurre que nostre religion ne vault



ne vault rien : ils ne scauent pas qu'il y a deux sortes de fruiçts, scauoir fruiçt de doctrine & fruiçt de mœurs, quāt au premier fruiçt il est tousiours bon en nostre Eglise, pource l'arbre sera bon, mais le fruiçt de doctrine des heretiques ne fut & ne sera iamais bon, car leur doctrine est diametralement contraire à la parole de Dieu & doctrine Apostolique, pour le regard du fruiçt des mœurs il peut estre mauuais aussi bien en la Synagogue des heretiques comme en nostre Eglise: car il est dict, *omnes declinauerunt, & nemo est qui faciat bonum vsque ad vnum* & comme disoit le poëte Payen.

*vitius nemo sine nascitur,*

*Optimus ille qui minimis vrgetur.*

pour ces considerations Constantin le grād imposa silence à vn certain personnage delateur d'vn Ecclesiastique & dict que s'il l'auoit veu il le couuriroit luy mesme: or il ne faut penser que les vices des Ecclesiastiques soiēt absoluēmēt cause de nos maux car ie rejetteray la premiere cause sur le peuple, qui par son iniquité & mauuaise vie faiçt errer les Prelats de l'Eglise, parquoy S. Hierosme disoit, *Peccata populi corrumpunt mores sacerdotum*, c'est à dire, que les pechez du peuple corrompent les mœurs des prestres, nous voyons que le mesme arriue à

l'endroit des Roys, lesquels Dieu permet n'estre bons pour raison de l'iniquité du peuple, il est dit pour le peché des Iuifs, *Auferam à Hierusalem & à Iuda fortem & virum bellatorem*, c'est Dieu qui parle estant irrité cōtre son peuple, cest vne regle que du mal de coulpe il ne peut iamais sortir aucun bien, ains tout mal, mais du mal de peine il peut arriuer vn bien, car l'aduersité & tribulation qui vient de l'iniquité (selon ce qui est dict, *Vbi non est iniquitas ibi deest aduersitas, omnis tribulatio in animam operantem malum*) sert souuent d'un grand bien aux fideles Chrestiens, lors que par les maux qui leurs arriuent ils sont purgez comme par vn crible, nous parlerons de cecy en son lieu: scachons donc que les vices qui regnēt entre le peuple sont cause de la mal-versation des ministres de l'Eglise, & que le peuple cognoisse qu'il ne doit jetter la cause des maux qu'il endure & du desordre qui se voit en nostre Eglise sinon sur soy mesmes, & doit dire comme Dauid, *Ego sum qui peccaui & ego iniquè egi*, les mesmes causes pour lesquelles Hierusalem a esté ruynee sont maintenant au peuple, i'entends les Iaiques en general, scauoir la profanation des temples & le mespris des festes: pour le regard du premier quelle irreuerēce porte  
on au

2. Reges  
c. 17.



on au S. Sacrement de l'autel durant la S. Messe, on respecte d'auantage vn Prince en sa chambre, qui n'est qu'une creature, que le createur: on voit le peuple impudemment se promener deuant le lieu ou repose le corps de Dieu, se seruir de l'Eglise qui est la maison de Dieu & maison de son Oraison (en laquelle la mere de S. Ambroise pour la reuerence du corps de Dieu qui y repose ne crachoit iamais) comme d'une maison profane, & ie diray pirement, les Magistrats (le debuoir desquels est de faire obseruer les loix diuines, esquelles les humaines doiuent estre rapportees) seront responsables au iugement deuant la Majesté diuine de son honneur qui est ainsi foulé: nous nous pouuons iustement plaindre avec Saluianus Euesque de Marseille fort ancien disant, *Ecclesias vel potius templa & altaria dei minoris reuerentia quidam habent, quam cuiuslibet minimi & municipalis iudicis domum*, c'est à dire, aucuns ont en moindre honneur & respect les Eglises & plustost les temples & autels de nostre Dieu que la maison d'un moindre citoyen & Iuge. Les promenades se font ordinairement en nos Eglises, les propos mondains, ords & sales, s'y tiennent durant le saint seruice, & chose horrible & à voir & entendre durant le Sacré mystere de la S. Messe auquel les

Ange

Eusebe in  
EstraCon-  
stantis.

Anges assistent on se proumene: si le Payen & Ethnique a dit de s<sup>on</sup> t<sup>em</sup>ple des faux Dieux & de son cemetiere, *Sacer est locus, extra me-  
ito*, que dirons nous des nostres, esquels plu-  
sieurs corps saints reposent? Iadis les Em-  
pereurs Chrestiens vouloient que leurs se-  
pultures fussent faites à l'entree des Eglises  
tant ils les auoient en reuerce & honneur.  
Que si Pompee pour auoir seulement mis  
ses cheualx au porche du temple de Salo-  
mon, & pareillemēt Crassus pour auoir pro-  
fané le temple ont esté griefuement punis,  
quelle punition deuons nous attēdre pour  
abuser de nos Eglises, desquelles le tem-  
ple de Hierusalem n'estoit qu'une figure?  
n'est il pas dict, *domum tuam decet Sanctitudo  
domine*, Seigneur la Sainteté est deüe à ta  
maison. Oza pour auoir touché l'Arche du  
testament, (figure du S. Sacrement de l'au-  
tel) mourut soudainement: les Bethsamites  
pour l'auoir curieusement passante par leurs  
terres regardee, furent punis, Dieu en fai-  
sant mourir cinquante mille pour ce peché,  
de combien le peché est il plus execrable &  
enorme qui se commet à l'encontre du Sa-  
crement de l'autel: Que le Calviniste ne  
se scandalize de ce que i'ay dit que les An-  
ges assistēt à la S. Messe, celà est vray, ce qu'ils  
ne feront pas à la manducation de leur cru-  
ste de



ste de pain, ie dy cruste de pain qui n'est  
qu'une viande morte, mais nostre pain est  
vif, ainsi l'a appellé nostre Sauueur, *Ego sum  
pans vivus*, c'est à dire, ie suis le pain vif, ie  
te demande quel peut estre ce pain vif si non  
le corps precieux de Iesus-Christ contenu  
sous l'espece du pain? Ce corps, la conse-  
cration estant faicte par le prestre legitime,  
peut estre en plusieurs lieux, & en aultant  
de lieux que sera la sainte Messe celebree  
les Anges assisteront, car il est escrit, *Vbi* *Mat. 24.*  
*corpus ibi congregatur aquila*, c'est à dire, où est  
le corps de nostre Seigneur là sont les An-  
ges, ie dy que les ames bien heureuses vont  
tous les iours à la messe, car il est escript,  
*sequuntur Agnum quocunque ierit*, ils suyuent *Apo. 14.*  
l'agneau en quelque lieu où il aille, de ce-  
cy nous parlerons en son lieu. Le Catholi-  
que qui est tellement irreuerent durant la  
S. Messe, ou il croit en la reale presence du  
corps de nostre Sauueur au Sacrement de  
l'autel ou il ne le croit, (ie ne puis icy par-  
ler aux heretiques, car comme dit l'Apostre  
*Quid mihi de ijs qui foris sint iudicare?*) s'il ne *1. Co. c. 5*  
le croit pourquoy se dict il Catholique &  
vient il à l'Eglise pour troubler le peuple  
de Dieu, & donner vn scâdale à son prochain  
contre le commandement de Dieu: ie diray  
avec le Prophete Helie pourquoy clochez  
vous en

vous en deux parts? si Baal est le vray Dieu  
suyuez-le, q̄s'il croit, plus punissable est-il  
de ne porter autre honneur à son Sauueur  
auquel il est infiniment oblige, ie diray cō-  
siderant le grād desordre qui se voit main-  
tenant en nostre Eglise & craignāt la main  
vengeresse de Dieu, avec le poëte.

*Quis talia fando,*

*Temperet à lachrymis?*

*Hac animus meminisse horret, luctuque refugit,*  
Qui est celuy qui peut en recitāt ces choses  
Se garder de plorer?

comment Dieu nous pourra-il ayder son  
seruice estant ainsi mesprisé. Philippes de  
Cōmines dit que Dieu ayde aux Venitiens  
encores qu'ils viuent mal pour la reuerēce  
qu'ils portent au seruice diuin: pourrions  
nous esperer sinon vn comble de malheurs  
si nous ne nous remettons à l'ancienne de-  
uotion de nos deuāciens, lesquels sans dou-  
bte nous surpassoient en pieté & iustice?  
C'est pourquoy nous ne nous deuons esmer-  
veiller si nous voyōs des signes & prodiges  
plus espouuentables que iamais on a veu,  
lesquels sont messagers de plusieurs miseres  
qui nous talonnent de pres si nous ne suy-  
uons les traces de nos Peres: ie pourrois iu-  
stement dire avec le Prophete Habacut qui  
voyoit la pieté & iustice totalement refroi-  
die entre



die entre les hommes, Seigneur entends les prieres de ceux qui sont morts. Le Prophe- te voyoit que les prieres de ceux qui estoient en l'Eglise n'estoient suffisantes pour appai- ser l'ire de Dieu : nous pourrions aussi dres- ser nos prieres pour le repos & tranquillite de nostre Eglise à nos Peres qui sont morts à la maniere du Prophete Royal, *Rogate quæ ad pacem sunt Hierusalem & abundantia diligen- tibus te* : Si nostre Seigneur a promis l'eter- nelle duree de son Eglise en ce monde, il ne nous a pas assure qu'elle seroit tousiours en ceste region cy ou en celle là : il est cer- tain que si par nostre nœchalance nous nous en rendons indignes il nous l'ostera & trās- ferera ailleurs, nous voyons ce qui est arri- ué aux terres de nos voyfins, gardons nous de tomber où ils sont tōbez, le poëte disoit,

*Res tua tunc agitur paries cum proximus ardet,*  
Quand tu voys la paroy de tō voyfin bruslee,

Ton affaire n'est pas alors bien assuree,  
Le prouerbe est commun

*Felix quem faciunt aliena pericula cautum,*

Heureux celuy qui pour deuenir sage

Du mal d'autrui faict son apprentissage,



Des Signes qui parurent aux Iuifs, lors qu'ils  
voulurent rebastir le temple  
de Salomon.

## CHAP. XXXVI.



N Comete effroyable, comme  
i'ay dit dura vn an entier, vn  
an entier vn peu auât la ruine  
de Hierusalem, presage de la  
troisieme destruction & ruine  
du temple de Salomon lequel ne se rebasti-  
ra jamais plus iusques à l'aduenement du  
Messie des Iuifs qui sera l'Antechrist, cōme  
il a esté prophetisé : entre les calamitez &  
miseres auxquelles les Iuifs sont tombez  
pour auoir faict mourir le vray Messie est  
la destruction de leur cité & de leur temple  
comme il auoit esté predict, & qui est le pi-  
re que ces Iuifs seront miserables iusques à  
la cōsommation du siecle. Le Sage de Grece  
disoit que l'esperance nourrit les hommes  
miserables, les poëtes disoient que l'esper-  
ance est demeuree au fonds de la boëte de  
Pandore: Vn affligé disoit pour se consoler,  
*Dabit Deus his quoque finem,*  
mais les Iuifs par leur malicieuse obstina-  
tion jamais ne trouueront fin a leurs maux:  
aucuns des Iuifs de nostre temps se sont  
conuertis

*Theodo-  
ret. 88.  
Hieros-  
me in 11.  
c. Dan.*



conuertis ayants diligemment pezé & balancé la prophetie du prophete Aggee, par *Agai. 2.* laquelle il promet qu'en peu de temps le Messie viendra, *Adhuc vnum modicum &c.* Or ceste prophetie a esté escripte du temps de Darius Hystaspes quatriéme Roy des Perfes, despuis lequel temps il s'est passé plus de deux mille ans : or ce peu de tēps duquel le Prophete parle sera pluſtot despuis le tēps de ceste diuine prophetie iusques à l'aduenemēt de nostre Seigneur qui ne sont guieres que cinq cens ans. Que peuuent alleguer les Iuifs pour excuser leur erreur & s'obſtiner que nostre Sauueur Iesus-Christ ne soit le vray Messie promis en l'ancienne loy? Dieu l'a fait entendre à nostre premier pere Adam, il a faiēt entendre le mesme à Abel & Enoch, voylà quant au premier aage, au ſecond il a continué la mesme reuelation à Noë, au troisiéme à Abraham, au quatriéme à Moysé, au cinquiéme à Dauid, au ſixiéme à Daniel, Aggee, Zacharie, Malachie, au septiesme & dernier, il l'a ſuyuant ſes promesses enseigné par ſon ſils vnique Iesus-Christ Sauueur du monde, lequel s'est manifesté & déclaré le vray Messie, & l'a fait redire par le S. Esprit troisiéme personne de la S. Trinité, qui a esté enuoyé aux Apostres: la ſaincte vie, les mœurs plus diuines

qu'humaines, les miracles de Iesus-Christ veuz par vne miliaſſe de gens dignes de foy dementiront touſiours les Iuiſs & les convaincront de leur incredulité. mais ils ſont endurciz en leur inidelité. Caton diſoit dans Plutarque qu'il eſt difficile de reduire à la raiſon par remonſtrance vn ventre qui n'a point d'oreilles. Les Iuiſs du temps de Conſtantin le grand firent vne rebellion pour raiſon de laquelle par le commandement de l'Empereur (ayans les oreilles coupées) furent diſperſez par tout le mōde afin que leur perndie & trahiſon fuſt cogneüe à vn chacun. pour cela ils ne deſiſtent à vouloir par la faueur de Iulien l'Apoſtat executer leurs deſſeings qui eſtoient de rebastir le tēple de Salomon, ce qui leur fut accordé. S. Cyrille prophetiſa ce qui aduint, ſauoir que ſelon ce qu'en auoit eſté predict au

*Dan. 9.* viel & nouveau Teſtament, cela n'arriveroit au ſouhait & contentement des Iuiſs.

*Mat. 24.* Dōc par trois miraculeux prodiges les Iuiſs furent diuinement empeschez de refaire le temple de Salomon, (lequel n'ayāt eſté que figure de la viaye Eglife, ſauoir celle de Iesus-Christ) deuoit eſtre ruyné & les ſacrifices qui s'y faiſoient : & apres que le Sauueur du monde a crié à haulte voix *Conſumatum eſt*, deuoient ceder au nouveau sacrifice de



fice de la S. Meille, ) scauoir par le tremble-  
 ment de terre . secondement par le feu qui  
 fortit de la terre qui descendit du ciel, &  
 consumma les materiaux desquels ils vou-  
 loient baltir, & dura vn iour entier. Et à fin  
 qu'aucun naturaliste ne die que ces signes  
 & prodiges estoient faits par les causes na-  
 turelles, ou bien par cas fortuits, & que no-  
 stre Seigneur n'auoit icy operé, la troisiéme  
 nuit suyuate il se fit vn troisiéme miracle  
 qui est que les effigies dela croix figuree par  
 la lumiere des rayons demurerent telle-  
 ment imprimees aux vestements des Iuifs  
 qu'elles estoient veües le iour, & aucun des  
 Iuifs ne les pouuoit effacer: il ne fault que  
 nos Calvinistes (qui abhorrent le signe de la  
 croix contre l'ancienne traditiõ de nos Pe-  
 res, comme nous dirõs en son lieu cy apres)  
 diët que cecy est fable: car S. I. Chrysostome  
 en sa seconde oraison cõtre les Iuifs assure  
 que cela est aduenü de son temps, diët qu'il  
 ny'a pas vingt ans qu'il auoit veu ce que  
 nous auõs dit. Ainsi les Iuifs n'ont sceu ex-  
 cuter leur entreprise nonobstant leur pru-  
 dence humaine, par laquelle ils auoient biẽ  
 sceu se seruir du temps, car pendant qu'ils  
 ont veu que les Empereurs de Rome favori-  
 soient au party des Catholiques ils n'ont  
 presëté aucune requeste pour reedifier leur

*In demõ-  
 stratione  
 quodchrõ-  
 stus sit  
 Deus cõ-  
 trã Gen-  
 tiles.*

temple, si tost qu'ils ont veu la persecution se renoueller en nostre Eglise par la conuenance des meschans Empereurs avec les heretiques, soudain ils ont renouellé leur requeste, les heretiques en font de mesmes, les Arriens voyant que l'Empereur Valens à la maniere d'Antigonus nageoit entre deux partys, se sont monstrez plus insolens à l'encontre des Catholiques: de telle insolence des meschans se plaignoit le prophete Royal, *Vsquequò effabūtur peccatores*, c'est à dire iusques à quād les meschans parleront ils si hault. S.I. Chrysostome au lieu pre-allegué parlant des Iuifs, qui nonobstant les prodiges que Dieu leur auoit enuoyez à fin de leur faire paroistre qu'il n'auoit volōté que le temple de Salomon fust rebastī pour plus grāde preuue de leur reprobatiō & de l'approbation de nostre foy, diēt qu'ils estoient demeurez totalement obstinez & endurcis en leur infidelitē, *Illi tam firmis rationibus, tā admirandis prodigiis, tam perspicuis vatum oraculis vinci quidem possunt, sicuti tamen & ad veritatem amplectendam adduci non possunt*, c'est à dire, ces Iuifs peuuent par des raisons si valables, prodiges & signes admirables, oracles des anciens Prophetes tant manifestes, estre surmontez & vaincus, neantmoins toutesfois n'ont peu aucunement estre flechis &



chis & induicts à embrasser la verité. S. Hierosme en dit autant des heretiques, c'est vn peché directemēt contre le S. Esprit de malicieusement s'obstiner contre la verité, & perseuerer tousiours en sō erreur, sans vouloir iamais par remonstrance quelconque s'en despartir: S. Bernard reprend aigremēt les Vauldois pource qu'ils renouuelloient l'heresie de Arrius, qui a esté le premier heretique qui a nié les prieres pour les morts & le Purgatoire, ainsi que S. Augustin nous tesmoigne: comme aussi faisoit Nestorius, duquel nous parlerons cy apres, & font pareillemēt les Moscouites, & ceux de Ruscie qui sont sous l'Eglise grecque, ausquels se sont joincts I. Hus, Luther, puis nos Calvinistes. Or S. Bernard escriuant contre ces Vauldois (il y a 500. ans dequoy ie parle) ennemis des prestres à l'exemple de Nestorius, dict fort à propos des Iuifs, *nos irrident quia pro defunctis oramus & imploramus opẽ san- S. Bern.ctorum, si illos Ecclesia testimonio condemnare ve- Omil. 6 olimus non admittunt, quia dicunt se esse veram in cant. Ecclesiam, illos scientia conuincere non possumus, quia sunt imperiti & disputationis non capaces, restat vii gladiis magistratuum.*





*Des defaistres qui sont arrivez par plusieurs fois à Rome.*

CHAP. XXXVII.



An 454. il parut vn Comete effroyable vn peu au parauant l'Empire de Theodor. e second En pereur fort deuot, vn tremblement qui ruyna en plusieurs lieux de la petite Asie, & mesme en Constantinople la mer changea de lieu, (ce qui est rare) engloutist plusieurs bourgs en la terre où elle s'estoit retiree (le mesme presque est arrive en Bretagne pres Nantes l'ã 1599. qui est vn tres-mauuais presage,) plusieurs laces de feu furent veues au ciel: tous lesquels prodiges precederent le declin de l'Empire Oriental & le comencement du Mahumetisme: Attila ruyna avec les Huns l'Italie: Rome fut despoüillee de toutes ses richesses, cest Attila entrant à Rome esmeu de la harangue du Pape Leon s'appaisa. S. Pierre & S. Paul furent veuz tenans leurs glaiues menasans l'armee de ces Barbares, ce qui espouuenta tellement le chef qu'il quitta l'Italie. Les Turcs au siege de Malte furent espouuetez leur semblant voit des Anges qui coupoient les mains



les mains de leurs compagnons, lesquels grimpoiēt en vne tour, laquelle diuinemēt ils ne peurent prendre: nous parlerons de la puillāce des saincts cy apres en son lieu, ce temps là fut fort facheux pour l'Eglise & presque semblable à celuy de l'an 1350. & 1344. auquel les tremblemēs de terre ruynerent plusieurs villes & villages, la mortalité fut grande & ( chose espouuentable ) la terre en plusieurs lieux jetta de l'eau blanche & puante, lors plusieurs sectes & heresies s'esleuerent, pourquoy il est dit dans S. Brigilte que selon la rigueur de iustice le mōde deuoit perir, d'autant qu'il estoit pire que du tēps du deluge, mais q̄ par les assidues prieres des saincts la misericorde de Dieu luy auoit pardonné, le Caluiniste lors qu'il lit en plusieurs histoires que les saincts ont deffendu les fideles Chrestiens à l'encontre des barbares & infideles, ils ne se doibuent scandaliser & penser que c'est faire iniure à nostre Seigneur d'alleguer telles & semblables histoires, car c'est plustot augmenter sa gloire. Nous croyons que Iesus-Christ est nostre seul mediateur & aduocat, non de mesme maniere que les saincts qui ne sont mediateurs de redemption, de redemption comme nostre Sauueur, mais d'intercession seulement: lors que nous prions les saincts

L.I.C.48

qu'ils nous aydent & soulagent en nos ad-  
uersitez, nous ne les faisons contraires a Ie-  
sus-Christ, duquel nous sommes certains  
qu'ils sont freres & coheritiers, non serui-  
teurs mais amis, & pource les mesmes saints  
ne voudrôt riē que ce que voudra le Christ,  
à la volôté duquel en rien ils ne contrariēt:  
nō sās cause le prophete Royal disoit parlāt  
des saints, *nimis cōfortatus est principatus eorū*,  
c'est à dire, que leur puissāce & principauté  
est merueilleusemēt grande: veux tu Calui-  
niste oster & raurir aux saints ce que Dieu  
leur a donné? ainsi que Sathaël a porte en-  
uie à la grandeur de Iesus-Christ, pareille-  
mēt aussi tu enuies la grandeur & puissance  
des saints & saintes de paradis, desquels  
nous esperons faueur & support plus que  
des Anges. attendu qu'ils ont esté hommes  
comme nous: il n'y a rien qui puisse empes-  
cher que la sacree Vierge & les saints, lors  
que nous les reclamons en nos afflictions,  
ne nous entendent & fauorisent, d'autant  
qu'ils sont liez & conjoincts avec nous par  
vn amour & charité, & tousiours vnis avec  
Dieu qui voit & entend toutes choses en  
l'intime liaison & conjunction de Dieu, ces  
saints voyent & entendent tout ce qui est  
seant & conuenable qu'ils entendent. Igno-  
res tu (Caluiniste) que nous soyons mem-  
bres d'un



bres d'un mesme corps de Iesus-Christ qui est l'Eglise? n'est il pas vray que si vn membre endure tous les autres membres y compatissent? (nostre Hipocrate veut qu'il y aye vne societé & cōmuniō entre toutes les parties de nostre corps qu'il appelle *Zirias*) veux tu establir vn schisme au corps de Iesus-Christ? nier l'inuocation des saincts n'est autre chose que oster la societé qu'il y a entre l'Eglise triomphante & la militāte, de cecy nous parlerons par apres plus amplement.

Reuenons à la venue d'Attila en l'Europe & principalement à Rome, nostre Seigneur a monsté par plusieurs fois qu'il vouloit garder Rome, laquelle comme i'ay dict en quarante quatre ans a esté prinse & rauagee deux fois, & neantmoins a tousiours subsisté au milieu des efforts des plus puissantes armées du monde, à fin que ce qui a esté pedit du siege de l'Eglise militāte fust accompli. Ce n'est pas sans cause que le poëte voulant loüanger la ville de Rome a dict que pour l'amour d'elle seule le ciel tournoit à l'entour de nous: car là Iesus-Christ a esleu le siege de son regne, & ie puis dire que ce que le prophete Royal a dict se *psal. 134.* peut accommoder à elle, *hec requies mea in seculum seculi, hic habitabo quoniam elegi eam.*

iamais les astuces & finesses de Sathan tant grandes qu'elles soient n'ont peu esbranler la foy de ceste noble cité, l'intégrité de ceste foy a merité que la vraye Eglise aye esté nommee par vne permission diuine, *Romana Ecclesia*, Eglise Romaine, comme nous auons dit cy dessus, nous pouuons dire pour la grande fermeté & constance au milieu des tempestes & tourmens de ce monde de ceste sainte cité ce que disoit le poëte.

*Quàm si fractus illabitur orbis.*

*Impaudam ferrent ruinae,*

Quand le monde viendrait a abismer, la ruyne,

Iamais n'arriueroit à l'Eglise Romaine, Nous auons dict que du mal de peine il en peut sortir vn bien, non du mal de coulpe (parlant humainement) pour confirmer ceste proposition il conuient obseruer que Attila l'an 470. apres auoir fait tuer son frere Bleda qui regnoit pres Bude en Hongrie passa aux Giules, desquelles ayant esté repoullé apres quelque temps se jeta dans l'Italie, comme i'ay dit cy dessus, lors plusieurs de ceux d'Italie abandonnerent le pays & se retirerent aux maretz proches de la mer Adriatique, & jetterent les fondements de la ville de Venize, l'historien qui

*Pou.*

*10. lib. 1.*

*6. c. 11.*

en parle dict, *est insula factitia minutissimo inter paludes*



paludes situ: & tout ainsi que jadis les Seigneurs de toutes parts alloient à Corinthe pour les grandes raretez qui estoient en ceste ville, (d'où est venu le proverbe, *non cuius licet adire Corinthum*), ainsi les Chrestiens en font de Venize ville aussi celebre qui se peut voir, & la republique en forme d'Aristocracie qui s'y est de si long temps conseruee plus admirable que tout, laquelle Aristotes, si viuoit prefereroit à la republique de Marseille de laquelle il faiët tant d'estat en ses Politiques: de ceste republique de Venize le seigneur Audebert a amplement escrit en son poëme latin intitulé *Venetia*, ceste ville a esté par vne diuine providence bastie pour seruir de contrepoincte à l'ennemy de la foy Chrestienne, scauoir le grand Turc, à fin de l'empescher de s'eslargir d'auantaige d'un costé sur la mer du leuant, ainsi Dieu a de tous les costez du monde pour reprimer l'orgueil des Turcs, Sarrazins, Mores, & autres infideles opposé les terres des Chrestiens à celles des infideles, cōme les Indes tant Occidentales qu'Orientales, l'Espaigne &c. comme il a esté deduiët en nostre premier discours à celle fin qu'un iour la diuine prophetie soit accomplie, par laquelle il est dict qu'il n'y aura pour un temps qu'un Pasteur & vne bergerie, apres  
que

que nostre Eglise aura souffert plusieurs afflictions.

Marcus Frytchius parlant du Comete qui preceda la prinse de Rome par Attila appellé, *Flagellum Dei*, & du Pape Leon premier de ce nom, faißt vne longue digression contre le Pape à la maniere des heretiques, qui consomment vne partie de leurs escrits à detracter de nostre S. pere, estants ceux desquels parle le prophete, *posuerunt os suum in cælum, & lingua eorum transiuit in terra*, monstre qu'il a introduict vne nouuelle loy de faire communier les laïques sous vne espece seulement & aux prestres sous les deux especes : ie dy qu'en celà le Pape ne change rien de ce qui est de l'essence de la S. Messe, l'accident comme disent les Philosophes ne peut apporter aucun changement à la substance. La substance de la S. Messe gist en la consecration du pain & du vin faicte par le prestre legitime & ordonné, par laquelle la conuerlion de la substance du pain & du vin est faicte vrayement & substantielement au corps & au sang de nostre Sauueur Iesus-Christ en vertu de ces paroles, *Cecy est mon corps*, qui doute que nous ne suyuios en nostre Eglise la mesme institution de nostre chef Iesus-Christ, lequel a donné la vertu & puissance à ses Apostres



Apostres, & par eux aux Ministres de nostre Eglise de faire ce Sacrement, lors qu'il a dit *Hoc facite in meam commemorationem*? mais il a fallu monstrier la difference & d'instinction qu'il y a entre les prestres & les laïques, à fin que l'ordre & police soient tousiours conseruez en nostre Eglise, & que pour le regard des prestres representez par les Apostres ils communiasent sous les deux especes, les laïques sous vne espee seulement encorés que le laïque en prenne autant que le prestre.



Exemple de quelques signes qui furent messagers des malheurs qui arriuerent à Rome, & comment Dieu afflige les siens.

CHAP. XXXVIII.



An 676. fut veu vn Comete espouuëtable qui dura trois mois, s'ensuyuirent de grandes pluyes, feux du ciel, tonnerres frequents tels que depuis le commencement du monde n'ont estës veuz, la face du ciel estoit tellement changee, qu'il sembloit que tous les elements eussent conspiré contre Rome, les hommes

hommes & bestes es oiēt tuez de fouldre, la  
famine grande, telle & semblable calamité  
est souuent arriuee à Rome ainsi qu'il nous  
est notoire par les hïstoires. En l'annee  
mil six cens le iour de la sainct Iean Bapti-  
ste pres Bayeux en Normandie le fould-  
re a fait mourir plusieurs personnes: les  
Caluinistes peuuent prendre d'eux mesmes  
vn scandale d'entendre tant de calamitez  
& afflictions arriuer à Rome ville capitale  
des Catholiques, & en laquelle le S. Siege  
Apostolique est tenu: mais ils ne cōsiderent  
ce qui est dict, *Iudicium incipit à domo Domini*,  
& ce que dit l'Apostre, *Deus quos amat casti-  
gat*, ceux que Dieu ayme il les chastie. Or  
il y a differēce entre les afflictions que Dieu  
enuoye aux meschāns, & celles qu'il enuoye  
aux bons, si nostre Dieu punit & fait mou-  
rir en ce monde le iuste avec l'iniuste, le  
iuste pour celā ne perd son ame, les petits  
innocēs ont esté submergez au deluge mais  
pour celā ils n'ont esté damnez, si Dieu les  
eust preseruez du deluge ils se fussent pos-  
sible gastez & corrompuz en leurs mœurs:  
les meschans par les afflictions sont souuēt  
endurciz en leurs vices, les bons au cōtraire  
par les aduersitez & miseres deuiennēt touf-  
iours meilleurs. Tu ne dois iamaïs mesurer  
la vraye religiō par le succès des affaires, au-  
trement



rement sembleroit que les Israélites n'auroient esté enfans de Dieu par adoption & n'auroient eu la vraye religion ayant esgard aux batailles qu'ils ont perdues, & plusieurs autres afflictions qu'ils ont enduré lors qu'ils n'ont recogneu Dieu comme ils deuoient & qu'ils se sont abandonnez à vice & peché, de ce les histoires sacrees en sont pleines, c'est pourquoy S. Augustin faisant responce à ceux qui voyants les seruiteurs de Dieu estre affligez prenoient occasion de nyer la prouidence diuine, dict vne belle sentence, scauoir que l'amour de Dieu n'est iamais bien & assurement cogneüe par les biens exterieurs. S. Hierosime disoit, *Tunc maxime Deus irascitur cum non irascitur*, cest à dire, lors que Dieu est grandement indigné quād il ne se courrouce point, c'est comme le père de famille qui ne se courrouce contre son enfant qu'il voit incorrigible, comme il faict contre son fils bien aymé, docile & enclin à recepuoir ses remontrances, que s'il vient à faire mal incontinant il le chastie ne le voulant perdre: Nostre Dieu reprenāt la cité de Hierusalem disoit par son Prophete, *requiescet indignatio mea in te, & auferetur zelus meus à te & quiescam, nec irascar amplius*, mais il ne fault errer avec les meschans lors que l'on voit si souvent les

S. Augm.  
lib. de co  
rectione  
& gratis

Ezechij.

uent les bons affligez en ce monde & vser  
des communs jargons des impies recitez par  
8api. 2. le Sage, & Iob: car il est certain que Dieu  
Iob. 21. n'afflige les siens que pour vn temps, c'est  
pourquoy dans le poëte Payen de celuy qui  
est affligé se voulant donner quelque con-  
solation disoit.

*Dabit Deus iis quoque finem.*

L'esperance que les bons ont que Dieu selo  
sa coustume mettra les verges au feu, les  
encourage à prēdre patience en leurs maux,  
quand ie dy les verges i'entends les mes-  
chans obstinez persecuteurs des gens de biē  
desquels Dieu se sert comme d'instruments  
pour parfaire son œuvre & tirer du bien de  
ce qui est mauuais selon ce qu'il est excellēt  
& parfait ouurier, mais Dieu tost ou tard  
punit les persecuteurs de son Eglise: le pro-  
phete Royal consolant les bons en leurs af-  
flictions, & leur donnant bonne esperance  
disoit, *Quia non derelinquet virgam peccatorum  
super sortem iustorum vt non extendant iusti ad  
iniquitatem manus suas*, c'est à dire, que Dieu  
ne permettra que la verge des pecheurs tō-  
be long temps sur le sort des bons, de peur  
que les bons par quelque impatience, ou  
plutoist desespoir ne commettent quelque  
iniquité, le Prophete parlant de la puni-  
tion des meschans apres auoir tourmenté  
les bons

*Isai.*



les bons disoit, *Qui praeabunt praeabuntur*, voyez Isaïe au 10. chapitre & 29. Attila a esté nommé *flagellum Dei*, c'est à dire fleau de Dieu, en tin apres qu'il eust remporté plusieurs victoires contre les Chrétiens il fut trouué mort en son liét, ny plus ny moins que Luther, apres auoir quelque temps affligé nostre Eglise: ie serois trop prolix si ie voulois raconter la miserable fin de ceux qui ont persecuté l'Eglise, comme des heretiques, schismatiques, faux freres, infideles: & diray seulement que Sisca insigne voleur & ennemy mortel des Catholiques, vainquit les Catholiques en dixsept batailles, estant proche de la mort conseilla qu'on fist vn tabourin de sa peau au lieu de luy, pour donner frayeur aux Catholiques, ceste affliction cessa. Nabuchodonozor, les Moabites, Assiriens & plusieurs autres ont affligé le peuple d'Israël par le iuste iugement de Dieu, comme aussi despuis vn Antiochus pour vn temps, mais en fin ils sont miserablement periz avec tous les ennemis de l'Eglise, leur memoire a esté abolie: quant aux bons ils ne periront iamais, leur memoire sera eteruelle selon le dire du Prophete, *in memoria aeterna erit iustus & ab auditione mala non timebit*, ainsi la memoire des bourreaux des Martyrs & de

ceux qui les ont condemnez est euanouïe,  
mais les saincts & martyrs sont tous les  
iours honorés & inuoquez en nos Eglises.  
Je diray d'aduantage que l'homme de bien  
condamne le meschant, tellement que c'est  
biē la chanson tournee en l'autre mōde, *Iudi-*

*Sapie. 3. cabūt nationes & dominabūtur populis* cōme dit  
le Sage. Et à fin de mettre fin à ce discours,  
fault remarquer que la *suitte* de l'histoire  
de Iob nous donne instructiō suffisante que  
Dieu quelques fois permet son Eglise estre  
affligee par les meschans, & luy suf-  
cite des ennemys comme sont  
les heretiques, pour espro-  
uer la vertu & constan-  
ce des bons.





---

**N**OV S fous signez Do-  
cteur en la faculté de  
Theologie de Paris, cer-  
tifions auoir veu ces Discours des  
signes & prodiges, par lesquels  
Dieu nous aduertit & menace de  
l'aduenir, faict par M. Iean Lan-  
drey parisien Docteur en Mede-  
cine, & n'auoir trouué en iceluy  
rien de contraire à la S. Foy Ca-  
tholique, Apostolique & Romai-  
ne: En foy de quoy l'auons signe  
de nostre main, ce dix-huictième  
iour de Septembre, l'an Mil six  
cens deux.

*I. SEGVIN*





## FAULTES SURVE-- nues à l'impression.

**E**N la Preface page 2. ligne 8. au lieu de cherchent, lisez cheerehees.

En ladicte preface pag 13. lig 2. au lieu de Sanater, lisez Lauater.

En ladicte preface pag. 12. lig. 3. au lieu de qu'elle ne soit de soy action, lisez qu'elles ne soient action,

En ladicte preface pa. 14. lig. 3. au lieu de limiter, lisez limité. En la mesme page lig. 4. au lieu de cent vingt, lisez douze cents.

En ladicte preface pag. 18. lig. 11. au lieu de Campignis, lisez Campigius.

En ladicte preface pa. 20. ligne. 15. au lieu de Bezance, lisez Bizance.

En ladicte preface pa. 28. lig. 4. au lieu de parties, lisez partys.

Au premier liure Chapitre 3. pag. 23. lign. 26. au lieu de 9. iour, lisez 90. iour.

Chap. 12. pag. 92. ligne penultième au lieu de l'Euchariste, lisez l'Aneuchariste.

Chap. 15. pag. 111. lign. 22. apres ce mot, *sumus*, fault adiouster & lire ce mot, *hic*,

Chap. 17. pag. 110. ligne 24. au lieu de *vis*, lisez *ius*.

Faultes surueues à l'impression.

Chap. 18. pag. 116. lign. 10. au lieu de *vo-*  
*luerint*, lisez *vi luerint*. Et en la mesme pa.  
ligne 22. au lieu de *contenoient*, lisez  
*contemploient*.

Chap. 20. pag. 140. ligne 9. au lieu de *in*  
*minima genti*, lisez *in munia genti*.

Au mesme chapitre pag. 142. lign. 13. au  
lieu de *assistent*, lisez *assiste*.

Chap. 21. page 149. ligne 16. au lieu de  
*Mellificas*, lisez *Mellificis*.

Chap. 28. pag. 195. lig. 14. au lieu de *infr-*  
*mant*, lisez *informant*.

Au mesme chapitre page 197. ligne 5. au  
lieu de *anglos*, lisez *gladios*.

Chap. 29. pag. 205. lig. penultième au lieu  
de ce vers,

Iamais aultre que nos Peres ne l'ont veu,  
lisez Iamais aultre qu'il n'est nos Peres ne  
l'ont veu.

Chap. 31. pag. 222. lig. 9. fault oster, que les,  
& en la mesme ligne fault adiouter a-  
pres le mot guerre, qui,

Au mesme chapitre pag. 221. lign. 4. lisez,  
*Est vlubris animus si te non deficit æquus,*  
*Numquam visus populis impune comætes.*

Chap. 34. page 230. ligne 24. apres ces  
mots discret Philosophe, fault lire & ad-  
iouter Egniarde.

Au mesme chapitre pag. 231. ligne 22. après  
ces mots




*Faultes suruenues à l'impression.*


ces mots, tant au ciel, fault lire & ad-  
iouster, qu'en la terre.

Au mesme chapitre page 237. lig. 3. apres  
le mot, encores, fault adiouster & lire  
possesseurs.


Chap. 36. pag. 255. lign. 9. au lieu de Ar-  
rius, fault lire Ærius.


S 4





















1201  
095

